

# ادبیات‌شناسلیق

تألیف:

دکتر جواد هیئت

ویژه‌نامه

وارلیق

۲۰۰ صفحه

قیمت: ۳۵۰ تومان

تهران - اسفند ۱۳۷۴

اولو تانری نین آدیله

## ادیات شناسلیق

ادیات نظریه لری، ادبی تنقید، ادبی مکتبلر،  
ادبی نوعلر و بدیع صنعت

ادبیات شناسلیق

ویژه نامه مجله وارلیق

دکتر جواد هیئت

حروفچینی: بهروز، چاپ: چاپخانه خواجه،  
چاپ اول اسفند ۱۳۷۴، تیراژ: ۲۰۰۰ نسخه  
مجله وارلیق - نهران، خیابان فلسطین شمالی،  
ساختمان ۱۵۱، طبقه دوم، تلفن: ۶۴۶۶۳۶۶

## ايچىندە كىلر مندرجات

- بىرنىچە سۆز: پروفىسور حمىد محمدزادە  
گىرىش: دوكتور جواد ھىت
- ۱۳  
۱۷
- ۲۱ - ادىيات نظرىەلرى
- ۲۱ - ادىيات نە دىر، نە ايشە يارار
- ۲۳ الف: عكس ائندىرمە نظرىەسى
- ۲۵ - ادىياتىن: ايشى....
- ۲۵ - عكس ائندىرمە نظرىەسى ۱۹ - جوعىردن سونرا...
- ۲۶ - مار كسىست صنعت گۆروشو...
- ۱ - مار كس، انگلس و بلخانووون فىكرلرىنە دايانان گۆروشلىر.
- ۲ - روسىەدە كومونىست پارتىسى نىن ۱۹۳۴ دە تىبىت ائندىگى اجتماعى رئالىزم.
- ۲۷ - اجتماعى رئالىزم
- ۲۹ - ادىياتىن ايشى
- ۳۰ ب: ايفادە نظرىەسى
- ۳۲ - صنعت و علم
- ۳۳ - اۆخوجويا نقلى اساس گۆرەن ايفادە چىلىك

- ۳۴ پ: فورمالیزم یا شکیلچیلیک
- ۳۵ - استرؤکتورالیزم یا قورولوشچولوق
- ۳۸ ت: اوخوجونو مرکز قرار وئرن نظریه لر:
- ۳۸ ۱- ریچاردین نظریه سی: حسی تأثیر
- ۳۹ ۲- ادراک Reception نظریه سی
- ۴۰ - ادبیات و حقیقت
- ۴۱ - الهام یولیه
- ۴۲ - ادبیات حقیقه صادق دیر
- ۴۳ - اینام مسئله سی
- ۴۴ - ادبیاتین تعریفی
- ۴۷ ۲- ادبی تنقید:
- ۴۷ - ادبی تنقیدین تعریفی
- ۴۹ ۱- اخلاقی تنقید
- ۵۰ ۲- اجتماعی تنقید
- ۵۱ ۳- مارکسیست تنقید
- ۵۲ ۴- پسیکولوژیک تنقید
- ۵۴ ۵- پسیکوآنالیز و تنقید
- ۵۴ - جذبه Extase
- ۵۵ - الهام Inspiration
- ۵۵ ۶- فرؤیدون صنعت نظریه سی
- ۵۶ ۷- تاریخی تنقید
- ۵۷ ۸- تجربی تنقید و یا علمی تنقید
- ۵۹ ۹- فنی تنقید
- ۶۰ - شعرین تنقیحی (آفتوریزه ائتمک)
- ۶۰ - لفظ تنقیدی
- ۶۱ - ضرورت و جواز (امکان)
- ۶۱ - معنا تنقیدی

- ۶۱ - ۱۰ - ادبای تدا شکل - محتوا مسئله سی، یئنی تنقید
- ۶۴ - ۱۱ - آرکه تیپ چی تنقید
- ۶۶ - استه تیک حؤ کم لر (قضاوت)
- ۶۶ - عینی حؤ کم لر
- ۶۷ - ذهنی حؤ کم لر
- ۶۸ نتیجه
- ۷۰ ادبی تنقید مسئله لری:
- ۷۰ - منسو بیت مسئله سی
- ۷۱ - متین تصحیحی
- ۷۲ - سرقت (اؤغورلوق) و تواؤد
- ۷۳ - نفوذ و تاثیر مسئله سی
- ۷۴ - تقلید و اقتباس
- ۷۴ - موازنه و مقایسه مسئله سی
- ۷۵ - تطبیقی ادبیات: بین الخلق ادبی تاثیر و علاقه لر
- ۸۷ ۳- ادبی مکتبلر:
- ۸۷ - تعریف
- ۸۷ هوما بیزم
- ۸۸ کلاسبزم
- ۹۱ روما نئبزم
- ۹۲ - روما نئبزمین ادبی گؤروشلری
- ۹۵ - آذربایجاندا روما نئبزم جریانی
- ۹۷ رئالیزم مکتبی
- ۹۹ - روسیه ده رئالیزم
- ۱۰۰ - آذربایجاندا رئالیزم جریانی
- ۱۰۱ - معارفچی رئالیزم - تنقیدی رئالیزم
- ۱۰۳ - اجتماعی رئالیزم یا سوسیالیست رئالیزمی
- ۱۰۶ ناتورالیزم جریانی

- ۱۰۸ بارناس مکتبی و صنعت اوچون صنعت گۆروشو
- ۱۱۰ سمبولیسم جریانی
- ۱۱۵ ۲۰ - جی عصرده ادبی جریانلار:
- ۱۱۶ - سۆررئالیسم
- ۱۱۸ - امپرسیونیسم
- ۱۱۸ - کوبیزم
- ۱۱۹ - فۆتوریزم
- ۱۱۹ - دادائیزم
- ۱۲۰ - سۆررئالیزمین اساسلاری
- ۱۲۴ - اگریستانسیالیزم
- ۱۲۹ - میلچکلر
- ۱۳۳ ۴ - ادبی نوعلر:
- ۱۳۳ - تعریف
- ۱۳۴ الف: ادبی نثر و نوعلری:
- ۱۳۴ - درام یا تئاتر، رومان، حکایه، ...
- ۱۳۵ درام - تئاتر:
- ۱۳۷ - درام اثرلرینین نوعلری، تراژدی، کومئدی، درام.
- ۱۳۷ تراژدی:
- ۱۳۸ - تراژدی نین قایدالاری
- ۱۴۰ کومئدی:
- ۱۴۰ - موضوع، محیط، آداملار، (صورتلر)، اوسلوب، مقصد
- ۱۴۱ - کومئدی نین چنشیدلری
- ۱۴۲ درام:
- ۱۴۲ - موضوع، آداملار، محیط، مقصد
- ۱۴۳ رومان و نوعلری:
- ۱۴۳ رومان:
- ۱۴۵ ۱ - تاریخی رومان

- ۱۴۶ - ۲ - ماجرا رومانی
- ۱۴۷ - ۳ - پونیس رومانلاری Detective
- ۱۴۷ - ۴ - اگزوتیک رومان
- ۱۴۷ - ۵ - اجتماعی رومان
- ۱۴۹ - ۶ - تحلیل رومانلاری
- ۱۵۰ - ۷ - فلسفی رومان
- ۱۵۰ باسینیا (تمثیل)
- ۱۵۰ حکایه
- ۱۵۱ نوونل
- ۱۵۱ بووست
- ۱۵۱ اوچترک
- ۱۵۱ ب: نظم (شعر):
- ۱۵۱ - تعریف
- ۱۵۳ - شعرین شکلی: شکیل، قافیه، وزن، شعرین دیلی.
- ۱۵۳ - غزل
- ۱۵۵ - قصیده
- ۱۵۵ - قطعه
- ۱۵۵ - ترکیب بند
- ۱۵۶ - ترجیع بند
- ۱۵۶ - رباعی
- ۱۵۶ - تویوق
- ۱۵۷ - مثنوی
- ۱۵۷ - مُسمط
- ۱۵۸ - مستزاد
- ۱۵۹ قافیه:
- ۱۶۰ - آسونانس
- ۱۶۰ - جناس
- ۱۶۰ - ردیف



- ۱۶۱ - آلیتراسیون
- ۱۶۲ - وزن:
- ۱۶۲ - هجا وزنی
- ۱۶۳ - هجا وزنی نین قایدالاری
- ۱۶۴ - هجا قالیلاری
- ۱۶۴ - عروض وزنی
- ۱۶۷ - عروض قالیلاری: هَزَج بحری، رَمَل بحری، رَجَز بحری، مُتقارب بحری، مُضارع بحری، مُجَنَّتْ بحری، خفیف بحری، مُنَسَّرِح بحری، سَرِیح بحری، کامل بحری.
- ۱۷۴ ج: آزاد شعر (سربست شعر):
- ۱۷۶ - شعرین محتواسی
- ۱۷۶ - تنم - آنافیکر (موضوع): عشق، قهرمانلیق، طبیعت، جمعیت، دوشونجه تئمی.
- ۱۷۹ ۵- ادبی بدیعی اثرلرین دلیلی
- ۱۸۰ بدیعی صنعت واسیطه لری
- ۱۸۰ - ادبی بدیعی دیلین خصوصیتلری
- ۱۸۰ بدیعی صنعت واسیطه لری
- ۱۸۱ ۱- لفظ گۆزه للیگی اوجون ایشله نن بدیعی صنعت واسیطه لری:
- ۱۸۱ - سجع، لف و نشر، جناس، تضمین، مُلُون.
- ۱۸۳ ۲- مضمون گۆزه للیگی اوجون ایشله نن بدیعی صنعت واسیطه لری:
- ۱۸۳ - مجاز
- ۱۸۳ - تشبیه یا بنزه تمه
- ۱۸۴ - استعاره (متافؤرا)
- ۱۸۵ - سمبؤل
- ۱۸۵ - تمثیل - رمز (آللنگؤریا)
- ۱۸۶ - کنایه
- ۱۸۷ - تعریض
- ۱۸۷ - مبالغه: هیبر بؤلا

- ۱۸۷ - تصغير
- ۱۸۷ - رجوع
- ۱۸۸ - تکریر یا پاراللیزم
- ۱۸۹ - انورسیون
- ۱۸۹ - سهل و مُمتنع و حُسن تعلیل
- ۱۸۹ - حُسن تعلیل
- ۱۸۹ - تلمیح
- ۱۹۰ - ترصیح
- ۱۹۰ - التزام
- ۱۹۰ - ردّالعجز علی الصدر
- ۱۹۰ - تشخیص و انطاق
- ۱۹۱ - تنسیق الصفات
- ۱۹۱ - اشتقاق
- ۱۹۱ - سئوال
- ۱۹۱ - خطاب و ندا
- ۱۹۱ - ایماله و زحاف
- ۱۹۲ - تضاد
- ۱۹۲ - بدیع تعین (ابیت)
- ۱۹۲ - ایهام
- ۱۹۲ - مراعات النظیر
- ۱۹۳ - سۇن سۇز: گۆنوموزده ادبیات
- ۱۹۷ قایناق‌لار



## بیرنئچه سۆز

ایران اسلام انقلابی نین غلبه سی برکتیندن سون ایللرده آذربایجان دیلینده مطبوعات، علمی-ادبی اثرلر، آذری تورکجه سی نین صرفی و نحوی، ایضاحلی لغتی، تورکی-فارسی، فارسی-تورکی سۆزلوکلر، آذربایجان ادبیاتی تاریخی و سایر اثرلرین نشری آنادیللی ادبیات ین سرعتلی انکشافینی گؤستریر. شاعیرلریمیزین و ادیبلریمیزین بوساحه ده دگرلی خدمتلی گؤز قاباغیندا دیر. خلق ناغیللاری و داستانلاری نین توپلانماسی شفاهی ادبیاتین، خصوصیه آتالار سۆزلری، مثلر، بایاتلار، عاشیق شعرلرینین علمی شکیلده مختلف بؤلگه لرده توپلانیب نشر اندیلمه سی، حکایه، زؤمان، شعرلر مجموعه لری، نمایشنامه لرین چاپ اندیلمه سی، آنادیلینده درسلیکلرین تجدید چاپی، تنقید و بیلیوگرافیا ساحه سینده مقاله لر آذری تورکجه سینده ادبیات نظریه سی کیمی مرجع بیر اثرین یارانماسی ضرورتینی قارشیا قویموشدور.

«وارلیق» درگیسینده بوساحه ده معین ایشلر گؤرولموشدور، لاکین منتظم و منسجم بیر وساطتین اولماسی لزومی هر آدیمدا اؤزونو گؤستریردی. یئری گلیمیشکن قید ائتمه لی بیک کی، «وارلیق» درگیسی اؤز اطرافیندا متعهد قلم صاحبیلرینی توپلاماقلا برابر، یازارلارین یئنی نسلینی حاضیرلاماق کیمی شرفلی بیر وظیفه نی یئرینه یئتیرمک له بیرسیرادا، ادبیاتشناسلیق و ادبی تنقیدین ده گؤزه ل نمونه لرینی وئرمیشدیر. ادبی دیرچلمه نین معین انکشاف مرحله لرینی کئچدیک دن سونرا ادبیات نظریه سی نین ییغجام شکیلده اولسا بئله، یارانماسی طبیعی و قانونا

اویغون ایدی.

دوقتور جواد هیئت آذربایجان دیلی و ادبیاتی اؤز رینده اؤزون ایلر دن بری یؤورولمادان چالیشیر. «تور کلرین تاریخ و فرهنگینه بیر باخیش»، «آذربایجان شفاهی خلق ادبیاتی»، «آذربایجان ادبیات تاریخینه بیر باخیش» (۲ جلدده)، «مقایسه اللغتین» کیمی علمی اثرلری ایران تور کلری نین مختلف لهجه لری حقیقنده اهمیتلی آراشدیرمالاریندان سونرا حاضر کی ادبیات شناسلیق کتابینی ترتیب اندیب قلمه آلماقلا بو ساحه ده اولان بوشلوغو دولدور موشدور.

اسلام شرقینده عرب، فارس، تورک دیلرینده سؤز صنعتی، رساملیق و موسیقی یه عاید دگرلی نظری اثرلر یارانمیشدیر. کلاسیک شاعیرلر ده اؤز اثرلرینده سؤز صنعتی حقیقنده قیمتلی فیکرلر سؤیله میشلر. قرآن کریمین ایلاهی تعلیمیندن الهام آلان نظامی، فضولی کیمی شاعیرلرین اثرلرینده ادبیاتین بیرسیرا نظری مسئله لری اؤز حلینی تاپمیش دیر. مکتبلرده معانی، بیان، بدیع، فصاحت، بلاغت فلری نین تدریسی، بو ساحه ده چوخلو قابنا قلا رین گلیب الیمیزه چاتماسی بونا گؤزه ل ثبوت دور. شرق ادیلری نین بدیعی سؤز اوزرینده کی تدقیقا تلارینین اوبیکتی اساساً شعر اولموشدور، هم ده بو تدقیقا تلار مضموندان چوخ فؤرما اوزرینده آپار یلمیشدیر. خطیب تبریزی، رشیدالدین وطواط، نصرالدین طوسی، شمس الدین محمد قیس رازی، نجم الدین ابوبکر محمدابن علی راوندی، وحید تبریزی، علیشیر نوائی، حسین واعظ کاشفی، عبدالرحمن جامی و اونلارلا باشقا ادیلرین و تذکره چیلرین اثرلرینی خاطرلارماق اولار.

بو دا بیر گنرچکلیک دیر کی، سون عصرده، خصوصیله یاشا دیغیمیز دؤرده شعرده و نثرده بیرسیرا یئنی نوعلر و اوسلوبلار مئیدانا گلیمیشدیر کی، ادبیات شناسلیق اونلاری دا نظری باخیمدان تدقیق ائتمه لیدیر. مثال اوجون شعر ساحه سینده عروض علمی هر طرفلی انکشاف ائدیگی حالدا هجا وزینده اولان شعریمیز حقیقنده آختا ریشلاریمیز محدود دور، سربست شعرده عصریمیزین محصولودور، ایندی بو چئشید شعرده ادبیاتیمیزدا وطنداشلیق حقوقو قازانمیش، اونون بیرسیرا گؤزه ل نمونه لری یارانمیشدیر. نثر ساحه سینده یئنی تبیلی حکایه، پؤوست، نؤول و رومان مئیدانا گلیمیشدیر، ادبی تنقیدین معاصر شکلی یارانمیشدیر. درام اثرلری، منظوم و منثور پیئسلر بدیعی ادبیاتیمیزی زنگین لشدیرمیشدیر. ادبیات شناسلیغیمیز بونلارین حقیقنده آراشدیرمالار آپاریب نظری فیکرلرینی سؤیله مه لیدیر. ایندی غرب و شرق ادبیاتلاریندا رئالیزم، تنقیدی رئالیزم، اجتماعی رئالیزم، سیموولیزم فوتوریزم، سوررئالیزم، دادائیزم، اگزستانسالیزم و س.

کیمی ادبی مکتبلر و ادبی جریانلار مئیدانا گلیمیشدیر و هر بیرى اؤز اوسلوبوندا معین اثرلر یاراتمیشدیر. البته، بو مکتبلرین و جریانلارین هامیسی بیزیم ادبیاتدا ظهور ائتمه میشدیر. هر حالدا اونلارین حقینده معین معلومات الده ائتمک فایدا سیزد گیل، خصوصیه غرب ادبیاتلاریندان اولونان ترجمه لر بو احتیاجی داها دا آرتیریر.

بو کتاب گنیش اوخوجو کوتله سی اوچون نظره آئیندیغیندان ادبیات شناسلیق، ادبیات نظریه لری، ادبی تنقید و اونون نوعلری، تطبیقی ادبیات، بین الخلق ادبی تاثیر و ادبی علاقه لر، ادبی مکتبلر، آذربایجاندا رئالیزم جریانى، ۲۰ - جى عصرده ادبی جریانلار، ادبی نوعلر، قافیه، وزن، عروض، هجا و زنى، سربست شعر، ادبی بدیعی اثرلرین دیلی، بدیعی صنعت و اسیطه لری حقینده ضروری اولان قیسا معلومات و ثریر و هئج ده هر طرفلی بیلک و ثرمک ادعاسیندا د گیل. مؤلف اؤزو بو باره ده یازیر: «ادبیات و ادبیات شناسلیغین علمی لیگی و خلقی - لیگی اونون عمومی مقیاسدان آسان و ساده شکیلده اؤگرنمه سینی گره کدیریر. بونون اوچون گنیش اختصاص کتابلارینا احتیاج اولدوغو کیمی، ساده اوسلوبلا یازیلیمیش بیغجام کتابلاردا لزوم واردیر... ادبیات ساحه سینده بئله کتابلار یوخ قدر آزدیر. من بئله بیر دوشونجه ایله بو ادبیات شناسلیق کتابینی حاضرلادیم و ایکی مین صحیفه لیک مطلبی ایکی یوز صحیفه ده و ثرمگه، هم ده آچیق و ساده بیرا و سلوبلا یازماغا چالیشدیم» (گیریش).

مؤلف ادبی مکتبلری و ادبی جریانلاری شرح ائدرکن یئری گلدی کجه آذربایجان ادبیاتیندان موافق مثاللار گتیرمکله، ائله جه ده آدلاری چکیلن اثرلر و مؤلفلر حقینده قیسا ایضاحلار و ثرمکله اوخوجونون ایشینی آسانلاشدیرمیش، هم ده اثرین علمی دگرینی آرتیدر میشدیر.

ادبیات شناسلیق موضوعوندا یازیلیمیش بو اثر دوقتور جواد هیئت ین آذربایجان ادبیاتی نین تبلیغی و اؤگرنیمه سی یولوندا آتدیغی یئنی، نا ئیلتلی آدیم دیر، بو کیمی نجیب تشبئله اونا اوغوزلار آرزولایریق.

دوقتور حمید محمدزاده

۱۳۷۴/۶/۵



## گىرىش

الينيزه آلدېغىنيز بو كىچىك حجملى كىتاب ادبىياتشناسلىق علمى نىن يىغىجام بىر خلاصه سى دىر. بو كىتاب ايران اسلام انقلابى نىن گىردىگى دىل - مدنيت آزادلىغى نىن ايشىغىدا يازىلىپ چاپ اۆزۈ گۆرمۈش دور، بۇنونلا دىل - ادبىيات، تارىخ و بىر سۆزلە مدنيتىمىز حقىندە يازدىغىمىز اثرلرىن يىددىنچىسى چاپ و نشر اۆلۈنما قدادىر.

بۇ گون ادبىياتشناسلىق طب علمى كىمى گىنىشلە مىش، مختلف ساحە وقۇللارا آيرىلمىش و بۇ قۇللارنى هر بىرى بىر اختصاص شعبە سىنە چنور يلمىشىدىر.

چاغىمىزدا ادبىياتشناسلىق انسانى علملرىن بىر شعبە سى اۆلدوغو حالدا دىگر مثبت علملر كىمى اۆزۈنە مخصوص تعليمى، دىداكتىك و آراشدىرما متۇدلارىنا و مُشخص قانون - قايدالارا مالىك دىر. ادبىياتشناسلىغىن مختلف شعبەلرى: ادبىيات نظرىه لرى، ادبى تنقىد، ادبىيات تارىخى، ادبى مکتبلر، ادبى نوعلر و بدىع علمى و تطبىقى ادبىيات هر بىرى بىر اختصاص شعبە سى اۆلسا دا ادبىياتىن بىر دە عمومى طرفى واردىر. ادبىيات انسانلارنى روحى غذاسى دىر. هر كس جىسمىنى بسله مگه مادى غذا يا محتاج اۆلدوغو كىمى روحونو دا غذا لاندىرىپ انكشاف ائندىر مگ اوچون ادبىياتا احتىياجى واردىر. ادبىيات بىر علم و اختصاص شعبە سى اولدوغو قدر خلقه هله اۆخوموش صىنىفا و اجتماعى - مىلى مسئله لرله ماراقلانان و خلقىنە و اۆنون گىچمىشىنە باغلى اولان و گلە جه گىندن اۆزۈنو مسئول تۇتان ضىياللارلا فايدالى و حتا لزوملو بىر مکتب دىر. ادبىيات اىلك اۆنجه خلقىن مالى و



محصولودور، ادبیاتی بیز ضیالیلار دگیل خلقیمیز یاراتمیشدیر. بیز ضیالیلار سؤنرادان خلقین یاراتدیغی ادبیاتا صاحب چیخمشیق و اونو یازیا کؤچورمک له انکشاف ائتدیریب یازیلی ادبیات آدیله اؤزوموزه مال ائتمیشیک. بۇگۆن یازیلی ادبیات گۆرۆنۆشده تامامله شفاهی خلق ادبیاتیندان آیریلیمیش اولسا دا کؤکونا باغلی دیر و هر زامان اولدوغو کیمی بۇگۆن ده الهامینی و قابناعینی اوندان آلماقدا دیر. اساساً خلقه دایانمایان و اؤندان الهام آلمایان ادبیات تصور ائتمک مۆمکون مو؟ منجه مۆمکون اولسا دا بیر قیمت ایفاده ائتمز و اؤزون زامان دا یاشا- بیلیم.

دئمه لی ادبیات بیر علم کیمی متخصص لری علاقه دار ائتسه ده بیر روحی، اجتماعی- ملی غذا کیمی هامینی هله ضیالیلاری مارقلا ندیریر.

ادبیات انسانلارا انسانلیق شعورو و جمعیتلره ملی شعور آشیلار و اؤنلاری بیر لیگه، برابر لیگه، دوستلوغا و بیر- بیرینی سئومگه تشویق ائدر.

ادبیات و ادبیات شناسلیغین علمی لیگی و خلقی لیگی اؤنون عمومی مقیاسدان آسان و ساده شکینده اؤگر نمه سینی گره کدیریر. بونون اوچون گئنیش اختصاص کتابلارینا احتیاج اولدوغو کیمی، ساده اؤسلوبلا یازیلیمیش ییغجام کتابلاردا لزوم وار دیر.

فرانسه ده ... Que Sai'je de ... نه بیلبره م (فلان موضوعدان) کتابلار مجموعه سی یالنیز ادبیات ساحه سینده دگیل بیر چوخ علم قۇللاریندا بو احتیاجی قارشیلایمیشدیر.

طب ساحه سینده ییغجام شکیلده یازیلیمیش حتا بۆتون طبی و یا جراحیینی احتوا ائدن کتابلار چوخ دور. بو کتابلار طب طلبه لرینه هم اؤگر نئمک باخیمیندان کؤمک ائدر هم ده امتحانلاردا ایشلرینه یارار.

ادبیات ساحه سینده بئله کتابلار یوخ قدر آزدیر. من بئله بیر دۆشونجه ایله بو ادبیات شناسلیق کتابینی حاضرلادیم و ایکی مین صحیفه لیک مطلبی ایکی یۆز صحیفه ده وئرمگه، هم ده آچیق و ساده بیر اؤسلوبلا بازماغا چالیشدیم. بو کتابی حاضرلار کن هم ادبیات شناسلیق طلبه لرینی هم ده آمانؤر مارقلی ضیالیلاریمیزی نظرده توتدوم.

بۇ کتابدا ادبیات نظریه نری، ادبی تنقید، ادبی مکتبلر، ادبی نوعلر و بدیع صنعت واسیطه لری ییغجام شکیلده ایضاح ائدیلمیشدیر.

ادبیات تاریخی و شفاهی خلق ادبیاتیمیز داها اول آیری- آیری کتابلار شکیلینده طرفیمزدن نشر ائدیلدیگی اوچون بورادا اختصار ائدیلمیشدیر.

ادبیات شناسلیغین اساس شعبه لرینی تشکیل ائدن بو بئش ساحه ییغجام فقط غرب دونیا سیندا

اۆلدوغو كيمي هر طرفلى و عيىنى زاماندا طرفسىز و اۆبژكتيو بير مئود و اؤسلوبلا ايضاح انديلميشدير. مثلاً ادبى نظريه لرى ايضاح ائدر كن عكس انديرمه نظريه سى نين مختلف شكيللىرى، ايفاده نظريه سى و اوخوجويا نقللى اساس گۆره ن ايفاده چيلىك فؤرماليزم يا شكيلچيلىك، استرؤكتوراليزم (قورولوشجولوق)، اؤخوجونو مركز قرار وئرن نظريه لر و بالاخره ادبياتين گئرجكلىك و حقيقتله علاقه سى و اونون تعريفى باره ده دخى ايضاحات وئريلميشدير.

هابئله ادبى مکتبلر فصلينده هومانيزم، كلاسيزم، رومانتيزم، رئاليزم، ناتوراليزم، كۆبيزم، فؤتوريزم، سؤررئاليزم و تنقيدى و اجتماعى رئاليزم و بالاخره انگريستانسياليزم مکتبلرى ده ايضاح انديلميش دير.

ادبياتشئناسليغين هر بير قؤلوندا علمى ايضاحاتلا ياناشى مناسب مثاللاردا وئريلميش و مثاللارى سئچر كن آذربايجانلى شاعير و يازيچى لارين ياراديجيلىقلاريندان نمونه لر وئرمگه دقت انديلميشدير.

البته كى بو كتاب قصورسوز دگيلدير. هله ايلك تجربه ميز اولدوغو اوچون بعضى يئترسيز طرفلرى ده اولاييلر. قيمتلى ادبياتشئناسلاريميز دان كتابيميزدا هر هانسى بير قصور، يئتمزليگه راسلاد يققلارى زامان بونو ديل و ادبياتيميزين وۇرغونو اولان آما تور مؤلفى نين حسابينا خوش گؤروب يازيلاريله بيزى ارشاد ائتمه لريني گؤزله ييريك. بو كتاب ادبياتشئناسلىق طلبه لرينه و ادبيات ماراقللى ضياليلاريميزا ادبياتشئناسلىق باره ده ينجام معلومات وئرمك اوميديله چوخ امك صرف ائدر ك حاضيرلانميش و يازيلميشدير. مؤلفين بيرتك آرزوسو اوخوجولاريميزا بو امكانى وئرمك و فايدهالى اولماقدير. مؤلف بو آرزوسونا چارتارسا اؤزونو خوشبخت و بختيار ساياجاقدير.

دوقتور جواد هيئت

۱۳۷۴/۶/۱



## ادبیات نظریه لری

ادبیات نه دیر، نه ایشه بارار

ادبیات شناسنیق ادب علمی دئمکدیر. ادب سوزونون عرب دیلیده ادبیاتدان باشقا معنالاری دا واردیر: یاخشى اخلاق، تربیه، نزاکت، خجالت، اصول، قاعده و سایره. ادبیات کلمه سینی بۇگۆنکو معنادا ایلك دفعه استانبول دانتظیمات جریانی (۱۸۲۹) اۇنجو (پیشرو) لریندن شناسی ایشلتیمیش و اونون حقیقنده بئله دئمیشدیر: ادبیات ائله بیر معرفت دیر کی انسانلارا تربیه و اخلاق اۇیره در، اونا گۆره بۇ معرفته ادب و اۇنا منسوب اۇلانلارادا ادیب دئمیشلر<sup>۱</sup>. غرب دیللیرىنده لیتراتور<sup>۲</sup> (Litterature) سوزو لانتینجه گۆزه ل یازی معناسینی وئرن لیتره (Litterae) دن تۆره میس دیر. ائله بۇنا گۆره ادبیاتی بئنه تعریف ائده بیله ریک: ادبیات دۆشونجه، دۇیغو و خیاللارین سوز و یازیله گۆزه ل و تاثیرلی بیر شکیلده ایفاده صنعتی دیر. ادبیات گۆزه ل صنعتلرین بئش قۇلۇندان بیرى دیر. گۆزه للیک موضوعونون ایفاده سینی مقصد قرار وئرن بۇ بئش گۆزه ل و یا اینجه صنعت بۇنلاردان عبارتدیر: موسیقی، رسم، معمارلیق، هیکلتراشلیق و ادبیات. ادبیات شناسلیق اۆچ شعبه یه بۇلۇنور: ۱- ادبیات نظریه سی ۲- ادبیات تاریخی ۳- ادبی تقید.

۱- تورک ادساتی - احمد قاقلی - استانبول - ۱۹۶۷ - جلد ۱.

۲- معس سرعلم شعه سینده نازیمیش اثرلره ده لیتراتور دئییرلر. مثلاً: صب لیتراتور.

ادبیات تاریخی باره ده یازدیغیمیز مقاله لر ایکی جلد کتابدا (آذربایجان ادبیات تاریخینه بیر باخیش - تهران ۱۳۵۹ و ۱۳۶۸) باسیلیب یا ییلمیشدیر. بۇ مقاله لریمیزده ادبیات نظریه لری و ادبی تنقید و ادبی مکتبلر حقیقده قیسا و ییغجام شکیلده ایضاحات و ثره جه بیک.

ادبیات، ادبی اثرلرین تۇپلۇسو دۇر. ادبی اثر: گۇزەل بیر اۇسلوبلا میدانا گتیریلیمیش سۇزلو (شفاھی) و یازیلی اثرلره ادبی اثر دئییلیر. بۇنلارین اۇز نوعلریندن یئتگین (کامل) اۇلوب، دۇرۇنو تمثیل ائدن و ابدیلەشن اۇرنکلرینه شاه اثر دئییلیر.

هر ملت و یاداها دۇغۇسو، هر ائللین اۇزۇنه مخصوص ادبیاتی وار دیر کی، تاریخ بۇیو تشکول ائتمیش و اۇخلقین ذوقی و فیکری میراثی دیر.

ادبیات اسکتی زامانلاردا یالیز شعره دئییلریمیش. اسکی یونان دا بونا Poetica = شعر دئیمیشلر. عزبلر ده بنی امیه زامانینا قدر ادیب اۇ آداما دئییر میشلر کی، شعر سۇیله سین و قیبه نین گنجیمیشده کی قهرمانلیقلارینی، غالیترینی و اصل و نسبینی تعریف ائستین. اما سۇنرادان ثر و ادبیاتین باشقا نوعلری ده ظهور ائتمیش و ادبیات زامانلا انکشاف ائتمیش و بۇ گۇنکو حالینی آلمیشدیر.

ادبیات اۇچ عنصر دن تشکول ائدر: فیکر، دۇیغو، ایفاده و یا تصویر. یازیچی فکر و یا دۇیغولارینی بدیعی و گۇزەل ایفاده ایله اۇخوجویا چا تدرمالی و اۇندا یاراتدیغی مارق و لذتله یاناشی فکرلرینی و دۇیغولارینی نقل ائدیرمه لیدیر. ادبیاتی مختلف فکر آداملاری مختلف شکیلده تعریف ائتمیشلر: ادبیات سۇز صنعتی اۇلماقلا یاناشی وارلیغی صورتلرله عکس ائدیریر، ادبیات حیاتی آیناسی و انساندا بدیعی هیجان اۇیادان بیر صنعت دیر.

مارکسیستلره گۇره ادبیات بیر چئشید ایدئولوژی و صنفی مبارزه نین کسکین سلاحی دیر. یازیچی حیاتی عکس ائدیرمکله کفایت لنمه ییب، اۇنو دگیشدیرمک ایشینده ده مهم رۇل اۇیناییر.

مشهور فرانسیز اگزریستانسیالیست فیلسوفو ژان پۇل سارتره گۇره «ادبیاتین مقصدی مبارزه دیر، بیلک و آزادلیغی اله گتیرمک اوچون»، ادبیات و صنعت اولماسا دونیانین

۱ - یازیچی نین دۇیغو و دۇشونجه لرینه، هیجانلارینا و نردیگی ان گۇزەل سۇز شکلی دیر. بیر یازیچی نین اۇسلوبو، دۇیغو، دۇشونجه و سۇزلری سئچیب جمله لر قۇرماغیندان، اۇنلارین اۇزونلوق و قیسالیغی ندان، مجازلی و یا ساده یازماغیندان، مزاح ایشله دیب و یا چوخ جدی اۇلماغیندان وداها باشقا علامتلردن آنلاشیلار. ادبی نوع و مکتبلرین اۇسلوب لاری فرقلی اۇلدۇغو حالدا هر کسین ده اۇزونه مخصوص اۇسلوبو واردیر.

معناسی اولماز.

ایندی ادبیات و صنعت نه دیر سئوالینا وئریلین جاوابلاری و یا جاواب وئرن نظریه لری بیر- بیر گۆزدن گنچیره ک.

بۇ مقاله لری یازمانی اوچون مختلف قایناقلاردان فایدالاندىغیمیز حالدا تصنیف باخیمیدان انگلیز تنقید چیسى پروفیسور برنا موران (Berna Moran) ین تصنیفینی بیر آزدگیشدیره رک اساس سنچدیک.

### الف: عکس ائتدیرمه نظریه سی:

۱- ادبیات بیر عکس ائتدیرمه، بنزه تمه یا دا تقلیددیر. صنعت اثرلری خصوصیه ادبیات، طبیعت، انسان و حیاتی عکس ائتدیرر. سانکی بیر آینا کیمی.

عکس ائتدیرمه نظریه سینى ایکی دؤره یه آیرمالی ییق، چونکی. م. ۱۸- جى عصرین اورتاسینا قدر بۇ نظریه لر ارسطونون مختلف تفسیرلری کیمی اله آلمیش، لاکین ۱۹- جو عصردن بۇيانا آیری بیر شکل آلمیشدیر. اونا گؤره اۇنجه بیرینجی دؤره ده عکس ائتدیرمه نظریه سی نین اؤچ شکلینى تدقیق ائتمه لی بیک.

۱- صنعت، گۆرونن دونیانی عکس ائتدیرر (یانسیدار):

بۇ نظریه یه گؤره صنعت گۆردؤیوموز دونیانی، بۇرادا کی انسانلاری و نسنه (شئی) لری ایندن گلدیگی قدر اۇنلارا صادق قالماق شرطیه عکس ائتدیرر. ناتۇرالیست اۇلان بۇ گۆرؤشه گؤره صنعتکار بیزه حیاتی و یا اۇنون بیر حصه سینى (بُعدونى) یا دا بیر مقطعینى (کستیینی) اۇلدۇغو کیمی عکس ائتدیرر. بئله بیر اثر گرچکلیگین (واقعیت) سطحی بیر کۇبیاسی و بنزه تمه سی دیر و قدیم یونان دا بۇ یایلمیش دیر. افلاطونودا چوخ باخیمدان بۇ نظریه نین تمیلچیسى سايارلار.

افلاطونا گؤره صنعت گۆرونن و دۇیولان (محسوس) دونیانی تقلیدی Mimesis و یا عکس ائتدیریلمه سی (انعکاسی) دیر. «دولت» و «ایون» ION دا آچقلا دیغینا گؤره ادبیات اؤگر تیجی (Didactic) اۇلابیلمز و گترچکلری (واقعیاتی) بیلدیره بیلمز. شاعیر لرده گترچک بیلگیه صاحب اولمایان بنزه تمه جى آداملاردیر.

افلاطون گۆزه للیگی تعادل، اۇلجو و تناسب ده بیلیر و ادبیاتی جامعه یه تاثیرى باخیمدان باخاندا، احساس و هیجانی تحریک ائله دیگی اؤچون ضررلی بیلیر. آنجاق سانسوره تابع اولورسا یارارلی و فایدالی اۇلابیلر- دئیر.

اما افلاطونون شاگردی اؤلان ارسطونون صنعت باره سینده فکری باشقا دیر و شعر Poetica آدلی اثرینده ادبیات نظریه سی باره ده بلله دئیر:

افلاطونون مثاللار (IDEA) دونیاسی حس، احساس دونیاسی دیر و بۇ دونیانی اۆلدوغو کیمی بیان ائتمک تاریخچی نین ایشی دیر. صنعتکار، افلاطونون ساندیغی کیمی بیزی گئرحکلیکدن (واقعیت) اوزاقلاشدیران، ساختا بیلگیلر وئرەن بیر آدم دگیل، بیزه حیاتی آچیقلایان بیر آدم دیر. ارسطو افلاطونون عکسینه ترازدی نین اخلاق باخیمیندان فایدالی اۆلدوغونا اینانیردی. دئمه لی ارسطو ادبیاتین هم بیلگی قازانديرماغینا هم ده فایدالی روحی تاثیرینه اشاره ائتمیشدیر.

غرب ده صنعتین عکس ائتدیرمه فکری رۇنسانس دان سۇنرا یئنی دن جانلاندى و کلاسیکلر (و یا نئو کلاسیکلر) ارسطونو ایزلر کن اۇنون گۇرۇشونو بیر نئچه شکیلده بۇرۇملادیلار. مثلاً:

۱- صنعت عمومی طبیعتین عکس ائتدیر بلمه سی دیر (یانستیلماسی)

۲- صنعت ایدئاللاشدیر بلمیش طبیعتین عکس ائتدیر بلمه سی دیر.

بۇرادا عمومی طبیعت دن مقصد گۇرونه نین آلتیندا کی گئرحکلیک دیر. بۇنلار طبیعت دئدیگده یالنیز جانسیز دونیانی و بیتگی (نبات)، حیوانلاری نظر ده تۇتمور، خصوصیه انسان طبیعتینی، داورانیشلاری (رفتار)، عنعنه و مدینتی دۇشونوردولر. انسان طبیعتی نى عکس ائتدیرمک اوچون اۇندا کی اۇرتاق خصوصیتلری عکس ائتدیرمک لازم دیر.

انسانلار آراسیندا اۇرتاق خصوصیتلری یعنی زامانا و مکانا تابع اولمایان عمومی طبیعتی موضوع سئچن یازچی ابدی شاه اثرلر یارادا بیلر (هۇمر، شکسیر، نظامی ... کیمی). صنعت ایدئالی عکس ائتدیرر، نظریه سینه گۇره صنعتکار ایسته دیگی کیمی دوزه لدیلیمیش یا ایدئاللاشدیر بلمیش طبیعتی عکس ائتدیرر. نئجه کی ارسطو شعر کتابیندا یازمیشدیر کی شاعیر، بیر شئی نئجه اولمالی دیر، ائله ده تصویر ائتمه لیدیر. رونسانس یازچیسی طبیعت ده چیر کینی یۇخ گۇزه لی سئچمه لی دیر، اونا گۇره طبیعتین دونیاسی برنج دندیرسه شاعیرین کی قیزیلدان دیر.

فرانسسوزلارین گۇزه ل طبیعت (La belle nature) آدلانیدیردیقلاری بو ایدئاللاشدیر بلمیش طبیعت یانیندا بیرده اخلاقی باخیمدان ایدئاللاشدیر بلمیش انسان و انسان علاقه لری واردیر.

رسام، یازیچی و شاعر طبیعتی گوردوگو کیمی یوخ اؤلماسی گره کدیگی کیمی چکر. رونسانس دا جانلانان بو نئوپلاتونیسست گوروش ایتالیادان فرانسه و انگلستانا گنچدی و ۱۸- جی عصره قده رداوام ائدی.

### ادبیاتین ایشی (Fonction):

ارسطو ادبیاتین انساندا بیلگی آرتیرماغینا و ترازدی نین اخلاق باخیمیندان فایدالی اولدوغونا اینا ئیدی.

هوراس (میلاددان اول ۸-۶۵ Horatius) صنعتین ذوق، لذت و ئرمک و اؤگرتمک تاثیر و اردیر- دئیردی.

رونسانس تنقیدچی و شاعر لریندن سرفیلیپ سیدنی دئیردی کی: صنعت عکس ائتدیرمک و مقصدی اکلندیره رک تریبه و ئرمکدیر.

انسانلارا دوزگون یاشاماغی اؤگره دن علملر آراسیندا ان اؤنملی (مهم) لری اخلاق فلسفه سی و تاریخ دیر، فقط فلسفه نظری اولدوغوا و چون بیرسیرا آبستراکت (انتزاعی) قاعده لر اؤگر دیر و قورۇلوغو اوزوندن ائله ده تاثیرلی اولماز. تاریخ گنرچک (Concrete) و جانلی دیر، اما ساحه سی داردیر و اؤلمالینی یوخ، آنجاق اؤلמוש اؤلانی ایضاح ائدر. ادبیات هر ایکسی نین ده قصورلو طرفلرینی تاماملار. چونکی حادثه لری اوزو یارادار و یاخشی به یاخشی، پیسه پیس مکافات و ئرر. ادبیات حادثه لری عینی (گنرچک) شکله قویار و فلسفی اخلاق قاعده لری نین قورۇلوغو اصلاح هم ده حادثه لری لازیم اولدوغو شکیلده تلقین ائدر. بونا گوره ده ادبیات تریبه و اخلاق درسی و ئرمک وسیله سی اولوب فضیلتلی یاشاماق یولونو گؤستریر. ادبی اثر ده عدالت اوز یئرینی تاہمالی دیر، گرچی حیاتدا بنله دگیل.

### الف: عکس ائتدیرمه نظریه سی ۱۹- جو عصر دن سونرا:

۱۹- جو عصرده ظهور ائدن رومان تیزم مکتبی نماینده لری کلاسیک لرین عکس ائتدیرمه (Reflexion) نظریه سینی یئترسیز گوردولر. اؤنلارا گوره ادبیات و ادبی اثرین ان مهم خصوصیتی دویغو (احساس) لاری ایفا ده ائتمه سی دیر. (Expression). او حالدا اثر خارج دونیانین بیر آیناسی یوخ صنعتکارین ایچ دونیاسینا، روحونا آچیلان بیر پنجره دیر- دئیلیر.

۱۹- جو عصرین اورتاسیندا بۇ مکتبه قارشى رئالیزم جریانی اورتا یا چیخدی. رئالیست لرده عکس ائتدیرمه نظریه سینا اینانیر و صنعت اثرینی بیر آینا یا بنزه دیرلر. (استئدال، بالزاک،



امبل زۇلا و فلۇبرت كىمى).

فرانسە رىئالىست لرى (زۇلا و فلۇبرت) دىئىبىر دىلەر كى يازىچى اۇز گۇردو كلرى و دۇيدوقلارنى (گۇزەل و ياچىر كىن) عىنبە يازمالى و يازىلارنىدا طرفسىز قالمالى دىر.

۱۹ - جو عصرىن اۇرتالارنىدا رىئالىسم روسبە دە آبرى بىر استقامت دە ظهور ائدىب انكشاف ائەلە دى. روسبە رىئالىزمىنى تمثىل ائەنلەر آراسىندا تۇلستوى، چخوف و گورگى كىمى بۇيوك يازىچىلارى و بئلىنسكى، چىرنىشئوسكى كىمى جمعەت اىلە علاقه دار رىئالىست تىقىدچىلرى ذكر ائتمە لى بىك. چىرنىشئوسكى يە گۇرە رىئالىست يازىچى حىياتى عكس ائىدىرە لى دىر. اما طرفسىز قالما مالىدىر. يازىچى گىئىرچك حىياتدان مەم اولانلارى سىچىر و اۇنلارى عكس ائىدىرەر. اۇ اجتماعى گىئىرچكلىكلرى عكس ائىدىرەمكە ياناشى اۇنلارى آچىقلار، اىضاح اندر و اۇنلار بارە دە حكىم وئىر.

چىرنىشئوسكى، دۇبىرۇلۇبوف و بئلىنسكى كىمى تىقىدچىلر انقلابى و اجتماعى موقەلرىنە گۇرە ماركسىست لر طرفىندىن تصدىق و تايىد اۇلوندولار. بونلار بىن صنعت گۇرۇش سۇنرادان اجتماعى رىئالىزم (سوسىيالىست رىئالىزم) دە يئنى دن ايشلىنىشىدىر.

### ماركسىست صنعت گۇرۇش:

ماركسىست صنعتى تىقىق ائدر كىن اىكى مرحلە يە آبرماق لازىم دىر:

- ۱- ماركس - انگلس و بلخانوفون فىكەرلرىنە داىبانان گۇرۇشلر.
- ۲- روسىيادا كومونىست پارتى سى نىن ۱۹۳۴- دە تىتىت ائىدىگى و حكومت برنامە سى كىمى اعلان ائەلە دىگى و اجتماعى رىئالىزم آدلانىدىرىغى گۇرۇش.

ماركس صنعتى اقتصادى قۇرۇلوشا باغلاما قلابىر اۆست قۇروم (اخلاق، حقوق و دىنى گۇرۇشلر كىمى) و ادبىياتى دا ايدئولوژى نىن بىر نوعى كىمى قبول ائدىر و ادبىيات اثرىنى صنف (طبقه) منفعەلرىنى دىلە گىتەرەن بىر ايدئولوژى و صنفى مبارزە اوچون بىر سلاح كىمى قبول ائىدىردى.

ماركسىست استە تىگىنى سىستىملىشىدىرە يۇلوندا ماركس و انگلسى اىزلە بىن پلخانف، ترۇتسكى و لۇنا چارسكى كىمى فىكەر آدمالارى، صنعت مسئلە لرىنە ماركسىست باخىشدان ياناشىب فىكەرلرىنى بئلە بيان ائتمىشلر.

پلخانوف گۇرە صنعتىن كۇكو ايش دىر. اۇنماق (رقص)، رساملىق و شعر، اىلك انسان جامعه لرىندە معاشى تامىن ائتمك يۇلوندا آبارىلان ايش دن دۇغموشدور. مثلاً يوك داشيانلار و

قاییق چكىنلر بۇايشلىرى گۆرنده بىر ماھنى سۆيلردىلر و ايشه گۆره بۇ ماھنىلار بىن خصوصى رىتمى و آھنگى و اردى. بۇ آھنگ آباردىغى ايشه اۇيغون حر كىنلرە مناسب، سئچىلردى.

ارسطو و كلاسىكلر صنعىن، شعر، ادبىيات و رقصىن اسكى دىنى آئىنلر بىن تۆره تدىگىنە اينانيرلار. ارسطو تراژدى بىن تانرى دىيۇنيسۇس اوچون آئىنلردە اۇخونان دىنى ماھنىلاردان دۇغدۇغونو سۆيلە مېشىدىر.

تور ك ادبىيات تارىخىندە دە اۇبونلار بىن و ماھنىلار بىن كۆكۆنو عاشق لار بىن اسكى خىلقلرى - اۇلان شامانلار (قام) باغلا بىرلار.

پلخانوف «صنعت و اجتماعى حىيات» آدىلى كىتابىندا دئىير كى صنعت حاكم صىنىف و اۇنون ايدىنولوزىسى بىن تائىرى آلتىندا بىر. حاكىم صىنىف ترقىيورور اۇلما ياندا صنعت دە گىرىجى - مُرتجع اۇلار، صنعتكار گىرىچكلرە علاقه ساخلاماز هم اۇنلاردان قاجار و صنعىن شكىلە علاقه له نر و «صنعت، صنعت اوچون دۆر» گۆرۆشونون طرفدارى اۇلار و تجرىدە مېل ائدر.

هر صىنىف صنعى اۇ صىنىف ايدىنولوزىسىنى عكس ائىدىرر. گىرىلە مه و سقوط دۇرونون صنعى دە گىرىجى اولار.

پلخانوفا گۆره، گۆزەل گۆرۆلن هر شى جامعه اوچون فايدالى دىر. صنعت اثرىنى علمى ائردن آبىران بۇراسى دىر كى صنعتكار حقىقتى منطق يۇلبلە يۇخ تصوير و صورتلرە (اۇبraz) ايفاده ائدر.

پلخانوفا گۆره صنعىن اوزونه مخصوص بىر دونياسى و اردىر كى اۇنو تىلىغات واسيطه سى كىمى ايشلتمك اۇلماز، او حكومتىن صنعى هدايت ائتمه سىنه و صنعتكارا يۇل گۆستر مه سىنه قارشى ايدى. اۇنا گۆره ۱۹۳۴ دن سۇنرا اجتماعى رئاليزم سووتت روسىان بىن رسمى صنعت سياستى سىچىلدىن سۇنرا پلخانوف و طرفدارلارى گۆزدن دۆشدىلر.

### اجتماعى رئاليزم:

سووتلردە دولتىن رسمى صنعت گۆرشو و سياستى سايبىلان اجتماعى رئاليزم ۱۹۳۰ ايللرىندە اورتايا چىخدى و ۱۹۳۴ دە تۇبلانان سووتت يازبىچىلار اتقاقى بىن بىرىنجى قورولتا بىندا تىبىت اۇلوندى. بۇقورولتا بىدا ژدانوف، ماكسىم گۆرگى، بۇخارىن و رادىكك اوزچىخىشلار بىندا اجتماعى رئاليزم بىن اساسلار بىن تىبىت ائدىلر.

بۇ دۇكترىنە گۆره دە ادبىيات عكس ائدىر مه دن عبارت دىر. لاكىن بۇنو قىدا ائتمه لى بىك

کی اۆچ جور گنرچگی عکس ائتدیرمک واردیر:

سطحی، طرفسیز، بیر فوتوگرافچی، عکاس کیمی و یا انسان طبیعتی نین اساسینی، جانینی عکس ائتدیرمک و نهایت ایدئاللاشدیریلیمیش گنرچگی و جمعیتی عکس ائتدیرمک.

رادئک بۇ قۇرولتای دا دئدی کی: رئالیزم ساده جه چۇکن کاپیتالیزمی و اۇنون چۇروین کۆلتۇرونو عکس ائتدیرمک د گیل، عینی زاماندا یئنی جمعیت و یئنی بیر کۆلتۇرو یا رادایبله جک صینفین ظهورونو عکس ائتدیرمکدیر. اجتماعی رئالیزم بۇ گۆنکو گنرچکلیگی یلمک د گیل، هارا طرف گنئدیگینی یلمک دیر.

مشهور مجار مارکسیستی لۇکاس Lucacs ین بۇ باره ده گۇروشلیرى بئله دیر:

صنعت بیر عکس ائتدیرمه (یانستما) دیر و عکس ائتدیرمه اساسلاری (متودو) ایکیه آیریلیر:

رئالیزم و ناتورالیزم. لۇکاس، گۆرگی کیمی رئالیزمی ده ایکیه بۇلور: تنقیدی رئالیزم و اجتماعی رئالیزم.

لۇکاسا گۆره صنعتکار گنرچک دونیادان اۇنملی اۇلانی سئچیر اۇنملی اۇلمایانی بۇراخیر.

البته بۇ سئچمه بیر ایدئولوژییه یا پرسپکتیوه دایانماسی لازیم دیر.

ناتورالیزم ده سئچمک یۇخدور، ناتورالیست یازیچی، سطحی بیر رئالیزمی فوتوگراف (عکس) کیمی عکس ائتدیریر.

غرب ده ناتورالیست یازیچی کائنات و حادثه لری علت و معلول (سبب - نتیجه) اساسینا دایانان بیر جبر (Determinisme) له ایضاح ائدر.

تنقیدی رئالیزم هر جور جمعیتده حتا سۇسیالیست جمعیتین اۆلرینده ده تطبیق اۇلونا بیلر، حالبوکی اجتماعی رئالیزم آنجاق سۇسیالیست بیر جمعیتده تطبیق اۇلونار. سوسالیزمه گنچن بیر جمعیتده سۇسیالیزم انکشاف ائدیپ یئرلشدیکجه تنقیدی رئالیزم آرادان گنر.

۱۹۳۴- ده گنچیریلن سۇوئت یازیچیلار اتفاقی نین قۇرولتایندا ژدانوف سووئت ادبیاتی نین مثبت قهرمانلارلا غذا لانماسینی تکلیف ائتدی. مثبت قهرمان تیپی رومانلاردا اۇزۇن و وظیفه سینه وقف ائتمیش نفسینه حاکم و گۆجلو بیر آدم کیمی تصویر اۇلونوردو. بۇدا رۇمانتیزمی رئالیزمه قاتان بیر فاکت دیر و بۇنا انقلابی رۇمانتیزم دئییلدی. گنت - گنئده مثبت قهرمان تیپی ائله مۇدا حالینا گلدی کی تنقیدچیلر بیر رۇمانی اۇخۇرکن اۇندا مثبت قهرمان اۇلماسا اۇنوردا ائتدیلر (ادبیات قۇراملاری و الشتری Berna Moran جم یاین ائوی ۱۹۸۸ - استانبول).

مارکسیست استه تیکده سۇن دگیشمه لرین قایناغی، مارکسیزمه یئنی بیر یۇرۇم (تفسیر) گنیره ن لوئی آلتۇسیر (Louis Althusser) و اۇنون ایدئولوژی مسئله سینه عائد فکرلری دیر.

آلتوسره گۆره اجتماعى گنرچكلىگى واۋندا عمله گىرن دگىشكلىگى اقتصادى سوپه و ساحه ده كى دگىشكلىره ارجاع انده بىلمه رىك. چونكى اجتماعى گنرچكلىك (واقعيت) و يا اۋنون دئىشبنله اجتماعى قورولوش اۋچ آبرى سوپه دن تشكول اندر: اقتصادى، سياسى و ايدئولوژىك. بۇنلارن هر بىرى نىن تابع ده اولسا اۋزۈنه گۆره بىر مختارىتى واردير. اۋحالدا ايدئولوژى اۋزۈنه مخصوص بىر مختارىتى و ديگر سوپه لر اۋزۈرهنده تائىرى اولان تعين ائديجى بىر اۋست قوروم Suprastructure قورولوشودور.

لوى آلتوسره گۆره ادبيات عكس ائديره ن بىر آيناد گيل، بىر استحصال دير و توره تدىگى شئى ده دگىشدير بىلمبش (تحول ائتمبش) ايدئولوژى دير. آلتوسره گۆره ادبيات علم له ايدئولوژى آراسيندا بىر مرحله و اجتماعى بىر گۆج-قۇوت دير. آلتوسرچيلره گۆره ادبيات يازيچىسى، ياييمچىسى، ساتيچى و مشترىسى (آلجى) اۋلان بىر استحصال دير.

### ادبياتين ايشى (Fonction):

ادبيات گنرچكلىگى عكس ائديردىگى حالدا انسانا بىلگى وئرر. صنعتكار گنرچكلىگى، انسانلارا ذوق وئرملك هم ده اونلارا خصوصيله اخلاق ساحه سينده ترييه وئرملك مقصديله عكس ائديرر.

تقيدى رئاليزم ده، عموميتله اجتماعى گنرچكلىك (واقعيت) عكس ائديريلر. اجتماعى رئاليزم ده ايشچى، زحمتكش صينفين منفعتلى هر شئى دن چوخ نظرده تۇتولور. انگلس بىر مکتوبوندا دئير كى: طرف تۇتان ادبياتا فآرشى دگيلم. ترازدى نىن آتاسى اشيل و كۇمد يانين آتاسى آريستوفان دا طرف تۇتان شاعيرلىرى ايدى ودانته و سروانتس (دۇن كيشۇتون يازانى) ده. آنجاق بۇ ايش آچيق اولما مالى و يالنيز اثرده كى وضعيت و عمل دن چيخمالى دير، يازيچى اۋز گۆرۇشونو نه قدهر گيرتسه اثر اۋقدر ياخشى اولار. اما لنين «پارتى ادبياتى» تئزىنى مدافعه ائدن «پارتى تشكىلاتى و پارتى ادبياتى» آدى مقاله سنده صنعت بىر تبليغات وسيله سى اۋلمالى دير دئمبش و قهر اۋلسون (محو اۋلسون) پارتيزان اۋلمايان يازيچيلار، محو اولسون ادبياتين اۋستون آدامى، ادبيات پرولتاريانين عمومى دا ورائيشى نىن بىر پارچاسى اۋلمالى دير، دئمبشدير. (لنين بورادا اۋستون آدام دان رۇمانتيسترلن صنعتكار گۆرولشورنى قصد ائتمبشدير).

لنين ين بۇفكرى ۱۹۳۴ ده برنامهللى بىر ادبياتين لزومو كيمى قيمت لنديريلدى و ژدانوف بۇ باره ده دئدى كى: «سووت ادبياتى طرف تۇتار زيرا صنف مبارزه سى دۇرونده طرفسيز ادبيات

اۇلمازو اولایلمز.

سوونت یازبیچیلاری رئالیزمین تربیه وی مقصدینی حیاتا کئچیرمک اوچون ایکی استقامت ده ایش آپارماغا باشلادیلار:

۱ - موجوداۇلان گئیرچگی یۇخ گله جکده اولان شکلی وایدئال ساحه نی عکس ائتدیرمگه چالیشیب اۇنون مدحینی ائتمک.

۲ - بیرده مثبت قهرمان تیپلرینی عکس ائتدیرمک. رۇنسانس فیکر آداملاری ایدئالی یۆکسک - اۇستون (والا Transcendent) بیر دونیادا آختاریردیلار. اما اجتماعی رئالیستلر بۇنو گله جکده کی کۆمونیست دونیاسیندا گۆروردولر.

بۇر یا قدر یازدیقلاریمیزی خلاصه ائتمک ایسته رسک بئله دئییه یله ریک. ادبیات خارج دونیانی، انسانی، حیاتی یعنی گئیرچکلیگی (واقعیتی) عکس ائتدیرن (یانسیدان) بیر آینایا بنزه. اما گرچکلیک (رئالیتیه) دئییلدیگی زامان هر کس عینی شئی دۆشونمز.

بعضی لری بۇ مفهومدان حیاتی سطحی منظره و گۆرۆنوشونو، نظرده تۇتورلار، بعضی لری عمومی و دگیشمز انسان طبیعتینی و اۇنون جانینی، ذاتینی، بعضیلری ده اجتماعی گئیرچکلیگی، بعضی متفکرلرده ایدئال بیر دونیانی باشا دۆشورلر. اما بۇنلارین هامیسی نین اورتاق طرفلری صنعت ایله حیات آراسیندا گۆردو کلری باغلانتی - علاقه دیر. بۇنلار صنعتی اؤز - اؤزونه مستقل بیر دگر (ارزش) سایمیرلار، صنعتین دگری علمی اۇلماغیندان، اخلاق، سیاست، انسان طبیعتی کیمی موضوعلاردا اۇخۇجولارا تامین ائله دیگی فایدادان عمله گلیر - دئیرلر. بۇنلار گۆره صنعتین داها یۆکسک مقصدلره خدمت ائله دیگی اوچون بیر دگری واردیر.

### ب: ایفاده نظریه سی Expression :

بۇ نظریه ده صنعتکارا و اۇنون دۇیغولارینی ایفاده ائتمه سینه اهمیت وئرلیلر. اکسپرسیون گۆرۆشو رومانئیزمله برابر ظهور ائتمیش دیر. رۇمانتیکلره گۆره: «اثرین ان مهم خصوصیتی دۇیغولاری آنلاتماسی، ایفاده ائتمه سی دیر. بۇنلار گۆره اثر بیر آینا یۇخ صنعتکارین ایچ دونیاسینا، رۇحونا آچیلان بیر پنجره دیر. دوغروودور اثرده طبیعت و یا خارج دونیا تصویر اۇلونا بیلر اما بۇ خارج دونیا صنعتکارین دۇیغولاریله دگیشیکلیگه (تغیر) اۇغرامیش بیر خارج دونیادیر و مهم اولان بۇ دونیانین صنعتکاردا اۇیان دیردیغی دۇیغولاری و یا شانتیلاری ایفاده ائده بیلمه سی دیر.

صنعتکاری باشقالاریندان آیران اۇنون دۇیغولاری و فردی حیاتی دیر و صنعت بۇ

دۇيغولارین دیلی دیر.

بۇ صنعت آنلايشی (تلقى) یانیندا صنعت نوعلری نین دگرلندیرمه سینده ده دگیشیکلیک ظهور ائدی. تراژدی و حماسه اؤزیرینی (یوخاری باشی) لبریک (غنائی) شعره وئردی. قدیم یونان دان بری صنعتین تربیه وی و مشغول اندیجی (اگلندیریبجی) ویا مشغول اندرک تربیه وی تاثیرینه اهمیت وئریلیدی. رومانیتیک لرین ظهورو ایله، صنعتکارلا اؤخوجو آراسیدا بۇ باغ (رابطه) ضعفله دی و نهایت کسبلدی، رومانیتیکلره گؤره صنعتکار ایچ دونیاسی ایله باشباشا قالاراق دۇيغولارینی کلمه لره تۆکر. (آنجاقتولستوی دا، ایره لی ده ایضاح انده جگیمیز کیمی ایفاوه چیلیک نظریه سی بۇندان فرقلی دیر).

صنعتکار ایچینده کی هیجان و دۇيغولاری ایفاوه ائتمک و دیله گتیرمک احتیاجینی شدتله دۇیار (حس ائدر) و بۇ سائقه (انگیزه) ایله اثر یارادار و راحتلار.

رؤمانیتیک صنعت آنلايشینی (تلقى سینی) ایلیک دفعه سیستملی بیر استه تیک نظریه حالینا قویان فرانسیز اوزن وئرون Eugene Veron دور. او صنعتی دۇيغونون دیله گتیریلمه سی دئییه تعریف ائدی. اؤنا گؤره اثرین شدتلی و درین تاثیر یارادیجی سی نین شخصیتینده دیر و اثرین دگری صنعتکارین دگریندن دۇغار-دئدی.

اما بۇگون اکسپرسیونیزم وئرونون تئوریسینی یوخ بلکه R. G Colling و B. Croce Wood-ون فیکرلرینی و نظریه سینی تمثیل ائدیر. بو صنعت فلسفه چیلری و هابئله J. Ducasse، صنعتین اساس و جانینی یارادیجیلیدا گؤرورلر و یارانماغی دا دۇيغولارین ایفاوه سینده.

بۇ مۆلقلره گؤره ایفاوه دن قاباق دۇيغو یوخدور، دۇيغونون آشکار و معین بیر حال آلماسی آنجاقت دیله گتیریلمه سیله اولور و یارانیر، اونا گؤره ایفاوه اندیلیمیش دۇيغو تاماملانمیش ساییلیر. اؤ حالدا ایفاوه دۇيغو اویانیدیرماق دگیل دیله چئوریلیمیش دۇيغودور. اؤخوجو دا دۇيغو اویانیدیرماق مقصدیله یازان آدم حقیقی صنعتکار دگیل سؤزده صنعتکار دیر. رسم صنعتینده ده بئله دیر. بیر رسم (نقاش) قارشسی سیندا کی آداما تام بنزه تمک هدقیله رسم چکسه اثری صنعت اثری (هنر) اؤلماز اما اؤ آدامین رسمینی چکرکن اؤنون رسمدا اویانیدیردیغی دۇيغولاری دیله گتیرمگه چالیشسا بیر صنعت اثری اورتایا چینار.

اؤچ جور سؤزده صنعت واردیر: اگلندیرمه، تاثیر و تعلیم. جنسی عشق رومانلاری، پلیس و بۇکیمی رومانلار دا مشغولیت و تفریح، اگلندیریبجی اثرلر ساییلار.

دینی، سیاسی ادبیات دا تاثیر ائدن اثرلر دیر.

دؤشونجه لری آنلادان اثرده تعلیمی اثرلر ساییلار.

بعضاً سۆزده صنعت اۇلان بۇ ادبیات حقیقی صنعتله بیرله شر. مثلاً افلاطون و پترارک و وۆلتر- یین بعضی اثرلری کیمی.

### صنعت و علم:

عکس اثتدیمره نظریه سیننی تدقیق ائدرکن گۆردوک کی ارسطو یا گۆره صنعت (ادبیات) علمی دیر. چونکی تکجه اۇلانی یوخ، عمومی اۇلانی و مۆمکون اۇلانی دا عکس اثتدیمر.

سرفیلیپ سیدنی ادبیاتین بیزه اؤرنک قهرمانلار و داورانیشلار (رفتار) گۆسترملکه اخلاق درسی وئردیگینی و فضیلتی سئودیردیگینی سۆیله میشدی.

اجتماعی رئالیزم ده داھی صنعت بیر بیلگی ائدینمه، اؤگرنمه یولو دۇر دئییلیر، علم بیزه عمومی قانونلاری سۇنار، اما صنعت فردلرده و عینی بیر حادثه ده عمومی اۇلانی عکس اثتدیمر. اۇنا گۆره علم و فلسفه نین گۆردۆیو ایشی صنعت باشقا بیر یۆلدان گۆرور.

کروسا (B. Croce) گۆره علم ایککی جور دور: یا حسسی دیر یا دا منطقی، یا خیال و یا عقل ایله اله گلر. یا جزئی (اجزا) بیلگیسی دیر یا دا عموم عالمه عائد دیر.

کروسا گۆره خیال و احساس ایله اله گلن، الهام شکلینده اۇلان و جزئی بیر گۆرونو کیمی ظاهر اۇلان بیلگی صنعته مخصوص دور.

کۆلینگوؤدا گۆره اثرین گنرچکلیگی ایفاده ائتمه سی موضوعوندا اکسپرسیونیزمین قۆیدوغو معیار صنعتکارین صمیمیلیگی و یاخشی بیر صنعت اثری، صنعتکارین دۇیغوسونون ایفاده سیننی باشاریله ائده بیلدیگی اثر دیر.

عننه وی گۆرۆشه گۆره صنعتین اساس وظیفه سی مشغولیت و فایدالی اۇلماغی دیر. یعنی صنعت اثری شیرین بیر حب کیمی دیر. اما بۇ اقتاع ائدیجی دگیل. چونکی اثرده کی فکر ایله استه تیک جهت بیر- بیریله قاینایشیب قاریشمیش اۇلمور. حقیقی بیر صنعت اثرینده فکر صنعتکار دا یاشانتی یا (احوال- روحیه) تحول ائدیر و دیله چنوریلیر.

اکسپرسیونیزم مکیینده صنعت روحی بیرایش دیر. صنعت اثری صنعتکارین ذهنینده دیر. اثرین بیر کاغیذا یازیلماسی، باسیلماسی و... صنعت طرفی تاماملانندیقدان سۇنرا آپاریلان ایش دیر. دیوارا آسیلان رسم، مرمرهیکل صنعت اثری دگیل دیر. صنعت اثری بۇنلاری یارادانین بئینینده، و بیر ده بۇنلاری گۆره ن تماشاجی و اؤخوجونون ذهنینده دیر. الهه تۇتدوغوموز کتاب، رسم و هیکل صنعت اثرینین خارجلشدیریلمه سی (Externalisation) دیر.

اکسپرسیونیزم گوروشو دار بیر گوروش دور، هر اثرده گنچرلی دگیل دیر، آنجاق غنائی شعرده گنچرلی دیر. بیلیندیگی کیمی پول والری کیمی بویوک فرانسیز شاعیری «شعرین وظیفه سی، اؤخوجودا تاثرات عمله گتیرمک و اوندایاشانتی (احوال، روحیه) یاراتماقدیر»- دئیر.

کرؤس و کولینگوود نظریه سینده اندیلن اساسلی اعتراض انله بۇ ایفاده جلیک گوروشوندن اورتایا چیخیر. چونکی: E. Cassirer و S. Langer. یین دئدیکلرینه گوره صنعت گرچی دۇیغولارین ایفاده سی دیر اما چوخ واخت صنعتکار بۇ دۇیغولاری تصور ائدر آنجاق اؤزو دۇیماز. مثلاً شکسپیر یازیب یاراتدیغی هر هانسی بیر نمایشنامه سینده بۆتون پرسونا زلارین (صورتلرین) دۇیغولارینی بیر زاماندا یاشایا بیلمزدی. اؤجهتدن صنعتین بیر دۇیغو مسئله سی اؤلدوغونو قبول انله سک ده انده جگی تاثری صنعتکار اؤنجه دن بیلسه ده اثری صنعت اثری دیر. ینترکی دۇیغو دونیاسینی تصور ائده بیلسین، آنلایا بیلسین و بۇنو دیله چئویره بیلسین، بۇ خصوصدا سؤزلریمیزی بئله خلاصه ائده بیله ریک:

ننجه کی عکس ائدیرمه نظریه سی بۆتون اثرلر اؤچون کئچرلی اولای بیلمز، ایفاده Expression تنوریسی ده انله دیر. اما بیر نظریه نین تفسیر و ایضاح ائده بیلمه دیگی اثری دیگر ایضاح ائده بیلر.

### اؤخوجویا نقلی اساس گوره ن افاده چیلیک:

بۇ گوروشه گوره صنعتین بیر دۇیغوایشی اؤلدوغو قبول اؤلدونوغو حالدا بۇ دۇیغولارین اؤخوجویا انتقال ائدیب اۇندا عینی هیجان و یاشانتی نین دا ظهور ائتمه سی شرط دیر.

بویوک روس یازیچیسی تۆلستوی دئیر کی: انسانین بیر زامان دویموش اؤلدوغو بیر دۇیغونو اؤزوندە جانلاندیردیقدان سؤنرا بۇ دۇیغونو باشقالارینین عیناً دۇیا بیلمه سی اوچون حرکت، سس و کلمه لر واسیطه سیله اۇنلارا انتقال ائدیرمه سی صنعت ایشی دیر. بۇ نظریه نین مدافعه چیلرینین بیر قسمی انتقال ائدیریلن دۇیغولارین دگرلی اؤلما سینی دا صنعت دن گوزله بیرلر. بئله متفکر لردن بیر تۆلستوی دور. اؤ اؤخوجویا تاثر و انتقال مسئله سینده اخلاقی اؤستون توتور بورادا اؤنون بۇباره ده ایفاده ائدیگی فکرلری خلاصه اولاراق نقل ائدیرک:

تۆلستوی (۱۸۹۰-۱۸۲۹) روحی بیر تحول دن سؤنرا ۱۸۹۸ ده یازدیغی «صنعت نه دیر» کتایبندا بئله دئیر: «بیز دانیشیق بۇلیله دؤشونجه لریمیزی باشقالارینا نقل ائدیریک، اما دۇیغولاریمیزی صنعت بۇلیله نقل ائده بیله ریک، اؤحالدا صنعت باشقالارینا بیر دۇیغونو نقل



ائتمک مقصدیلە گبریشیلین بیرایش دیر.

تۇلستوی اثرین تأثری و یا دۇیغونون انتقالینا تىسرى دئیر. تىسرى نه قدر شدتلى و یا یقین اولسا اثر اۇقدر دگرلى دیر. تىسرى ده اۇچ مسئله اهمیتلى دیر:

۱- نقل اولۇنان و یا انتقال ائدن دۇیغونون فردیلگی نین درجه سی.

۲- نقل ده کی آیدیللق.

۳- صنعتکارین صمیمیتی.

تۇلستوی بۇفاكتورلاری نظرده تۇتاراق بیر چوخ بۇیوک و مشهور صنعتکارلاری ساختا و بیس صنعتکارلار ردیفینه داخل ائدیر. بۇقاعده نی اۇز اثرلری باره ده تطبیق ائدیر و «حرب و صلح» ده داخل اولماق شرطیلە بۇتون اثرلرینی ساختا اثرلر سیراسینا قۇیور. آنجاق ایکی حکایه سینى: «تانرى حقیقتی گۇرور» و «قافقاز مجوسو» نو یاخشی صنعت اثری قبول ائدیر.

تۇلستویا گۇره بیر اثرین صنعت اثری هم ده دگرلى صنعت اثری اولا بیلمه سی اۇچون صنعتکارین دۇیغولارینی صمیمیتله دیله گنیرمه سی، بۇ دۇیغولاری اثری یولیه خلق ییغینلارینا انتقال ائدیره بیلمه سی و انتقال ائدن دۇیغولارین بۇتون انسانلاری بیر- بیرینه یاخینلاشدیران، سنودیرن دۇیغولاردان اولماسی لازیم دیر. دتمک تۇلستوی صنعتی دینه و یا اخلاقا بیر وسیله کیمی بیلیر و اۇنو جامعه ده قۇیدوغو تأثیرینه گۇره دگرلندیریر.

تۇلستویا گۇره یاخشی صنعت اثری هر زامان هر کسین خۇشونا گلر. اما بۇگون دونیادا ان چوخ ساتیلان مبتذل باياغی، سکسی، عشق، ماجرا و بۇلیس رومانلاری وان چوخ سۇیلن فیلم و موزیککی نظرده تۇتساق تأسفله دئمه لی بیک کی، تولستویا حق وئره بیلمه ریک!

تولستوی اثرده استه تیک دۇیغویا اۇنم (اهمیت) وئر میر، اۇنون اۇچون اثرین تکنیک طرفی و قۇرولوشو Structure اۆزه رینده دۇرمور. اۇ صنعتین صمیمیتی نین مسئله نی حل ائده جگینه اینانیر و دئییر کی: صنعت انسانلاردا یاخشی دۇیغولاری اۇیاندیرماقلا اۇنلارا تریبه وئر و بیر- بیرلرینه یاخینلاشدیرار.

### پ: فورمالیزم یا شکیل چیلیک:

فۇرمالیزم ایلك اۇنجه رۇسیادا ۱۹۱۵ ده ظهور ائدیپ، ۱۵ ایل داوام ائتدیگی اۇچون روس فۇرمالیزمی آدیله مشهور اولموشدور. فۇرمالیست لر اثر و متنین شکلینی نظرده تۇتوردولار و ادبی اثری (شعر و رومان) Ostranenie عادتتی پۇزماق یا غیرعادیلیک Defamiliarisation خصوصیتیلە و صفلندیریدیلر و دئییردیلر کی بیز خارج دونیا یا، اشیا یا داورانیش (رفتار) و

دۆشونمک شکیلرینه باخا - باخا بۇنلارا عادت ائدیریک. اما شعر اؤزۆنه مخصوص دیلی سایه سینده بو عادت سی سارسیداراق، اشیانی، داورانیشلاری، دۆشونجه و دۇیغولاری تازا بیر باخیشلا یئنی دن گۆرمه میزی یئنی دن درک ائتمه میزی تامین ائدیر. چونکی بودیل عادت ائله دیگیمیز دیلدن فرقلی و غیرعادی دیر. دئمک ادبیات اثری گئچرچک لیگی عکس ائتدیرمک دگیل اؤنو فرقلی بیر شکلیده درک ائتدیرمک دیر. شعر دیلی بللی بیر وزن ایله آهنگدار اؤلوموش همده بعضی سسلرین تکراری، سس موازنه سی دیله خصوصی بیر ترتیب - نظام وئریر و غیرعادی اولان بۇ ترتیب دقتی جلب ائدیر.

رۇماندا دا غیرعادی لیک رومانین خصوصی بیرشکیلده ترتیب لنمه سیندن منیدانا چیخیر. بۇزادا حادثه لرین سیراسی حیاتدا کی کیمی ترتیب لنمیر.

روس فورمالیست لری ۱۹۳۰ دان سونرا کومونیست روسیادا تضحیه معروض قالیب سۇسماغا و یا موقع دگیشدیرمگه مجبور اولدولار. ان مشهورلاری آراسیندا بوریس توماشوسکی Boris Tomaşovski و یکتورشکولووسکی V. Şklovski یوری تینیانوف Yuri Tinyanov دی. بۇنلاردان رۇمان یا کوبسون Roman Jacobson ۱۹۲۰ ده روسیه دن پراگا گئتدی و اۇرادا دیل انجمنینه قۇشۇلوب، فورمالیزمی اوروپادا داوام ائتدیردی.

### استروکتورالیزم Structuralisme یا قورۇمچولوق:

استروکتورالیزم یالنیز ادبیات نظریه سی دگیل، مختلف علم ساحه لرینده تطبیق اولونان بیر متۇد دور و ایلیک دفعه فرانسه ده آنتروپولوژی (مردم شناسی) ده ایشلندی. ادبیاتدا استروکتورالیزمی یاخشی باشا دۆشمک اۇچون اۇنجه استروکتورال دیلچیلیکدن دانیشماق لازیم دیر.

استروکتورال دیلچیلیک سۇئیس لی عالیم فردیناند دو سۇسور Ferdinand de Saussure - لاباشلامیشدیر. (۱۸۵۷-۱۹۱۳).

سۇسورا قدر دیلچیلیک چالیشمالاری زامان ایچریسینده بیر دیلین اۇغرادیغی دگیشیکلیکلیرى تدقیق ائتمک و بۇنلارین قاعده لرینی تاپماق ایدی. بۇنا دیاکرونیک (Diachronic) یا تاریخی تدقیق دئییریک. اما سۇسور دیلی بللی بیر زاماندا اله آلاراق سنکرونیك (هم زامان)، اؤز-اؤزونه کافی و مستقل بیرسیستم (قورۇلوش) کیمی تدقیق ائتمه گی تکلیف ائتدی. سۇسوردیلی بیر شطرنجه (شاه مات) بنزه تدی. پروفوسور برناموران «ادبیات تنوریلری و تنقید» ادلی کتابیندا دیلی تخته (نرد) اؤیونونا اۇخشادیر و دئییر کی: بیر آدم ایکی

نفرین تخته اۋیونونا بیر مدت سئیر ائدر و دقت یئتیر رسه تخته اۋیونون تاریخینی بیلمه دن اۋنو اۋگره نر (دیل و ادبیات دا بۇنا بنزەر) و تخته اۋیونونون سیستمینه، قۇرولوشونا بلد اولار. بو اۋیون سیستمی خارج گنرچکلیکدن (واقعیات) مستقل، اعتباری بیر سیرا قاعده لردن تشکول ائتمیشدیر و اۋز ایچینده بیر بۇتۇو (کُل) مئیدانا گتیرر. اۋیونو تشکیل وئرن عنصرلرین اۋز و جودلاری اهمیتلی دگیل، مهم اولان سیستم (نظام) ایچینده کی فونکسیونلاری (ایشلر)، بیر-بیرلریله اولان ارتباط (علاقه) و مناسبتلری دیر.

سۇسور دیل (Langue) ایله سۇزو (Parole) بیر-بیریندن آیردی و دئدی کی: دیل، بیر دیل نظامنا وئریلن آددیر، تور کجه، فارسجا دئدیگیمیز زامان دیلی بۇ معنادا ایشله دیریک. سۇز ایسه دیلین عینی، کۇنکرت شکیلده ایشلمه سی (تطبیق، کاربرد) یعنی دیلین معین بیر دانیشان طرفیندن معین بیر آندا تطبیقی دیر. ائله ده عینی-کۇنکرت و فردی اۋلان سۇزون دالیندا اۋنو معین لشدیرن ذهنی و اجتماعی بیر سیستم Structure واردیر. دیلچیلیگین هدفی بۇ قۇرولوشو آچقلاماق دیر و بۇنون اوچون سۇزو تدقیق ائدر.

تک-تک تخته اویونلاری سۇزلری تمثیل ائدر. اۋیون، اۋیون اولاراق تخته ده ذهنی دیل سیستمینی.

سۇسورون ایکینجی فرقندیرمه سی گۇسترن له گۇستریلن یین آراسیندا دیر. کلمه لر بیر شئی اشارت ائتدیکلری اوچون (گۇسترن) بیر اشارت علامتی دیرلر. هر گۇسترن و یا اشارت علامتی نین ایکی طرفی (بۇن) واردیر: بیرى بیر سس و یا سس تصویرى دیر. بۇنا گۇسترن آدینی وئریریک. ایت دئییه نده آغزیمیزدان چیخان سس صورتی گۇسترن دیر. بۇنون اشاره ائتدیگی ایت مفهۇمو گۇستریلن دیر.

گۇسترن ایله گۇستریلن آراسیندا کی رابطه (علاقه) کیفی، (شرطی) دیر. چونکی ایت مفهۇمونو بۇ سۇزله گۇسترمک اوچون بیر سبب یوخدور.

ایت کلمه سی دیل سیستمی ایچینده بیر آددیر و بیر آد کیمی داورانیشی (عملی) دیگر عنصرله ارتباطی (علاقه سی) طبیعت ده کی دۇرد آياقلى حیوانلارلا علاقده دار دگیلیدر. اۋ حالدا دیل بیر اشارت سیستمی دیر و خارجی گنرچکلیکدن مستقل دیر و اۋز داخلی باغلیغینا گۇره ایشله بیر. دیل سیستمی نین خصوصیتلرینی و سۇسورون فرقندیرمه لرینی نظرده تۇتاراق، دئییه بیله ریک کی: دیل سیستمی عنصرلرین (سۇزلرین) ییغینی دگیلیدر. انسجاملی بیر بۇتۇو (کُل) دور. سیستم ذهنی (Abstrait) و اجتماعی دیر و سۇزو کنترل ائدر. سیستم اعتباری (شرطی) دیر. یعنی خارجی گنرچکلیکلردن مستقل دیر. سیستم ده اۋنملی اولان عنصرلرین فردی وارلیقلاری

دگیل، سیستم ایچینده کی فونکسیونلاری ایشلری دیر. باشقا دئییشله: سیستمی میدانا گتیرن عنصر آراسیندا کی باغلانتی دیر.

انسانلار آراسیندا علاقه ساخلاماق (ارتباط) اوچون دیلدن باشقا اشارت سیستملری ده واردیر، مثلاً کارلار و لاللار آراسیندا و دیزچیلیک ده اؤلدوغو کیمی.

گریماس A. J. Greimas ایلک دفعه استروکتورالیزمی ادبیاتا تطبیق ائتدی. اؤدا تۇدۇرۇف Tdorov کیمی تحکیه نین اساس عنصرلرینی تدقیق ائدرکن پرۇپ V. Propp ون باشلا تدیغی متودو انکشاف ائتدیرمگه و متودا داها علمی بیرشکیل و ثرمگه چالیشدی. پرۇپ تدقیق ائله دیگی ناغیللاردا یئددی رۇل (نقش - ایش) تثبیت ائتمیشدی:

۱ - سالدیرقان یا تجاوز کار.

۲ - باغیشلایان.

۳ - یاردیمچی.

۴ - برنسس یا شاهزاده (آختاریلان آدم)

۵ - گۆنده رن

۶ - قهرمان

۷ - ساختا قهرمان (یالانچی قهرمان)

گریماس بۇ یئددی رۇلو، قۇرولوشچو گۆزویله اۆچ جۆفته (جۆت) ائندیردی: فاعل - مفعول (شئی)، گۆندره ن - آلان، کۆمک ائدن - مانعه تۇره دن.

گریماس بۇنلارا ائله یین (Actant) دئییر چونکی بیر تحکیه - حکایه ده یۇخاریدا آدلاری وئرلین رۇللاری اۆستونه آلان آدم و یا شئیبلر، قۇرولوشچو گۆرولوشله آپاردیقلاری ایشه گۆره اؤنملی دیرلر. مثلاً بیر قیزلا ائولنمک ایسته یین بیر اؤغلانین ماجرالارینی تحکیه روایت ائدن بیر حکایه ده اؤغلان فاعل دیر، قیز شئی مفعول رۇلوندادیر. بوایشده فاعلین (پرۇپ بۇنا قهرمان دئییر) طرفینی تۇتانلارین هامیسینا (کۆمک ائدن)، اؤلما یانلاردا مانعه تۇره دن (انگله یین) دئییر. اهمیتلی اؤلان بۇنلارین ناغیل، روماندا نه ایش آپاردیقلاری دیر.

ژر آردۇنئت G. Genette بو خصوصدا داها اعتداللی دۆشونور. ژنئت بیر حکایه متینی تحلیل (آنالیز) اوچون اۆچ سویه نظرده تۇتور. بیر متن ده اولان بیر حادثه و یا حادثه لر سئریسی، سلسله سی دیر کی، بونا تلفظ (سؤیله ییش Discours) دئییر. ایکینجیسی بو حادثه لر سلسله سی نین گئچکده اؤلدوغو کیمی سیرالانماسی دیر کی بونا دا تاریخ Historie دئییر، اوچونجوسو ده روایت، حکایت شکلی Narration دیر. ژنئت تاریخله تلفظ (حادثه لر)

آراسیندا کی باغلانتي و مناسبتہ اہمیت و ثریر. چونکی یازیچی نین خام مادہ کیمی الہ آدیغی تاریخ نجه ایشله دیگینی «بۇ باغلانتي - مناسبتی تدقیق اندرک تثبیت ائده بیله ریک» - دئیر. «تاریخ» اؤچ یۆلدان د گیشمگه معروض قالا بیلر: ترتیب یا سیرا، مدت و سینخلیق .Frequence

ترتیب حادثه لرین زامان سیراسی نین نجه د گیشدیریلمه سی ایله علاقه داردیر. یازیچی سیرانی د گیشدیرر، گئری دؤنؤشلر ائده بیلر، ایره لی ده کی بیر حادثه نی داها قاباغا (یاخینا) گئیره بیلر...

مدت، تحکیه مدتله تاریخ (حادثه لر سیراسی) مدتی آراسیندا کی مناسبتی گؤستریر. فرکانس، حکایه ده کی بیر حادثه نین بیردفعه یۇخسا بیر نجه دفعه اؤز وئردیگینی تدقیق اندر.

استرؤکتورالیزمه گۆره ادبیاتین تاریخ ایچینده کی انکشافی بیر طرفه بۇراخیلاراق عینی زامان ایچینده تدقیق ائدیلمه سی لازیم گلیر. اثری بیر استرؤکتور اۇلاراق اینجه له دیگیمیز ده بۇ اثری تشکیل وئرن عنصرلرین بیر - بیریله اولان باغلانتیلارینی یعنی فونکسیونلارینی تثبیت ائتمک لازم.

### ت: اوخوجونو مرکز قرار وئرن نظریه لر:

بۇ نظریه لرین قدیم دن ده طرفدارلاری اؤلوموشدور. بۇزادا چاغیمیز دا ظهور ائدن ایکی نظریه دن بحث ائده جه یک:

۱- ریچاردز - ین (A. Richards) نظریه سی، بۇنا حسی تأثیر نظریه سی ده دئیه بیله ریک.

۲- ایکنجیسی یئنی اولان رسپیون نظریه سی و یا ادراک نظریه سی.

۱- حسی تأثیر: اوخوجونو مرکز قرار وئرن گؤروشلرده صنعت اؤخوجودا قۇیدوغو

تأثیره و تۆره تدیگی دویغولارا گۆره تعریف و قیمتندیریلیر. ادبیاتین ایشی (فونکسیون) چۆخ اولاییلر. مثلاً بیلگی وئرمک، اخلاقی تربیه، ملی شعور قازاندیرماق و یاملی دویغولاری اویاندیرماق، ذوق وئرمک و سایره، اما اساس ایشی ذوق وئرمک و بدیعی (استه تیک) احساس و یا هیجان اویاندیرماق دیر. بیر اثرین صنعت اثری اولاییلمه سی اوچون اوخوجودا استه تیک دویغو (بدیعی احساس) عمله گئیرمه سی لازیم دیر، شعر کیمی.

Santaya ساننایا یا گۆره هنج کیمه ذوق وئرمه ین بیر شئی گۆزه ل اؤلا ییلمز. گۆزه للیک

شئیه یانسیدیلیمیش (عکس ائندیریلیمیش) ذوق دور، یعنی شئی لرین ییزیم اؤزه ریمیزه ده کی

تأثیرلری یعنی عمله گتیردیکلری نتیجه دیر.

ریچاردزا گۆره گۆزه للیک، استه تیک دگر، خوشا گلن خصوصیتلر هامیسی روحی (پسیکولوژیک) شئی لر دیر. بورادا بیر سؤال قارشیمیزا چیخیر.

ریچاردز، «شعر بیر روحی حادثه، بیر یاشانتی (احوال- روحیه) دیر»- دندیگی زامان کیمین یاشانتیسینی (احوال- روحیه سینی) قصد ائدیر. شاعر ایچ دنیا سیندا بیر سیرا دویغولاری، ترتیب لندیرر و بۇ یاشانتیسینی بیر متن حالیندا دیله گتیره ر. اما متنی اؤخویان اؤخوجولاردا داخی شاعرینکینه یاخین احوال روحیه (استه تیک یاشانتی) عمله گلرلاکن مختلف اؤخوجولاردا عمله گلن بدیعی یاشانتی، دویغو، بیر- بیریندن و شاعرینکیندن ده فرقلی دیر. بۇ وضعیت قارشى سیندا شعر بو بدیعی یاشانتیلار دان هانگیسی دیر سئوالی مئیدانا چیخیر. ریچاردز بۇ سؤالا بئله جاواب وئیر: «شعر بیر یاشانتیلار توپولوسودور اما شاعرینکینه ان یاخین اولان یاشانتیلاردیر.»

بوندان اول ایضاح ائدیگیمیز عکس ائدیرمه نظریه سی علمی بیر نظریه دیر. حسی تأثیر ایسه ایفاده Expression کیمی دویغویا دایانیر. یالیز ایفاده نظریه سی صنعتی، صنعتکارین دویغولاریله ایضاح ائدیر اما حسی تأثیر صنعتی اؤخوجونون دویغوسو و احوال روحیه سیله وصفلندیریر و دئیر کی بیر اثرین صنعت اثری اولایلمه سی اوچون اؤخوجودا بدیعی احساس (استه تیک یاشانتی) عمله گتیره سی شرط دیر.

ریچاردز ادبیاتین خارج دنیا و بیلگی ایله علاقه سینی کسره ک دئیر کی ادبیاتدان بیزه فلسفه، سیاست، اخلاق کیمی موضوعلاردا بیلگی وئرمه سی و گئرچکلیگی عکس ائدیرمه سی گۆزله نمز. او بوفکرینی دیل اؤزینده آپاردیغی تدقیقاتیله ده ثبوت ائتمک ایسته میشدیر: ریچاردزا گۆره دیلین ایکی فونکسیونو (ایشی) واردیر:

۱- بیلگی وئرمک، بۇنا Referential دئیریک.

۲- دویغولاری ایفاده ائتمک یادا دویغولاری اویانیدیرماق، بۇنادا حسی و Emotive فونکسیونو دئیریک.

ادبیاتدا دیل ایکیجی مقصد اوچون، حسی ایشی (احساس) اوچون ایشله نیر. اۇنا گۆره ده ادبیات علمی دگیلدیر. ادبیاتدا دؤغرؤ- دؤز گونلوک، اثرین اؤز ایچینده کی انسجامبندان آسینلی دیر.

۲- رسپسیون استه تیککی و یا صنعتین (هنر) ادراک نظریه سی: بۇ نظریه به گنا :

بیر ادبی اثرین معناسی متنین ایچینده حاضر بیر شکیلده اولماز، متنده کی بعضی اسب اؤخوجو .

دلیللر نە اۇخوجو طرفیندن اۇخور کن میدانا چیخار. بۇ نظریه دە اۇخوجونون فعال، آکتیو بیر رۇلو واردیر و ریچار دزین نظریه سیندن فرقلی دیر. ریچار دز ادبیاتی بیر دوینغو کیمی گۇرۇر و اۇخوجو دا عمله گنیردیگی تأثیره گۇره تعریف و اۇخوجونو حادنه ده پاسیو حساب ائدیردی. یئنی تنقید، اثرده معنانی اۇخوجودان مستقل بیر شکیلده حساب ائدیر و تنقیدین وظیفه سی بۇ معنانی تاپیب آچیغا چیخارتماق دیر- دئیر، یعنی یئنی تنقید ده نه یازیچی، نه ده اۇخوجو حسابا قاتیلیر.

استرۇکتور الیست لر (قۇرۇمچولار) دا متنین معناسینی دیل ده آختا ریرلار. اما ادراک و یا اکتساب نظریه سینه گۇره متن ده معنا بالقوه (بۇتا نسبل شکیلده) موجوددور، آنجاق اۇخوجو طرفیندن اۇخور کن ادراک و قاواراما زامانی کۇنکر تله شیر (دقیق و آیدین) و بۇتۇله شیر اۇ حالدا بیر متنین ایکی قۇطبۇ، اۇجو واردیر: بیر یازیچی نین یاراتدیغی متن و اۇ بیر ی اۇخوجونون ادراک پروسئسینه کۇنکر تله شدیرمه سی. بیرینجیسینه آرتیستیک و ایکنینجیسینه استه تیک قۇطب (اۇج) دئییلیر.

بۇ نظریه سۇن زامانلاردا آلمان دا اۇرتا یا چیخیمیشدیر. و بۇ خصوصدا چالیشمالار و نشریات کۇنستانس اونیورسیتته سینده چالیشان وۇفگانگ ایزر (Wolfgang Iser) طرفیندن ایره لی سۇورولموشدور.

بۇرادا اۇخوجونون رۇلو و ایشی حقیقنده ایضاحات وئرمه لی ییک: بۇ نظریه یه اساساً یازیچی متن ده هر شئی سۇیله مز و ایسته سه ده، ایسته مه سه ده بعضی یئرلری بۇش بۇراخار. بۇ بۇشۇقلاری اۇخوجو دۇلدۇر مالی دیر. بۇ بۇشۇقلارا، بۇش ساحه و یا بلیرسیزلیکلر دئییلر، بۇنلار چئشیدلی اۇلور بعضاً ساده بعضاً ده مرکب اۇلا بیلر. ساده اۇلانلاری اۇخوجو دقت ائتمه دن دۇلدورار مثلاً: بیر رۇماندا «حسن گنجه خیاباندا گزه رکن ویتیرن (جامکان) لری تاماشا ائدیردی» جومله سیننی اۇخویاندا بۇ ویتیرنلرین ایشیقلا ندیر یلمیش اۇلدوغونو دۇشونور و ک. یازیچی بۇنو سۇیله مه میشدیر لاکین بیز بو بۇشۇلغو دۇلدوراریق و متنی بۇتۇلشدیره ریک، اوخوجو بۇ بۇشۇقلاری دۇلدورما قلا معنانی بۇتۇلشدیرر و بۇندان ذوق آلا ر (استه تیک ذوق)، لذت آپارار. اگر یازیچی متن ده هر شئی یازمیش اولسا اوخوجو بۇ لذت دن محروم قالار و متنی اۇخور کن داربخار، البته بۇ ایشین ترسی (عکسی) ده اۇلا بیلر. یعنی متنه معا وئره یلمه سه ده اومیدسزلیگه دۇشر و متنی بۇراخار.

ادبیات و حقیقت:

ادبیاتین حقیقتله مناسبتی باره ده ایکی گۇروش واردیر:

۱ - بعضی ادبیاتچی و تنقیدچیلر ادبیاتین بیزه (انسان، طبیعت، حیات و اجتماعی گئترچکلپک «فاکت، واقعیت و ساییره») حقیقده بیر نوع بیلگی تامین ائدیگیینی ادعا ائدرک حقیقتی بیلدیرن و یا بیلدیرمه سی لازیم اولان بیر شی اؤلدوغونا اینانیرلار.

۲ - بعضیلری ده صنعتین حقیقتی بیلدیره بیلیمه جگی قناعتینده دیرلر. بۇ وضعیت قارشیسیندا بۇ سئواللارا جاواب وئرمه لی بیک:

- ادبیات اثرینده علمی معنا اؤلایلسه نه جور علمی معنادیر؟  
- بیلدیریلن حقیقت وارسا نجه بیر حقیقت دیر.

- حقیقتی (اجتماعی، فلسفی و اخلاقی) بیلدیرمک صنعت اثرینه بیر دگر قازانديرارمی.  
ادبیات علم کیمی حقیقتی ایفاده ائده بیلمز. ادبیاتین حقیقتله علاقه سی اولما دیغینا اینانانلار ادبیاتین معناسی، حسی و امؤسیونال (دؤیغوسال) دیر- دئیرلر.

بۇباره ده ریچاردرزین فکری چوخ ماراقلی دیر: «ادبیاتدا دیل دؤیغولاری ایفاده ائتمک و یا باشقالاریندا دؤیغو اؤیانديرماق اؤچون ایشله نیر. مثلاً «یاشاسین تبریز» دئدیگیمیز ده بیر واقعه نی تصویر و یا بیر حقیقتی بیان ائتمیریک. مثلاً بۇیوک فضولی نین مشهور بیر غزلی نین سون بیتینی اوخویاق:

فضولی رند و شیدا دیر همیشه خلقه رسوا دیر  
سؤرؤن کیم بۇ نه سؤدا دیر بۇ سؤدادان اؤسانمازمی

بو مصراعلارین بیر واقعه (فاکتی) و یا گئترچگی ایفاده ائتمه دیگینی بیلیریک اونا گؤره اوندا دوغورلوق (حقیقت) مسئله سیندن بحث اولونماز. اساساً ادبیاتدا ایشله نین خبر جومله لری چوخ آزدیر.

ریچاردزا گؤره بۇنلاردا، ادبیاتدا، سؤزده خبری جمله لردیر. (Pseudostatement) یعنی یازیچی نین بۇنلاری یازماقدان مقصدی بیلگی وئرمک دگیل، دؤیغو اؤیانديرماق یا دا بیر دؤیغونو دیله گئیرمکدیر.

ادبیات اثرلرینده معنا علمی دگیل، حسی- احساسی دیر. یعنی حقیقت ایله علاقه سی بۇخودور.

بۇنا باخمایاراق بعضی تنقیدچیلر ادبیاتین حقیقتله علاقه سی اؤلدوغونا اینانیرلار. بۇنا اینانانلار اؤچ جور فکر ایره لی سؤرورلر:

۱ - الهام بولیله: صنعت الهام بولیله درک اولونان، سنزین (اشراق Intuition) حقیقتی آچیقلا، ایفاده ائدر. شاعیر الهام و خیالیله عقلین حدودونو آشار و داها بۇکسک بیر بیلگییه



چاتار. شاعر خیال گۆجوايله گۆرۆلن وارلیغین آلتیندا یاتان جوهره، جانا نفوذ ائدر. الهام سنزمک (Intuition)، طرفدارلارینا گۆره اساس حقیقته چاتا یلن، عالیم یوخ صنعتکار دیر. صنعتکار سنزدیگی حقیقتی، بیلگینی خبر جمله لریله ایضاح ائتمز اؤنو اؤلدوغو کیمی بیزه سنزدیر.

بۇ سنز یلن حقیقتی، بیلگی اؤخوجو، اثری اوخورکن یاشار. بو بیر واسیطه سیزالده ائدیلن بیلگی دیر و بعضی لری بۇنو بیلگی کیمی قبول ائتمیرلر و بیر شئی یاشاماق اؤنو بیلیمک دگیل - دئیرلر.

۲ - ادبیات حقیقته صادق دیر: بۇ فکری مدافعه ائدنلرین ان اؤنملیسی آمریکالی فلسفه چیلردن (J. Hospers) جان هاسپرس دیر. هاسپرسه گۆره ادبیاتین حقیقته علاقه سی واردیر اما بو علاقه علمی اثرلرده کینه بنزه مز.

یازیچی بیر پسیکولوگ (روانشناس) کیمی انسانین رفتاری باره ده عمومی قانونلار اؤرتایا قویماز، اما اثرینده کی آداملاری تصویر ائدرکن انسان طبیعتینه صادق قالار.

هاسپرس - ین بۇسۆزدن مقصدی، انسان طبیعتینده کی کلی لری، نوعلری خصوصیتلری آچقلاماق، ایضاح ائتمکدیر. بۇنو ان جانلی شکیلده گۆستریمک اوچون یازیچی لازیم اولان حادثه لری اؤیدورار و بیر کارا کتری یارادار.

بۇ آچقلاماق و تانیماق ایشی عالیملر طرفیندن بلاواسیطه (مستقیم) یۆلدان آپاریلسا دا صنعتکار (رومانچی) بۇنو دۆلابی (واسیطه لی) یۆلدان آپارار. رومانچی اؤیدوردوغو بیر انسانین داورانیشلارینی (رفتارینی، عمللرینی) قارشیمیزا قویور و بعضی نتیجه لیر چیخارتماغی بیزیم عهدده میزه بۇراخیر.

یازیچی بعضاً بیر جمعیتین وضعیتینی، حیات شرطلرینی و سایره نی عکس ائدیرره ییلر. ۳ - بیر گروپ ادبیاتچی و تنقیدچیلر ادبیاتی حقیقتی ایفاده ائتمک واسیطه سی کیمی قبول ائدیرلر. بۇنلاری ایکی دسته یه آیرماق لازیم دیر: آچیق حقیقتی مدافعه ائدنلر و یئنی، اؤرتولو حقیقتی مدافعه ائدنلر.

بیرینچی دسته دن مارکسیستلرین بعضی لرینی سایا بیلریمک، ادبی بیرجمله نین بعضاً آچیق و صریح معناسی اولایلر. عینی زامان دا بۇجمله نین بیر ده ضمنی، اؤرتولو (Implied truth) معناسی دا اولایلر. ادبیاتدا هله شعرده اؤرتولو معنا چوخ مهم رول اؤینار، بۇنا گۆره ادبیاتی بئله ده تعریف ائده بیلریمک: ادبیات دیلین ائله بیر شکیلده ایشلنمه سی دیر کی معناین مهم بیر قسمی اؤرتولو اؤلسون. علمی یازیلاردا اؤرتولو معنا تقریباً

اولماز.

ادبیاتدا آختاریلان حقیقت مفهومی علم ساحه سینده کی حقیقتدن فرقلی دیر. هم ده حقیقت مسئله سی هامی اثرلر اوچون بحث موضوعسو اولا بیلیمز. مثلاً عشق باره ده، قیصا بیر غزل ده حقیقتی آراشدیرماق یئرسیز دیر، اما تۆلستوی، بالزاک، برشت و سارتر کیمی یازبچیلارین بیزه حیات باره سینده سؤیله مک ایسته دیکلری شئی لر (حقیقت لر) وار دیر. بیر اؤجدا ادبیاتی موزیکه یاخینلاشدیرماق، اؤخوجونو سانکی افسونلاماق ایسته ینلرین اثرلری یئر آلیر. اؤ بیر اؤجدا ایسه انسانین، جمعیتین، حیاتین مسئله لر یله علاقه دارلارین اثرلری. دیگرلری ده بؤ ایکی اؤج آراسیندا سیرالانیرلار. هر حالدا ادبیاتا مخصوص حقیقتی قطعی شکلده تعریف ائده بیلمه سک ده بئله بیر حقیقتین بیر چوخ اثرلرده اولدوغونو سؤیله یه بیلرک.

اینام مسئله سی:

بعضی اثرلرده آچیق و یا اؤرتۆلو (ضمنی) بیر دونیا گۆرۆشو وار دیر. بؤنا گۆره بؤ سؤوال قارشیمیزا چیخماقدا دیر: اؤخوجو اؤز عقیده سینى اثرى دگرلندیردیگی زامان حسابا قاتمالی دیرمی؟ بو خصوصدا داهی فیکرلر آیری - آیری دیر. ریچارڈزا گۆره ادبیاتدا حقیقت بحث موضوعسو دگیل دیر، ادبیاتین ایشى دۇيغولاری اؤیان دیرماق و سائقه (انگیزه) لریمیزی بیر مطابقت (اویوشما) حالینا گنیرمک دیر. بوندان اؤتورو اوخودوغوموز زامان اینانجلاریمیزی ایشه قاریشیدیرساق ادبیات اثری اؤخوجوسو بوخ، سیاستچی، جامعه شناس، تاریخچی و یا اخلاقچی اولاریق.

ریچارڈز سؤنرالار موقعینی بیر آژ دگیشدیرمیش و بؤنلاری یازمیش دیر: اؤخوجو استه تیک یا شانیتیا واریلمک و یا بدیعی احوال روحه تاپایلمک اؤچون اثرده کی اینانجلاری موقتاً قبول ائدر چونکی بیلیر کی یازیچی نین مقصدی حقیقتاً بیلگی وئریمک و حقیقتی دیله گنیرمک دگیل. بونلارا استه تیک اینانجلار - دئیر.

بو خصوصدا ائلیوت (T. S. Eliot) ون فکری بیر آز فرقلی دیر.

اؤنا گۆره: بیر اثردن لذت آلماق اوچون اؤنون اینانجینی پایلاشماغا احتیاج بۇخودور. اما اؤنو باشا دؤشمک لازیم دیر. مثلاً دانته (Dante) نى اوخویاندا شاعرین فلسفی و دینی ایناملارینی باشا دؤشمک و استه تیک باخیمدان منیمسه مک یعنی موقت اولاراق قبول ائتمک لازیم دیر. اما اثرده کی اینانجلارین اؤخوجونون اؤنونه سد چکمه مه سی اوچون بؤنلارین دؤغرو اولماسادا انسجاملی، سوپه لی و اویغون اولماسی لازیم دیر. یئنی تنقید چیلر اثرده اینام مسئله سینى

اثرین قۇرولوشو (ساختار) ایله حل ائتمک ایسته بیرلر.

قۇرمالیلستره تام ضد اولان مارکسیستلر و اخلاقچیلار آنجاق اؤز تنزیس و اینانجلا ریئی مدافعه ائدن اثرلری قبول ائدی رلر. دئمه لی اینام مسئله سینه قطعی بیر چؤزؤم، چینخار یؤلؤ یؤخدور، اما اؤنوتما مالی ییق کی ائله اثرلر واردیر کی گؤرؤش لری بی زیمکی ندن فرقلی دیر، لاکین بیز اؤنلاردان لذت آلا ریق. هؤمر، دانته، سعدی و فضولی کیمی. نئجه کی بؤیوک یازیچیلارین اثرلری عصرلردن بری اؤخونوب سئویلمیش و بیزه قدر گل میشدیر.

سؤزون قیساسی: بیر ادبیات اثرینی یالنیز فک رلرینه، فلسفه سینه دایا ن اراق دگرلندیرمه مه لی ییکک یؤخسا (وگر نه) تنقیدچی دن چوخ سیاستچی، جامعه شناس (سوسیولو ق) و یا فلسفه چی ساییلاریق.

بیر تنقیدچی نین ایلك وظیفه سی الینده کی اثره بیر صنعت اثری کیمی باخماقدیر، اما قالانینا دا گؤز یؤمما مالیدیر. یازیچی نین گؤرؤش لری نی، فیک رلرینی، توتدوغو موقعینی تدقیق ائتمکله اثرین حقیقی اؤده مک و اؤنودگرلندیرمک لازیم دیر.

### ادبیاتین تعریفی:

ادبیات و صنعتین تعریفینده ایندییه کیمی صنعتکارلار و فیکر آدمالاری آراسیندا فیکر بیرلیگی یؤخدور. ادبیات و صنعت نظریه لری نین هر بیرى آیری بیر تعریفی مدافعه ائدی ر. بؤنا رغماً بۇ اختلاف صنعتین بیر جوهری جانى و ماهیتی اولما دیغینا دلالت ائتمز.

انگلیس متفکری ویتگن ستاین (Witgenstein) دئیر کی: بیز بله ظن ائدی ریک کی بیر مفهوم معناسی اؤنون تعریفی ایله تئبیت اؤلونار. یعنی مفهوم نه یه اشارت ائدیگینی بیلمک اوچون اؤصنیفه گیرن هامی شئیلرین اؤرتاق خصوصیتلرینی بیلمک لازیم دیر. بؤنلار مفهوم ماهیتی، جانینی تشکیل ائدر. اما اونون اؤز فیکری باشقادیر. اؤنا گؤره: بیر مفهوم معناسینی بیلمک اونون اشارت ائدیگی هامی شئیلرین اؤرتاق خصوصیتلرینی بیلمک دگیلدیر، بلکه مفهوم یئرینده ایشلمک و اشارت ائدیگی شئیلری تانیماق دیر. بونون اوچون اؤبونو مثال گؤستریر، پروفیسور برناموران «ادبیات قۇرمالاری و الشئیری» کتابیندا ایدمانی (ورزش) مثال وئیر. ایدمان نه دیر، بؤسؤالا عنعنه وی شکیلده جاواب وئرمک اوچون بوتون ایدمان قۇللاری، شاخه لرینین اؤرتاق خصوصیتلرینی تاپماغا چالیشاق، گؤلشمک، فؤتبال، اؤزمک، بؤکس، یئریمک و... آراسیندا گئرچک معنادا اؤرتاق بیر خصوصیت یؤخدور. ویتگن ستاین گؤره بونلار آراسیندا (عائله بنزه رلیگی) وار. بعضیلرینده اولان بیر بنزه رلیک او بیرلرینده یوخدور،

باشقا بنزه رلیکلر واردیر. بو اوخشارلیقلار دایاناراق بونلارا ایدمان (ورزش) دئیریک.

ایدمان مفهومونون معناسینی بیلیمک اونون دۆزگون تعریفینی ائتمک یوخ، بۇ کلمه نی یئرینده ایشلمک و نه لره اشارت ائدیگی نی بیلیمک دیر. ادبیات اوچون ده وضعیت بئله دیر.

ویتس (M. Weitz) - ه گۆره صنعتین دۇغرو - دۆزگون تعریفی نین امکانسیر اولماسی نین بیر سببی ده ادبیاتین دیگر امپیریک<sup>۱</sup> مفهوم لار کیمی آچیق تۇخومالی (Opentexture) ویا آچیق تر کیلی اولماسی دیر. بیر مفهوم آچیق تر کیلی دیر. اؤتوموبیل کیمی، اؤتوموبیل یئرده گئدن بیر واسیطه دیر، صاباح سۇدا دا اۆزه بیلن بیر اوتوموبیل دۆزلمسه لر اۇنا نه دییه جه بیک. اگر اۇنا دا اوتوموبیل دئسک اوتوموبیلین تعریفینه یئنی بیر خصوصیت قاتاراق تعریفی گئنیشلندیرمه لی اولاجاغیق. اۇ حالدا اوتوموبیل کلمه سی نین ایشلمه شرطلری یئنی وضعیتلره گۆره ده دۆزلدیله بیلن شرطلر دیر، بونا گۆره اونون دۇغرو - دۆزگون تعریفی اولایلمز.

باغلی مفهوملار آنجاق ریاضیات و منطق مفهوملاری دیر. مثلث (اۆچ بۇجاق) ین دۆزگون و گئترچک تعریفی واردیر. چونکی اۆچ بۇجاق مفهومو باغلی دیر، یئنی وضعیتلر مئیدانا گلگه بیلیمز، اما صنعت و ادبیاتین دا دۆزگون و گئترچک تعریفی اولایلمز، چونکی ائله یئنی چئشیدلی اثرلرله (نوع) قارشیللاشا بیلر بیک کی بونلارین خصوصیتلری تعریفده ده دگیشیکلیک آپارما میزی لازیم قیلار. ویتس دئیر کی بیز ایسترسک بیر مفهومو باغلیا بیلر بیک: تراژدی آچیق تر کیلی بیر مفهوم دۇر اما کلاسیک یونان تراژدیسی قاپاتیلیمش (باغلانیمش) بیر مفهوم دور. چونکی بللی بیر چاغدا یازیلیمش تراژدیالاری ایچینه آلا و بیتیمش (قۇرتاریمش) بیر ژانر دیر. بۇ وضعیت ده ایضاح ائدیگیمیز نظریه لردن چیخان تعریفلر نه لردیر؟ بو تعریفلر مختلیف نظریه لره گۆره فرقلی دیر. چونکی ادبیات اثرلرینده معین خصوصیتلری مهم گۆره ن مؤلف لر ادبیاتین تعریفینده بو خصوصیتلری شرط بیلیرلر. نمونه اولاراق ایفاده چیلر دۇیغولارین دیله گئیریلیمه سینن ادبیاتین ان مهم و دگرلی طرفی حساب ائدیرلر و ادبیات ایفاده دیر Expression دئیه رک بو خصوصیتین اولمادیغی یا دا آشکار اولمادیغی اثرلری گئترچک صنعت اثری سایما زلار. حالبو کی دۇیغولارین دیله گئیریلیمه دیگی ادبیات اثرلری ده واردیر. بعضی متفکرلر ده باشقا خصوصیتلری دگرلی بیلیر و تعریفی بۇ خصوصیتلر اؤزینده ائدیرلر. مثلاً ادبیاتی گئترچکلیگین عکس ائدیریلیمه سی یا دا اؤرگانیک ترتیب کیمی تعریف ائدیرلر. بو نظریه لرین هئچ بیرى هامی طرفیندن قبول اولونمور. چونکی هئچ بیرى ادبیاتین

۱- امپیریک بورادا غیر علمی و دیلبازلیق و یا عامیانه معناسینا دیر.

کافی و لزوملو خصوصیتلرینی تثبیت ائده بیلمز. بۇ مسئله ده مهم اولان بۇ دور کی بو تعریف لر اؤزلرینه گۆره مهم معیارلاری مدافعه ائدر کن هر بیر دیگر نظریه لرین اهمال ائله دیگی، گۆرمه دیگی طرفلره دقتیمیزی چکیر. مثلاً فۇرمالیزم استروکتوره (قۇرولوشا) و اونون اینجه لیکلرینه، معنایی یۇغورماسینا دقتیمیزی چکر کن، عکس ائتدیرمه (یانسیدما) ده جمعیت ایله اولان علاقه و باغلیلیغا ایشیق تۇتور.

بۇ شرایطه بیر اثری دگرلندیرنده وئردیگیمیز حۇکم تمامیله ذهنی Subjective اولما یا جاق می؟

مثلاً صنعتی، سوسیال گئچکلگیگین عکس ائتدیرمه سی کیمی تعریف ائدنلر بیر اثری دگرلندیرنده بو خصوصیتی معیار کیمی قبول ائده جکلر. اوزامان بو نظریه نی قبول ائتمه ینلر اوچون بو معیارین هئج بیر دایاناجاغی یۇخدور. دیگر تعریفلره دایاناراق وئریلمیش حۇکم لر اوچون ده وضعیت بئله دیر. او حالدا باشقا بیر مسئله یه دقت یتیره ک:

ادبیاتین فونکسیون و وظیفه سی بیزه دۇغرو- دۆزگون معیارلار تاملین ائده بیلر می؟ اساساً ادبیاتین فونکسیون، وظیفه سی تعریف اولونا بیلر می؟ بو باره ده داھی فیکرلر مختلف دیر. بیر چوخ استه تیکچیلره گۆره ادبیاتین ایشی ذوق وئرمک یا دا استه تیک یاشانتی، بدییی احوال روحیه یاراتماق دیر. اما صنعت اثرلری بیلگی ده وئره بیلر، دینی هیجان و یا ملی-سیاسی شعور دا اۇیاندیرا بیلر، لاکین بونلاری آیری واسیطه لرله ده اله گتیرمک مومکون دۇر. مثلاً بیر علمی کتاب معلومات وئره بیلر، بیر موعظه ده دینی هیجاننی تحریک ائدر. دئمه لی بونلاری صنعت اثرلری ده تاملین ائدیرسه اۇنون یان تاثیرلری حساب ائتمه لی بیک.

دئمه لی ادبیات و صنعت اثرلری بیر ایش یۇخ مختلف ایشلر و تاثیرلر آپاریر و مختلف مقصدلر اوچون یارادیلیر. بو ایشلرین هامیسینی دگرلندیرمکده نظرده تۇتماق لازیم دیر.

## ادبى تىنقىد

### ادبى تىنقىدىن تعريفى:

ادبى تىنقىد، ادبى اثرلىرى تىنقىد ائىدىب اۋنلارى دگرلندىرر و ياخشى پىس طرفلىرىنى و قايناقلىرىنى آچىقلار. تىنقىد سۇزونون كۇكو اۋلان نقد كلمه سى قديم زامانلاردا ياخشىنى سىنچمك معناسىنا و درهم لرى خالص قىزىل و يا تىقلىب اۋلمالارىنى تانىماغا دئىلىردى و قصورلارى گۇرمك معناسىنى دا ايفاده ائىدىردى. بۇگۇن مسلمانلار آراسىندا مجازى اۋلاراق سۇزون (كلامىن) ياخشى و پىس طرفلىرىنى تانىماق اۋچون ايشلنمكده دىر.

اوروپادا ايشلەنن كرىتىك (Critic) سۇزودە يۇنانجا (Krinein) دن تۇرە مېش و حكىم وئرمك (قضاوت) معناسىنا دىر. تىنقىدىن اساسى ادبى اثرلىرى دگرلندىرر و اۋنلار بارە دە حكىم وئرمك اۋلدوغو اۋچون اۋنجه بۇ اثرلىرى دۇغرو-دۇزگون تانىماق لازىم دىر، بۇنون اۋچون دە دگر، قىمتلندىررە معيار و اۋلچولرىنە احتىياج واردىر. بۇ معيارلار چىشىدلى دىر و مختلف تىنقىدچىلر مختلف معيار و اساسلارى قبول ائىدىب ادبى اثرلىرىن دگرلندىررە ايشىندە اۋنلارى تطىق ائىدىرلر. قديم زاماندا شعرىن معنا و مضمونونو تانرىلار طرفىندىن الهام اۋلاراق قبول ائىدىر و اۋنو مقدس بىلىردىلر. اۋنا گۇرە آنجاق شعرىن سۇزلىرىنى و نحو (Syntax) و ترىكىنى تىنقىد ائىدىرلر. سونرالار معنانىن مقدسلىگى آرادان گىتىدىگى اۋچون مضمون و معنا تىنقىدى دە رايچ اۋلدو و عصرلردن سونرا پىسىكۇلۇژىك، سۇسىۇلۇژىك و استە تىك تىنقىد دە اۋرتايا چىخدى.

تىنقىددا مقصد صنعتىن حقىقىتىنى آچىقلاماقدىر. تىنقىد اۋلماسا ادبى اثرلىرىن حقىقى دگرى

معلوم اؤلماق و صنعت یاواش - یاواش دۇرغۇنلاشار و گئیرلر.

ادبی تنقید عموم خلق ده (افکار عمومی) و یازیچیلاردا تأثیر بۇراخار و صنعتچیلرە یۇل گۆسترە و صنعتین انکشافینی تأمین ائدر.

ادبی تنقید ادبیاتین نوع (ژانر) و فنلری نین مقصدلرینی آچیقلا. مثلاً غزل و دیگر نوعلرین هدفلرینی آچیقلا و هر دۇرون شرطلرینی، فکر، ذوق و احتیاجلارینی معین لشدیرر و یازیچیلار بۇ احتیاجلارین قارشیلماق یۇللارینی گۆسترە و شاعیر و یازیچی نین انکشاف یۇلونودا هامارلار. ادبی تنقید ادبیاتی شارلالتانیم، مبالغه چیلیک و آل - وئر چیلیکدن قۇرور. تنقید اؤلما سایدی ادبیات آل - وئر چیلیک وسیله سی اؤلا بیلردی.

ادبی تنقید اوچون ان آزی اؤچ شرط لازیم دیر:

۱ - ذوق، ادبی ذوق و یا ذوق سلیم (ان اؤستون ذوق)

۲ - گئیش ادبی معلومات،

۳ - تجربه و آلیشقالیق.

ادبی ذوق ایکی حیصه دن تشکول ائدر: فطری استعداد و ادبی تربیه و عادت.

ادبی ذوق اؤلان کیمسه ادبیات، ادبیات تاریخی، دنیا ادبیاتی و اؤسلوبلاری، بلاغت فنلری، تطبیقی ادبیات، تاریخ، فلسفه، سؤسپولوژی و استه تیک و بیر آزا دیلچیلیک معلوماتی کسب ائدر و بیر مدت ادبی اثرلرین تنقیدیه مشغول اؤلورسا یاخشی بیر تنقیدچی اؤلا بیلر.

یاخشی بیر ادبیات تنقیدچیسى هر دۇره ده آسانلیقلا یئتیشمز. تاریخده تانینمیش بۇیوک تنقیدچیلرین ساییلاری چوخ اؤلما میشدیر. بۇنلاردان ارسطو، هوراس بۇوالو، بلینسکی و ژان پل سارتر، مسلمان تنقیدچیلردن خطیب، وطواط، شمس قیس رازی، خواجه نصیرالدین طوسی، نوائی و وحید تبریزی هم ملی و هم ده دنیا ادبیاتی نین انکشافیندا بۇیوک رول اؤینامیش و داواملی تأثیرلر بۇراخیشلار. اسکی دن بری صنعت اثری باره ده حکم وئریر کن تنقیدچیلرین فکرلری بیر - بیریندن فرقلی اؤلموشدور. بعضی لری اخلاقی اساس سئچمیشلر، بیر قیسم تنقیدچیلر اثرین بدیعی گۆزه للیگینه اهمیت وئریشلر، بعضیلری ده ادبیاتین جامعده کی تأثیرینی نظرده تۇتوب اثره قیمت وئریمک ایسته میشلر.

پروفیسور برناموران «ادبیات قۇراملاری و اله شتیری» آدلی کتایبندا ادبی تنقید متۇدلارینی

ئله صینفلان دیر میشدیر:

۱ - اثرله خارج دنیا (جمعیت، گئرچکلیک و انسان) آراسیندا کی علاقه لره قیمت وئرین

تنقید متۇدلاری و یا اجتماعی تنقید.

۲- اثرله صنعتکار آراسیندا کی علاقه لره قیمت وئرن تنقید متودلاری و یا پسیکولوژیک تنقید و اکسپرسیونیست تنقید.

۳- اثرله اؤخوجو آراسیندا کی علاقه لره قیمت وئرن تنقید متودلاری: امپرسیونیست تنقید.

۴- فورمالیست یا شکیلچی تنقید- روس شکیلچی لیگی، یئنی تنقید و استروکتورالیزم ده اثری اساس سئجیدیکلری اوچون فورمالیست ساییلرلار.

دوقتور عبدالحسین زرین کوب یازدیغی «نقد ادبی» آدلی کتابیندا تنقید متودلارینی: اخلاقی، اجتماعی، روانشناسی (پسیکولوژیک)، تاریخی، تجربی (علوم طبیعی) فنی و لفظ و معنی متودلاری شکلینده تقسیم و ایضاح ائتمیشدیر.<sup>۱</sup>

ادبیات نظریه لری فصلینده (بؤلوم) پروفیسور برنامورانین تصنیفینی سئجیدیکیمیز حالدا تنقید متودلاری اوچون دووقتور زرین کوب- ون تصنیفینی، ساده و آچیق اؤلدوغو اوچون داها اؤیغون گؤردوک.

#### ۱- اخلاقی تنقید:

بعضی تنقیدچیلر اخلاق مسئله سینین اثرلرین دگرلندیرمه سینده اساس سئچمیشلر، دیدرؤ، جانسون و ئولستوی بؤ گروپ تنقیدچیلردندیلر.

اسلامین ایلك اللى ایللرینده شعر و شاعیرلره مناسبت یاخشی دگیل دی. چونکی بعضی شاعیرلر گؤستاخجاسینا هجولر یازیردیلار. بعضیلری قرآن کریمی داهی قصورلو گؤستریردیلر، بیر پارا شاعیرلرین یا شانیتلاری فسادلا آلوده ایدی، مشهور امرؤالقیس، بسار و ابونواس (عباسی خلیفه لریندن مهدی، هارون و متوکل زامانیندا) بو کیمی شاعیرلردن ایدیله. بعضی شاعیرلر دینلنجیلیکدن معاشلارینی تأمین ائدیردیله. مشهور اسلام تاریخچسی ابن خلدون یازیر کی شاعیرلر مدح ائتمک و هجو یا پیسه مک یؤلیله معاشلارینی تأمین ائتمگه باشلایاندان بری اؤنلرین قدر- قیمتین خلقین یانیندا آشاغی دؤشدو. بعضی شاعیرلر و شعرى سئون فیکر آدمالاری دا جاواب اؤلاراق دئییردیله کی اخلاقسیز شعر و شاعیرلره گؤره کئی مقیاسدا شعرى و شاعیری رد ائتمک اؤلماز، یؤخسا سؤز و کلامی بؤتؤلؤ کده رد ائتمه لی بیک، چونکی نثرده کی اخلاقسیز سؤزلر شعردن داها چوخدور. بیر چوخ قدیم فیکر آدمالاری صنعت و ادبیاتین تربیه وی تأثیرینه اینانیردیله. دیدئرو (Didero) بؤ باره ده دئییردی کی الینه قلم

۱- آشنائی با نقد ادبی، دکتور عبدالحسین زرین کوب، چاپ دوم، انتشارات سخن - تهران - ۱۳۷۲.



(یازی و یارساملیق و هیکلتراشلیق قلمی) آلان هر نجیب و آزاد دوشونن انسانین مقصدی بیسلیکلی، آلیققلیقاری آچقلاماق و تقوا و یاخشی اخلاقی قیمتندیرمک و تشویق ائتمک، اولمالی دیر.

جانسون یازدیغی شکسپیر اثری نین مقدمه سینده دئیر کی: یازیچی نین وظیفه سی دونیانی اولدوغوندان داها یاخشی گؤسترمکدیر. تۇلستوی یازیر کی یاخشی صنعت دونیا خلقلری آراسیندا بۇتون چاغلاردا مشترک اولان دینی خیر و شرلری و اخلاقی جهتلی تبلیغ ائتمه لی دیر.

## ۲- اجتماعی تنقید:

اجتماعی تنقید آپاریلدیغی زامان اجتماعی تأثیر و اساسلار اثرین تدقیق و دگرلندیرمه سینده نظرده تۇتولور. ادبیاتین جمعیت ده کی تأثیری و جمعیتین ادبی اثرین یارادیلماسیندا کی رولو تدقیق ائدیلمیر.

اثرین یازیلدیغی زامان دا کی شرطلری و محیطی، اثری ایضاح ائتمک اوچون نظرده تۇتماق و یا اثرین عصرینی آیدینلاتماق اوچون بیر سند کیمی اله آلماق اجتماعی تنقیدین خصوصیتلریندن دیر.

شاعیرین حیاتی و یاشاما شرطلری و جمعیتده کی موقعی تدقیق ائدیلمیر، شاعیر نئجه یاشامیشدیر، معاشینی نئجه تأمین ائتمیشدیر.

اسکی دن اکثر شاعیرلرین معاشینی دربارلار، امیرلر، خانلار تأمین ائدردیلمر حالبوکی بوگون کتاب و مطبوعات اوخوجولاری اونلارین یئرینی توتوبلار.

بعضاً شاعیرین مادی گذراننی اونون صنعت و استه تیگی نین فدا اولماغینا سبب اولور. اجتماعی تنقید ده ادبی اثرلر شاعیرین حیات و اجتماعی محیطی نین محصولو کیمی قیمتندیریلیر. بیر چوخ تنقیدچیلر شعری شاعیرلرین دوینغو - علاقه لری نین ترجمانی کیمی قبول ائله دیکلری حالدا بۇ دوینغو - علاقه لرین قایناعینی محیط، زامان و مکاندا گؤرورلر.

کئچن عصرین مشهور انگلیس ادبیاتشناسی (H. Taine) یازدیغی «انگلیس ادبیاتی، تاریخی» کتابیندا (۱۸۵۸) یازیر کی:

صنعت و ادبی اثرین یارانماسیندا، عیرق (ائتیک)، محیط و زامانین چوخ تأثیری واردیر. عیرق (ائتیک) ارنیته آنادان - آتادان گئچن استعداد و خاصیتلرین تۇپلوسودور - دئیر، محیط، طبیعی و جغرافی کیفیتلرین تۇپلوسودور. بعضی کیمسه لر محیطین تأثیرینی انکار ائدیلمر (هگل)

کیمی)، حالبوکی راتزل (Ratzel) بو باره ده مبالغه اندیر، البته جغرافی محیطین آز- چوخ تأثیری واردیر. مثلاً یونان کیمی دنیز کناریندا اولان بیر اؤلکه نین ادبیاتی عربستان چؤلونده یاشایان عربلرین ادبیاتیله عینی اولایلمز. اونلارین تشبیه لری، تعریف- توصیفلری بیر- بیریندن فرقلی اولور.

زامان و چاغین تأثیری هر کسه معلوم دور.

تئین ادبیاتدا جبره (Determinisme) اینانیر و دئییر کی معین عامللر معین نتیجه لر میثدانا گئیرر، بیر شئی آچقلاماق اونون عامللرینی و تأثیرلرینی گؤستمکدیر. تئین ادبیات تاریخینی ده اینجه لر کن بو اوج عاملی نظرده توتور. تنقیدچی معین بیر یازبچی، اثر و یا بیر ادبی نوعی (ژانر) تدقیق ائدر کن یازیلدیغی ایللرین محیطینی و شرایطینی آراشدیرماقلا داها یاخشی آچقلا یا یلر.

بو اوج عاملین بیر- بیرینه ده تأثیری واردیر. بونونلا بئله بؤتون صنعت اثرلرینی خارجی عامللره باغلاماق، انسانلارین ذوق، وجدان و اینسیاتو (ابتکار) لرینی انکار ائتمک دئمکدیر و بودا دؤر گون دگیل دیر. تاریخده صنعتکار انسانین یارادیجیلیق قابلیتی، محیط و عرقین تأثیریندن قات- قات اؤستون اولموشدور. هله شاه اثرلرده بو مسئله آیدین شکیلده اؤزونو گؤستمکده دیر. شاعیرین شخصی تجربه و دؤیغولاری اؤنون ان گؤجلو الهام قایناغی سایلیر.

### ۳- مارکسیست تنقید :

مارکسیست تنقید متؤدودا اجتماعی تنقید کیمی بیر صنعت حادثه سی نین عامللرینی تدقیق ائدیر، یالنیز اؤندان فرقلی اؤلاراق اقتصادی شرایطی و جمعیتده کی صنیف مبارزه لرینی اساس توتور و صنعت حادثه سینی بونلارلا ایضاح ائدیر.

مارکسیست تنقیده هر شئی دن اول اثرین محتواسی تنقید اولونور. اثرین موضوعو، حادثه لری، قهرمانلاری، استعمارچی و حاکیم بیر طبقه نین منفعت لری نین داوامینا کؤمک ائتمه مه لی و ازیلن طبقه لرین منفعتلرینه ضد اولما مالیدیر. هئج بیر اثر سیاسی باخیمدان طرفسبز اولماز. اؤنا گؤره ده اثرین اوخوجودا و جمعیتده کی سیاسی تأثیری نظرده توتولور.

اما بعضی مارکسیستلر بو باره ده فرقلی دؤشونورلر. بونلار دئییرلر کی: اجتماعی اولمایان بیر اثرده یاخشی اولاییلر، چونکی اجتماعی لیک ادبی بیر اثر اؤچون نه کافی دیر نه ده لازیم دیر. بو گروپ مارکسیستلردن مشهور اولانی فیشر E. Fisher دیر. فیشره گؤره صنعتی اجتماعیلکله محدودلاشدیریب الینی- قؤلونو بیر ایدئولوژییه باغلاماق خطادیر. البته

كى صنعتكار زامانى نىن ايدئولوژىسىنىڭ تائىر آليرو صنعت اثرلىرى چۇخ واخت عىنى، كۇنكرتلىشىدىر بىلمىش ايدئولوژىلىرىدىر. فقط بۇنو اعتراف اثتمەلى بىك كى چاغداش بۇرۇو رۇيىمى بۇيوك مقياسدا صنعت اثرى ياراداجاق گۇجده دىر و كافكا، Beckett، Faulkner كىمى يازىچىلار بۇيوك صنعتكارلاردىر.

فىشرە گۇرە رئالىست مئۇد كىرچىگىن عكس اثئىدىر يلمەسى اۇچون تك مئۇد دىگىلىدىر. بىر شىئىن اصلىنى، جانىنى عكس اثئىدىر مەك بىر استە تىك حادثە دىر (مقوله يا كاتە قۇريا) حالو كى رئالىسم بىر مئۇد دور، بۇنلارى بىر-بىرىنە قارىشىدىر مالى يىق. اونا گۇرە فىشر اجتماعى رئالىسم يىرىنە «اجتماعى صنعت» دىمكى داها اۇيغون گۇرور. اۇنون فىكرىنە گۇرە مەم اولان مەيىن مئۇد يۇخ صنعتكارىن اجتماعى موقىمى دىر. صنعت دە بۇرۇووا و يا پىرۇلە تر، كاپىتالىست و سۇسپالىست شكىللىر و يا ايفادە يۇللارى يۇخدور.

فىشر اجتماعى اۇلمايان بۇتون ادبياتا مۇرتجع، گىرىجى، دامغالارىن وۇرماغىنا قارشى دىر. اۇنا گۇرە دونيا مېزدا آمريكا ادبياتى لازىم اۇلدوغو قدر روس ادبياتى دا لازىم دىر.

#### ۴- پىسيكولوژىك تنقىد (نقد روانشناسى):

پىسيكولوژىك تنقىد صلغىكارىن شىخىلى اىلە اثرلىرى آراسىلدا سىخ بىر باغلانلى اۇلدوغو اساسىنا دايانير و اىكى مقصدلە تطىق اۇلونور.

- ۱- اثرى آيدىنلاشىد. ماق اوچون صنعتكارىن حياتىنى، شىخىتىنى تىقق اشىك.
- ۲- صنعتكارىن پىسيكولوژى (روحى) و شىخىتىنى آيدىنلاشىر ماق مقصدلە اثرلىرىنى بىر سىند كىمى اساس گۇتورمەك. تنقىدچى بۇ اىكى يۇلدان بىرى و يا هر اىكى سىند دە عىنى زاماندا فايدالانا بىلر.

۱۹- جو عصر دە بو چىشىد تنقىد يۇلۇنو آچان سنت بوو (Saint Beuve) اۇلموشدور.

- ۱- يازىچى نىن حياتىدا باش وئەن حادثە لر، اىچىندە ياشادىغى شرايط عائلە محىطى، اۇخۇدوغو كىتابلار، باشىندان كىچىن عشق ماجرالارى و بۇ كىمى حادثە لر هامىسى يازىچى نىن شىخىتى نىن و اثرلىرى نىن ياخشى آتلاشىلماسى اۇچون لازىم و فايدالى معلومات تامين ائدر. بۇ بىلگى و معلومات سايه سىندە يازىچى نىن ايتانچىلارى، دونيا گۇرۇش، روحى دۇرومو تىبىت و ضبط اۇلونار. سۇنرا اثرلىرى بۇ بىلگى نىن ايشىغى آلتىندا تىقق ائدىلر و دۇزگون يۇروملار و دگرلندىر مە لر آپارماغا چالىشىلار. بۇ تنقىدچىلرە گۇرە اثرىن حىقى مەناسى يازىچى نىن بىئىندە دۇشۇندوبو و دىلە گىر مەك اىستە دىگى مەناد

ھەر يازىچى ايستە سە و يا ايستە مە سە دە اۋز دا مغانسىنى ، مۇھرۇنو اثرى نىن اۋستونە باسار ، ھەر يازىچى نىن بىر اۋسلوبو واردىر كى اۋنون كارا كترى نىن آچارى دىر . بۇندان باشقا بىر يازىچى نىن اثرلرىندە ايشلندىگى تىم (حادئە دە كى اساس فكر) ، سئچدىگى قھرمانلار ، ياراتدىغى صورت ، اۋبرازلار يئتە اۋنون شىخسىتىنى آچىقلار .

بىر چوخلار يىمىزىن ايتاندىغى بىر عقىدە واردىر كى اثرىن مغانسىنى كىمسە يازىچىسى كىمى ياخشى باشا دۇشمز ، اثرىن حقىقى مغانسى يازىچى نىن دۇشوندوبو مغاندىر . بىز بۇ ادعانىن ھەر زامان دۇغرو اۋلدوغونا ايتانمىرىق . بىز بعضاً دانىشاندا سۇزۇموزون سھو آنلاشلىدىغىنى گۇروب مقصدىمىزى يئنى دىن آنلاتماق اوچون سۇزلىرىمىزى دگىشدىرىب باشقا شىكىلدە ايفادە ائدرىك . بعضاً يازىچى نىن مقصدى اۋلان مغانايە ائردن چىخان مغان عىنى اۋلمايا بىلر ، بۇندان اۋتۇرو اثرىن تفسىرىندە سۇن سۇز اثرى يارادان صنعتكارىن دگىل . يازىچى دا اثر قارشىسىندا بىزىم كىمى بىر اۋخوجودور . اثرىن بىر تىك تفسىرى يۇخدور ، ھەر چاغدا ، ھەر تنقىدچى يئنى تفسىرلر گىترە بىلر . آنچاق بعضى حاللاردا صنعتكارا مراعىتمىز اثرە ھانسى بۇجاقدان (زاويە) باخماغىمىز كۆمك ائدر . بۇدا اثرى داھا دۇز گون تفسىر ائتمگە يارار . يازىچى نىن مقصدىلە دگرلندىر مە آراسىندا كى مناسبتە دقت ائدرىك گۇروروك كى اثرىن صنعت باخىمىندان دگرلى و باشارىلى اۋلا بىلمەسى اوچون يازىچى نىن مقصدى نىن تحقىقى كافى دگىل دىر . اما يازىچى نىن مقصدىنى بىلمەسك بلكە دە اثرە ھانسى بۇجاقدان باخا جاغىمىزى معىن لىشدىرە بىلمەرىك ، لاكىن مقصدى اۋىرنىدىكىدن سۇنرا اثرى داھا ياخشى باشا دۇشەرىك و بلكە دە بو سفر اثرىن باشارىلى اۋلدوغونا قناعت گىترەرىك .

۲- اثرى تديق ائتمكە شاعىر و يازىچى نىن شىخسىتىنى آچىقلاماق (معىن لىشدىرەمك) ايستە بىن تنقىد متودو دا ضعيف دىر . بو آنچاق بىو گرافىك بىر چالىشما اۋلا بىلر .

بۇرادا پىسكولوژىك (روانشناسى) بىر حادئە نى نظر دە تۇتماق لازىم دىر . چونكى بعضاً اثر ، يازىچى نىن حقىقى شىخسىتىنى يۇخ ، آرزولادىغى ، اۋلماق ايستە دىگى بىر شىخسىتى عكس ائندىرە بىلر . اما صنعتكارىن صىمىتىنى دە دگر اوچون معيار قبول ائدرىك (Colling Wood) بو دفعە اوچونجو صىنىف بىر صنعتكاردا عىنى صىمىتە اثر يارادا بىلر . سۇنرا يازىچى نىن صىمىت درجە سىنى ھەر زامان آنلاماق مۇمكون دگىل . گۇرە سن ، عجا يازىچى دىلە گىتردىگى دۇيغولارى حقىقتاً ياشامىشدىرمى؟ سۇنرا يازىچىسى بللى اۋلمايان اثرلر واردىر .

بىر يازىچى صىمىتى اۋلدوغو حالدا دۇيغولارىنى دىلە گىترەمكە باشارىسىز اۋلا بىلر . بۇ سبب دن يازىچى نىن صىمىتى نىن دگر معيارى اۋلماغى بىر چوخ اعتراضلار سبب اۋلموشدور .

یازیچی نین صمیمیتی یالینز دیله گتیردیگی دۇیغولاری دۇیماسیندا دگیل عینی زاماندا ایره لی سۆردوگو فیکره ده اؤزۆنون اینانماسی اؤنملی دیر و اؤخوجودا چوخ مثبت و یا منفی تاثیر بۇراخار.

##### ۵- پسیکوانالیز و تنقید :

پسیکوانالیزه دایانان تنقید متؤودۇ فرؤید (Z. Freud) ون تاثیريله ظهور ائتمیشدیر. فرؤیدا گۆره صنعتکارین یارادیجیلیغی ایله نوروز (Neurosis) آراسیندا سیخ بیر علاقه واردیر. بۇ یارادیجیلیق استعدادی و یا یاراتماق قوۋه سی اسکی یونان دا الهام (Inspiration) آدیله تعریف اولونموشدور. اۇ زامان دئییردیله کی الهاملی، جن وۇرموش کیمی دیر و شاعرلر الهام اۆچون تانریلاردان مدد ایسته رلر.

عربلر ده اسلام دان اول «جاهلیت دۇرونده» دئییردیله کی هر شاعیرین ایچینده بیر شیطاننی واردیر کی اۇنا الهام وئرر و اۇنا جننی دئییردیله. اۇ زامان اولو پیغمبریمیز حضرت محمد (ص) ده مجنون شاعیر، مجنون معلم دئدیله و دئدیله کی اۇنا (پیغمبره) نازل اولان (دیلینه گلن) کلام، سۆز شیطان وحییی دیر. قرآن کریم ده، بۇنلارا تکویر سۆره سینده بئله جاواب وئریلمیشدیر. وما صاحبکم بمجنون (آیه ۲۲)، سیزین دۇستونوز دلی دگیل. وما هو بقول شیطان رجیم (س ۸۱، آیه ۲۵) بۇ قرآن، قوۋولموش شیطانین سۆزودگیل.

افلاطون سقراط ایله دانیشان اۇزان (اسکی عاشیق) ایون (ION) ون دیلیندن بۇ باره ده بئله یازمیشدیر: اۇزانلار یازار و سۆیلرکن عقله دایانان بیر ایش گۆرمزله. اۇنلار بۇ زامانلار بیر نوع وجد- جذبیه ایچینده دیله و یازدیقلاری و یا سۆیله دیکلری زامان شعورلو بیر کنترؤلا تابع اولمازلار.

رؤمانتیکلر زامانیندا بۇ الهام گۆرؤشو، مذهبی طرفینی الدن وئردی و طیبعی بیر شکل آلدی. رؤمانتیکلره گۆره صنعتکار الهاملار یازان بیر آدم دیر.

رومانتیکلر، اساساً عقل، ذکا- ذهن و فیکر کیمی عامللر، حقیقی صنعت اثری یارادا بیلمزله- دئییرلر.

ایندی الهام و جذبیه حقیقده بیر آز ایضاحات وئره ک:

جذبیه: جذبیه (Extase) الهامین مقدمه سی و الهامین گلگینه لازیم اولان حال دیر. عربجه بیر کلمه اولان جذبیه بیرینه جذب اولماق و اۇنا قاریشماق دئمکدیر. اکستاز دالاتینجه بیر سۆز دۆر و معناسی جذبیه و اؤزوندن خارجه چیخماقدیر. بۇ ایکی سۆزون بیر یشده معناسی

جذبە نىن تعريفىنى تشكىل وئىرى: اۋزوندن چىخىپ باشقاسىنا قارىشماق. جذبە دە گۆجلو و اۆستون تحرىك ائىدىجى عامللار (Impuls) تاثيرىندە انسانىن شعورۇ و وجدانى موقتاً محو كىمى اۋلار (كۆلگە لە نر) و اۋزۇنو داھا يۆكسك بىر وجوددا غرق اۋلموش كىمى گۆرر و شادلىق، گۆزەللىك و سعادەت دۇيار (دكتر عبدالحمىن زرىن كوب).  
بو زامان انساندا بىر حس و اردىر كى سانكى كامىل بىر وجوددان باشقا، ھر شئىلە علاقە سى كسىلمىشىدەر. ادبى شاه اثرلر عمومىتلە جذبە حالىندا يارادىلار و اۋنلاردا شخسى ھويت گۆرولمز. البته عارفلىرىن و دىندار اداملارنىن جذبە سىلە شاعىر و ذوق اھلى نىن جذبە لرى بىر- بىرىندىن فرقى دىر. بىرىنچى سىندە انسانى قاپسىان (Impuls) عامل، خىر و كمال دىر، حالو كى صنعت جذبە سىندە گۆزەللىك دىر (حسن و جمال).

الھام: جذبە حالى صنعتكاردا الھامىن ظھورون سبب اولار. الھام بىر چئشىد يارادىجىلىق قەرتى و امگى دىر كى بدىعى يارادىجىلىغا سبب اولار.  
بعضى پىكولوكلار الھامى شعور آلتىندا كىلارنى بىر حصە سى نىن شعور دا ظاھر اۋلماسى كىمى تعريف ائدىرلر.

من الھامى دۇغوم سانجىسىنا بنزە دىرم. دۇغوم سانجىسى حاملە (بۇىلو) قادتىن ارادە سىندە اۋلماز، آنجاق گلدىگى زامان غىر عادى، اۋستون بىر گۆجلە قادتىنى زۇر وئرمگە مجبور ائدر و قادتىن زور وئىرر (ايقىنار) و اۋشاق دۇغار. ادبى الھام گلندە شاعىر ارادە سىندە اۋلمايان معنوى بىر گۆجلە (يارادىجىلىق گۆجو) شعرىنى سۇىلر و صنعت اثرىنى يارادار.

#### ۶- فرۇىدۇن صنعت نظرىە سى:

انسانلارنى بىر پارا اىستىكلرى، سائقە (انگىزە) لرى و اردىر، اما جمعيت دە ياشادىقلارى اۋچون خارچ گىرچكلرە (واقىتە) اۋىماق مجبور بىتىندە قالىرلار و اۋنلارنى آزادجاسىنا يىرىنە يىتىرە بىلمىرلر. بۇسىدن انسان گىرچك حياتدا قۇوۇشا بىلمە دىگى بۇ ذوق و لذتلىرە خيالدا قۇوۇشماق اىستىر و بۇ خيال دۇنياسىندا ان گىزلى آرزولارنى يىرىنە يىتىرر. بۇنلار اكترأ جنسى و يا اۋزۇنو باشارىلى و گۆجلو گۆرمك آرزولارى دىر. بۇ خيال چوخ گۆجلو اۋلسا روھى خستەلىك اوچون زمىنە حاضرلانا.

بۇ نظرىە يە گۆرە مادام كى يازىچىنى يازماغا قۇرشالايان، باسدىرىلان اىستىكلردىر اۋ حالدا بۇنلار شكىل دگىشىدىرىب، اثر دە اۋزلىرىنى بللى ائدە جكلر. بۇخودا اۋلدۇغو كىمى. اۋنا گۆرە بىر صنعت اثرىنە، صنعتكارىن شعور آلتىندا قالمىش اىستىكلرى نىن، قۇرخولارى نىن

رمز لیرینی - نشانه لیرینی داشییان سندلر کیمی باخا بیله ریک. ائله ده اثره روحی بیر خسته نین سۆزلری کیمی باخا بیله ریک، اوزامان یازیچی نین گیزلی ایستکلرینی، جنسی میللرینی، شعور آلتی دونیاسینی آراشدیریب اۆزه چیخارتماق اۆچون اثری تدقیق ائتمک لازیم دیر. بۇدا اثر دن یازیچینی آچیقلايان تنقید متؤدونا داخل دیر. اما اثرده کی خصوصیتلری ده ایضاح ائتمگه یارار. فرؤید صنعتکارا خصوصیله شاعیره بیر روحی خسته کیمی باخیر. اما اؤنون گؤرؤشو بیر چوخلاری طرفیندن اعتراضلا قارشیلانمیشدیر. مثلاً:

تریلینگ (Trilling) دئییر کی یازیچی و شاعیرلرین پسیکو آنالیزه مساعد اؤلماقلاری، روحبه لری حقینده چوخ ایپ اؤجو (معلومات) وئرمکلریندن دیر. عالیم لر و باشقا اختصاص آداملاری اۆزلری باره ده یازمازلار. یازیچی و شاعیرین دوها سینی روحی خسته لیک و یا روحی بۇزغونلوقلا ایضاح ائتمک دۆزگون دگیل. صنعتکاری صنعتکار قیلان اؤندا کی ادراک، دویمو و ایفاده گؤجو و فوق العاده قابلیتی دیر. بۇندان علاوه صنعتکارین حیاتی، نؤرؤزؤنو پسیکو آنالیز یؤلیله کشف ائتمک اثری دگرلندیرمکده فایدالی دگیلیر. بۇنولا برابر بۇگون یئنی ادبیاتی تدقیق ائدرکن پسیکو آنالیزدن فایدالانا بیله ریک چونکی یئنی لیک طرفداری صنعتکارلار، فرؤید یونگ (Young) دان تأثیر آلمیشلار و پسیکو آنالیست تعلیمینی اثرلرینی بازارکن تطبیق ائتمیشلر.

#### ۷- تاریخی تنقید:

تاریخی تنقید متؤدونا گؤره اؤخوجونون گنجمیش زاماندا یازیلیمیش بیر اثری قاواریب دگرلندیره بیلمه سی اوچون اؤچاغدا کی شرطلری، اینسانلاری، دنیا گؤرؤشو و صنعت آنالیسی (تلقی) و عنعنه لری (سنت) حقینده معلوماتی اؤلمالی دیر. بۇنون اوچون اؤخوجونون اؤچاغقا قایتماسی، یازیچی نین مقصدلرینی باشا دؤشمه سی و اؤچاغین اؤخوجوسونون گؤزویله باخا بیلمه سی لازیم دیر. بۇ وظیفه داها چوخ ادبیات تاریخیچیلرینه و آراشدیرماچیلارینا دؤشر.

بۇ باخیدان اؤنجه الیمیزده کی متین دؤغرؤ و سهوسیز تثبیت ائدیلمه سی اؤنملی دیر. چؤخ واخت بیر نئچه الیازما نسخه سی اولان بیر شعرین هامی نسخه لری بیر-بیرینه اؤیما یا بیلر. بۇنلاری قارشى لاشدیرماق، دؤغرؤ متنی تاپماق، یازیلدیغی تاریخی تثبیت ائتمک لازیم دیر. اثرین دیلی اؤزیرینده داھی دۇرماق گره کیر. قدیم زامان دا یازیلیمیش بیر اثرده بعضی سؤزلر زامانیمیزدا دگیشمیش اؤلایلر.

ادبیات عالیمی اثرین دیلی اؤزینده آپاردیغی تدقیقات و آچیقلامالارلا بۇ كیمی چتینلیكلری اؤرتادان گۆتورمه گه چالیشار.

تاریخچی تنقید، ترجمه حالا (بیوگرافی) دا اهمیت وئریر و یازیچی نین حیاتینا عاید معلوماتدان فایدالاناراق اثرلرینی آیدینلاشدیرماغا چالیشیر.

تاریخچی تنقیدین ان مهم طرفی اثری، بللی بیر صنعت عنعنه سینده کی یئرینه یئرلشدیرمک، اؤجور اثرلرین خصوصیتلرینی اورتا یا قویماق و اثرده تعقیب ائدیلمن مقصدلری، اؤنا شکیل وئرن اساس عنصر و آچیقلاماق و اؤنا هانسی زاویه دن باخیلجاغینی تاپماق دیر. عمومیتله تاریخچی تنقید قدیم زامانلاردا یازیلان اثرلری دؤغرو-دؤزگون باشا دؤشمه گه کؤمک اندر و شبهه سیز بۇ باخیمدان چوخ فایدالی دیر.

#### ۸- تجربی تنقید و یا علمی تنقید:

تجربه یه دایانان بۇ متود چوخ ماراقلی دیر و طبعی علملرین تدقیقی کیمی تشریح-تحلیل، صینیفلاندیرما و حؤکم وئرمدکن عبارت دیر. تجربی متودون ادبیاتا تطبیقینده ۱۹-جو عصرین فرانسیز بؤیوک طب عالیمی کلودبرناد (Claude Bernard)-ین تأثیری اولموشدور. بۇرادا هم اثری هم ده اؤنون یارادیجیسینی تشریح و تحلیل ائتمک لازیم: اثری یارادان کیم دیر، هاردا و هانسی دورده یاشامیش، هانسی عائله دن، هانسی ائل-ائتیک دن (قوم) دیر. تریبه، اخلاقی و کاراکتری، معاش و گذراننی نئجه ایمیش و کیملرله دؤستلوق ائتمیشدیر. هانسی

۴۴۱ | یازماچ | هانسی شریط اؤز بۇ اثری یازیب یازماغا سؤق ائتمیشدیر.

الته ادبی اثرله یارادیجی هر زامان بیر-بیرینه بنزه مز، اما نئجه کی ادبیات جمعیتین ترجمه حالی دیر ادبی اثرده شاعیر و یازیجیسی نین ترجمه حالی دیر. فقط ترجمه حال بعضاً گنرچکدن بؤیوک و یا داها کچیک عکس اؤلونایلر. شاعیر و یازیچی دان سؤنرا اونون محیط و چاغداشلارینی تدقیق ائتمک لازیم. چونکی بۇنلارین دا اثرین یارانماسیندا بؤیوک تأثیری اؤلوموشدور. مثلاً مولوی نین مثنویسینی نظرده تۇتساق گۆره ریک کی مولوی نین یؤکسک دؤشونجه، ذوق و قابلیتیندن باشقا حسام الدین چلبی، بهاء الدین ولد و شمس تبریزی و حتا اؤنون اطرافینا تۇپلاشان صوفی و مریدلرین ده مثنوی نین یازیلماسیندا تأثیری اولموشدور.

هر ادبی اثرین اؤزوندن قاباق یازیلان همین نوعدن اثرلرله ده علاقه سی واردیر. اثرین نوعی نین (ژانر) گنچمیشینی تدقیق ائتمک و هابئله او اثرین اؤزوندن سؤنرا گلن و عینی نوعدن اولان اثرلر اؤزینده کی تأثیری نین تدقیقی ده لازیم و اهمیتلی دیر. بعضاً ملی سرحدلری آشیب



خارجده کی اؤ نועدن اثرلری ده تدقیق ائتمک فایدالی اولور. شعر و ادبیاتدا مختلف نوعلر (ژانرلر) اؤلدوغو اوچون تجریه - تحلیلدن سونرا اثری صنیفلاندریماق لازیم.

شعری ارسطو زامانیندان بری ماده و صورته آیرییلار. صورت جهتیندن شعری: مثنوی، قصیده، غزل، مسمط، رباعی، دؤردلوک و مستزادا بؤلورلر.

ادبی نوعلر: ادبی اثرلر ایفاده یوللارینا گؤره ده مختلف نوعلره بؤلونورلر. قورولوشلاری بیر - بیرینه بنزیمک باخیمیندان ادبی - بدیعی اثرلری اؤچ نوعه بؤلورلر: ائپیک یا حماسی، لیریک یا غنائی، درام اثرلر (نمایشنامه لر) ائپوس Epos اصلینده حکایه، ناغیل دئمکدیر. ائپیک اثرلرده یازیچی، انسانلار و حادثه لر حقیقینده روایت ائتمک یوللایله وارلیغی تصویر ائدیر. ائپوس ملی داستانلار شفاهی خلق ادبیاتی قهرمانلیق ناغیللارینا دا دئییلر (کؤراوغلو کیمی).

لیریک Lyric و یا غنائی اثرلرده، حیاتین، وارلیغین و هرھانسی بیر موضوعون یازیچیدا اؤیاتدیغی دئیغو - تاثیر و هیجانلار وئرلیر. غنائی اثرده گؤزه للیک (حسن) و هیجانلار اثرین جانینی تشکیل ائدیر.

درام Drame (نمایشنامه) حرکت و عمل دئمکدیر. صحنه اوچون یازیلیمیش بدیعی اثرلر و یا صحنه ده اوینایان اثرلره درام دئییلیر. درام دا آز سؤزله چؤخ فیکر ایفاده ائتمک، معنالی حرکت ضرورتی واردیر. درام اثرلرینده زامان مسئله سی خصوصی یئر تۇتور. اگر بیر اثرین اؤخونماسی ایکی ساعت وقت آپارسا صحنه ده ۵-۴ ساعات سؤرر. درام اثرلری، هم شعر و هم نثرله یازیلا ییلر.

ائپیک اثرلرین نوعلری داستان، حکایه، پؤوئست، رومان، اؤچترک (تاریخی رومان) و سایره دیر.

حکایه حجمی بؤیوک اؤلمايان روایت، تحکیه دیر. حیاتدان آنجاق بیر حادثه گؤتورولور و تصویر ائدیلیلر. حکایه لر تم (اساس حادثه و اؤنداکی آنافیکر) باخیمیندان مختلف اؤلور. حکایه یازماق آذربایجاندا ۱۹ - جو عصرده اسماعیل قۇتقاشانلی، م. ف آخوندزاده ایله باشلامیشدیر (رشید بیگ و سعادت خانیم حکایه سی، آلدانمیش کواکب حکایه سی). نؤوئل کچیچ حکایه دیر.

پؤوئست حکایه دن بؤیوک و رومانندان کچیچ حکایه یه دئییلیر (آلدانمیش کواکب کیمی) اؤچترک ده حیاتدا اولان گنرچک بیر حادثه و یا بیر انسانین سجه وی جهتی بدیع دیل

و صورتلرله (اؤبراز) تصویر اولونار.

رومان ان بؤيوك حكايه، ائپيك نوعى دير، فلسفى، خيالى، ماجرا و عشق رومانى اؤلا بيلر.

ادبيات يازيچيسى بير حادئه نى، شخصيتى، محيطى و اؤنون شرايطىنى تصوير ائدر كن اؤچ اؤصول و متؤددان استفاده ائدر: تحكيه (نقل ائتمك)، تصوير و ترنم. تحكيه ده يازيچى حيات و حادئه لر حقينده معلومات وئرر و عيىنى و خبرى (خبر وئرمك) شكىلدە دانىشار. تصوير ده شخصىن كارا كترى، صحنه و محيطىن نشانه و علامتلىرى رسم كىمى تصوير اؤلؤنور اؤنا گؤره تحكيه ناغيلا و تصوير رسمه، لوحه يه اؤخشار.

ترنم اؤصولوندان ان چوخ غنائى اثرلرده استفاده اؤلونور. بورادا يازيچى شخصيتىن، حادئه نىن اؤياتدينى روحى حاللارى حس و هيجانلارى ايفاده ائدير. بۇ تقسيم و صينيفلانديرماقدان سؤنرا حؤكم وئرمكنين (قضاوت) سىراسى گلگىشىدير. اساساً تنقيد (نقد) سؤزونده حؤكم وئرمكن معناسى دا واردير.

#### ۹- فنى تنقيد:

فنى تنقيد ده ادبى اثرين متنينى لغوى (Lexik) و نحوى (Syntax) باخىمدان تدقيق ائديب دگرلنديريرلر. اسكى دن بو متود چوخ يايىلمىشىدى. شعر و نثر لغت و نحو (سىنتاكس) جهتدن تدقيق اولونور و بلاغت قاعده لرى نظرده تۇتۇلوردو.

ارسطو و آريستاك قديم يونانستان دا و هؤراس و كئتى لين (Keti Lin) اسكى روم دا بو تنقيد متودونون اساسىنى قويدولار. اونلاردان سونرا بو متود اسكندريه مكئتىنده يايىلدى.

اسلامدان سؤنرا عربلر، ايرانلىلار و توركلر آراسىندا دا لفظ و معنا باره سينده مباحثه و كلمه لرین ايشله ديلمه كىفيتى و مقصدە اؤيغونلوغو باره ده تدقيقات آپارماق، ادبى تنقيدىن موضوعونو تشكيل وئريردى. اؤز امان مسئله بۇندان عبارت ايدى: بۇ قاعده لرى نئجه و هارادان آختاريب تاپمالي ييق.

ادبياتچىلارين چوخو بئله دؤشونوردولر كى بۇ اصول قايدالارى قديم صنعتكارلارين اثرلريندن اؤزوده ائله اثرلر كى هميشه، هامى طرفيندن يه نىليب آقىشلانمىشىدير، چىخارتماق لازيم دير. مثلاً ۱۷- جى عصر فرانسىز متفكر و يازيچىلاريندا لابرؤيئر Labruyere دئيردى كى هر شنى دئيلمىشىدير. قديم يازيچى و شاعىرلرين قۇيدوغو اصول، قايدالار ابدى دير و دگيشه بىلمز. يئنى گلنلر اثرلرينده اؤنلارى تقليد و تكرار ائتمكدن باشقا

چاره لری یۇخدور. بۇ خصوصدا ۱۷ - جی عصرده فرانسه ده ظهور ائدن یئنی لیک (تجدد) طرفدار یئنی چیلرله قدیمکی فیکرین طرفدارلاری آراسیندا شدتلی مباحثه لر گئیدردی. البته اسکى دن حاکیم اۇلان بۇ عقیده آشیری (افراط) دیر و دۆزگون دگیل دیر.

اسلامین مشهور یازیچیلاریندان ابن قتیبه یازدیغی «الشعر و الشعرا» آدلی کتابیندا بۇ عقیده نی تنقید ائتمیشدیر. اۇنا گۆره تانری علم و بلاغتی یالئیز بیر دیله و یا بیر ائله (ائتیکه) وئرمه میشدیر، بلکه اۇنو هامی انسا نلارا مشترک شکیلده قسمت ائتمیشدیر. بۇگون قدیم ساییلان بیر شاعیر ده اۇز زامانیندا یئنی ساییلیردی.

بۇ باره ده دۇغرو- دۆزگون یۇل، قدیم و یا یئنی ادبی شاه اثرلردن، ذوق سلیم Bonsense له (ان یۆکسک ذوق) اصول و قایدالاری تاپپ چیخارتماق و ایشلمک دیر.

گنج یازیچی و شاعیرلر قدیم اثرلری اوخویوب تدقیق ائتمه لی و اۇنلارین اصول- قایدالارینی و یارادیجیلیق رمزلرینی اؤیرنمه لی دیرلر. بۇ رمزلر و قایدالار شعر و نثرین فنی- تکنیک اساسلارینی تشکیل وئریر و تنقید ایشینده ده اساس معیار ساییلرلار.

### شعرین تنقیحی:

شاعیر شعرینی یازاندان سونرا اونو تدقیق ائدیب اۇز اثرینی تنقید ائتمه لی و ضعیف و یا شبهه لی اولان نیترلی اصلاح و یا حذف ائتمه لیدیر. بونا شعرین تنقیحی (شعری قصورلاریندان تمیزله مک و اصلاح ائتمک) دئیرلر.

### لفظ تنقیدی:

فنی تنقیده لفظه، نحوه (Syntax) و سۆزلرین اصول- قایدالارینا چوخ اهمیت وئرلیر. لفظ، ادبی اثرین صورت و هیئتینی تشکیل ائدیر. اونا گۆره ادبی قاعده لره اۇیغون اۇلماسی لازیم دیر. اما بۇ خصوصدا دا افراطا گئتمک شعری پۇزا بیلر. بۇ یوک شاعیریمیز مولوی نین مثنویسی بۇنا جالبی بیر مثال دیر، مولوی شعرلرینده آنجاق معنایی نظرده تۇتموش و لفظ و اۇنون قایدالارینا چوخ دا اهمیت وئرمه میشدیر، بۇنا باخیماراق عرفانی فارس ادبیاتی نین شاه اثرلرینی یارتمیشدیر. اگر مولوی افراط درجه سینده لفظ قایدالارینی نظرده تۇتسا یدی بیر چوخ بدیعی و اۇستون معنالاری فدا ائتمگه مجبور اولاجاغیدی. بۇ سببدن قدیم زاماندان شعرده جواز و ضرورت قاعده سی قبول ائدیلمیشدیر.

### ضرورت و جواز:

شاعیر ضرورت حۇ كمو ايله بعضى لفظ قايدا لارینی رعایت ائتمییه بیلر. مثلاً بیر ساكنی، حر که لی و یا بیر حر که لینی ساكن قیلار، تشدیدلی بیر حرفی خفیف لشدیرر و یا تشدیدلی اؤلمایان بیر کلمه نی تشدیدلی ایشله در. شاعیر بۇ ایشلری شعرین وزنی، قافیه سی و یا بۇ کیمی ضرورتلره گۆره آبارار.

### معنا تنقیدی:

فنی تنقید ده معنادان دا صحبت گئدیر. چونکی لفظ و یا سؤزده لفظ دن باشقا معنا دا واردیر، ویکنورهو گو تنقیدی آنجاق معنا اوچون اهمیتلی ساییر و «شرفیات» آدلی اثری نین مقدمه سینده دئییر کی: «شعرین معناسی یاخشی دیرمی» مقصدی: شاعیر و یازیچی، ذهنینده اؤلان مطلب و معنایی آچیق و دۆزگون ایفاده ائده بیلیمیش دیر می؟ او، مطلب و معنایی ایفاده ائدر کن مناسب - دۆزگون سؤزلر ایشلتمیش دیر می، و یا ساجمالامیش (تارتان، پارتان دئیمیش) و مبالغه ائتمیش و اؤلماسی مۆمکون اؤلمایان سؤزلر سؤیله میشدیر.

### ۱۰ - ادبیاتدا شکل - محتوا مسئله سی، یئنی تنقید:

یئنی تنقید و یا آنگلو - آمریکن فۇرمالیزمی، روس فۇرمالیزمی (شکلیلچیلیگی) و قۇرولوشجو تنقید (Structuralisme)، اثره دقت ائدن و اؤنومعبار قبول ائدن متؤدلار اؤلدوغو اؤچون فۇرمالیست ساییلیرلار. بۇنلارا گۆره، صنعت اثرینی دیگر اثرلردن آبییران خصوصیت اثرین اؤز ترتیب، نظامیندا یعنی شکلینده دیر.

یئنی تنقید ۱۹۳۰ ییلرینده باشلادی و ۱۹۶۰ ییلریندن سونرا اولکی اهمیتینی ایتیردی. بۇ تنقید عکس ائتدیرمه نظریه سینه و اجتماعی تنقیده تام قارشى دیر.

شکیل - محتوا مسئله سی بیر جهتدن هوراتیوس (Horatius) ون تکلیف ائدیگی فایدا و ذوق ایشینه باغلی دیر.

هوراتیوس ادبیاتین هم فایدالی هم ده ذوق وئرمه لی اؤلدوغونو سؤیله میشدی. رۇنسانس دا ادبیاتین فایدالی و تربیه وی طرفی اهمیت قازاندى. ۱۹ - جو عصرده صنعت اوچون صنعت تعلیمینده اثرین شکلی صنعتین اساس خصوصیتینی کیمی قبول ائدیلدی. اثرده اجتماعی، سیاسی و اخلاقی جهتلر اهمیت سیز گۆرۆلدو، بئله جه شعرى موزیکه یاخینلاشدیرماق ایسته دیلر.

مالارمه (Malarmé) و پل والرې (Paul Valéry) (فرانسىز) دئیر دیلر کی شعرین معناسیله قۇرولوشو ائله بیرلشمه لیدیر کی شکیل - محتوا بیر - بیریندن آیریلا بیلمه سین، (البته والرې ده کی فورمالیزم سۇزلرین دۇزنی (ترتیبی) معناسینا گلیر).

بۇ گۇن شکیل دگرلری ایکیه آیریلیر:

۱ - احساسی (حسی) دگر (Sensuous).

۲ - قۇرولوشجو دگر (Structural).

ادبیات خصوصیله شعرده کلمه لرین صیرف سس اۇلاراق آهنگلری و گۇزه للیکلری واردیر، اما بۇنلار تک باشینا بۇیوک بیر رۇل اۇینا مازلار.

ایکینجی دگر اثرین قۇرولوشونا عائدیر، صنعت اثری نین جانینی شکیل ده آختارانلار صنعت ده مهم اۇلان سۇیله نین دگیل، نئجه سۇیلندیگی دیر - دئیرلر. نئجه سۇیلندیگی اوسلوب مسئله سی دیر.

صنعت اثرینده آراشدیریلان فیکر، دنیا گۇرولوشو بۇخ، ساده جه اۇسلوب، دیل گۇزه للیگی، ترتیب و قۇرولوش کیمی شئیر مهم دیر.

بۇ گۇنکو فورمالیستلر محتوا مسئله سینینی حل ائتمک اوچون فیکرلرینده بعضی دگیشیکلیکلر آباریب، برادلی (A. C. Bradley) - نین نظرنی قبول ائتمیشلر.

برادلی یه گۇزه، اۇنجه اثرده موضوع و محتوانی (مضمون) بیر - بیریندن آیرماق لازیم. مثلاً بیر چوخ شاعیرلر لیلی - مجنون موضوعونو شعرله یازمیشلار، اما هر بیرى نین محتواسی باشقادیر. موضوع تاریخدن آیلنا بیلر و تماماً اۇیدورما (ساخته) دا اولاییلر. محتوا، خام موضوعون اثرین ایچینده آلدینی حالدیر. یعنی صنعتکارین الینده ایشلنمیش حالی دیر.

ینی فورمالیزم شکیل - محتوا آراسیندا فرقی قبول ائتمیروشکلی بئله تعریف ائدیر: فورم (شکیل) اثرده یئر آلان عنصرلرین بیر - بیرینه باغلانیب، هۇرۇله رک مئیدانا گتیردیکلری ترتیب - نظام و یا قۇرولوش (Structure) دور.

بۇ معنادا فورم - شکیل، لیلی - مجنون داکی آداملارین، حادثه لرین فیکرلرین، دۇیغولارین و تشبیه لرین وزنین و بۇنلارین هامیسی نین آراسیندا قۇرولان باغلارین مئیدانا گتیردیگی بیر بوتون دور.

صنعت ده قۇرولوش، استه تیک اۇلمالییدیر، بۇ استه تیک قۇرولوش اۇرگانیک بیر قۇرولوش دور. اثرده کی هر عنصر و آرالاریندا کی باغلانتیلارین اثرین دگری اوچون لزوملو اولماسی، لازیم اولمایان هئچ بیر عنصر و باغلانتی نین اۇلما ماسی و بۇنلاردان هر بیرى نین

وارلیغی یالینیز اؤز حساينا رؤل اوينا ماقلا قالمايب ديگر لرينه ده تاثير ائتمه سيله عمله گلن نظام-  
دؤزه نه اؤرنگا نيك بير ليك و يا بؤتؤولوک - دئيلير.

محتوانين دگري باره ده شكيلچيلر ده ايكي موضع و يا موقع واردير.

۱ - ياخشى اثرله بؤيوک اثرلري بير- بيريندن آيرماق گره ک. اثرى صنعت اثرى قيلان ترتيبى دير. اما اثرين اؤنملى، فلسفى، اجتماعى، اخلاقى طرفلري ده وارسا اونا بؤيوک اثر دئمه لي بيک.

۲ - بؤيو کلوک، اصلينده فيکر، انسانلار، اجتماعى و پسيکولوژيک ياشانتيلار کيمي ملزمه، ماترياللارين زنگينليگي، درينليگي و مرکب ليگي دير. بؤ تنقيدچيلره گؤره يازيچي نين ايفاده ائتمک ايسته ديگي فيکر، ادبيات اثرينده فيکر کيمي قالماز، دگيشرک ديله چئوريلر. بير اثرين کلاسيک اؤلماسى يعنى مختلف چاغلارين اؤخوجولارينا خطاب ائده بيلمه سى ده قۇرولوشوندا کي زنگينليک و مرکب اؤلماسيندان دير.

يئنى تنقيد، مننى، اثرى، مظرده تۇتور، اثرين قايناغى (اجتماعى، تاريخى، محيط و صنعتکارين احوال روحبه سى) و اثرين اؤخوجودا تاثيرينى نظرده تۇتمور. همچين اثرده کي فيکرى دگرلنديرمک اوچون نظره آلدير. يازيچي نين دؤشونجه لري قۇرم و قۇرولوش ايچينده تدقيق اؤلونور.

قۇرولوشجو تنقيد روس قۇرماليزمينه ياخين دير، چونکي ايکيسيده هامى اثرلرين اورتاق طرفى اؤلان قۇرولوشو، سيستمى تاپماغا اهميت وئريرلر. بير تک اثرى (متنى) تحليل ائتمک يئرینه اؤمتين باشقا متنلرله علاقه سيني آراشديراراق ادبى عنعنه لري، تکرارلانان حادئه لر هؤر گؤ، قالييلاريني و فۇنکسيونلاريني تثبيت ائتمگه چاليشيرلار. بۇنون نمونه سى ولاديمير پروپ (V. Propp) ون روس پرى ناغيللارى اؤزرينده آپاردىغى تدقيقاتى دير. پروپ يوز روس پرى ناغيليندان چبخارتديغى نتيجه لري ناغيللارين «شكيل بيلمى» آدلى اثرينده (فرانسىزجا ۱۹۲۸) يايىنلاميشدير. واردىغى نتيجه: ناغيللارين ظاهرده کي چؤخ چئشيدلى ليگي آلتيندا دگيشمه ين اورتاق بير قۇرولوش (Structure) واردير. ناغيللاردا آداملار نه قدر مختلف و چوخ اؤلسادا ايشلرينه (فۇنکسيون) گؤره ۳۱ جور ايش واردير کي هاميسى بير ناغيل دا تۇپلانما سادا سيرالارى دگيشمز. بؤ ۳۱ ايش و يا وظيفه يئددى ايش ساحه سينده تۇپلانير. يعنى يئددى حيضه يه آيريلير. ۳۱ ايش دن بير نئجه سى بير آدامين اؤزرينه دؤشر (چؤخو قهرمانين) و بؤلون زؤلارين سايسى يئددى گئچمز. بۇنلار بئله سيرالانيرلار:

۱ - سالديرقان و يا پيس آدام.

۲- باغیشلايان .

۳- یاردیمچی .

۴- شهزاده

۵- گوندهرن

۶- قهرمان

۷- ساختا قهرمان .

پرۇپ، روس برى ناغیلارىنى تديق ائله دىكدن سۇنرا بۇ دۇرد قانونو اۇرتايا قۇيموشدور:  
۱- ناغیلاردا دگیشمه ين دا واملی عنصرلر آداملارین فۇنکسیونو، ایشلری و یا رۇللاری دیر. رۇللار ناغیلین تمل بۇلمه لری دیر.

۲- فوق العاده ناغیل دا روللارین سایسی محدوددور.

### ۳- روللارین تونیی شمشه عینی دیر

۴- بۇتون خارق العاده ناغیلا، قۇرولوش باخیمندان عینی نوعه باغلانیرلار.

ایضاح ائندیگیمیز هر اۆچ فۇرمالیست تنقیدچیلر (یئنی تنقیدچیلر، روس فۇرمالیستلری و قۇرولوشچولار) ادبیاتی، ادبیات اۇلاراق نظرده تۇتماق ایسته ییرلر، اما یئنی تنقیدین مقصدی تک- تک اثرلری تديق ائدیپ اۇثرین ایچینده کی گیزلی، درین مفهوم و معنای اۇرتايا چیخارتماق دیر.

روس فۇرمالیستلری و قۇرولوشچولار بیر تک متننی تحلیل یئرینه اۇمتنین باشقا متنلرله علاقه سینى آراشدیرماق، ادبی عنعنه لری، قالیبلاری، تکرارلانان چادته هۇر گولرینی و فۇنکسیونلاری تئیت ائتمگه چالیشرلار.

### ۱۱- آرکه تیپ چی تنقید (Archetypal):

آرکه تیپ تنقیدچی ده اثری نظرده تۇتوب اۇنو آچیقلاماق ایستر. اۇزوده اثرده کی عنصرلرین معناسینی آراشدیرار و بۇنو قدیم دن بری انسانلارا تاثير ائدن و اونلارلا سلسه نن بیر سیرا ابدی آرکه تیپ لری اۇرتايا چیخارتماق اوچون ائدر.  
ادبیات اثرلرینده تکرارلانان بۇ آرکه تیپ لر (قدیم تیپ لر)، آداملار، تصویرلر، سمبوللار، وضعیتلر و حادته هۇر گولری اۇلا ییلر. بۇنلارا آنا اۇرنک یا ایلک مۇدئل ده دئییلر.

بو ایلک قدیم مۇدئللری یالنیز ناغیلاردا یوخ، افسانه و حماسه (Epop) لرده و روما نلاردا

داھی گۆرمک مۆمکون دور. ایلک مودئلجی تنقید متودون اورتایا چیخماسیندا فریزر (Sir J. Fraser) و کارل یونگ (C. Young) ون رۇللاری اۇلموشدور. یونگا گۆره افسانه (Mythe) لر انسان عرقی نین اورتاق شعور خارجی ارثی دیر (Collective Unconscious). اۇنا گۆره ده ادبیاتدا تکرارلانیر. بۇ افسانه لر چوخ قدیم مراسیم لردن آلینمیشدیر. افسانه لرین نوعلری چوخ دور، اما ان اۇنملیسی بیتگی (نبات) دونیا سیندا هر ایل تکرارلانان اۇلوم و یثنی دن دۇغما حادثه سیله علاقه دار دیر. بو مراسیم لرین عمومی شکلی بئله دیر:

همیشه بیر تانری و یا اۇنو تمثیل ائدن بیر تانری - شاه بۇ مراسیم لرده هر ایل اۆله رو سؤنرا دیر یله. بۇ طبیعت ده گۆردۆیوموز دۇغوم - اۇلوم و یثنی دن دۇغمانین یا دیریلیشین سمبولۇایدی خلق بۇنا اینانیردی کی آرزو اۇلونان حادثه نین اۆز وئرمه سی اوچون بو حادثه نین تقلیدی مراسیم ده تمثیل اولونماسی جادو - سحر یۆلیله حادثه نین گنرچکدن مئیدانا گلمه سینه سبب اۇلار. گویا ایلک زامانلار بۇ آئینلرده تانری - شاه حقیقتاً اۇلدورولموش. سونرالار بو اۇلوم سمبولیک (تمثیلی) اۇلدو. شاه سۆزده اۇلدو، سؤنرا دیریلدی.

یونان تراژدیسی نین کۆکو بۇ مراسیم لره دایانیر.

ارسطو، تراژدی نین تانری دیونیسوس اوچون تۇتولان مراسیم لرده اۇخونان دینی تصنیف دن تۆره دیگینی سۆیله میشدی. افسانه (Mythos) بۇ مراسیم لرده اۇلوب ییتلرین سۆزله ایفاده سی دیر.

ژ. کمپل (Josef Campbel) «مین چهره لی قهرمان» (۱۹۴۹) آدلی کتابیندا بۇ میتوسلاری اینجه له دیکدن سؤنرا بۇ مختلف میتوسلارین بیر آنا میتوس دا تۇپلانایله جگینی گۆستریدی و تمل میتوسون قهرمانی آیریلماق - امتحان، دۇنوش مرحله لریندن تشکول ائدن بیر ماجرا یاشاییردی. بو آیریلماق (سفر) لاردا بیر شنی و یا بیر یسینی آختارماق و تاپماق مسئله سی واردیر.

مۆردن (یثنی) روماندا بۇ جور سفر (آیریلماق) داخلی بیر سفره چئوریلیر. بو دا آدامین پسیکولوژیک سوته ده کیملیگینی، هویتینی آختارماسی دیر. افسانه یه دایانان تنقید متودو هر کس دن چوخ ن - فرای سن (N. Frye) آدیله باغلی دیر. فرای تملی میتوس نظریه سینه دایانان بویوک بیر سیستم اورتایا چیخارتدی. فرایا گۆره ادبیات تاریخینه دقت ائدرسک بیرسیرا قانونلار گۆره ایشله ین بیر سیستمی گۆره بیله ریک. او «تنقیدین تشریحی» (Anatomy of Criticism) آدلی کتابیندا بو سیستمی ایضاح ائتدی. فرای اۇنجه دۆرد نوع تثبیت ائتدی: مزاح (گۆلدورن)، رۇمانس (افسانه و مبالغه)، تراژدی و هجو. اۇ بۇنلارین هر



بیری نین ایلین دۇرد فصلیلە علاقه دار میتۇسا عائد اولدوغونو سؤیلە بیر، یعنی یاز، یای، گۆز و قیش میتوسلارینا. سۇنرا بۇنلارین هر بیرى نین خصوصیتلرینی، صورت (اۇبراز) چششیتلرینی، کارا کترلرینی و سایره نى ایضاح ائدیر.

اما ایلك مۇدئل تنقید، فراین تکلیف ائله دیگی یۇلدا انکشاف ائتمه دی و یئنی تنقیدین کۆمکچیسى کیمی تک-تک اثرلرین تفسیری یۇلوندا انکشاف ائله دی.

تنقیدچیلر یازیچی نین قصدی اۇلمادان گتیردیگی میتۇس دیلینی چۆزمک، آرکه تیپ کارا کترلری، سمبوللاری، حادثه لر هۇر گۆ قالیلارینی تثبیت ائده رک اثرین درین معناسینی چۆزمگه باشلادیلار.

استه تیک حۇکم لر (قضاوت):

استه تیک حۇکم وئرکم بیر اثرین یاخشى، گۆزەل اۇلدوغونا حۇکم وئرکم دیر، بۇ خصوصدا ایکی گۆرۈش وار دیر. عیلى (Objective) گۆرۈش و حۇکم لر و ذهلىنى (Subjective) گۆرۈش و حۇکم لر. گۆزه للیک بیر ذوق مسئله سی اۇلدوغونا گۆره بیر اثرین یاخشى و یا گۆزه ل اولماغینا حۇکم وئرکم عینی اۇلا یلرمی؟

استه تیک حۇکم لرده خۇشلانماق و یا بگنمک مهم رۇل اوینار. بۇدا انسانلارا گۆره دگیشه ر و عمومی بیر (Norme) قایدا سایلا یلمز.

عینی حۇکم لر: اۇبۇ کتبو گۆرۈشو مدافعه ائدنلر، بیراسته تیک حۇکمون (قضاوت) اوج حیصه دن عمله گلدیگینی ایره لی سؤرۈرلر:  
- بیر دگر حۇکم: بۇ گۆزه ل بیر شعر دیر.

- حۇکمون سببی: چونکی فلان خصوصیتته صاحب دیر.

- عمومی بیر قایدا ویا نۆرم: بو خصوصیتته صاحب اولان اثرلر گۆزه ل اولار. صنعت اثرلرینده سبب لر عمومی دگیل دیر. بۇنلارین عمومیت قازانماسی اوجون بیر عمومی قایدا یا (Norme) دایانمالاری لازیم دیر. اما بو عمومی قایدا، نۆرم لاری نئجه و هاردان سئچمه لی ییک. بۇ قایدالاری تاپیب سئچسه ک ده هر کس اؤچون عینی شکیلده و عینی درجه ده گئچرلی اۇلماز. مثلاً اۇر گانیك بیرلیگی بیر قایدا (نۆرم) قبول ائتسه ک: بیر اثری اؤخویانلار، اۇنون اۇر گانیك بیرلیگی حقیقنده مختلف حۇرکم لر وئرلر. چونکی اۇر گانیك بیرلیک آچیق اۇلما یان و هر کسه گۆره دگیشن بیر خصوصیت دیر.

بۇنونلا بئله بعضی خصوصیتلر (نۆرم لار) وار دیر کی بۇنلار عمومی اۇلاراق مزیت سایلارلار.

مثلاً: اثر انسجاملى شكىلدە تىرتىب اولونموش اولمالي يعنى اثر دە بىر بىرلىك، وحدت اولماليدير. بىر صنعت اثرى اۇخوجودا تىكرار اۇخۇنماق آرزۇسونو اۇياندىراجاق قدر مرگب، محتوالى و دۇلغون اۇئورسا داھا چوخ بە يە نىلىر. اۇحالدا انسجام، وحدت، مرگب لىك و دۇلغون اولماق مزىت سايىلان خصوصىتىلر و نۇرم لاردىر.

### ذهنى حۇكم لىر يا ذهنى گۇروش:

بو گۇروش طرفدارلارى استە تىك اثرلردە ھىچ بىر اوبزكتىو حۇكمە اينانمىرلار. دويغوجولار: چىسى (Emotiviste) دئىيە آدلانان بومتفكر لرە گۇرە استە تىك حۇكم لىر دۇغرۇ و يا يانلىش اولايلىمىزلىر. چونكى بۇنلار وصفى (توصيف ائدىجى)، خبرى جۇملە لر دگىل. مثلاً «بو گوزەل بىر شعر دىر» حۇكمو بىر خبر جۇملە كىمى گۇرۇنسى دە، اصلىندە سۇيلە يە نىن دۇيغولارنى ايفادە ائدىر يا داشقالارنىدا بعضى دۇيغولارى اۇياندىرماق ايستە يىر. بۇ جوملە نى، «بۇ اۇن مصراعلىق بىر شعر دىر» جوملە سىلە مقايىسە ائدرىسك آرالارنىداكى فرقى باشا دۇشەرىك. بۇ بىر خبرى جوملە دىر بىز اۇنون دوغرو يا يانلىش اولدوغونو شعرىن مصراعلارنى سايماقلا آنلايا بىلەرىك. بونا گۇرە استە تىك حۇكم لىرىن خصوصىتى بۇنلارنى علمى خبرى معنا يۇخ، احساسى (دۇيغوسال) معنا داشىمالارى دىر. دئىمەلى استە تىك حۇكم لردە عىنى (Objective) دگردن سۇز ائتمك بېھودە دىر.

ذهنىت طرفدارلارى و دۇيغوجولار، استە تىك حۇكم لردە، حۇكمون قايناغى، حۇكمو وئرە نىن شىخسى بگنمە سى، ذوقى يا دا دۇيغولارى دىر- دئىرلىر.

حالبو كى عىنى حۇكم طرفدارلارنى استە تىك حۇكم لردە عىنى (Objective) سىلەرە دا يانان مطلقى بىر نىچە چىخارتماق مومكون دور- دئىرلىر.

بۇتون بۇنلارى دقت نظرىنە آلساق ھر ايكى طرفىن دە حقللى اولدوغونو گۇرەرىك. حقيقتاً حۇكم لىرىمىزىن بعضى لرى بگنمگە دا يانىر، بۇنلارا بگنمە حۇكم لىرى دئىمەلى بىك. اما بو بگنمە گە دا يانان دگر حۇكمو ھر زامان دۇيغولارى دىلە گتىرەن ذهنى (Subjective) بىر حۇكم دگىلدىر. عىنى (Objective) معيارلارا دا يانان حۇكم لردە اولايلىر. چونكى ھر نە قدر بعضى معيارلارنى يئرلشمە سىندە «خوشا گلە، بگنمە» رۇل اويناسادا، جمىعت دە بۇنلار عىنى- لشمىش سايلىر. بۇنونلا بئلە استە تىك حۇكم لىر دۇغرو يا يانلىش يۇخ آنجاق «عقلە ياتقىن، مقبول» (Plausible) اولايلىر.

دۇغرو ايلە عقلە ياتقىن آراسىندا بۇ فرقلىرى گۇستەرە بىلەرىك. عقلە ياتقىنلىق،

دۇغۇرۇلۇغونو تىببىت اندە بىلمە دىگىمىز وضعىت لردە ايشلە نىر و دۇغۇر و بىلدىگىمىز بىر خىر جوملە سى و يا حۇ كملە تضاد تشكىل ائتمىز. ايكى دۇغۇر حۇ كم بىر - بىر يەلە ضد اولاي بىلدىگى حالدا ايكى عقلە ياتقىن مقبول جوملە و يا تكلىف (پىشهاد) بىر - بىر يەلە ضد اولماز.

بۇتون بۇنلارا باخمى يارق، ياخشى بىر تنقىدچى بىزىم، اثر قارشىسىندا ياشان تىمىزى زىنگىن - لىشدىرر. اثرىن عنصرلى آراسىندا، بىزىم گۇرمە دىگىمىز علاقه و رابطه لرى درك ائتمە مېزە ياردىم ائدر، بونلار بىن عملە گىتر دىگى تۇخويا و سوسىال مسئلە لره دقتىمىزى چكە بىلر و بۇ شكىلدە اثرە باخشىنى بېزە نقل ائندىرە بىلر. بىزە اثرە بۇ زاويه - بۇ جاقدان باخىب، اۇندا داها باشقا شى لىر گۇرە بىلە رىك. بئله لىكلە تنقىدچى وظيفە سىنى يئىرنە يئىرمىش اولار.

تنقىدچى دن گۇزەلە نى، بىر حۇ كم و دللىلرلە نبوت ائتمك بوخ، اثرى آچىقلاماق، يۇرۇملاشقان صورىتلە معناسىنى اۇرتايا قۇيۇب اثر دن لذت آلماق اوچون خصوصىتلرىنى آيدىنلاشدىرماق دىر. دئمە لى عموم مقىاسدا كئىچرلى معيارلار اولماسا دا تنقىدچى تنقىد وظيفە سىنى ياخشى گۇرۇب عقلە ياتقىن مقبول حۇ كم لىر وئره بىلر.

### نتىجە

قاباتقى صحىفە لردە بحث ائندىگىمىز نظرىه و متۇدلارى خلاصە ائدىب بعضى نىجە لرى چىخاردا بىلە رىك:

الف - صنعى، عكس ائندىرە، يانسىدما بىلنلر ادبىياتى دونىايا و جمعىتە تۇتولان بىر آينا كىمى گىترچكى (Reality واقىعتى) عكس ائندىر دىگىنى سۇيىلرلر. صنعىت اثرى گىترچكى يانسىدىر كىن انسانى و حىياتى دا آچىقلار. بعضى متفكرلر بونۇ كافي گۇرمە بىب صنعىن اخلاقى، اجتماعى يا دا سياسى باخمىدان تربىه وى (پداگوگىك) و فايدالى اولماغىنى دا لازىم گۇرۇرلر. بۇ وضعىتدە دگرلندىر مگ جريانىندا ايكى معيار (اۇلچو) ظهور ائدىر:

۱ - گىترچكىن يانسىتماسىندا كى باشارى.

۲ - اۇخوجو و يا جمعىت اۇزرىندە كى تاثيرى.

ب - افادە چى نظرىه نى قبول ائندىلرە گۇرە صنعىت دە مەھم اولان صنعىتكارىن دۇيغولارىنى دىلە گىترە سى و باشقالارىنا نقل ائندىرە سى دىر. صنعىتكارىن اۇستون شىخصىتى، خىيال گۇجو، زىنگىن اىچ دونىاسى اثرلرىندە دىلە گىترىلر و اۇخوجولار اۇز شىخصى حىياتلارىندا تجربە اندە بىلمە دىكلرى بۇ دۇيغو و احوال روحيە نى صنعىتكارلا پايلاشماق امكانىنى قازانارلار. بۇ سبب دن بۇرادا دا ايكى جور معيار قارشىمىز چىخار:

۱- ایفاده و انتقال دا باشاری و بۇنو تۇمىن ائدەن صمىمى لىك و اۇرۇنالىق و خيال گوجو كىمى مزیتلر.

۲- دىله گىتیرىلن دۇغونون يا دا صنعتكارىن اۇز شىخسىتى نىن اخلاقى جەتدن د گرى. عكس ائندىرمە نظرىه لرىندە اۇرتايا قۇيولان تریبه چىلىك (پدا گوژىك) له ایفاده چى نظرىه سىندە كى تریبه چىلىك آراسىندا كى فرق بىرىنجىسى نىن داها چوخ علمى ایكىنجىسى نىن احساسى، دویغوسال شىكىلدە تامىنى، عمله گلەمە سى دیر.

ج- فورمالىست لىر صنعت اثرىنىن خارچ دونیا، اۇخوجو و یازىچىدان مستقل بىر قۇرولوش (ساختار Structure) اۇلدوغونا اىنانىرلار، اۇنا گۆره دە ادبى متىن قۇرولوشونا باخارلار.

د- اۇخوجونو مرکز قبول ائدن تنقیدچىلر دە اۇخوجونو نظردە تۇتمايان نظرىه لرى قبول ائتمىرلر.

بۇ دۇندىكلریمیزه بۇنو دا علاوه ائتمە لى بىك كى دگر معیارلارى قارشىسىندا تنقیدچىلرین اختلافى داها چوخ ادبیاتلا اخلاق و جمعیت آراسىندا كى مناسبت دن مىيدانا گلیر. بۇ مسئله ایله علاقه دار فیکر آدماملارى و ادبیاتچىلار اۇچ گروپا آیرىلىرلار:

۱- ادبیاتى هر شىدن اول اخلاق، دین و سیاست كىمى مسئله لره گۆره د گلندىرن و ادبیاتى بۇنلاردان مسئول تۇتاتلار، یعنی تعهدلى (متعهد) ادبیات طرفدارلارى.

۲- ادبیاتى هر شى دن اول بىر صنعت كىمى دگرلندىرن و یاخشى اثرىن یالنىز گۆزه- لىگه قارشى مسئول اۇلدوغونو مدافعه ائدنلر.

۳- ادبیات ایله اخلاق و جمعیت آراسىندا بىر باغلانتى- علاقه گۆره ن اما بۇنلارى ادبیاتین یان تاثيرلرى كىمى قبول ائدن ادبیات چىلار. بۇنلارا گۆره ادبیاتى بۇ یان تاثيرلر اوچون بىر وسیله كىمى گۆرمك و اۇندان فايدالانماق دۆزگون دگىل.

بىرىنجى گروپ مۇلفلر اثرى بۆتۇلو كده و یا بۇیوك بىر اۇلچوده انسانلارا ائده جگى یان تاثيرلره گۆره دگرلندىرلر. افلاطون، تۇلسئوى، ماركس و ماركسىستلر بۇ گروپا داخىل دىلر. بۇنلارین تام قارشىسى اولان استه تىكچىلر (ایكىنجى گروپ)، خصوصیله صنعتى صنعت اوچون یارادانلار، ادبیاتین ساده جه گۆزه لىگه قارشى مسئول اولدوغونا اىنانىرلار اۇنون دىگر دگرلره وسیله سايلىماسىنى ردا ئندىرلر.

بۇنلارا گۆره صنعت ده استه تىك دگرلره دىگر دگرلر آراسىندا بىر ضدیت (چاتىشما) اۇلسا، استه تىك دگرلر (گۆزه لىك و ...) اوچون دىگر دگرلرى فدا ائتمك لازیم. (حیات صنعت اوچون دور). ادبیات تعلیم (دیداکتیک) رنگى آلمادان و یا بىر ایدئولوژىنى اۇنه

چکمه دن ده صرف ادبیات کیمی، استه تیک دگرلردن باشقا دگرلری ده تأمین ائده بیلر. ادبیات بیزی، حیاتیتمیزین محدود احوال روحیه لری خارچینه چیخاردار، دۆشونجه و دۆیغو باخیمیندان داها چششیدلی بیر دنیا یا آبارار و باشقا انسانلاری داها یاخشی باشا دۆشوب اۇنلارا یاخینلاشماغیمیزی تأمین ائدر.

بیر ادبیات اثری بۇ مثبت یان تأثیرلری آچیقجا درس وئیرمیش کیمی یوخ، مختلف آدمالاری مختلف وضعیتلرده جانلی اولاراق قارشیمیزا قویماقلا داها یاخشی ایفا ائدر. احوالدا: بیر اثرین فایدالی یان تأثیرلری اولای بیلمه سی اوچون اولاً باشاریلی بیر صنعت اثری اولماسی شرط دیر. بونا گۆره ده دگرلندیرمه ده ایشله نن معیارلار هر شئی دن اول صنعت معیارلاری اولمالی دیر. آنجاق بعضی حاللاردا صنعت دگری یۆکسک بیر اثرین، یان تأثیرلری جهتیندن ضررلی اولای بیلر. اوزامان استه تیک دگرلره دیگر دگرلر آراسیندا بیر ترجیح اوستونلوک مسئله سی قارشیمیزا چیخار. بوگون ادبیات اثرلرینین چۇخوندا بۇایکی چششید دگر ده نظرده توتولور. اما حیاتبلا بو قدر سیخ علاقه سی اولان ادبیات اثرلرینین ساده جه قۇرولوشونو (Structure) نظرده توتماق و حیات دگرلرینه گۆز یۇمماق منطق و عقله سیغان و یاراشان بیر گۇرۇش و متود سایلابیلمز. مسئله نی هر طرفلی اله آلماق لازیم دیر.

### ادبی تنقید مسئله لری: (متن شناسلیق)

ادبی تنقیدین مسئله لری ادبی مکتبلره گۆره دگیشیر. اسکی دن آنجاق اثرین شکلینه دقت یئتیریردیلر و ادبی تنقید ده لفظ، معنا، بلاغت و فصاحت مسئله لرینی تدقیق ائدردیلر. سون عصرلرده فلسفی، اجتماعی- ادبی مکتبلرین ظهور و یئنی- یئنی مسئله لری ادبی اثرلرین تنقید و دگرلندیرمه سینده نظرده توتماغا سبب اولدو. اما بعضی مسئله لر واردیر کی بونلار ادبی اثرلرین هامیسیندا مشترک دیر و هئچ بیر مکتبه مخصوص دگیل. بونلار: انتساب یا منسوبیت، متنین تصحیح و تنقیدی، سرقت (اوغورلوق) و نفوذ مسئله لری دیر.

### منسوبیت مسئله سی:

بۇرادا اثرین کیمه عائد اولدوغو و بۇنون نه درجه ده قطعی اولدوغو تدقیق ائدیلمیر. مثلاً صحبت الاثمار (میوه لرین صحبتی) اثرینی بۇیوک فضولی یه نسبت وئیرلر. بۇنون نه درجه دۇغرو اولدوغو تدقیق اولۇنور.

بۇ ایشده خارجی و داخلی تنقید بیزه یاردیم ائدر.

تنقیدچی هم اثری، فیکر و ایفاده اؤسلوبونو تدقیق ائدر و اونون بارز خصوصیتلرینی معین - لشدیرر: بونا داخلی تنقید دئییلر. هم ده اثرین یازیلدیغی تاریخی، تثبیت ائتمک اوچون تاریخی - اجتماعی بلیرتی و علامتلی معین لشدیریر. بونا دا خارجی تنقید دئییلر.

منسویت مسئله سینی تدقیق ائدر کن، جعل و انتحال مسئله لرینی ده نظرده تۇتمالی ییق. بعضاً یازیچی اؤز امضاسیله یازمازو یا اؤیدورما مستعار امضایله یازار. مثلاً فرانسه دا ۱۸ - جی عصرده حکومتین تضحیقی نتیجه سینده امضاسیز و یا مستعار امضالارلا اثر یازماق هله حکومتی تنقید و یا هجو ائدن، بیسله ین اثرلر اوچون نۇرمال - عادی حساب اؤلوروردو. مشهور و لتر بعضی تند و کنایه لی هجولرینی امضاسیز نشر ائدیریردی. اسلام تاریخینده بنی أمیه دؤرونده ظهور ائدن شعوبی نهضت جریا بنیدا دا جعل (تقلّب و اؤیدورما) و انتحال (باشقاسی نین شعرینی اؤزونه نسبت و ثرمک) نمونه لری چوخالمیشدی. عرب اؤلمایان و داها چوخ ایرانلیلاردان تشکول ائدن شعوبی لر و اؤنلارین دوşمانلاری اولان غیرقچی عربلر بیر - بیرلرینین علیهنه و هم ده اؤزلرینین تعریفینده شعرلر قۇشۇر و حکایتلر اؤیدوروردولار. (جعل ائدیردیلر).

### متنین تصحیحی:

بونا متنین تنقیدی ده دئییلر. بوندان مقصد اثرین موجود اولان مختلف الیازمانسخه لری تدقیق ائدیلیر و اصل نسخه و یا اصله یاخین نسخه احیا و ترتیبه سالیئیر و یازیچی نین یازدیغینا ان یاخین نسخه حاضرلانیئیش اؤلور.

متنلرین تصحیح و تنقیدی بعضاً آسان و بعضاً ده چوخ چتین اولابیلر. بئله حاللاردا موجود اؤلان نسخه لر، ینی، انسجام سیز، قاریشیق و غلطی چوخ اولابیلر تنقیدچی بو نسخه لردن اصله ان یاخین اولانی ترتیبه سالمالیدیر متنین اصلاح و تنقیدی هر چئشید تنقیدین اساسینی تشکیل ائدر. ۱۹ - جو عصره قدر بۇ ساحه ده آپاریلان ایش آنجاق سهوی اؤلمایان دۇغرو - دؤزگون الیازما نسخه لری آختاریب تاپماق و مومکونسه ان یاخشی نسخه نی اله گتیرمکدی. بئله بیر نسخه املا و انشاء جهتیندن سهوسیز اؤلسادا علمی بیر اساسا دایانمیردی و کاتلرین تجاوزوندن قۇرۇنموش دگیلدی. ۱۹ - جو عصرده کارل لاخمان (Karl Lachman) علمی اساسا دایانان یئنی بیر متود تکلیف ائتدی و اؤز متودونو (عهد جدید) کتابی اوچون (۱۸۴۲) و سۇنرالو کرسیوس Lucrecius ون اثرلری اوچون تطبیق ائتدی (۱۸۵۰).

لاخمان متودویله متنین اصلاح و تنقیدی ایکی مرحله ده آپاریلیر: ضبط مرحله سی و

تصحیح مرحله سی.

اۇنجه تنقىدچى موجود اولان بۇتون اليازما نىسخه لرى تۇپلار و اۇنلارى بىر- بىرىله قارشىلاشديرار و آرالارىندا كى فرقلرى ثبىت ائدر. سۇنرا نىسخه لردە كى مشترك غلط و سهولر و آرتىق- اسكىكلېگه گۆره نىسخه لرى صىنفلانديرار.

داها سۇنرا نىسخه لرىن نىسب نامه يا شجره لرىنى حاضىرلار و رسمىنى چكر و اصلى نىسبلى ان قديم و موثق (گۆوه نىلن) نىسخه لرى سئجر و اونلار اۆزرىنده تصحىح و اصلاح ايشىنى آپارار.

### سرقىت و توارۇد:

اثرىن كىمه منسوب اۇلدۇغونو معىن لىشديرىدن سونرا اثرىن الهام منبى باره ده تدقىقى باشلار. بو مسئله اسكى يونان و روم ادبىياتلارىندا داحى بحث موضوعو اۇلموشدور. بىزده ده (اسلام، عرب، فارس و تورك) قديم ادبىياتچىلارىمىز ادبىيات دا سرقىت (اۇغۇرلوق) و توارۇد باره سىنده تدقىقات آپارمىشلار و مختلىف چىشىدلرىنى (توارۇد، انتحال، الام، سئخ و تصرف) ادبىيات كىتابلارىندا ذكر ائتمىشلر.

الهام منبى باره ده سۇن عصرده علمى تدقىقات باشلامىش و بو نىتجه يه گلمىشلر كى، هئج بىر اثر يالنىز (مۇطلق شكىلده) بىر آدامىن فىكر و قلمى نىن محصولو اۇلا بىلمىز. مۇطلق اۆزىزىنال يارادىجىلىق يۇخدور و يا چوخ آزدىر.

ادبىيات تارىخىنده بحترى، ابوتمام مۇنتبى، ابونواس و امروالقىس كىمى بۇيوك عرب شاعىرلرىنى و حافظ و سعدى كىمى دونيا مقىاسىندا مشهور ايران شاعىرلرىنى سرقىت و انتحال لا تهمتلندىر مىشلر.

اوروپا نىن بۇيوك شاعىر و يازىچىلارىندىن وىرژىل، شكسپىر، گۆته، كۆرنى، مۇلىر و ۇلتره داهى سرقىت تهمتى وۇرموشلار. چونكى بونلار خلق حكايه لرى و قديم وقايىنامه لردن اوز اثرلرىنده استفادة ائتمىشلر. بۇگۆن بونلارى معمارلىق و هىكلتراشلىقدا ايشلەنن داشا و گچه بنزه دىرلر. بۇنلار صنعتىن ماده سى كىمى دىرلر. صنعت ده ماده مۇهم اۇلسا دا اساس صورت دىر. يارادىجىلىق اساس صورتى علاقه دار ائدر، اۇنا گۆره تنقىدچى بۇ باره ده افراطا گىتمه مه لى دىر. بۇگۆن ان چوخ قبول اۇلونان عقىده يه گۆره: شاعىر و يازىچى قديم اثرلرىن مضمون و معنالارىندىن اعتداللا فايدالانىر و اونلار اىننى دۇن گىدىرىب اۇز دا مغاسىنى وۇرا بىلرسه، نۇرمال- طبعى گۆرۇلور. بۇنولا بىله تنقىدچى سرقىت مسئله سىنده چوخ احتياطلى اولمالىدىر.

تنقىدچى شعرىن چىشىدلرىنى و مختلىف حىصه لرىنى ياخشى تانىمالي دىر و اۇنوتما مالىدىر كى بعضاً شاعىر بىر مضمون و يا معنانى بىر بابدان آبرى بابا (بىر حىصه دن آبرى

حیصه یه) نقل ائدر. مثلاً نسیب (قصیده نین اولینده گلن غزل) ده سؤیلنمیش بیر مضمونو مدح قسیمینده یئرلشدیرر و یا باشقاسی نین هجوده ایشلتدیگی بیر بیتى اؤز شعرینین فخر حیصه سینده ایشله در و یا خود بیر معنای نئردن آلیب شعرده و یا شعردن آلیب نئرده گئیرر، بۇنلارا سرقى گیزلمک دئیرلر و آنجاق گۆجلو و باجاریقلى صنعتکارلارین الیندن گلر.

اما توارده سرقى سایلماز. توارده ایکی شاعیر بیر- بیریندن خبر سیز و بیر- بیرینین شعرینی گۆرمه میس عینی مضموندا شعر یازارلار و بعضاً لفظ و سؤزلری ده مشترک اولایلر.

قدیم تنقیدچیلر ادبیاتدا سرقىن چئشیدلرینی معین لشدیرمیشلر. «المعجم» کتابی نین مؤلفی شمس قیس رازی (ف.ه.ق ۶۲۸ دن سونرا) دؤرد جور ادبی اؤغورلوق تعریف ائتمیشدیر: انتحال، سلخ، المام و نقل.

انتحال باشقاسی نین اثرینه و یا سؤزونه، کلامنا صاحب چیخماغا دئیرلر. بورادا نه لفظ نه ده معنادا دخالت و دگیشیکلیک آپاریلماز و یا چوخ جزئی آپاریلار.

سلخ دریسینی سویماق دئمکدیر: شعرده معنا و لفظ آلینار و سؤزلر باشقا شکیلده ایفاده ائدیله.

المام بیر شییه قصد ائدیپ یاخینلاشماق دیر: شعرده معنا آلینار و باشقا عبارتله و فرقلی شکیلده ایشله دیله.

نقل ده شاعیر باشقاسی نین شعریندن بیر معنای آلا و اؤنو باشقا بابدا (شعرین آیری حیصه سی) ایفاده ائدر.

بیر ادبی اثری تدقیق ائدرکن بیر سوال ذهنیمیزدن گئچر. گۆره سن اثرین الهام قایناغی هارداندیر. بۇ الهام بعضاً شاعیرین حیاتداکی تجربه لریندن و محیطینده جریان ائدن حادثه لریند آلینمیشدیر.

بعضاً شاعیر و یازیچی نین الهام قایناغی بیر کتاب و یا مقاله دیر. بۇنلار شاعیر و یازیچی دا درین تأثیر بۇراخیر و بعضاً صنعتکارین شعوروندان دا سیلینه ییلر. اما اؤنون روحونا نفوذ ائدر و بیر صنعت اثری کیمی تجلی ائدر، اؤزه چیخار.

### نفوذ و تأثیر مسئله سی:

دگرلی صنعت اثری صنعتکارین چاغداشلاریندا و سؤنراکی نسللرده داعی تأثیر بۇراخار. بیر شعر شاعیرین حیاتیندا یه نیلیب یا ییلماسا شاعیردن سؤنرا دا شهرت تاپماز.

بیر اثرین تأثیر و نفوذونو اؤا ائردن اؤلونان تقلید و اقتباسلاردان آنلایا بیله ریک. تقلید



باشقاسی نین اؤسلوبونو یازیدا و یا نطق ده عیناً ایشلتمک دئمکدیر. اما اقتباس دا یازیچی باشقاسی نین معنا و مضمونونو آلا و اؤنون ایفاده شکلینی دگیشدیرر و باشقا صورتده ایفاده ائدر. ادبی اثرلرین تأثیر و نفوذ سببلی مختلف دیر. بعضاً دین - مذهب و یا سیاسی - اجتماعی حادثه لر بونا سبب اولایلر. نجه کی اسلامین ظهوروندان سؤنرا ایران و تورک شاعیرلری عرب ادبیاتینی تقلید و اقتباس ائتمگه باشلادیلار. بوساحه ده یالینز عروض شعرینی یوخ عرب نثری نین اؤسلوب و مضمونلارینی داھی تقلید ائتدیلر. ایران و تورک شاعیر و ادیب لری عربجه نی مکمل اؤگرندیلر و اؤزذوق، استعداد و قریحه لرینی عرب دیلینده یارادیجیلیغا صرف ائتدیلر و عربجه اولان اسلام ادبیات و معارفینی زنگین لشدیردیلر.

اسلام معارفینده هر شئی دن چوخ قرآن کریم مسلمانلاردا هم ده بو ملتترین ادبیاتیندا اؤز تأثیر و نفوذونو گؤستر میشدیر.

مسلمانلارین ادبیات کتابلاری و شاعیرلرین دویانلاری بونون گؤزله شاهدلری دیر. ادبیاتدا عموم خلقین قبولو دا تأثیر و تقلید عامللریندن ساییلر. مثلاً کلبه و دمنه حکایه لری کیمی. بوشکایه لر هندوستاندان آلبنیش و حیوانلار آراسیندا مناظره لردن عبارتدیر. مناظره انسانلارین سؤز و عمللرینی آچقلایر و اخلاقی - اجتماعی مضمون و معنالاری ایفاده ائدیر.

بو حکایه لردن اسکی یونانستان دا ائزوپ (Esop) داستانلارینین یازیلما سیندا تقلید و اقتباس اؤلونموشدور. ایراندا مرزبان نامه، بختیارنامه، سندهادنامه و فرئادالسلوک و ایتالیا دا دکامرون داستانی (بوکاچو) و کانتربوری حکایه لری (چاسیر) و باشقا حکایه لر هامیسی کلبه و دمنه دن توره میشدیر.

ادبی سنت لرده تقلید و اقتباس عامللریندندیر: بعضی مجاز و استعاره لر بعضی مثل و تشبیه لر و دئیم لر عموم خلقین اسکی دن بری قبول ائدیب ایشلندیگی اوچون ادبی سنت لر سیراسینا گیر میشدیر. مثلاً: دل دیوانه، گؤزؤمون نورو...

هر خلقین ادبی سنتلری معنوی تجربه لرینین محصولو و ادبی اریه سی دیر و ملی ادبیاتین مهم حیصه سینا تشکیل ائدر.

تقلید باره ده سؤن سؤزو بئله ایفاده ائده بیله ریک:

تقلید ایسته ر طبیعتدن و یا صنعت اثریندن اولسون صنعتکارین یارادیجیلیغی ایله قاریشیب اؤنون اؤسلوب خصوصیتلرینی گؤسترسه دگرلی اثر اولا بیلر. نظامی اسکندرنامه نی و فضولی لیلی - مجنون داستانینی بو سایاق یازمیشلار.

موازنه و مقایسه مسئله سی: اسکی دن بری ادبی تنقید ده بحث اولونان مسئله لردن

بیری دە مقایسه مسئله سی دیر. قدیم یونانستاندا سقراط و افلاطونون معاصرلی مشهور شاعیر و دراما تورگ اولان (نمایشنامه یازان) آریستوفانس یازدیغی «قورباغالار» آدلی نمایشنامه سینده یوری پیدین (Euripidis) و اشیلی مقایسه ائدیر و سونوندا اشیلی ترجیح وئریر.

اسلام ادبیاتیندا بو حادثه یه چوخ تصادف اولونور.

تطبیقی ادبیات (Litterature Comparée): بو اصطلاحی ایلك دفعه فرانسیز نقیدجیسی وینمن و اوندان سونرا سنن بوو (Saint Beuve) ایشلمیشدیر. ایلك زامانلار مختلف اولکهلرین شاعیرلری آراسیندا مقایسه لر آپاریردیلار. تطبیقی ادبیات سون ۷۰ ایلده انکشاف اندیب علمی شکل آلمیشدیر و انله نظره گلیر کی گله جکده تنقیدین ان مهم حیصه لریندن اولاجاقدیر.

تطبیقی ادبیات مختلف دونیا ملتلی و خلقلرینین ادبیاتلاری آراسیندا کی مناسبتلری و علاقه لری تدقیق ائدر. (Guyard: LA Litterature Comparée. Paris), ۱۹۵۱.

بورادا تدقیقاتچی و تنقیدچی نین مقصدی ادبی اثرین اؤز کیفیتلی و رؤلونو نئجه ایفا ائتمه سینده دگیل بلکه اؤنون دیگر ملتله ده کی تأثیرینی و دیگر خلقلرین ادبیاتیندان آلدیغی تأثیری و اونلارین آرا لاریندا کی علاقه لری اورتایا چیخارتماق دیر. بونو ملی ادبیات دا کی تأثیر و نفوذدان فرقلندیرمک لازیم. مثلاً فضولی مکتبینی تعقیب ائدن و اوندان تأثیر آلان آذربایجان و تورک شاعیری نین اثرلرینده فضولی نین تأثیرینی تدقیق ائدرکن تأثیر و نفوذدان بحث اولونار. اما همان شاعیرلرده شکسپیر، بوشکین کیمی آیری ملت دن اولان شاعیرلرین تأثیر و نفوذ و تدقیق ائدیلمه سه تطبیقی ادبیاتدان بحث ائدیلمه لی (مقایسه لی ادبیات).

تطبیقی ادبیات دا تأثیر و اقتباس مسئله سی طبیعی و مثبت حادثه کیمی تلقی ائدیلمه لی. بورادا اقتباس دان مقصد ملی ادبیاتین زنگین لشمه سی و انکشافی دیر. فقط بو اقتباس فردی و ملی ادبی خصوصیتلرین قورونماسینا مانع اولما مالی دیر. شاعیر و صنعتکار یابانجی اثرلردن و صنعت دگرلریندن فایدالانار، سونرا اؤز یارادیجیلیق اوسلوبو ایله ملی روحونو اؤنا قاتار و یئنی اؤریژینال اثر یارادار، چونکی ادبیات جهانشمول اولماقلا یاناشی ملی و خلقی اولمالی دیر و اؤنلارین معنوی - اجتماعی احتیاجلارینا، ایستکلرینه، جاواب وئرمله لی دیر.

تطبیقی ادبیاتین تدقیقی اوچون تدقیقاتچی تاریخ بیلمه لی دیر. هم مقایسه انله دیگی اثرلرین ادبیات تاریخلرینی اؤگرنمه لی و مختلف متلری اؤز اصلی دیلرینده اؤخوبوب باشا دؤشمه لی دیر. سونرا عمومی منبع لردن فایدالانماغی بیلمه لیدیر. بو سبب دن دیر کی فرانسیز اؤنیورسپته لرینده تطبیقی ادبیات اؤگرنجیلری فرانسیز جادان باشقا ایکی یابانجی دیلی ده

اۇگرنمە لرى سجبورى دیر.

دۇنيا ادبیات تاریخی متخصص لری ادبیاتدا ایکی حرکتی قید ائتمیشلر:

بیربجیسی ادبیاتین ملی سرحدلری آشیب خارج دونیادا یایلماسی و عینی زاماندا دونیا ادبیاتلارینا قوشولماسی دیر. ایکینجی حرکت، اوزونه قایدیش و دونیا ادبیاتیندان الده ائتدیکلرینی ملی قالیبا تۇکوب منیمسه مه سی و اوز ادبیاتینی زنگینلشدیرمه سی دیر. بیر ادبیات نه قدر زنگین و گۆجلو اولورسا بۇ حرکت لر اۇندا داها جانلی و داها آشکار شکیلده اوزۇنو گۆستریر.

دۇنيا ادبیاتلاری قاریخینده منزوی قالان ادبیاتلار دۇرغونلوق و گثریله مگه محکوم اولموشلار. لاتین ادبیاتی یونان ادبیاتیله آشیلانیدیقدان سۇنرا ایره لیه مگه باشلادی. ایتالیا و اسپانیا ادبیاتلاری، رۇنسانس دۇرونده اوروپا اۆلكه لری نین ادبیاتلارینا رهبرلیک ائتدیله. فرانسیز ادبیاتی کلاسیزم دۇرونده باشا گئچدی. انگلیس و آلمان ادبیاتلاری ۱۸ - جی عصرین سۇنلاریندا اوروپا ادبیاتی نین بیرینجیلری اولدولار. ۱۹ - جو عصردن بۇگۆنه قدر دونیا ادبیاتی ملی ادبیاتلارین بیر - بیرینده بۇراخدیقلاری تأثیر و آلدیقلاری تأثراتلار انکشاف ائتمیشدیر.

عرب ادبیاتی دا واختیله باشدا گلن ادبیاتلاردان اولموشدور. قدیم عرب ادبیاتی (اسلام دان سۇنرا) یونان و ایران ادبیاتیندان فایدالانمیشدیر. اورتا عصرلرده اوروپا ادبیاتیله علاقه ساحلالمیش و اوروپا ادبیاتینی شعر، عشق و قهرمانلیق (ایگیدلیک) داستانلاری موضوعلاریندا زنگین لشدیرمیشدیر.

عرب ادبیاتی رۇمانتیزم دۇرونده ده اوروپا ادبیاتیله علاقه قۇرموش و تجدد دۇرو ادبیاتیندا اۇندان تأثیر آلمیشدیر.

دۇنيا ادبیاتلاریندا ایلك تطیقی ادبیاتین نمونه سینى لاتین ادبیاتیندا گۇرۇروک. اسکی رۇمالیلار (۱۴۶ م. ق) دا یونانلیلاری مغلوب ائله دیکدن سۇنرا اۇنلار حاکیم اولدولار. اما مدنی - ادبی ساحه ده یونانلیلارین تأثیرى آلتیندا قالدیلار.

اسکی لاتین ادبیاتی، تاریخ و خطابت دن باشقا ساحه لرده انکشاف ائتمه میشدی. رومالیلار یونان ادبیلرینی و یازیچیلرینی تقلید ائتمه یه باشلادیلار (محاکات) و زامانلا ادبیاتلارینی انکشاف ائتدیردیلر.

هۇراس (۸ - ۸۵ م. ق) لاتین ادبیاتی نین مشهور غزل شاعیری یازدیغی «شعر فنی» منظومه سینده دئیردی کی «یونان آتالار سۇزو و حکمتلی سۇز و متلرینی تقلید ائدین، گنجه -

گوندوز اونلاری تدیق ائدین». هوراس اوز و یونان شاعیری پنداروس دان، ویرزیل ده هومر و تئوکریت دن الهام آلاق شعرلرینده یونان شاعیرلری نین تأثیر آلتیندا قالمیشلار. رونسانس دۇرونده ایتالیان ادبیاتی یونان و روم ادبیاتی نین تأثیرله انکشاف ائتدی. اسکی یونان اثرلرینی خصوصیله ارسطونون کتابلارینی مسلمانلار (هارون الرشید و مامون زامانیندا ...) عربجه یه ترجمه ائدیب اسلام معارفینی قدیم یونان فیکر دونیاسیله تانیش ائله دیلر. بۇ ترجمه لر اسپانیا و سیسیل بۇلبله اورپا عالیملری نین ایته گنجیب اونلارین دقتینی جلب ائتدی. اورپا عالیملری بۇ کتابلاری اۇخویاندان سۇنرا اونلارین اصلی متنلرینی، اۇریژیناللارینی اۇخوماغا هوس گۇستردیلر. سۇنرا اونلاری اوز دیلرینه ترجمه ائتدیلر. بۇ دۇر ده اسکی یونان و رۇما ادبیاتی نین تقلید ائتمک بیر نهضت - اۇیانیش کیمی قبول ائیلدی. بۇ عینی زاماندا اۇرتا عصر کلیسا ادبیاتیندا بیر غصیان کیمی ایدی. بۇ دۇرون بۇیوک یازیچیلاری اسکی یونان و رۇما ادبیاتیندا اۇلان هومانیزمی اۇزلرینه ادبی گۇروش و مفکوره کیمی قبول ائدیب اورپا ادبیاتیندا هومانیزم جریانینی یاراتدیلار. دئمه لی قدیم یونان - لاتین ادبیات لاریندان تقلید (محاکات)، رونسانس (انتباه) دۇرونده تکرار اۇلوب هومانیزم و کلاسیک ادبیاتین ظهورونا سبب اۇلموشدور.

فراسه ده یئنددی مشهور یازیچیدان تشکول ائدن پلئیاد (یئددی اۇلدوز) گروبو ۱۶ - جی عصرده (۱۵۵۳ م) یونان و لاتین ادبیاتینی مۇدئل سنجمکله یاناشی آنادیللرینده یازیب یاراتماغا قرار وئردیلر و ایتالیا لیلار کیمی اوز دیلرینده اثرلر یازدیلار. یاواش - یاواش یازیچیلار و شاعیرلر اسکی یونان و لاتین ادبی ارئینی اۇیرنمکله یاناشی اۇنۇ گنجمگه و یئنی اۇرنکلر یاراتماغا باشلادیلار. بو فیکر کلاسیزم مکتبینه بیر اساس - قایدا کیمی قبول اولونموشدور.

۱۸ - جی عصرده اورپا ادبیاتلاری نین بیر - بیرله علاقه لری آرتدی و بو عصرین ایکینچی یاریسیدا رۇمانیزم ادبی مکتبی نین ظهورو ایله ادبی گۇروش و اۇسلوبدا اساسلی دگیشیکلیکلر عمله گئدی.

رومانتیک یازیچی و شاعیرلر رونسانس و کلاسیک یازیچی و شاعیرلرین عکسینه، اسکی یونان فلسفه و دۇشونجه سینی یعنی عقل و منطقین صنعت ده حا کمیتینی قبول ائتمه ییب دۇیغو - حسیاتی اۇنون یئرینه قۇیدولار. بونلار شعری عقلین دیلی یوخ، دۇیغو و خیالین دیلی کیمی قبول ائله دیلر و ادبیاتدا بۇ شرطلری قۇیدولار:

۱ - باشقا مللترین ادبی اثرلریندن فایدالانماق.

۲- مللترین ادبیاتینی اونلارین اؤز دلیندنه تدقیق ائتمک .  
 ۳- ملی - ائتیك ادبیاتی زنگین لشدیرمک اوچون یئنی اۇفوقلار آچماق .  
 ۴- علمی اساسلار اؤزیرینه ادبی تنقید آپارماق، بو مسئله یئنی تنقید و تطبیقی ادبیاتین یارانماغینا سبب اولموشدور .

۵- یازیچی نین کۆلتور و تحصیلینی تشکیل وئرن عنصرلرین تدقیقی «سنت بؤوون نظریه سینه گۆره»، (سنت بؤوو فرانسه نین بؤبوک تنقید چیسى دیر و یئنی ادبی تنقیدین آتاسی ساییلیر).

سیراسی گلیمیشکن قید ائتمه لی بیک کی ۱۸- جی عصرین سۇنونا قدر ادبیات تاریخچیلری تذکره چیلیک له کفایت له نە رک ادبی متنلری آنجاق فصاحت و بلاغت باخیمندان تدقیق ائتمیشلر .

تطبیقی ادبیاتدا ایکی ادبی شخصیتین رۇلوچوخ اۇنملی اولموشدور:  
 بیرى گاستون بارى (Gaston Baris ۱۹۰۳-۱۸۳۹) مشهور فرانسىز ادبیات تاریخچیسى و اوستادی دیر . گاستون بارى نین فیکرینه گۆره: بۆتون ادبی موضوعلار باشلانغیچدا ساده عنصرلردان عمله گلیمیشدیر . سونرادان گلنلر اۇنلارین اؤزیرینده ایشله یه رک اونلاری مرگبلسدیرمیشلر .

گاستون بارى بۇ گۆروشله اۇرتا چاغدا کی فرانسىز ادبی موضوعلارینی تدقیق ائتمیش و بو نتیجه یه گلیمیشدیر کی فرانسه ادبیاتی دیگر ادبیاتلاردان اقتباس ائتمیشدیر . اۇ، قابل آدلانان بۇ منظوم خلق حکایه لرینی تدقیق اندرکن اۇنلاردا عرب (شرق) و ایران ادبیاتی نین تأثیرلرینی گۆرموشدور . بۇ خلق حکایه لری میلادی ۱۴-۱۲- جو عصرلرده فرانسه ده یایلمیشدی و محتوالاری اخلاقی - اجتماعى اۇلدۇغو حالدا طنز و اگندیرىجى خصوصیتلری واریدی . گاستون بارى بۇ حکایه لرین هند - ایراندان عرب ادبیاتینا و سونرا بیزانس یۆلیله اوروپا یا گئچدېگینی ایره لی سۆرور و بۇنلاردان بئله نتیجه چیخاردیر: مختلیف مللترین ادبیاتی اؤز ملی - اجتماعى احتیاجلارینی قارشىلماق و ادبیاتلارینی انکشاف ائتدیریب اۇلغۇنلاشدیرماق اوچون بیر - بیرلریندن فایدالانمالیدیلا . بئله حکایه لردن بیرى ده ابراهیم بیهقی نین (کتاب المحاسن و المساوی) ده نقل ائدیگی خسرو پرویز و مۇبد حکایه سى دیر . بو حکایه نین خلاصه سى بئله دیر: بیر گۆن مۇبد موبدان (مۇبدلرین باشى) خسرو پرویزین حضورونا گلدى و سلام و ساییقى دان سونرا بئله دئدی: «موق اۇلاسان و قادینلارین اطاعتیندن اۇزاق» بۇ سۆزو شیرین (ملکه) ائشیتدی و حبرصلندی و ایسته دی موبد موبدانا بیر دۇزاق قۇروسون . بۇ مقصدله مُشگدانه آدلی بیر کنیزینی

اۇنا ھدبە ائىدى و كئىزە تاپشیردى كى موبدین ایسته گېنى بىر شرطله یئرینه یئتیرسن؛ بئله كى اۇنجه اۇنەن آرخاسینا یهر قویوب آغزینا گم وۇرارسان و دالینا مینرسن. بۇ كئیز بۇایشى شیرین له قزارلاشدیعی بىر ساعاتدا گۇردو و اوسیرادا، شیرین خسرولا برابر خیرسیر اونلارین اوتاغیا گلیرلر و موبد موبدانى او وضعیت ده گۇرورلر. موبد موبدان خسروو گۇرندە بئله دئیر: «قادیلاردان اطاعت ائتمگین نتیجه سى بۇدور. دیلده دئدیگیمی عمل ده گۇردوم.»

بۇ حکایه نىن موضوعونو فرانسىز شاعیرى ھانرى داندئلى (Henri D'andeli) ۱۳ - جو عصرین اولینده «ارسطو منظومه سى» «Le Lai D'aristote» آدیله نظمە چکمشیدیر و بو حکایه ده خسرو پرویزین یئرینه اسکندری و موبد موبدان یئرینه ده ارسطونو قویموشدور.

۲ - فریدینان برۇنتییر (Ferdinand Brunetiere ۱۹۰۶ - ۱۸۴۹) فرانسه نین بۇیوک تنقیدچىسى دېر و داروین و عصرى نین تأثیرینده قالمیشدیر. برونتییر ادبیاتدا دا حیوانلاردا اۇلدوغو کیمی تکامل طرفدارى دیر و دئیر کى ادبی نوعلر اۆچ مرحله دن (دۇغوم، بۇیومە (اۇلفونلاشما) و اۇلوم (فنا) گئچیرلر. هر بىر ادبی نوعون دۇغولوشو (یارانماسى) اۇندان اولکى نوعون فنا و آرادان گئتمه سبله علاقه داردیر. یئنى ادبی نوعلر قابا قکيلارینا نسبتاً داها اۆستون اۇلورلار. مثلاً درام، قهرمانلیق حماسه Epos لریندن و یئنى داستان (رومان) لار، اسکى خلق حکایه لریندن اۆستون دۇرلر.

**برونتییر نىن ادبیات تارىخى نین دۇز گون آنالیتىلداسى و اۇلفونلاشماسى اۇچون**

دیگر مللترین ادبیاتلاری نین تدقیقینی ضرورى بیلیر.

۱۹ - جو عصرین سۇنوندا ژۇزف تکزست (J. Texte) اۇستادی برونتییردن الهام آلاق اوروپا ادبیاتلاری نین بىر- بىرلریله علاقه لرینی تدقیق ائىدى و بۇ نتیجه په گلهدى كى **آنجاق** ادبیاتی اجتماعی حیانا علاقه ده ابضاح ائتمکله تطبیقى ادبیات موضوعلارینی اینجه له مک و اۇنون صورتینی آیدین شکیلده تصویر ائتمک مۇمکون دور. تکجه ادبی متلرین تدقیق ناقص و یئرسیز اۇلا جاقدیر.

ژۇزف تکزستی، تطبیقى ادبیاتین آتاسى بیلیرلر. اوندان سونرا بالدانس پئرزه B. Perger و جان مارى کاره (J. M. Carré) و دیدیه (Didier) بۇ علمین اۇنجولرى اۇلموشلار.

بۇگون تطبیقى ادبیات ادبی تنقید و ادبیات تارىخى نین اساس حیصه سى کیمی قبول اۇلونموش و اروپا و آمريکا اۇنیورسیتة لرینده مُستقل بىر درس کیمی تدريس اۇلونور. تطبیقى ادبیات بىر ادبی اثرى تدقیق ائدرکن اۇنونفنى نقطه نظر دن و یازبچىسى نین دۇشونجه سینده و اثرین یازیلما سیندا تأثیرى اۇلان تارىخى و اجتماعی شرایطى نظرده تۇتار.

تطبیقی ادبیات شناسلیقدا بۇ علملری اۇبرنمک ضروری دیر:

۱- تاریخ: تدقیق ائتمک ایسته دیگیمیز دۇرون تاریخینی بیلمه دن تاریخی حادثه لرین ادبی اثرین یارناماسیندا و ادبی جریاندا کی تأثیرینی آنلاماق مومکون دگیل.

۲- تدقیقاتچی مقایسه ائتمک ایسته دیگی ادبیاتین تاریخینی خصوصیه تدقیق ائندیگی دۇرو و اۇنا تأثیر ائندن عامللری تانیمالی دیر.

۳- مقایسه ائده جگی متلری اصلی (اۇریژینال) دیلده اۇخویوب باشا دۆشمه لیدیر.

۴- تدقیقاتچی عمومی ماخذ و قایناقلاری تانیمالی و اۇنلاردان نجه استفاده ائده جه گینی بیلمه لیدیر.

تطبیقی ادبیاتدا آشاغیدا کی موضوعلاردا تدقیقات آباریلار:

۱- ادبیاتین باشقا دیله گنجه گینده تأثیری اولان عامللر: ایکی دۇرلدور:

الف- اثرلر.

ب- یازیچیلار.

کتابلار و اثرلر ملتلر آراسیندا کی علاقه لری گؤسترمگه یاردیم ائدر. بۇنلاری تدقیق ائدرکن تأثیر آلان و تأثیر ائندن یازیچی و اثرلری آیدینلاشdırماق لازیم دیر.

بیر یازیچی اثرینی باشقا بیر دیلده یازمیشسا اۇنون اثری یازیچی نین باشقا دیل- ادبیاتیدان تأثیر آلدیغینا دلیل ساییلیر. بۇ خصوصدا ترجمه لرین رۇلو چوخ اۇنملی دیر.

کتابلاری تدقیق ائدرکن یازیچیلاری نین حیاتی، یابانجی اۆلكه ایله اۇلان علاقه و

مناسبتی و اثرینده تصویرینی و ئردیگی مللتین اۇندا بۇراخدیغی انتباه (Impression) و حسباتینی

نظرده تۇتمالی ییق. مثلاً اۇلترین اثرلرینده اۇنون انگلستاندا یاشادیغی زامان انگلیس لرین احوال

رۇحیه، عادت- عنعنه و یاشایشلاری باره ده اۇندا عمله گلن دۆشونجه و حسباتی نظرده تۇتمالی

و یاخود ابن مۇققعین ایران ادبیاتیدان عرب دیلینه ائله دیگی ترجمه لری اۇخویارکن مترجمین

حیاتی، گۇروش و دۆشونجه لری و ایران مدینینی گۆز اۇنونه آلماق لازیم دیر. دئمهلی اثرلری

تدقیق ائدرکن یازیچیلاری نین یاشاییش، احوال- روحیه و اۆلكه لری نین دیل- ادبیات و

وضعیتینی اۇگرنمک لازیم دیر.

۲- ادبی نوعلرین تدقیقی: بورادا یازیچی نین سئچدیگی قالب و اۇسلوب دا

نظرده تۇتولور. ادبی نوعلرین تدقیقی تاریخی بیر آراشدیرمادیر. بۇ ادبی نوعلرین تاریخینی هر

ایکی آیری ادبیاتدا تدقیق ائتمه لی دیر. مثلاً رۇمانتیک اۇسلوبدا رۇمان- حکایه یازماغین فرانسه

ده کی تاریخینی تدقیق ائدیپ شرق ده و بیزده نجه تأثیر بۇراخدیغینی آراشدیرماق و یا ایکی

مللتین ادبیاتلارینی مقایسه اتمک کیمی .

۳- ادبی موضوعلارین تدقیقی: مثلاً «دۇن ژۇوان» موضوعونون اسپانیا و فرانسه ادبیاتیندا و یا «فاوست» ون آلمان و فرانسه ادبیاتیندا و یا «کلئوپاترا» نین انگلیس، فرانسه و عرب ادبیاتیندا تدقیقی و مقایسه سی کیمی. بعضاً تأثیر منفی ده اولاییلر (عکس تأثیر) مثلاً: کلئوپاترا نی اوروپالیلار همیشه منفی شکیلده تصویر اندیب اۇنولا ئوبالی، ماجرا پرست و اگوئیست بیر شرقلی (مصرلی) قادین کیمی گۆستریشلر. حالبو کی مصرلی یازیچی احمدشوقی اۇنوو، اۆز درام اثرینده وطنپرور بیر شخصیت کیمی تصویر اتمیشدیر کی وطنی نین اۇغروندا اۆز عشقینی ده فدا اتمیشدیر.

۴- یازیچی نین باشقا ملتلرین ادبیاتیندا کی تأثیری: مثلاً شکسپیرین دراملاری نین فرانسه روماننیک مکیننه تأثیری و یا اۆلترین اوروپا ادبیاتیندا اولان تأثیری کیمی.

۵- ماخذ (قایناق) ین تدقیقی.

۶- دۆشونجه جریانلارینین تدقیقی: مثلاً ۱۸- جی عصرده اوروپا دا اولان فیکر جریانلارینین تدقیقی و یا تصوف جریاننی نین شرق ادبیات لاریندا تدقیقی کیمی.

۷- ملت و اولکه لرین باشقا ادبیاتلاردا کی تصویرینین تدقیقی: مثلاً سفرنامه لر و داستان و درام اثرلرین تدقیقی کیمی بونلار مقایسه لی ادبیاتین ینددی شاخه سینی تشکیل ائدیرلر.

عصریمیزده ادبیات جهانشمول اولموش دۇر و مددیر. بۇنون مختلف سببلری واردیر. اۇنلاردان مهاجرتلری، ساواشلاری، یئنی لیک (تجدد) و یئنی عمومی انفورماسیون و ارتباط (عمومی اطلاعات و ارتباط) واسیطه لرینی سایماق لازیم دیر.

مثلاً ۱۹- جو عصرده کی فیکر و سیاسی جریانلار بۇیوک مقیاسدا سفر و مهاجرتلرین نتیجه سینده ظهور اتمیشدیر.

ادبی نوعلرین تدقیقی: بۇنلاری نثر و شعر دئییه ایکییه آیریرلار. بۇنلار حقیقده ادبی نوعلر فصلینده ایضاحات و ثریلمیشدیر.

ادبی نوعلرین ان مهم لریندن بیری حماسه (Epos) دیر.

حماسه: پهلوان و یا قهرمانلارین داستانلارینی و اونلارین ایگیدلیکلرینی تصویر ائدرو مختلف چشیدلری واردیر. مثلاً ملی، افسانه وی و پهلوان لیک حماسه لری، تاریخی- مذهبی حماسه لر کیمی. بو نوع اثرلری تدقیق ائدکن داها قاباقدان یازیلیمیش اثرلرین تأثیرینی گۆرمک مومکون دور.

مثلاً بۇیوک لاتین شاعیری ویرزیل (م.ق ۱۹-۸۹) ین یازدیغی انه ئید یا ائنه ایس



(Aeneis) آدلی منظوم حماسه ده یونانین و هومرین (اودیسسه و ایلیاد) تائیری آشکاردیر. مشهور آلمان شرفشناسی دیتس ده قۇرقۇد داستانلاریندان «تپه گۆز» داستانینی آلمانجایا ترجمه اندیپ نشر ائتمیشدیر (۱۸۱۶). دیتس بۇ مناسیبتله یازدیغی مقاله ده تپه گۆز بۇیونو هومرین «اودیسسه» (Cyclopes) سبله مقایسه ائتمیش و اودیسسه نین یارادیلما سیندا بو بۇیدان استفاده اولوندوغونو بیلدیرمیشدیر.

اوروپادا دینی حماسه لر سمبولیک شکیلده دانته نین ایلاهی کومئدیسی (Ladivina Commedia) ایله باشلامیشدیر (۱۳۲۱ - ۱۳۱۴) بو حماسه نین موضوعو آخرت سفری دیر. ایلاهی کومئدی، یۆز ماهنی (تصنیف) دان عبارتدیر. هر ماهنی اۆچ مصراعلی بندلردن تشکول ائتمیشدیر، هر ماهنی ۱۶۰ - ۱۱۰ مصراعلی دیر.

کومئدی اۆچ حصه دن عبارتدیر:

جهنم، برزخ و جنت. بۇنلارین هر بیرى اؤن مرتبه دیر. سفرین باشلانغیجی یئرین آلتیندا، قارانیلقدا، بۇیوک بیر اؤیوق، جهنمی تمثیل ائدیر. بۇرا ظلمت، سۇیوق، کین، جهل، قۇرخو، چیر کینلیک، پسیلیک و محرومیت سمبولۇدور و انسانلیقدان اۇزاق اولان فضیلت سیز آدماملار بۇرایا سقوط ائدیرلر.

دانته علم و حکمت رمزی اولان ویرژیل ایله بۇسفره گئدیر. سۇنرا برزخ دونیاسینا گلیر و اۇرادا بۇیونوب توبه ائله دیکدن سۇنرا جنته گئتمگه حاضر لائیر.

برزخ بۇکسک بیر داغ دیر.

بۇ داغین زیروه سینده یئرین جنتی یئرله شیب. دانته بۇ داغدا چیخاندا ل سۇنرا اولساقلیق زامانی معشوقه سی بئاتریسی (Beatrice) گۇرور، اوندان سۇنرا ویرژیلی بۇاخر و قالان سفرینه بئاتریس ایله داوام ائدیر. گۇی ده ۸ - جی مرتبه یه قدر بۇکسه لیر. اۇرادا، ملکلیرى گۇرۇرکی تانرییه پرستش ائدیرلر. ملکلرله برابر مؤمن انسانلار اۇرادا گۇزه ل منظره لری سیر ائدیر و تانری نین جمالینا جذب اولوب اوندا محو اولماغی گۇزله ییرلر.

دانته تانرییه دۇغرۇ بۇکسلمه یه داوام ائدیر. بئاتریس عشق، گۇزه للیک، صمیمیت و با کلیق رمزی دیر و شاعیره تانری در گاهینا چا تانا قدر همراھلیق ائدیر. دانته نین بو حماسه سی ایتالیا ادبیاتی نین شاه اثری ساییلیر و اؤز نوعونده تک دیر.

دانته بو اثری آنادیلینده یازماقلا ایتالیا دیلینی دیرچلتمیش و ایتالیا ادبیاتی نین تملینی

قویموشدور.

دانته حماسه نین نوعو خصوصوندا ویرژیلی ایزله ییب بدیع اثر یاراتدیغی حالدا اسلامی

قاینقلاردان تأثیر آلمیشدیر.

سون سنه لرده آپاریلان آراشدیرمالار گؤستریمیشدیر کی دانته بو کومئدینی یازماقدا اولو بیغمبریمیزین معراجی باره ده اولان حدیث دن الهام و تأثیر آلمیشدیر. پروفیسور پالاسیوسون ۱۹۱۹ دا استانبول تور کجه سینده یازدیغی کتابدا بو مسئله آیدین شکیلده گؤستریمیشدیر.<sup>۱</sup> محی الدین عربی نین (۶۳۸ - ۵۶۰ ه.ق.) «فتوحات مکیه» آدلی اثریندن اورتا چاغ اوروپا مؤلفلری بؤل - بؤل فایدالانیب اقتباسلار انتمیشلر.

چا عداش ایٹالیالی عالییم و ایٹالیانین ایراندا اسکى سفیری اولان اینریکو چنرولی (E. Ceruli) و اسپانیالی شرقشناس منوس ساندیانو یازدیقلاری (معراج نامه، ایلاهی کومئدی نین اسپانیالی عربی الهام قایناغی) و «محمد (ص) ین معراجی» آدلی تحقیقی اثرلرینده گؤستریمیشلر کی، یئنی تاپیلان معراجنامه نین قدیم نسخه سی و اؤنون پاریس ملی کتابخانا سیندا ساخلانیلان لاتین دیلینده کی ترجمه سی، همچنین واتیکان دا ساخلانیلان اسپانیولجا ترجمه سی دانته یه الهام منبعی اولموشدور. بو ترجمه لر کاستیل شاهی و آلمان امپراطورو اؤنونجو آلفونس (۸۴ - ۱۲۵۲) وُن امریله آپاریلمیش دیر. بو آدام اسلام معارفی نین اوروپایا انتقالیندا بؤیوک رؤل اوینامیشدیر.

ایلاهی کومئدی نین متینده کی خصوصیتلر ده اؤنون اسلامی معراجنامه یه بنزه دیگیگی گؤستریر.

حتا بعضی مؤلفلر عربجه یازیلان معراجنامه لرین ده کوکونو ۱۶۰۰ ایل قاباق بیر زردشتی مصلحی نین یازدیغی ارداویرافنامه آدلی اثره باغلاماق ایسته بیرلر.<sup>۲</sup> دانته نین کومئدیسی اوروپالیلارین اؤز اثرلرینی حتا شاه اثرلرینی بازار کن نئجه شرق - اسلام منبعلریندن فایدالاندیقلارینی و چوخ واخت بؤ قاینقلاردان آد آپارمادیقلارینی گؤستریمک اوچون بیر مثال دیر. بیر مثال دخی وئره ک:

مشهور لافونتن (Lafontaine) حیوانلارین دیلیندن یازدیغی فابل (Fable) مجموعه لرینده ۲۰ حکایه نی هراتلی واعظ کاشفی نین «انوار سهیلی» کتابیندان آلمیشدیر. هابئله گوته نین شرقی دیوانی حافظ دن الهام آلاراق یازیلیمیشدیر. اما گوته بو مسئله نی گیزلتمه میس، لافونتن

1- Prof Don Miguel Asin Palacios 1871-1944, I aescatologin Musulmana en

۲- دوفتور محمد عسعی شلال - ادبیات تطبیقی - ترجمه دکتر آیت الله زاده شیرازی - تهران ۱۳۷۳.

ده بونو کتابینا یازدیغی مقدمه ده قید ائتمیشدیر.

اسلام دونیا سیندا دخی بئله ادبی آلیش- وئریشلر چوخ اولموش دور. مثلا:

شیروانلی خاقانی مشهور «ایوان مدائن» قصیده سینی عرب شاعیری بحتری (ولیدبن عبیدطائی، ابو عباده ۲۸۴-۲۰۶ ه. ق) نین ایوان کسرا حقیقده یازدیغی سینه قصیده سیندن آلدیغی الهام و تأثیرله یازمیشدیر.<sup>۱</sup>

عشق داستانلاری (پاک عشق) دا اسلام دونیاسیندان اوروپا یا گنتمیش دیر. میلادی ۱۲- جی عصره قدر بو چئشید داستانلار اوروپا دا یازیلما میس دیر. بو عصرین ایکینجی یاریسیندا آندره لوشاپلن ایلک دفعه اولاراق «پاک عشق» (Ars Honeste Amante) آدلی کتابینی یازدی و بو کتابدا عشق باره ده یئنی بیر معنا ایفاده ائتدی و قالدینا اؤ زامانا قدر گؤرؤلمه میس یوکسک بیر موقع تانیتدی. بؤ اثرده شؤواله لر قالدین فارسیندا دیز چوکورلر و بؤنو بیر چئشید اصالت علامتی ساییرلار. بؤرادا تمیزلیک (پاکلیق)، حیا، عهدہ وفا، دؤزلوک و فداکارلیق هامیسی پاک عشقین اساسلاری کیمی ساییلیر. تمیز عشق همیشه نا کاملیق، درد و مشقت له برابر اولور و وصال یؤلوندا درد و مشقته دؤزمک لذت و شادلیق ساییلیر. بؤ کتابی بازار کن آندره شاپلن مسلمانلارین تأثیرینده قالمیش و تمیز عشق باره ده یازیلان کتابلارین (کتاب الزهره- تألیف ابوبکر محمدین داود اصفهانی ظاهری، وفات ۹۰۹) و بو کتابین تقلیدی کیمی یازیلان اندولوسلو ابن حزمین (وفات م ۱۰۲۲)، «طوق الحمامه» کتابی نین تأثیری آلتیندا قالمیش دیر.<sup>۲</sup>

عشق داستانلاریندان مسلمان مللترین ادبیاتلاریندان بیر مثال کیمی لیلی و مجنون داستانی ذکر ائده بیله ریک. بو داستان عرب ادبیاتیندان فارس ادبیاتینا (گنجه لی نظامی) و اؤرادان تورک ادبیاتلارینا گنچمیشدیر. اما بؤ سیرادا اؤنون مضمونو عرفانی و سمبولیک ماهیت قازانمیشدیر.

گنجه لی نظامی دنیا ادبیاتیندا ساییلی زیروره لردن دیر و ادبیاتدا کی رؤلو تطبیقی ادبیات باخیمیندان چوخ مرکب اولموشدور.

نظامی آذربایجانلی تورک اولدوغو حالدا فارسجا یازمیشدیر و مضمونلارینی داها چوخ ایران و عرب منبعلریندن آلمیشدیر (خسرو- شیرین، لیلی مجنون و...) دیگر طرفدن فارسجا یازدیغی اثرلرینده (خمسه) ایشلتدیگی تورکجه سؤزلر، مفهوملار و آتالارسؤزلرله فارس

۱- دوققور محمد غمی هلال- ادبیات تطبیقی- ترجمه دکتر آیت الله زاده، تهران صفحه ۲۴۹-۱۳۷۳.

۲- همان کتاب- صفحه ۲۶۹

ادبیاتنا تورک تأثیرینی گئیرمیشدیر.

سؤن عصر شاعیر و یازیچیلاریمیزدان صابر، شهریار و جلیل محمدقلیزاده نین شعر و یازیلاری تطبیقی ادبیاتین تدقیقینه یاخشى نمونه لر دیر.

صابرین طنز (ساتیریک) شعرلری ایرانین مشروطه انقلابیندا و ایران شاعیرلرینده (فارس و تورک) درین تأثیر بۇراخمیش و اؤنون اوسلوب و مضمونلاریندا شعر یازماغا الهام قایناغی و نمونه اولموشدور. حتّا بعضی شاعیرلر صابرین شعرلرینی ترجمه ائدیپ قایناق گؤسترمه دن اونلاری نشر ائدیرمیشلر. مرحوم اوستاد شهریارین حیدر با با منظومه سی دیلله دستان اولوب بیر چوخلاری طرفیندن فارسجا یا و دیگر دیلله ترجمه ائدیلمیشدیر.

جلیل محمد قلزاده نین چبخار تدیقی ملانصرالدین ۸۰ ایلدیر ایران دا و یاخین شرقده بۇ نوع مطبوعاتا و یازیلارا اؤرنک ایشینی گؤرموشدور.

تطبیقی ادبیات ادبیات شناسلیق دا بیر اختصاص شعبه سی دیر و بونئجه صحیفه ده و نردیگیمیز ایضاحات اؤنواؤ گرنمگه کافی دگیلدیر. بیز بۇرادا تطبیقی ادبیاتین نه دن بحث ائدیگینه و تدقیق موضوعلارینا بعضی مثاللارلا برابر اشاره ائدیک. اوخوجو بو موضوعلارلا ماراقلانیرسا بو ساحه ده باشقا دیلرده بازیلان کتابلارا مراجعت ائتمه لیدیر.<sup>۱</sup>

ادبی تنقید بحثی نین سونوندا بو نتیجه یه گلیریک کی مختلف ادبیات نظریه لرینه اینانان مختلف تنقید متؤدو طرفدارى تنقید چیلر بیر ادبی اثری مختلف شکیلده تدقیق ائدیپ، مختلف نتیجه لر آلا یلرلر و سؤنوندا مختلف و بعضاً بیر-بیرینه ضد دگرلندیرمه لر آپاریب و اثری مختلف شکیلده قیمتلندیره یلرلر. بوتون بونلاری دقت نظرینه آراق بئله بیر نتیجه یه وارا یله ریک کی بیر ادبی اثری تدقیق ائدیپ دگرلندیریر کن مختلف ادبی دگرلری نظرده توتمالی و التقاطی، سنجمه و تألیفی تنقید متؤدوندان فایدالانمالی ییق. بونا فرانسوزلار (Critique Eclectique) دئیرلر.

1- Guyard: La Litterature Comparée Paris. 1951.

- ادبیات تطبیقی - دکتور محمد غنیمی هلال - ترجمه دکتور آیت الله زاده شیرازی انتشارات امیرکبیر - تهران ۱۳۷۳.



## ادبى مکتبلر

ادبى مکتبلر و يا ادبى جريانلار، معین بىر چاغدا اۇرتاق بىر دۆشونجه، احساس و صنعت (هنر) مقصدى اطرافیندا تۇپلاشان يازىچى و شاعیرلرین اۇسلوب، دۇيغو و دۆشونجه باخیمیندان بىر - بىرلرینه آز - چوخ بنزه یین اثرلر و ئرمکلرله اۇرتايا چىخیمیشدیر. یئنى ادبى مکتب يازىچىلاری کۆكلشمیش (ریشه سالمیش) بىر ادبیات و صنعت تلقى سینه قارشى گۆروشلر تکلیف اندر و اۆز فیکر - عقیده لرینه اۇيغون اثرلر يازارلار.

ادبى مکتب و جريانلاری اۆز - اۆزونه و بىردن بىره اۇرتايا چىخما میشدیر. جامعه ده کی سیاسى - اجتماعى دگیشمه لر، یئنى علمى، فلسفى گۆروشلر صنعتین باشقا قۇللاریندا عمله گلن یئنى لیکلر ادبى جريانلارین ظهورونا سبب اۆلموشدور. بىر چاغدا صنعتین بىر قۇلوندا ظهور ائدن جريانلار اۇ بىرلرینده ده تائیر بۇراخ میشدیر.

بوگونه قدر غرب ادبیا تلاریندا ظهور ائدن ادبى مکتبلرین مهم اولانلاری سیراسیله بونلاردیر: هومانیزم، کلاسیزم، رومانئیزم، رئالیزم، ناتورالیزم، سمبولیزم، پاراناسیزم، سؤرئالیزم و اگریستانسبالیزم.

بۇ جريانلارین چۆخو فرانسه ده ظهور و انکشاف ائدیپ باشقا اۆلكه لره يایلمیشدیر.

### هومانیزم یا انسانچیلیق ( انسانگرایی )

هومانیزم فلسفه ده انسانلار آراسیندا عرق، دین فرقى قۇیما دان، هامى انسانلارین خیرینی دۆشونمک و اۇنلاری بىر گۆزده گۆرمک دۆشونمه طرزى (تلقیسی) دیر، اما ادبیا تدا رونسانس (یئنى دن دۇغما) معناسیندا ایشلنمیشدیر.

ادبی هومانیزم دە رونسانس جریانی کیمی ایتالیادا اۇن دۇردونجو عصرین باشلاریندا باشلامیشدیر.

دانته (۱۲۵۶-۱۳۲۱) Dante، پترارک (۱۳۷۱-۱۳۰۴) و بوکاکچیو (۱۴۱۳-۱۳۷۳) Boccaccio)، بۇجریانین ایتالیاداکى بۇیوک نماینده لری اۆلموشلار. بۇجریانین ظهورونا ایکی مهم عامل سبب اۆلموشدور:

- بیرى کلیسا و حکومت تضييقنه قارشى آزادلىق فيکرى.

- بیرى ده کلاسیک یونان-لاتین ادبیاتلارینا اۆلان حسرت و حیرانلیق. اۇنا گۆره هومانیزم

یونان-لاتین مدنیت عصرینه صمیمی و جدی بیر یۆنلمه-قایدیشی ایفاده ائدر.

هومانیزم مفکوره سی عینی زاماندا کلیسا حاکمیتی، خریستیان روحو و دۆشونجه طرزینی و داورانیشلارینی آرادان آپارماق معناسینی دا داشییردی. بۇندان باشقا مطبعه نین ایجادى، یئنی جغرافی کشفیلر، شهرلرین زنگین لشمه سیله آرتان رفاه، سیاحتلر و ساواشلار و اسپانیا دا انکشاف ائدن اسلام مدنیتی هومانیزمین ظهورونو سرعتلندیره ن سیلریدر.

بۇ جریانین تأثیرینده قدیمکی لر کیمی یازماق هوسی، اونلارین تقلیدی، اۆسلوب و ذوق ده یتنگینلیک قایغیسی ظهور ائتدی. قدیمکیلرین نوع، شکیل و اۆسلوبلاری ایله یاناشی دنیا گۆرۆشلری، موضوع و فیکرلری ده تقلید ائدیلدی. فقط قدیم چاغلارین مالی اولان بو گۆرۆشلر یئنی جامعه لره اۆیمادیغی اوچون ادبیات ملی یاشاییشدان اۇزاقلاشدی و عینی زاماندا لائیک دۆشونجه و اصلاحات اۇیغون بیر زمینه حاضرلاندى.

هومانیزم ایتالیادان باشلیق اسپانیا، فرانسه، انگلستان و آلمان دا یایلدی و بیر-بیرینه آز-چوخ بنزەین ادبیاتلارین ظهورونا سبب اۆلدو. ایتالیا هومانیستلری نین الهامیله جانلانان بۇ گۆرۆشلر ۱۶-۱۵- جی عصرلرده بۇ مللتلرین ادبیات دیلیرینی قۇردو و انکشاف ائتدیردی.

هومانیزمین ایتالیادان سۇنرا ان بۇیوک نماینده لری فرانسه ده ظهور ائتمیشدیر، رابله (۱۵۵۳-۱۴۹۰) Rabelais) و مونتئین (۱۵۹۲-۱۵۳۳) Montaigne) و رۇنسارد (۸۵-۱۵۲۴)

کیمی. هومانیزم جریانی عینی زاماندا اوروپا مللترین اۇز آنادیلرینده یازماغا و ملی ادبیاتلارینی قۇرماغا سبب اۆلموشدور.

### کلاسیزم ( Classicisme )

کلاسیکوس لاتینجه سئچمک معناسینی وئریر. سۇنرادان لاتینجه و یونانجانى اۇگرنمک و

بو دیللرده یازا بیلمک اوچون اوخونان اثرلره کلاسیک آدی وئریلدی.

بۇ گون دە ابدى اۆلموش شاه اثرلره، آنادىلىنى ان گۆزەل يازان صنعتكارلارا و اۇنلارین اثرلرینه مکتب - مدرسە لردە اۆیره دىلن مثبت علملره و ... بو آد وئریلیر.

بورادا قاعدە لره باغلیق و یتگینلیک مفهومی واردیر. ادبیات دا ۱۷ - جی عصرین ایکینجی یاریسیندا فرانسه ده انکشاف ائدن بیر جریانا دئییلیر. بو جریان ۱۷ و ۱۸ جی عصرلردە بۆتون اروپا دا یایلمیش و ان سجه وی اثرلرینی ۱۷۰۰ - ۱۶۵۰ یللرینده فرانسه ده وئریب هومانیزمین داها شعورلو بیر داوامی اۆلموشدور.

کلاسیزم مکتبی ارسطو و دکارتین فیکرلرینه دا یانیر. بو مکتبده صنعتین اساسی عقله دایانیر، عقل لذت و منفعت آراسیندا هارمونی، اؤیغونلوق (هماهنگی) قۇرار. یازیچی نین دۆشونجه سی عقل و منطقه دایانمالی و غرضلی اۆلمامالی دیر. ادبیات حقیقتین آیناسی دیر. حقیقت ده هر زمان و هر یئرده عینی دیر.

کلاسیزم مکتبی شاعیرلریندن (Boileau) یازدیغی «شعر صنعتی» (Art Poetique) آدلی کتابیندا بو مکتبین مقصد و قاعدە لرینی ایضاح ائدیر و بئله دئیر:

عقل و منطقی سنوین، اثرلرینیز زینت و قیمتینی اۇندان آلسین، طبیعتدن هئچ آیریلما - مالی ییق، چونکی طبیعت، حقیقت دیر. حقیقتدن باشقا هئچ بیر شئی سئومه لی و گۆزەل دگیل. ساختا شئیلر، داریخدیریجی و یۇرۇجو دور. طبیعتی تقلید و تصویر ائدین.

کلاسیک ادبیاتین مقصد و غایه سی اخلاقی اۆلموشدور. اۇنا گۆره حماسه و شعر اخلاقی مقصدله یازیلماالی و دینی - اجتماعی فضیلتلری یایمالیدیر.

شعر عقلین دلیلی دیر و حقیقی شاعیرین شعرى هم فایدالی دیر، هم ده لذت وئرر. بۇ مکتب ده عقله دایانان اراده، دؤیغو - احساس حاکیم دیر و خطاب ائله دیگی آدم دا سئچگین آدم دیر.

کلاسیزمین بیر سیرا قاعدە لری، نۇرملاری، چرچیولری واردیر، یازیچی بۇ نۇرم و قاعدە لردن خارجه چیخایلمز و ایسته دیگی بدیعی ذوقی حیاتا گئچیره بیلمزدی. اۇدربار - سارای ذوقینی اۇخشاما لی ایدی. یازیچی تئم سئچنده و پرسۇنازلار (صورتلر) یارانداندا استاندارد (معین لشمیش)، قانونلاردان کنارا چیخایلمزدی. او، اۇز قهرمانلارینی سارای دان و یا یۆکسک، زنگین طبقه لردن سئچمه لی ایدی. یۇخسول طبقه نین نماینده لری آنجاق کومئدی ده گئیریئنه بیلردی. بۇ سببدن بۇ مکتبده ادبی نوعلر ده محدود اۆلوب بۇنلاردان عبارت ایدی: تراژدی کومئدی، قهرمانلیق درام (نمایشنامه) لاری، قهرمانلیق منظومه لری، غنائی نوعدن ده قصیده، مدحیه، مناجات و ...



کلاسیزم مکتبی یازیچیلاری حیاتی اۆلدوغو کیمی یوخ، سارایین، زنگین، حاکیم و سنجگین طبقه نین ایسته دیگی کیمی تصویر ائتمه لی ایدیلر.

بۇ مکتبین محدود قایدالاریندان درام اثرلرینده «اۆچ وحدت» قاعده سینى ذکر ائده بيله ربك. بۇنلار: زامان وحدتى، مکان وحدتى و حادثه - حرکت (موضوع) وحدتى ایدی.

زامان وحدتى: اثرده وئریلن حادثه لر مدت باخیمیندان ۲۴ ساعتی گنجه مه لی ایدی. مکان وحدتى: مکان وحدتى قاعده سینى ۱۴۵۵ده ایتالیالی ماگی (Maggi) علاوه ائتمیشدیر. اثرده تصویر اولونان حادثه لر آنجاق بیر یئرده وئريلمه لی ایدی. بی یئس (نمایشنامه) یین بیرینجی پرده سینده شهر، دیگر یئرلرینده کند و یا باشقا یئرلر گؤسته ريله بيلمزدی. بونون نتیجه سینده یازیچی گنیش سوزتت، موضوعلار اؤزرنده ایشله یه بيلمزدی.

- حادثه و حرکت (موضوع) وحدتى طلبینه گؤره اثرده یالئیز بیر موضوع، حادثه لر خطی اولمالی، بیر- بیریندن دوغان حادثه لر بیر خطدن کنارا چیخا بيلمزدی و فرعی، اضافی حادثه لره یئروئريلمزدی.

زامان و موضوع دا وحدت قاعده سی ارسطودان قالمیشدیر و درام اثرلرده اؤزون زامان حاکیم اؤلموشدور.

ایلک دفعه شکسیر اثرلرینده بۇ اۆچ وحدت قاعده سینى بۇزموشدور. کلاسیزم ده دیل ده معین چرچوبه یه یئرلشدیر یلمیش و وارلی، سارای دیلی اساس گؤتورولموشدو. آنجاق کومئدی ده خلقین عادی دانیشیق دیلیندن استفاده اؤلونوردو. بۇ دؤرده داها چوخ شعر دیلی انکشاف ائتدی، حتا درام اثرلری (نمایشنامه لر) شعر ایله یازیلیردی شعر نوعوندان قصیده، مناجات، منظومه و غزل داها چوخ یازیلیردی.

کلاسیزم مکتبی طبیعت و قدیم یونان- لاتین یازیچیلاری نین تقلیدینی بیر اساس کیمی قبول ائدیردی و هر شیئی حتا گؤزه للیگی ده عقل ایله اؤلچوردو.

بو مکتب اؤنجه ایتالیادا یاراندى لاکین فرانسه ده انکشاف ائتدی و اؤرادان آلمان و انگلستانا یئیندی.

کلاسیک جریانین بؤیوک یازیچی و شاعیرلریندن نمونه اولاراق بونلاری ذکر ائده بيله ربك: کورنی ۸۴-۱۶۰۱ (Corneille)، هوراس Horace تراژدیسی نین مؤلفی، لافونتین Lafontaine، ۵۹-۱۶۲۱ - مشهور شاعیر و قابل حکایه لری نین مؤلفی)، راسین (Racine) آندرۇماک Andromaque تراژدیسی نین یازیچیسى و مؤلیر Moliere خسیس L'avare نمایشنامه سی نین مؤلفی).

### رۇمانتىزم (Romantisme)

رۇمانتىزمىن قديم معناسى: خيالى، شاعيرانە، مُحْتشَم و عجايب دىر. ۱۸۱۵ دىن سۇنرا بۆتون اوروپا دا يايىلان دۇيغو، ھيجانا دايانان و انسان آزادليغىنى مدافعه ائىدن رۇمانتىزم ادبى جريانى اۇنجه (۱۷ - جى عصرده) انگلستاندا ظهور ائىدى، سونرا آلمان، فرانسه، ايتاليا، اسپانيا و روسيه ده يايلىدى و ۱۸۵۰ - يه قدر اوروپا ادبياتىنا حاكيم اولدو.

رۇمانتىزمىن ظهورنا سبب اۇلان عامللرين باشىندا محيط و حاكيم اۇلان طبقه و شرايط دن آيدىنلارين و عموم خلقىن ناراضىلىغى اولموش دور.

۱۸ - جى عصرىن بيرىنچى يارىسىندا حاكيم طبقه، اشراف و زادگان اخلاقسىزلىق و فسادا آلوده اۇلوب يياوش - يياوش اۇز نفوذ و اعتبارىنى الدن و ئىرىدىلر. بير طرفدن ده اقتصادى وضعيت گنت - گنده پۇزولماعا باشلامىشىدى. بۇ شرايط ده خلقىن دۆشونجه سيله كلاسيك يازىچىلارين ايسته دىكلرى بير - بيرينه اۇيموردو.

كلاسيزم جريانى نىجه شاهلىغى و استبدادى تمثيل ائىدىرىسه، رۇمانتىزم ده اۇنا قارشى رئاكسيون، عكس العمل اۇلان آزادلىق، دموكراسى و بير آزاد انارشىزم هوسى و ايسته گىندن دۇغموشدور. بۇ ادبى جريانىن ظهورو اوروپا دا بۇرژوا طبقه سى نىن ظهورو و ايش باشىنا گلمه سيله علاقه داردىر. بۇ جريانىن طرفدارلارى اۇرتا طبقه دن و يىئنى تۇره مېش شهرلى - بۇرژوا طبقه سى ايدى.

رۇمانتىزمىن دا ياندىغى متفكر و فيلسوفلار، مونتسكيو (Montesquieu) ولتر (Voltaire) و ژان زاك رۇسو (Jean Jaque Rousseau) دور. بونلار ۱۸ - جى عصرىن آيدىنلىق چاغى نىن فيكر آداملارى دىر. بونلار طرفىندن دين، دولت، اخلاق و حقوق مسئله لرى و عنعنەلر اۆزرىنده مناقشه آبارىلىب و باشقا اۆلكه و ملتlerde كى ياخشى خصوصيتلر نمونه گۇستىرلىدى. انسانىن، حيات، شرف، مالكييت و آزادلىق حقلىرى اۆستونه قۇرولان يىئنى آمريكا دولتى بيه نىلير و فردىنچىلىك مدافعه ائىدىلير و قولدارلىق عنعنە سى محكوم ائىدىليردى.

نيوتون و بوفون كىمى عامللرين فن و طبيعت ساحه سينده كى كىشلىرى و آر كئولوژى تاپىنيتلارى انجىلين اسكولاستيك دونيا گۇرۇشۇنو اعتبارسىز ائىدىردى. فيلسوفلار، يىئنى دۇرون اساسلارنى قۇبۇب ايضاح ائىدركن بۇ دگىشمەلر ادبيات عالمينه ده تاثير ائىدىردى. اۇنا گۆره رۇمانتىزم يىئنى دۆشونجه و ادبيات چاغى نىن باشلانغىچى سايىلير، اۇنون تىلمى ۱۸ - جى عصرده قۇبۇلدوغو حالدا، انسانلارين حقلىرىنى مدافعه و انقلابلارين حاضيرلانماسىنا يۇل آچمىش و اۇنلارلا برابر انكشاف ائتمىشىدىر.

رومانتېزىم بىر ادبى جريان كىمى ۷۰-۱۸۲۰ يىللىرىدە فرانسە دە يا يىلدىغى حالدا، بىر مەكتەپ حالدا گلەمە دن اۋنچە انگلستاندا، آلمان دا و فرانسە دە اۋنو حاضىرلايان اۋنچو رۇمانتىكلر اۋرتايا چىخىمىشىدىر. انگلستاندا لۇرد بايرون (۱۸۲۴-۱۷۸۸ Bayron Lord) و شىلى (۱۸۲۲-۱۷۹۲ P. B. Shelley) و جان كىتس (۱۸۲۲-۱۷۹۵ John Keats) كىمى شاعىرلر، عصيانچى روحلار، آزادالھاملار، احتراملى قادىن و طىبعت عشقلىرلە رومانىك جريانين گوچلندىر دىلر. شكسپىر (۱۶۱۶-۱۵۶۴) رومانىك درام (نمايشنامە) اثرى يازماقلا و والتر اسكات (۱۸۳۲-۱۷۷۱) Walter Scott تارىخى رومانلارلە رومانىزمە زمىنە حاضىرلا دىلار.

آلمان شاعىرلىرىدن گوته (۱۸۳۲-۱۷۴۹ Goethe)، شىلر (۱۸۰۵-۱۷۶۹ Schiller) و برناتو (۱۸۴۲-۱۷۷۸ Bernato) رۇمانىزمىن خصوصىلە ملتچىلىك - وىتېرورلىك و خلق قايناقلارىنا دايانماغىن اساسلارنى قۇيدولار. آلمان داشلىگل قارداشلارى Wilhelm Schlegel، Schlegel بو مەكتىبن قۇرۇچوسو سايلىلار. فرانسىز قاباقچىل رۇمانتىكلردن ژان زاك رۇسو (۱۷۷۸-۱۷۱۲)، لامارتىن (۱۸۶۹-۱۷۹۰ Lamartine) و لىكتورھوگو (م ۱۸۸۵-۱۸۰۲) دويغو، خيال، درىنلىك و عشق عنصرلارلە رومانىزمە يىنى اوفوقلار آچىدیلار.

رۇمانىزمىن ادبى گۇرۇشلرى: فردىتچىلىگى و صنعتكارىن آزادلىغىنى ھرشى دن اۋستون گۇرەن رۇمانىك يازىچىلار آراسىندا آشكار فرقلر واردىر. بۇنلار بىرلشدىن اساس نقتە كلاسىك قاعدە لرە قارشى چىخماقلار دىر. كلاسىكلر عقل و منطقى اۋزلىرىنە باش تاجى سىچدىكلرى حالدا بۇنلار عقلين كىترۇلوندان قۇرتولوب دۇيغو و الھاما قاپىلماق ايستە بىردىلر. رومانىك شعر: اۋلچو، نظام و آچىقلىق يىترىنە باشدان باشا جۇشغۇنلوق، سىزمك و صىمىت دىر. شاعىر ھىچ بىر حد تانىما دان، قايدا - اصولا بۇيون اگمە دن ايچىندن گىلى يازمالى دىر. زامانى و طىبعتى و حتا اۋزۇنو دە آشىب گىنچمە لى، چالىشمالى و گرە كىرسە شعور آلتى ابستك و سىزدىكلرىنى دە ايفادە ائتمە لى دىر.

كلاسىكلر احتراملار ياساقلايىب، ضعقلرى بىسلە يىب و ارادە نى اۋستون تۇتار كن، رومانىكلر، صنعتكارىن احتراملار سۇنسوز اۋلمالىدىر - دىئىردىلر. چونكى بۇيوك اثرلر، سۇنسوز عشق، سۇنسوز كىن، نفرت و آرزولاردان دۇغار. رحم، عشق، ايدئال، پىسە دوشمانلىق و ياخشى يا محبت ھم انسانى ھم دە جامعە نى و نىجە دە ادبىات اثرىنى اۋجالدار.

كلاسىكلر، «طىبعتى تولىد ائتمە لى» - دىئىردىلر، حالبوكى رومانىكلرە گۇرە طىبعتى تصوير ائتمە ك، ھم گۇرونن ھم دە گۇرونمە ين يانلارنى، اۋنون درىنىدە كى معنانى دا

سئزمك لازيم دير. چونكى صنعت بير تقليد يۇخ بير باراتماق ايشى، ياراديجيلىق دير. كلاسيكلر يالئيز سئجگين انسانا خطاب ائدير و دۆزگون نۇرمال، منطقى شئيلره اهميت وئريرديلر.

رومانتيكلر بۇنلارين يانيندا خصوصاً عجايب، گۆلونج، چير كين انسان و شئيلره ده بۇيوك يئر وئريرديلر. چونكى طبيعت ده بۇنلاردا واردى. بو سقظ، غير طبعى، خسته، دۆشگون و اؤستون انسانلار حياتا مختليف رنگ و احتراض وئريرلر. بونا گۆره چوخ ياخشى و يا چوخ پيس آداملارى و فوق العاده حادثه لرى اؤز اثرلرينه موضوع سئچيرديلر.

كلاسيكلرين قديم يونان دان برى ثابت قالان و هر اۆلكه ده ياشاييلىن ايذال انسان تپينه قارشى بۇنلار اؤز لرينه معاصر و يا اؤز آتالارى اؤلان يئرلى و مىلى آداملارى تصوير و ايفاده ائديرديلر. بۇنلار عمومى كاراكترلر يۇخ خصوصيتى اولان آداملار اؤز رينده دۇروردولار. رومانتيكلره گۆره ثابت بشرى تپ يۇخدور. انسانلار چاغدان چاغ، اۆلكه دن اۆلكه يه، اجتماعى شرطلره و دينى - مىلى اينجانلارينا گۆره دگيشيرلر. بۇيوك فرانسيز رومانتيك شاعيرى ويكتور هوگويا گۆره انسانلار ان آزاؤچ چاغ (دؤر) گئچيرميشلر. ايلك چاغ، اورتا چاغ و يئنى چاغ. شعرده بۇ چاغلارا اؤياراق اوج مرحله - منزل گئچيرميشدير: ليريزم (غنائى)، داستان (تحكيه) و درام (نمايشنامه). رومانتيك مرحله نين شعرى اولان درام، عادى ايله اؤستونو، قبا ايله اينجه نى، ياخشى ايله پيسى بيرليكه افاده ائدير.

كلاسيكلر، بشرى - انسانى اولماق قايغى سيله يونان - روم تاريخلرينه، او دؤرلرين داستان و افسانه لرينه و صنعت و كۆلتورونه و يازى اؤسلوبونا حيران قالديلار.

رومانتيكلر اؤز ياشاديقلارى زامانا و يا مىلى تاريخلرينه باغلانديلار. منسوب اؤلدوقلارى ملتين افسانه لرينى داستانلاريني، فولكلور اثرلرينى منيمسه ديلر، خلق ناغبل و ماهنيلاريني دگرلنديرديلر. معمارليقدا دؤريك، ايونيك اؤسلوبون عكسینه اوروپا اورتاچاغينين مىلى اثرلرى اولان گؤتيك صنعت يۇنلديلر.

اؤسلوبدا آنتيك و كلاسيك اۆلچو و ساده ليگى بوراخيى مبالغه يه، خيالى تصويره، بۇل مجازلارلا دۆلو سؤسلى - بزه كلى و دۇيغولو ايفاده يه دگر وئرديلر. چونكى دۇيغو و الهاملار آنجاق بۇ آزاد و شاعيرانه طرز - اؤسلوبا اؤيورددور. رومانتيكلر خريستيانليغى دا كلاسيكلردن آيرى شكيلده دؤشوندولر، اؤنا بير باسقى و قاعده لر سيستمى كيمي، يۇخ، جؤشغون و ياخشيليغا آپاران بير ايمان كيمي باخديلارو تصؤفه كى وجده (شوق، عشق) بنزه ين بير دينى عشقى ترنم ائنديلر.

کلاسیکلر، کلیسا و شاهلیق مطلقیتی اداره سینده اجتماعی موضوعلار و ملی ایشلره قاریشمیردیلار. رومانیتیکلر فرانسیز، انقلابی نین گئیردیگی دۆشونجه نین تأثیریله خلقچی اۆلدولار. انسانلارین برابر لیگی و قارادشلیغینی مدافعه ائتدیله و بۇخسول، بدبخت آدمالارین حقیق و یاخشیلیغین دۇستو اولدولار.

رومانتیزم مکتبی نین ان مشهور یازیچی و رومانچیلاریندان مادام دۇستائل (۱۸۱۷-۱۷۶۶ Madame Destael) بو جریان باره ده بئله دئمیشدیر:

«رومانتیک کلمه سی، آلمانا یئنی گبرمیشدیر: تروبادور (ساز) شاعیرلرین ترمۆملرینه، شۆوالیه لیک و خریستیانلیق حیاتیندان دۇغموش اۆلان شعره دلالت ائدر. من کلاسیک شعرى قدیمکی لرین شعرى، رومانیتیک شعرى ده شۆوالیه لیک و دره بیگلیک عنعنه لرینه باغلی شعر معناسینا آیرام...»

قدیم چاغین تقلیدی اولان کلاسیک اثرلری نه قده ده مکمل اولسالار خلقة ائنه بیلمیر و زامانیمیزدا کی هئچ بیر ملی دۇیغو دۆشونجه یه جاواب وئره بیلمیردی. رومانیتیک ادبیات کؤکلری اۆز تۇر باغیمیزدا اۆلدوغو اوچون، یوردوموزدا یالیز اۆنو بۇیوده بیله و جانلانیدیرا بئهریک.»

رومانتیزم دۇرو اوروپا دا ناسیونالیزم و وطنپرور لیگین چیچکلنمه دۇرو دور. درام ساحه سینده ترازدی و کومئندینی بیر- بیرینه قاتیب و شکسیرین تعبیرله «رومانتیک درام» آدلانیدیردیله. فرانسیز ادبیاتیندا رومانیتیک ادبیاتین باشیندا ویکتور هوگو (۱۸۰۲-۸۵ Victor Hugo) گلیر اونون شعرلری و رومانلاری (سفیللر) و دراملاری دونیاجا مشهور اولموشدور. لیریک شعر و روماندا آلفرددوموسه (۷۵-۱۸۱۰ Alfred De Musset)، درین فلسفی شعرلریله مشهور آلفرد دوویگنی (۱۸۶۳-۱۷۱۷ Alfred de Vigny) و ماجرا رومانلاریله و شعرلریله مشهور اولان الکساندر دوما (آتا) (۷۰-۱۸۰۳ Alexandre Dumas).

رومانتیکلرین اساس گۆجو شعرده گۆرولور.

روسیه ده پۇشکین (۱۸۳۷-۱۷۹۹ A. Pouchkin) ان بۇیوک رومانیتیک شاعیر ساییلیر. ایلك زامانلار یازدیغی هيجانلی و تنقیدچی شعرلرینه گۆره قفقاز و کریمه یه سۆرگون ائدیلهدی. پوئشکین اۇنجه وۇلترن، سۇنرالاری شکسیر و بایرۇن دان تأثیر و الهام آلدی.

«قفقاز محبوسو» و «باغچه سرای فانتانی (فواره سی)» اونون سورگونلوک حیاتیندان آلدیغی الهاملا یازیلیمیشدیر. پوئشکین-ین شاه اثری ساییلان یئرگنی اونشگین (Y. Oniepine) (۱۸۳۰) منظومه سی یئددی مین بیت دیر. بۇ منظومه ده لوردبایرۇنون «دۇن

ژوان» اثری نین تأثیری گورولمکده دیر. پُشکین ۳۸ یاشیندا ایکن بیر دوئل ده اؤلدۆرولموشدور. روسلارین ابکینجی رومانیک شاعیری لرمانتوف (۱۸۴۱ - ۱۸۱۴ Lermantov) دور او دا ۲۷ یاشیندا ایکن بیر دوئل ده اؤلموشدور. اونون «شیطان» و منشور اثری اولان «عصریمیزین قهرمانی» مشهور دور.

رومانتیزم ادبی جریانی شرقده اسلام یازیچی و شاعیرلرینه ده تأثیر ائتمیش، عینی روحدا و اؤسلوبدا اثرلرین ظهورونا سبب اؤلموشدور.

۱۸۶۰ دان سؤنرا باشداشناسی اؤلماق اؤزره تنظیمات یازیچی و شاعیرلری فرانسیز رومانتیزم مکتبینی تعقیب و تقلید ائتمگه باشلادیلار. نامق کمال، احمد ثابت، عبدالحق حامد، رجائی زاده اکرم بۇ جریانی منیمسه دیلر و بۇ اؤسلوب و گؤروشله اثرلر یازدیلار. تنظیمات دؤرونون بۆتون رومان و درام (نمایشنامه) لاریندا رومانیک عنصرلر آشکار شکیلده گورولمکده دیر.

آذربایجاندا رومانتیزم جریانی: ۲۰ - جی عصرین ایلك ایلرینده آذربایجاندا وجوده گلن سیاسی - اجتماعی شرایط رومانیک شاعیرلرین ده ظهورونا سبب اؤلدو. بو شاعیرلر خلقی جهالتدن قورتارماغا و علم اؤگرتمه گه تشویق ائدیپ استبداد و طولمه قارشى مبارزه یه دعوت ائدیردیلر. بۇنلار عینی زاماندا آذربایجانین آزادلیق و استقلاللی اوچون ده چالیشیردیلار و بعضیلری بۇ یۇلدا جانلاریسی دا فدا ائتدیلر. بۇ ادبی مکتبین گؤرکملی نماینده لری محمدهادی، عباس صحت، حسین جاوید، عبدالله شائق و دوقئورعلی بیگ حسین زاده دیر.

محمد هادی، شاماخی لی دیر. نامق کمالین تأثیری آلتیندا قالمیش دیر. ۱۹۰۵ - انقلابی اۇندا بۇیوک سنوینج و اومید یاراتمیش و شاعیر (احرارانه) قصیده لر یا زیب و طنداشلارینی آزادلیق و استقلاللا چاغیرمیشدیر. محمدهادی شعرلرینده بالنیز روس تزارى نین استبدادینا دگیل، ایراندا حوکم سورمان محمد علیشاه استبدادینا دا شعرلر یله آئولو نفرت یاغدیریر. مثلاً:

گۆل، بۇ گۆن طولمیله انظار عدالت آغلا سین

منتظر اول انتقامین رعد وار فرداسینا

غافل اؤلما، ملنن ناحق قاینندان قیل حذر

تاج و تختین غرق اولور آخیرده قان درباسینا

دوقئور عباس صحت: اۇدا شاماخی لی دیر. گنجلیگینده ایرانا، مشهد و تهران شهرلرینه گلیمیش و طب دوقئورو اؤلموش. صحت شعرده فیکردن چوخ دؤیفو طرفدارى دیر عینی زاماندا تصویره چوخ اهمیت وئریر.

نمونه اوچون (یای سحرى) شعریندن بیر پارچا نقل ائدیریک:

اؤد توتوب قیرمیزی آتشله گئنه یاندی اوفوق  
شفقین قیرمیزی رنگیله ایشقلاندی اوفوق  
بیر قدر چایدان اوزاق اؤد قلامیش داغدا چوبان  
اوبادیر اؤز سؤروسون اوتلابا یایلاقدا چوبان  
بوموشاق گؤی چمنین اؤسته دوشوب شه گئجه دن  
ایستی بۇخدور هله وار بیر بالاجا مه گئجه دن  
آغ دومانلار (مه) اوجالیر گؤی اوزونه داغلاردان  
چوخ سرین دیر هاواسی گئجه بو یایلاقلاردان  
گۆن چیخیر گؤیده بولود قیرمیزی رنگه بونایر  
کندیلرر چوخ بۇرولوب اویخودان ایندی اوبانیر  
یه دن مال - قازانی بعضی چیخاردیر قیراغا  
بعضی صحرابا گئدیر ایشله مگه، بعضی باغا...

صحت ده هادی کیمی وطنپرور و خلقی نین طالعی ایله یاشایان و اؤد یله یانان شاعیر لردندیر.  
حسین جاوید (۱۹۴۴ - ۱۸۸۲)، نخجوانلی دیر و آذربایجان رومانئیک شاعیرلری نین ان  
گؤر کملی نماینده سی ساییلیر. بیر مدت ایراندا و استانبولدا یاشامیش و تور کیه شاعیرلریندن  
توفیق فکرت و رضا توفیق له تانیش اولموشدور.

جاوید شعر یازماغا عاشقانه، لیریک - رومانئیک اثرلرله باشلامیش تور کجه و فارسجا  
شعرلر یازمیشدیر، اؤ دنیا یا و انسانلیغا گؤزه ل لیک معباریله باخیردی. غنائی اثرلرینده کدر،  
گۆز یاشی و بدین نیک خصوصیتلری بارز شکیلده اؤزؤنو گؤستریر. او آذربایجان ادبیات  
تاریخینده شعرله درام اثرلری یازان ایلك شاعیر دیر. او شعرى صحنه یه گتیره ن، صحنه ده  
یؤکسک آهنگلی شعر دیلینی دب سالان و خلقینه گؤجلو تاثیر ائدن قدرتلی شاعیردیر، جاوید  
استالین دؤرونده رژیم دوشمانی کیمی حبس اولونوب سبیرییه سؤرولموش و ۱۹۴۴ ده سبیری  
زندانیندا اولموشدور. اونون مشهور اثرلریندن شیخ صنعان، ابلیس، پیغمبر، تۇپال تیمور، سیاوش،  
خیام و ابلیسین انتقامینی ذکر ائده یله ریک. جاویدین دیلی استانبول لهجه سین یاخین دیر.

جاوید دن نمونه اولاراق «چوبان تۆر کوسو» شعریندن دؤرد بیت نقل ائدیریک:

آجماسین چیچکلر گؤلمه سین گؤللر

اؤتمه سین شیرین دیللی بولبوللر

دردییم چوخدور انلر، انلر آی انلر  
 بار- بار دئییب گنجه- گوندوز آغلارام  
 اؤز بوردومدا بیر غریبدن سچیلیم  
 اسیر کیمی بیر دوست، بیر باخین بیلیم  
 جهان جنت اولسا، بیر لحظه گۆلم  
 بار- بار دئییب گنجه- گوندوز آغلارام  
 بیر ده ابلیس اثریندن «اؤلوتانریا» خطاباً دئدیگی بشش یتتی نقل ائده ک:  
 یئرلرده سۆروندوم بیئیشیر، گۆیلره قالدیر، دیندیر قۇجاغیندا  
 قالدیر منی بیر سیراندئییم خوش مو گۆزهل می جنت ده ملکلر  
 قالدیر منی تا گۆرمئییم انسانداکی ظولمی باخ یئر اؤزواينلر  
 یا رب بۇ جنایت بۇ خیانت بۇ سفالت بولماز می نهایت  
 انسانلاری خلق ائتمه ده وار بلکی ده حکمت ابلیسه نه حاجت  
 آذربایجاندا بۇ دۆرده دوقتور علی بیگ حسین زاده طرفیندن نشر اولونان فیوضات ژورنالی  
 (مجله) و مکتبی داها چوخ رومانئیزی تمثیل ائدیردی.

### رئالیزم مکتبی (Realisme)

رئالیزم خارج دنیا گنرچکینه اؤیماق، تطابق ائتمک دئمکدیر. رئالیست یازیچی،  
 انسانی و جامعه نی، یاخشی- بیسینه و یا گۆزهل چیر کینینه باخما یارق، اولدوغو کیمی  
 یانسیدار، عکس ائتدیرر.

رئالیزمین ظهوروندا ۱۹- جو عصرین ایکینجی یاریسیندا تجربی علملرده کی کشفلرین  
 مهم رۆلو اولموشدور. کلؤدبرنارد، داروین- ین کشفلری و اؤگوست کؤنتون علمی  
 نظریه لری فلسفه ده مثبت چیلیک Positivisme جریاننی نین ظهورونا سبب اولدو.

هر شئی مثبت علملره ایضاح ائتمک ایسته ین بۇ جریان، تجربه یه دایانمایان خیالی و  
 متافیزیک اولان هر شئی فلسفه خارجی ساییردی. پوزیتیویست فلسفه نین قۇروجوسو ساییلان  
 اؤگوست کؤنت (Auguste Conte) انسانلیغین طبیعت ایچینده اؤچ مرحله دن گنچدیگینی ادعا  
 ائدیر و بۇنا اؤچ حال قانونو دئیردی. بۇنلار: ایلاهی دۆره، متافیزیک (فلسفی) دۆره و مثبت دۆره  
 دن عبارتدیر. بۇگون مثبت دۆره گلن انسان آنجاق ماددی و ثبوتو مۆمکون شیلره ایئانمالی دیر و  
 اساساً مشاهدده و تجربه خارجینده حقیقتی دۆزگون باشا دؤشمگه امکان یۇخدور. اؤنا گۆره



تجربہ و حسلرہ باغلانمایان حادثہ لرلہ مشغول اولماق فایداسیز دیر بۇ دۆرہ دە علمین صنعتہ تطبیقیندن بیر سیرا مسئله لر اورتایا چیخیشدیر .

هیپولیت تثن و سنت بۇو کیمی بۇزیتویوسیت تنقیدچیلر دئییر دیلر کی انساندا کی هر داورانیشین (رفتارین) بیر طبیعی و علمی سببی اولمالی دیر . یازچی بیر اخلاق معلمی یوخ بیر تشریح متخصصی کیمی گوردوکلرینی سؤیله مه لیدیر . ادبی رئالیزم رومانیزمه قارشى بیر رناکسیون کیمی ظهور ائندی . اما کلاسیسیزمه بیر دؤنوش اولمادی . رئالیزم رومانیزمین اخلاقچی ، غنائی و خیالچی گؤروشلرینی رد ائندی .

رئالیزم بیر ادبی مکتب کیمی اۇنجه فرانسه ده ظهور ائندی و ایلک دفعه صنعت ، صنعت اؤچون دور شعارینا قارشى چیخدی . اولاً رساملیقدا اؤزونو گؤستریدی . رئالیست بیر رسام اولان گوستاو کوربه Gustave Courbet دئدی کی «صنعت اوجون صنعت» سؤزو بۇش سؤز دور ، صنعتین موضوعسو جامعه ، جمعیت اولمالی و اؤنو تصویر ائتمه لی دیر . اؤنون صنعت باره ده کی فیکرلرینی دؤستو شانفلوری (Champfleury) یازیلاریندا عکس ائتدیدی و ادبی محفللره چا تئدیردی . بو فیکرلر ناتورالیست اولان امیل زؤلانین یازیلاریله ده گؤجلندی و یایسماغا باشلادی .

امیل زؤلان کوربه دن باشقا کلؤد برناردین دا فیکرلریندن تأثیر آلمیشدی .

رئالیزم حیانتدا اؤلان گئرچکلیکلرین دقتله مشاهده سی ، عامللرینین تشخیصی و اؤنلارین تشریحی و ایفاده سی و تصویرى دیر .

رئالیزم داها چوخ رومان و حکایه ده اؤزونو گؤستریشدیر و باشلیجا تمثیلچیلری هونوره دۇ بالزاک (Honoré de Balzac ۱۷۹۹-۱۸۵۰) و استندال (Stendhal) دیر . استندال بیر چوخ جهتدن رومانئیک خصوصیتلرینه باخما یاراق رئالیزمین ده اؤنجولریندن ساییلیر . بونلار دان باشقا رئالیزمین اساس تمثیلچسی گوستا و فلؤبرت (Gustave Flaubert ۱۸۲۱-۱۸۸۰) دیر . سونرا گونکورت قارداشلار Concourt و آلفونس دؤده (Alphonse Daudet ۱۸۴۰-۹۷) و گئی دؤمپاسانی (Guy de Maupassant ۱۸۵۰-۹۳) سایا بیله ریک . رئالیست یازیچیلار زحمتکش ، ایشچی - فعله صینیفینی اؤز رومانلارینا داخل ائدیپ ، اؤنلارین حقلرینی مدافعه ائده رک خلقین و ضیالیلارین دقتینی زحمتکش طبقه یه جلب ائدیردیله . حکایه و درام (نمایشنامه) لاریندا زحمتکش طبقه نین حیانتدا کی چتینلیکلردن و اؤنلارا اؤلان ظولمدن بحث ائدیردیله . اؤنلار جمعیت ده کی چیرکینلیکلری و حقسیزلیکلری گئرچک شکیلده تصویر ایفاده ائتمکله خلقی اویاندىرماق ایسته بیردیله .

بۇ يازيچيلار رومانتيكلرين حمايه ائديگى بۇرژوا طبقه سىنى تقيد آتشيته تۇتوردولار. گۇستا و فلۇبرت - ين شاه اثرى ساييلان مادام بوواری (Madame Bovary) داستانى رئاليزمىن مقدس كئابى ساييلير. بو داستاين موضوعو فرانسده اولان گئرچك بىر حادثه دن آينميشدير.

فلۇبرت يازيلاريندا و مکتوبلاريندا رئاليزم حقينده فيكرلرينى بيان ائده رك اۇنون اساسلارنى قۇيموشدور. اۇنون فيكرينه گۆره يازيچى گئرچكى ياخشى تشخيص و ايضاح ائده بيلمه سى اوچون قهرمانلارين قارشيسيندا حاكيم (قاضى) كيمي طرفسيز اولمايدير. زورۇساندا يازديغى بىر مکتوبدا دئير كى عجا عدالتى صنعته داخيل ائتمك زامانى گلمه دى مى؟ رومانچى بىر حادثه نى ايضاح ائدر كن اونا مداخله ائتمه مه ليدير. رومانين ماراقلى اولماسى اونداكى قهرمانين مستثنى بىر تىپ اولماسيندا دگيل چونكى صنعت مستثنا تىپ لرين تصوير و ايضاحى دگيلدير. صنعت گۆزه للىگى آرادىغى كيمي اخلاقى و فايدالى دا اولاييلر.

استندال - ين يازديغى پارم صومعه سى (ماناستير) (Lachartreuse de Parme) رومانى سجه وي بىر رئالست اثرى دير. رومانتيك اثرلرى رئالست اثرلره مقايسه ائدر كن پارم صومعه سى ائده گئچن زاتلار صنعته سىنى ويكتوره گونون رومانتيك اولمايدى يازديغى سفيلىر رومانينداكى زاتلار صنعته سىله مقايسه ائديرلر. ويكتوره گونون زاتلار ساواش صنعته سىنى ذهنى (Subjective) و مبالغالى شكيلده تصوير ائدير. حالبوكى استندال بۇ صنعته نى عىنى Objective و رئالست بىز گۆرۇشله ايضاح ائتميشدير.

بالزاك - ين اثرى اۇزنى گراند (Eugenie Grandet) ده عىنى رئالست اوسلوب دا يازيلميش رومان دير.

انگليستاندا رئاليزم جريانى نين باشليجا تمثيلچيلرى چارلز ديكنز ۱۸۷۰ - ۱۸۱۲ و جيسينگ (Gissing ۱۸۵۷ - ۱۹۰۳) و هنرى جيمى (Henry James) اولموشلار.

چارلز ديكنز و جيسينگ آشاغى طبقه دن و فقير عائله لردن اولوبلار. ديكنزين رئاليزمى، هومانيزم و انسان سنورليک مفكوره سینه اساسلانير او ۱۴ رومان يازميش و رومانلاريندا انگليستانداكى آشاغى طبقه نين ياشيشىنى طنز بىر شيوه ايله تصوير ائتميشدير.

روسية ده رئاليزم: روسيه ده رئاليزم جريانىنى اۇچ دۆره يه آيرماق لازيم:

۱ - ايلك رئاليزم. ۲ - تقيدچى رئاليزم ۳ - اجتماعى رئاليزم.

رئاليزم جريانى روسيه ده ادبياتين عظمت دۆره سى دير. بۇ دۆره ده گوگول

(Gogol ۱۸۰۹ - ۱۸۵۲)، تۇرگنيف (Turgenev ۱۸۱۸ - ۱۸۸۳) و تۇلستوى Leon

Tolstoy کیمی بؤیوک یازیچیلار ظهور ائتمیشدیر.

گو.گول «شنل» آدلی حکایه سیله روسیه ده رئالیزمین ایلیک اثرینی یازمیشدیر. اؤنون اؤسلوبو طنز (ساتیریک) له قاریشیق دیر. گنرچگ قهرمانلار عوضینه اؤنلارین گؤلۆنج - مسخره صورتلرینی تصویر ائتمیش دیر. اؤنون اثرلری تزار روسیه سینده کی اجتماعی وضعیتین هجویه سی کیمی وان سامبالی اثری «اؤلۆ جانلار» دیر.

تور گنیف اؤزون مدت پاریس ده یاشامیش و فلؤبر، زولا و آلفونس دؤده ایله دؤست اؤلموش و اؤنلاردان تأثیر آلمیشدیر. یازدینی «رؤدین» Roudine و «آتالار و اوغوللار» آدلی رومانلاریندا روسیه ده کی مختلف تیپلری تحلیل و تصویر ائتمیشدیر. اثرلری گؤزله اما بدین روحدادیر (Pessimiste).

اؤنون اثرلری انگلستاندا، دانمارک و نروژده اؤخونموش و درین تأثیر بۇراخمیشدیر. لئو تۆلستوی روسیه رئالیزمی نین ان بؤیوک نماینده سی سایلیبر، اروسیه کندلیلرینین یازیچیسیدیر. اثرلرینده خلقی نین یاشاییش خصوصیتلرینی و دردلرینی کشف و تحلیل ائتمیشدیر. تۆلستویون رئالیزمی بسط - آچیق و حسابلانمیش دگیلیدیر. اؤهر زامان زان زاك رؤسؤنون تأثیری آلتیندا قالمیش و اجتماعی چتینلیکلرین حلینی، نصیحت، اخلاقی وعظده و انجیله ساریلماقدا گؤرموشدور. اؤنون «حرب و صلح» آدلی رومانی روسیه رئالیزمی نین شاه اثری سایلیبر.

تۆلستویون (حرب و صلح) رومانی ۱۳ - ۱۸۰۵ ایللرینده کی حادثه لری تصویر و ایضاح ائدیر. بو ساواش حادثه لری مسکودا، پترزبورگ و بعضاً اؤسترلیز ساواش مئیدانلاریندا جریان ائدیرومسکونون یانديريلماسی و فرانسیز عسگرلرینین قارلی، بۇز توتמוש چؤللردن گنریله رکن قیریلب معو اؤلماقلاری تصویر اولونور. بۇ رومان تاریخی و عینی زاماندا اخلاقی بیر اثر دیر.

داستایووسکی (۱۸۲۱ - ۱۸۸۱) (Dostoievski) بو دؤره نین بدین یازیچیسیدیر. روسیه ده تنقیدی رئالیزمین بؤیوک نماینده سی ماکسیم گورکی دیر. اؤنون «آنا» آدلی رومانی تنقیدی رئالیزمین هم ده اجتماعی رئالیزمین تمل اثری سایلیبر. اؤنون قهرمانلاری موجود وضعیت دن ناراضی دیر و اؤنو دگیشدیرمگه چالیشیرلار.

آذربایجاندا رئالیزم جریانی: اوروپادان گلن ادبی جریانلاردا اجتماعی - سیاسی فیکر جریانلاری کیمی شمالی آذربایجاندان و یا استانبولدان ایرانا گلیمیشدیر.

رئالیزم جریانی ۱۹ - جو عصرده اؤنجه شمالی آذربایجاندا ظهور ائتمیش، اولاً معارفچی

رئالیست سونرا تنقیدی رئالیست شکیلینی آلمیش و سووئت رژیمی حاکیم اولاندان سونرا دا اجتماعی رئالیزم جریانی حاکیم اولموشدور.

اوروپا تأثیریله ظهور ائدن بۇ جریانلاردان قاباق دا آذربایجان شاعیرلرینده مثلاً واقف بن شعرلرینده رئالیزم فیکر و اوسلوبونو گۆره ییله ریک.

معارفچی و تنقیدچی رئالیزم جریانی عباسقلی، باکیخانوف، اسماعیل قۇتقاشانلی، میرزا شفیع واضح و قاسم بیگ ذاکرله باشلامیش و م.ف. آخوندوف ون اثرلریله انکشاف ائتدیریلیمیشدیر.

بو یازیچیلار معاصر حیاتی، اجتماعی تۇققوشمالاری، خلق معیشتینی تصویر و کهنه معیشتی تنقید ائتدیردیلر. خلقه، وطنه حدسیز محبت و صداقت، انسان پرورلیک و آزادینخواهلیق، تضییقه قارشى مبارزه، فنودالیزم قۇرولوشوندا کی قصورلاری افساء و تنقید ائتمک بو ادبی جریانین اساس ایدئولوژیک استقامتینی تشکیل ائتدیردی. طنز و ساتیرا بۇ یازیچیلارین اساس یارادیجیلیق اۇسلوبو ایدی. بونلار ساده رئالیست بیر دیل - اوسلوبدا خلق کۆتله لرینین خیرینی مدافعه ائتدیر و خلقه سۆیکه نیردیلر. بۇ یازیچیلار عینی زاماندا شرق مدنیتینه، اسلام دینی و معارفی ایله ده تانیش اولدوقلاری اوچون اثرلرینده هر ایکی دنیا گۆروشونون تأثیرینی گۆرمک مۇمکون دور.

بو عصرده یارانان رئالیزم، واقف دۇرورئالیزمیندن فرقلی اولاراق حیاتین و دۇرون گئنیش تصویرینی وئریدی.

تنقیدی رئالیزم ۲۰ - نجی عصرین اولینده علی اکبر صابرین شعرلرینده و جلیل محمد قلیزاده و اونون نشر ائتدیگی ملانصرالدین ژورنالیندا یازیلان شعر و مقاله لرده ان پارلاق نمونه لرینی وئریمیشدیر.

صابر عینی زاماندا انقلابی بیر شاعیر اولوب اونون شعرلری ایران دا مشروطه انقلابینا تأثیر ائتمیشدیر.

صابر تنقیدی رئالیزم مکتبی نین ان بؤیوک شاعیری دیر. صابر آذربایجاندا بیرینجی دفعه اولاراق حیات - یاشا بییشی، دؤیوب دۆشوندویونو خلق دیلیله یازماغی و شعرى ان عادى حیات مسئله لرینه ائتدیرمه گی و یاخود بو مسئله لرى شعر سوتیه سینه یۆکسلتمه یی، باجاران بیر شاعیر دیر. او، کوچه ده گزه ن دیلنجی اۇشاقدان، بالاسی نین چؤل - چۇخاسین بیتله ین ائو قادینیندن تۇتموش میرهاشما ظل السلطانا و محمد علیشاه قدر، فهله، اکینچی دن تۇتموش ستارخانا جان هامیدان و هر شئی دن یازابیلیمیشدیر. صابر شعرده انقلابی طنز (ساتیرا)

اۇسلوبونون اساسینی قۇیموشدور. صابر ملانصرالدین زۇرنالیندا استبدادا قارشى كسكىن شعرلر یازیردی. بونلارین چوخو اۆست اۇرتولو، بیر آرز دارمزلی اۇلوردو. آجاق اۇنون اۇسلوبو اۇقدر خلقه یاخین ایدی کی جماعت اۇنون بۆتون رمز و اشاره لرینی باشا دۆشوردو. بۇرادا نمونه اوجون «سؤال - جاواب» آدلی شعرینی نقل ائدیریک، بو منظوم دانیشما - مکالمه ده شاعیر چار حکومتی نین اۇز و طنداشلاریندان ایسته گینی و سایق بیر و طنداشین اونا جاواینی بیان ائدیر:

گۆرمه! باش اۆسته یومارام گۆزلریم  
دینمه! مطیعم کسهرم سۆزلریم  
بیر سۆز ائشیتمه! قولایم باغلارام  
گۆلمه! بکی (چوخ یاخشی) شام و سحر آغلارام  
قانما! باجارمام منی معفور دوت!  
بویده جه تکلیف محالی اونوت;  
قابل امکان می اۇلور قاناماق  
مجرم نار ایچره اۇلوب باناماق  
ائبله خموش آتش سوزانمی  
قیل منی آسوده هم اۇز جانینی!

صابر قۇنشو - قارداش اۆلکه لرده یعنی ایران و تورکیه ده اولان حادثه لری ده یاخیندان ایزله ییب حتا ایران حادثه لرینه ایرانین بیر چوخ شاعیرلریندن آرتیق علاقه گۆستریمشیدیر.

صابرین مشروطه ادبیاتی نین یارادیلماسیندا بؤیوک رۆلو اۇلموش دور. اۇ مشروطه انقلابینی یاخیندان ایزله ییب حادثه لرله علاقه لی شعرلر یازمیش و ملانصرالدین ین هر سایسیدا ایران حادثه لرینه عاید تنقیدی و یا آلقیشلایان شعرلر یازمیشدیر. صابرین شعرلری «هۆپ - هۆپ نامه» آدیله دفعه لرله باکی دا و تبریزده و تهران دا چاپ اولونموشدور.

جلیل محمد قلیزاده (۱۹۳۲ - ۱۸۶۸) آذربایجان ادبیاتیندا یئنی بیر مکتب آچمیش بیر یازیچی دیر. ۱۹۰۶ دا ملانصرالدین درگیسینی نشر ائتمگه باشلامیش و ۲۵ ایل اۇنون ردا کورو اۇلموشدور. اونون چبخاردیغی ملانصرالدین درگیسی یالنیز آذربایجاندا یوخ ایراندا و تورکیه ده ده اۇخونور و سئویلیب و تقدیر اولونوردو.

ملانصرالدین درگیسی نین اطرافیندا تۇپلاشان یازیچیلاری، بعضیلری فرانسه بؤیوک انقلابینا زمینه حاضیرلایان آنسیکلوپدیستلره بنزه دیرلر. بۇ یازیچیلار آذربایجان خلقی اوجون اوندان دا آرتیغینی ائله میشلر. اساساً روسیه انقلابیله باشلانان ۱۹۲۰ - قدر اولان دۇرو ساتیریک -

طنز ادبیاتین قیزیل - آلتین دۇرو حساب ائدییرلر. بو دۇرده آذربایجاندا بیر چوخ طنز و ساتیریک ژورنالار بوراخیلیردی. بونلاردان ملانصرالدین دن باشقا، طوطی، زنبور، کشکول، مرآت، مشعل، مزه لی، لک لک و شیورو سایا بیله ریک.

ملانصرالدین ین بحث ائدیگی مسئله لر تکجه آذربایجانا عائد اولمایب بۆتون اورتاشرق و اسلام مملکتلرینی علاقه لندیرن مسئله لر اییدی. اونا گۆره تور کجه دانیشیلان اۆلکه لرده بۇ درگی اۆخونور و علاقه ایله تعقیب اولۇنوردو.

صابرین تاثیرله ایران آذربایجانیندا دا شاعیرلر طنز اۇسلوبو ایله شعر یازماغا باشلادیلار، معجز بۇ مکتبین ان بارز نماینده سی دیر. معجز مختلف موضوعلاردا یازسادا، شعرلری نین هامیسیندا، معارفی، مدینتی و آزادلیغی تبلیغ و جهانلتن شکایت ائتمیشدیر.

ساتیریک شعرلرینده صابرین کسکین سیاسی ساتیراسی اولماسا دا شوخ و شیرین گولوش مهارتی وازدیر. اونون معیشت و سیاسی - اجتماعی موضوعلاردا یازیلان هجولری ایرانین و حتا عموم شرق زحمتکشلری نین احوال - روحیه سینی و استبداد علیینه غضب و نفرتینی ساده بیر دیلله تصویر ائتمیشدیر.

اجتماعی رئالیزم یا سوسیالیست رئالیزم: اجتماعی رئالیزم سووت ادبیاتی نین اساسینی تشکیل ائدیر. بو جریان روسیه ده بۆلشویک رژیمی حاکیم اولاندان سؤنرا صحنه یه چینمیش و ۱۹۲۴ دن سؤنرا (ایش)، امکین فوق العاده دگرینی نظرده تۇتاراق ایشه یارادیجیلیق گۆجو تانیمیش و صنعتی ایش - امکین یارادیجیلیق قابلیتی نین تصویری و عکس ائندیریلمه سی کیمی ایضاح ائتمیشدیر. بۇندان باشقا ادبیاتی یالئیز گنچمیشده کی و بۇ گۆنکو دونیا و حیاتی عکس ائندیرمکله کفایتلنمه ییب گله جک حیاتی و جمعیتی ده تصویر ائتمکله وظیفه لندیرمیشدیر.

بۇ ادبیات رئالیست اولماقلا برابر ایشچی - زحمتکش (پرؤلتار) صینفی نین منفعتلرینی مدافعه ائدر. بو ادبیات پلانلی - پرؤگراملی ادبیات دیر و اونون پلانینی - پروگرامینی کؤمونیست پارتیسی (حزب) تنظیم ائدر.

اجتماعی رئالیست ادبیات مارکس - انگلس و لنین - ین ادبیات حقینده گۆرؤشلرینده ن الهام آلاراق یارانمیشدیر و گۆرکی نین «آنا» آدلی رومانی اونون مکمل نمونه سی کیمی دگرلندیریلیمیشدیر.

بۇ ادبی جریان سووت حاکمیتی دۇرونده بۆتون سووت جمهوریتلری نین ادبیاتینا حاکیم اولموش و سووت دۇرو ادبیاتی نین یارانماسی نا باشلیجا عامل اولموشدور. سووت ادبیاتی هم مضمون - محتوا هم ده شکل و اۇسلوب جهتیندن گنچمیشده کی ادبیاتدان فرقلی دیر. ائله بونا

گۆره دیر کی بۇ دۆرده یازان شاعیرلرین اکثریتی، مین ایلدن بری عمومی لشمیش اؤسلوبدا، عروض وزنیه یۇخ هجا وزنیه یازمیشلار. ما کسیم گورگی سوسیالیست رئالیزی باره ده بنله دئمیشدیر؛ بیز آنجاق گنچمیشدن و یارانماسیندا معین درجه ده اشتراک ائتدیگیمیز حال حاضر دان عبارت اولان ایکی وارلیغی (دونانی) بیلمکله کفایت لئمه مه لی بیک. بیز اؤچونجو وارلیغی دا، گلگ جک وارلیغی دا بیلمه لی بیک... بیز بۇ اؤچونجو وارلیقلا ایندی دن مشغول اولمالی و اونو تصویر ائتمه لی بیک. بۇنسوز سوسیالیست رئالیزی اؤسلوبونو باشا دوشه بیلمه ریک.<sup>۱</sup>

بنله لیکله سوونت ادبیاتی اؤزوندن اول گلن ادبیاتی و ادبی ارثی تدقیق ائدیب اؤگره نیب، اوندان سوسیالیست جمعیتی نین منفعتی اوچون تنقیدی اولاراق استفاده ائتمیشدیر. اجتماعی رئالیزمین رئالیست اولماقلا یاناشی گلگ جک اؤچون روماننیک طرفی ده واردیر. چونکی گلگ جگی دۆشوندیو کیمی تصور و تصویر ائدیر.

آکادمیک بکیرنی اوف ۱۹۷۶ دا باکی دا نشر ائتدیردیگی «تنقید و ادبی پروسس» آدلی کتابیندا یازیر کی: «معلوم اولدوغو کیمی، ادبیات شناس آ. ای اؤچارئنگو» سوسیالیست رئالیزی و معاصر ادبی پروسس کتابیندا (مسکو ۱۹۶۸) هابنله بعضی مقاله لرینده («باحثه نین داوامی»، «نئوی میر» ژورنالی نؤمره ۵-۱۹۷۱) بنله بیر ادعا ایره لی سؤرور کی، سوونت ادبیاتی نین تجربه سی بیزه سوسیالیست رئالیزی ایله یاناشی سوسیالیست روماننیزی یارادیجیلیق متؤدونوندا وارلیغینی تصدیق ائدیر.»

آکادمیک بکیرنی اوف باشقا یازیچیلارلا برابر بو فیکری قبول ائتمیر و اونو بۇ شکیلده اصلاح ائتمک ایسته ییر: «سوسیالیست روماننیزی سوونت ادبیاتی نین یارادیجیلیق متودو دگیل، اونون اوسلوب مختلف لیکلریندن بیری دیر. سونرا علاوه ائدیر کی: «هنچکس انکار ائده بیلمز کی معاصر آذربایجان ادبیاتیندا روماننیک اوسلوبی خصوصیتلر چوخ قوؤتلی دیر. بیزیم سوسیالیست رئالیزی ادبیاتیمیز کامللشدیکجه، کلاسیک ارنیمیزین و خلق ادبیاتی نین گۆزهل روماننیک قاینقلارینا سؤیکه نیب اولنلاردان یارادیجیلیق یولو ایله فایدالانان اثرلریمیزین ده سایبی آرتیر. بۇنون ماراقلی نمونه لرینی هله صمد وۇرغونون بیرسیرا پوئما و شعرلرینده گۆرموشدوک. م. راحیم یین «لنینگراد گۆیلرینده»، ر. رضانین «قیزیل گؤل اؤلما یایدی»، نسی خزری نین «گۆنشین باجیسی» قابلین «نسیمی» پوئمالاریندا، الیاس افندی یفین ا. محمد خانلی نین پیئس

لرینده، عیسی حسینوف و اکرم اگلیسلی نین پوئستلرینده ده بوجهدت آیدین صورتده نظره چارپیر. بورادا آدلارینی چکمه دیگیمیز یازیچیلارین دا بیر چوخونون یارادیجیلیغیندا اولارین هر بیر نین صنعتکار فریتیندن، اثری نین موضوعسوندان، حیات ماتریالی نین خصوصیتلریندن و مؤلف مقصدیندن آسیلی اولاراق روماننیک تصویر منیللری ایله قارشیشیریق. نه اینکی پوئزیامیزین، حتا بدیعی نثریمیزین ده ان یاخشی نمونه لرینده بیز وارلیغا تام رئالیست باخیشین روماننیک تصویر چالاریله موققتلی سستزینی مشاهدده ائدیریک،<sup>۱</sup>

سوونت حاکمیتی دؤرونده شمالی آذربایجاندا چوخ نعلو و بؤیوک مقداردا ادبیات عمله گلیمشدیر. اما بو ادبیاتین هامیسی اجتماعی رئالیزمی تمثیل ائدن اثرلردن عبارت اولمامیشدیر. بو دؤرده اسکی غنائی شعر و حتا ملی مفکوره دن الهام آلان شعرلرده یازیلیمشدیر.

سوونت ادبیاتینی تمثیل ائدن شاعیرلردن صمد وورغون، سلیمان رستم، محمدراحیم، رسول رضا و داها بیر چوخلارینی ذکر ائده بیله ریک، یازیچیلاردان میرزه ابراهیموف، م. س. اوردوبادی، جعفر جبارلی (دراماتورگ)، مهدی حسین و داها باشقلارینی سایا بیله ریک. بختیار و اها بزاده نین شعرلری فلسفی - ملی مضمونلودور. نبی خزری تپیک آذربایجان شاعیری دیر. محمد آراز، آراز و حقیقت شاعیری دیر. علی آقا واحد اسکی غزل شعری نین اوستادی دیر. صمد وورغون سوونت دؤرونون ان بؤیوک کومونست شاعیری کیمی تانیندیغی حالدا اؤنون دا شعرلرینده هم ایده ئالیستیک هم ده ملی دؤشونجه - دویغو واردیر. مثلاً بو گؤن آذربایجانین ملی سرودی کیمی دگرلندیریلن آذربایجان شعری و یا ۱۹۴۶ دا تبریزده یاندیریلان کابلارا اعتراض ماهیتینده یازیلان مظلومه سی و یا گؤیرچین شعری بو قیلدن دیر. بورادا گؤیرچین شعریندن بیر پارچاسینی نقل ائدیریک:

او کرابنناین سون باهاری	یاغیش یاغیر نارین نارین
ساپ ساری دیر آعاجلارین	خزل اولموش یارباقلارین
یئرین، باغرین زولاق - زولاق	قیلیچ کیمی کسیر کۆله ک
پریشاندیر قارا تورپاق	نه بیر گؤل وار نه بیر چیچک
.....	.....
سن ده اینسان ای گؤیرچین	اینبلده ییب ایچین - ایچین
چوخ آغلاما سربین - سربین	ایتیردیگین او دلبرین



سجیب رۇحو بۇ دياردا      سئیر ائده جک ملک کیمی  
 ياناقلاری چیچک کیمی      آلیشاجاق ایلك باھاردا  
 ناکام اۆلن اوصاف بری      باشقا عالم گۆره جکدیر  
 اؤنوداراق بۇ غملىرى      چمن دن گۆل دره جکدیر  
 قانسيز گئچن اؤ گۆنلره      خیر- دۇعا وئره جکدیر!

(جبهه خاطره لریندن ۱۳ نوامبر ۱۹۴۳ - مه لیتوال اطرافیندا)

سلیمان رستم جنوب (جنوبی آذربایجان) شعرلریله مشهور دور. اؤنون سووئت  
 حاکمیتی نین اوللرینده یازدیغی شعر مجموعه سی «المدن نشئه به» آدیله مشهور اؤلموش دور.  
 بۇرادا اؤ مجموعه دن بیر شعرینی نقل ائدیریک:

اۆزوم گۆلدو، آتدیم آرتیق آغلاماغین داشینی  
 سیلدیم سئوینج یابلیغیله گۆزلریمین باشینی  
 آرتیق ایندی ساغالمیشدیر اۆره گیمین یاراسی  
 بۇ دۇر سازیم بۇرولمادان چالیر شنلیک هاواسی

.....

بئنی حیات باشلا بیر کن اۆزوموزه گۆلمه گه  
 گئچدیم آرتیق گۆله - گوله من المدن نشئه به  
 ایندی منیم شعریم بنزه ر بیر لکه سیز آینابا  
 اۆز عیبینی گۆزر گنجلیک یاخشی باخارسا اونا  
 گۆنلۆم گۆلر، شعریم گۆلر حیات گۆلر ائل گۆلر  
 سئوینجلرله چیریناراق سازیمداکی تئل گۆلر.

### ناتورالیزم جریانی (Naturalisme)

ناتورالیزم فلسفه ده طبیعتی ان اؤستون قدرت بیلن و اؤنون اوستونده آیری بیر قدرته  
 اینانمایان عقیده و اینانما دئییلیر. ادبی مکتب اولاراق ۱۸۷۰ و ۱۸۹۰ ایلرینده ظهور ائدن بیر ادبی  
 جریانین آدی دیر. طبیعت علملرینه افراط درجه ده باغلی اؤلدوغو اوچون رئالیزمین رادیکال بیر  
 دوامی کیمی قبول ائدیلیلر. ناتورالیست لر، طبیعت حادثه لرینده اولدوغو کیمی، انسانلارین  
 حیاتیندا دا بیر جبره Determinisme اینانیرلار و دئییرلر کی عینی سببلر، معین شرایط ده عینی  
 نتیجه لری وئرر. اؤنا گۆره رۇمانچی، قهرمانین یاشایش ماجراسینی یازمادان قاباق، بیر

بیولوژی عالمی کیمی اۇنون فیزیکی و روحی شخصیتی حاضیرلایان شرایطی تدقیق ائتمه لی دیر. علم ده اۇلدوغو کیمی حیاتدا تصادوفون یئری یۇخدور. تدقیق اۇلوناجاق شئیرین باشیندا ارثیت گلیبر. ناتورالیزمین اۇنجوسو اۇلان امیل زۇلا (Emile Zola): «ارثیتین ده یئر جاذبه سی کیمی اۇزونه مخصوص قانونلاری وار دیر»- دئییر. زولا کلودبرناردین تأئیری آلتیندا قالمیشدی. بونلار هر شئی مادی باخیمدان چۆزمک ایسته ییر دیلر. او حالدا رومانچی اۇنجه یاشاداجاغی آدامین سۇیونو تدقیق ائده جک، اوندان سونرا او آدامین یئتیشدیگی اجتماعی محیطین، آلدیغی تربیه نین ایشی نین، اقتصادی وضعیتی نین تدقیقینه گنجه جک دیر. زۇلا یازدیغی ۲۰ جلدلیک رۇقان ما کوارت Rougan-Maquart رومانینی ۲- جی امپراطورلوق دۇرونده یاشایان بیر عائله نین بش نسللی نین ارثی خصوصیتلری نی مختلف شرطلرده آراشدیریپ یازمیش دیر.

زۇلا تدقیقلری نین سۇنوندا بۇ نتیجه یه وارمیشدیر: انسانین طالعی یاشادیغی محیط ایله سۇیو تعین ائدر.

ناتورالیست لر رومان داکی آداملاری تجربه حیوانی کیمی نظرده تۇتورلار. مثلاً بیر کارخانادا پس شرایط ده ایشله ین بیر ایشچی نین معین بیر مدت ده هانسی عادتله، مادی و معنی دگیشمه لره معروض قالا جاغینی آراشدیریپ تثبیت ائدیر و آدمی اۇنا اۇیغون و یاراشان ماجرالارا سۇخورلار. بۇ جریان ۱۸۹۰ - ۱۸۸۰ ایللرینده اوروپا دا حاکیم ادبی مکتبی کیمی یاییلدی. اۇندان سۇنرا نفوذونو ایتیردی، اها ۲۰ جی ایللرین بئلی یازیچیلاریندا اسی تأئیرینی داوام ائتدیردی. ناتورالیست لر صنعتی، جمعیت یارالارینی، انسانین چیر کیتلیکلرینی دئشیب اۇرتایا قۇیان تأئیرلی بیر وسیله کیمی قبول ائدیر دیلر. اوزامانکی فرانسه جامعه سی چوخ قاریشیق و مرکب ایدی. دینه، دولته، عدالته قارشى سرت عکس العمل (رنا کسیا) باشلامیشدی، هر یاندا سفالت، اخلاقسیزلیق و گۆونسزلیک گۆرونوردو، ناتورالیست لر بو اجتماعی وضعیتی بدین و عصیانچی بیر شکیلده دقت نظرینه آلیب، هر شئی اولدوغوندان داها پس گۆروردولر؛ بونا گۆره بعضیلری ناتورالیزمی طبیعتین و انسانین ان چیر کین و ایگرنج طرفلرینی گۆستریمک صنعتی کیمی تعریف ائدیر دیلر. امیل زۇلا بۇ گۆروشون سببینی بئله آچقلامیشدیر:

کلودبرناردا گۆره، چاغداش اخلاق، پسلیک و یاخشیلیق مفهوملارینا حاکیم اولاراق یاخشیلیغی یایماق، پسلیگی ده محو ائتمک ایستهر. بیز ناتورالیست لر، اجتماعی یارالارین سببلرینی بۇنون اۇچون آراشدیریریق. بیز جمعیت ده و انساندا اولان پوزغونلوقلاری ایضاح ائتمک اوجون صینیفلاری و آداملاری تشریح ائدیریمک و بۇنون اۇچون اکثریتله

قۇخوموش و چۆرۈمۈش مۇسۇمۇلارنىڭ ئالەمغا، ئىنسان سەفالىتى ۋە چىلغىنلىقلارنى نىن دۇشۇدۇگۇ  
 اۇچۇرۇمۇن دىيىنە قىدر ئىنمىگە مەجبۇر اولۇرۇق.

ئالتۇرالىست لىرىن رومانلارنىدا رىئالىست لىردىن فرىقلى اولاراق تىپلەر ۋە قەھرىمانلاردا  
 عومۇمى لىك يۇخۇدۇر بىلكە ھەر بىرى ارثىت ۋە مەھىپىن مەيداندا كىتىردىگى آدمالاردىر. اونا كۆرە دە  
 ئالتۇرالىست يازىچى نىن رومانداكى خادىئەلردە مەھم رولو يۇخۇدۇر، خادىئەلر مەيىن سىپىلردىن  
 تۇرە يىب ۋە يازىچى دان آسىلى اۇلما ياراق مەيىن نەتىجە يە واراجاق دىر. بىئە لىكلە ئالتۇرالىزم  
 ائىرلىرى داھا چۇخ خىستە يىن خكىمى طرفىندىن يازىلان مەشادە (Observation) كاغذىنا ۋە يا  
 دۇسباسىنا بىزە مەكدە دىر.

ئالتۇرالىست لىرىن افراط مادە چىلىگى ۋە ھەر زامان عادى، باياغى ۋە چىركىن شىئىلىرى  
 كۇستىرەمگە ماراقلارنى، اولارنى رىئالىست لىردىن آيىر مەيش ۋە بىر نۇع مەقسەدىلى جەمەت ھەجۈبە -  
 چىسى (ساتىراچى) مۇقەبە دۇشۇرۇمۇش دۇر.

امىل زولا زامانلا تەجرىبى رومانى بوراخاراق داھا چۇخ اجتماعى رىئالىست بىر رومان  
 اوسلوبو سىنچىمەش دىر. بۇ نۇعدىن رومانلارنى نۇمۇنە لىرىنى «خىقىقت»، «چالىشما» ۋە «بىر كىت»  
 آدىلى ائىرلىرە ۋە ئىمەش دىر.

مىندان كىرۇبۇ: امىل زولا كىچلىگىندە يۇخسوللۇق اىچىندە ياشادىغى خالدا يازدىغى آسۇمۇر  
 (L'Assommoir) آدىلى ائىرى نىن ساتىلماسىلە كافى مەقداردا بول قازاندى ۋە پارىسىن  
 اطرافىندا مىندان دا بىر ائو آدى. بۇ زامان اۇنۇن غىلەپتە بەضى يازىلار نىشرا اۇلۇنۇر، بەضى كىچ  
 يارىچىلار دا اۇنۇ مەدافە ائىدەردىلەر. زولا نىن دوستلارنى ۋە اۇنۇ مەدافە ائىدە كىچلەر باھار ۋە ياي  
 فصللرىندە اۇنۇن مىندان داكى ائوئىندە تۇپلاشىر ۋە اجلاسلار آپارىردىلەر. اۇجۇملە دن كى  
 دۇمۇپاسان (Guy de Maupassant) ۋە بول آلكسى (P. Alexi) اۇنۇنلا ھەمكارلىق ائىدەردىلەر.

### پارناس مەكتىبى ۋە سەنەت اۇچۇن سەنەت تەلقىسى

پارناس قەدىم يونان افسانە لىرىندە كىچن بۇيۇك بىر داغىن آدى دىر. افسانە يە كۆرە بۇ داغ  
 كۆزەللىك ۋە سەنەت تانرىسى آپۇلۇنۇن (Apollon) ۋە اۇنا ھام ۋە ئىن پىرىلرىن (Nympha)  
 ئىرى دىر. ۶۰ - ۱۸۵۰ يىللىرى آراسىندا بىر نەچچە فرانسىز شاعىرى ئىنى بىر ادبى جىريان ياراتدىلەر  
 ۋە آپۇلۇنۇن قسۇرسوز كۆزەللىگىنە باغلىلىق لارىنى كۇستىرەمك اۇچۇن اۇزلرىنە بۇ آدى سىنچىدلىر.  
 پارناس ادبى جىرىانى، رىئالىست جىرىانى اىلە عىنى زاماندا ۋە عىنى اجتماعى سىپىلردىن  
 دۇغمۇش دۇر. رىئالىست لىرىن روماندا تەپلىق ائەلە دىكلرىنى بۇنلار شەردە خىاتا كىچىر مەيشلەر.

بۇايكى ادبى جريانين بنزه رليكلرى رۇمانتيزمه قارشى اۆلوب، مثبت علم Positivisme طرفدارى اۆلماقلارى دير. بۇنلار شعر ده «صنعت، صنعت اوچون دۆر» فكرينى مدافعه انديرديلر. پاراناسچيلار ائسته تيك دۆشونجه ده كانت - ين فيكرلريندن تاثير آلميشديلار. كانت اگوره گۆزه ل شئى اوزو لذت وثيرير و اۇندا باشقا مقصد و هدف آرناماز و اۇنون منفعت و اخلاقلا علاقه سى يۇخدور. پاراناسچيلارا گۆره صنعتين مقصدى، گۆزه لليك و يئتگينليك دير. اؤسلوبدا تام يئتگينليگه چاتماق ايسته ين شاعير «آنلايشيسيز و سفيل» جمعيت دن اوزونو آيرمالي و گۆزه لى هر زامان فايدالى يه ترجيح ائتمه ليدير. بو جريانين اوستادى اولان لوكونت دوليل Leconte de Lisle بئله دئميشدير: «بۇيوك بير صنعت اثرى ميليونلار جا سياسى مقاله لردن داها دگرلى دير.»

بونلار مىلى و اجتماعى مسئله لره باغلى شعر دن قاچيب، قديم ذوقه باغلى سئچكىنلر صينيفنا خطاب ائتمگه چاليشيرديلار و بو شكيلده يئنى دن كلاسيزمه دۇنمك ايسته ييرديلر. پاراناسچيلار رومانتيكلرين محتوالى شعر دۆشونجه سينه قارشى صاف شعر (La Poesie pure) شعارينى قويدولار. اونلارا گۆره شعرين هر شئى دن اۇنجه شكلى گۆزه ل اولمايدير. شعر ده هيچاندان چوخ ريتم - آهنگ و رسمه - عاده اۇيغونلوق مقبول دور. حتا «شعر، وزن و قافيه دن عبارتدير» - دئديلر. اونا گۆره آيتراسيونا اۇنم وئرديلر. نظم شكيللريندن ان چوخ سونه Sonnet نى سئچديلر و داها چوخ خارج دونباين تصويرينه، منظره يه، ديل گۆزه لليگينه و سؤز سئچمه گه دگر وئرديلر. شعر ده ذهنى ليگى بوراخيپ عيىنى (Objective) اولماغا چاليشيديلار. بونلارين خدمتلىرى، شعره بۇيوك حؤرمته باغليقلارى و اۇنو محيطلرينده ده يايماقلارى اۆلموشدور. پاراناس ادبى جريانينى حاضيرلايان تنوفيل گوتيه (Theophile Gautier ۱۸۱۱-۷۲) و تشودۇر دۇبان ويل (۱۸۲۳-۹۱) Theodore de Banville اولموشلار. هر ايكيسى ده اۇنجه رومانتيكلردن اۆلموشلار.

بۇ جريانين اۇنجوسو اۆلان لوكونت دوليل ده رومانتيك محيط ده يئتشميشدير. سۇنرا فرانسوا كۆپه (Francois Coppée) و ژۇزه مارييا دۇهرئديا (Jose Maria de Heredia) و باشقالارى معاصر پاراناس (Parnasse Contemporain) درگيسى نى يايميشلار. (۱۸۶۶) ژوزه ماريانين شعر كتابى تروفه لر (Les Throphees) زامانيندا چوخ شهرت قازانميشدير. پاراناس ادبى جرياننى خارجده ده بعضى طرفدارلار تاپميشدير. تۆركيه ده «ثروت فنون» شاعيرلريندن جناب شهاب الدين بۇ جرياننى تانيديب تمثيل ائتمگه چالشميشدير. توفيق فخرت خصوصيله فرانسوا كۆپه نى منيمسه ميش، اساساً سۇنه (Sonnet) شعر شكلى تورك ادبياتينا

پارناسچیلار واسیطه سیله گلیمشیدیر.

### سمبولیزم (Symbolisme)

سمبول سۆزو دانیشیق دیلینده رمز، علامت و تمثال معناسینا گلیر واصلی یونانجا Sumbolon دان آلمیشیدیر. مثلاً: بایراق وطنین سمبولودور.

سمبولیزم بیر ادبی جریان کیمی ۱۹ - جو عصرین سۆنوندا (۱۸۸۵-۱۹۰۲) فرانسه و اوروپانین باشقا اۆلکه لرینده ظهور ائتمیش و ایلک باشدا پارناسچیلار قارشى بیر عصیان کیمی اۇرتایا چيخمیش دیر.

۱۸۹۰ - جی ایللرده مئت علملر حیرانلیغیندان، بۆزیتویزم دن و اۇنا سؤیکه نن رئالیزم، ناتورالیزم و پارناسیزم جریانلاریندان بنزگین لیک و اۇسانماق حاکیم اۇلماغا باشلايیر و یئنه متافیزیک مفهوملار دگر قازانیر و روحون وارلیغینا، سنزگی نین یارادیجیلیغینا و ماده نین اؤستونده بیر وارلیغنا یئنی دن اینام آرتیردی. عینی زاماندا شعور آلتی، غیب و گیزلی عالملره مارق چوخالیر و عقلین و تجربه نین خارجینده ساحه لر اۇلدوغونا ایناناراق مثبت علمه عصیان ائدن صنعتکارلار چوخالمیشدی.

بۇ کیمی فیکلرلرین تکرار ظهوروندا عینی زاماندا آلمان فیلسوفی شۇپنهاور (Schopenhauer) و فرانسیز فیلسوفی برگسون (Bergson) ون دا تأثیری اولموشدور.

سمبولیزم داها چوخ بیر شعر جریانی دیر و اۇنجه شعرده بۇدلر (Baudelaire) له باشلامیشدیر. سونرادا بلژیکلی مۇریس مترلینگ (Maurice Maeterling) سمبولیست گۆرۆشلری تياتردا تطبیق ائتمیشدیر.

شارل بۇدلرین «شر چیچکلری» (Les Fleures Du Mal) آدلی شعر دیوانی نین نشری شعر دونیاسیندا بؤیوک بیر حادثه کیمی سسلندی، بۇدلر مکتبی نین اساسلارینی «قاباقکی حیات» و «مکتوبلاشما» (Lavie Anteriere, Correspondance) شعرلرینده ایضاح ائتدی. اۇندان سۇنرا بیر نسل ۸۰-۱۸۵۷ ایللرینده بۇدلری اۇزلرینه رهبر کیمی قبول ائتدیلر.

بۇدلره گۆره دۇنيا علامت و اشاره لرله دۆلو بیر مئشه یه بنزهر و حقیقت عادى خلقین گۆزۆنه گۆرۆلمز. آنجاق شاعیر ادراک گۆجوايله بۇ علامتلری تفسیر ائتمکله اۇنو دۇیار، حس ائدر. بیزیم حسلریمیزه تأثیر ائدن شئیلرین آراسیندا اینجه باغلانتی (ارتباط) لار واردیر، شاعیر اۇنلاری کشف ائدیپ اۇز مطلبینی داها یئنی بیر دیلده ایفاده ائتمک اوچون اۇنلاردان فایدالانمایدیر.

بۇدلردن بۇل وئرلن ۹۶-۱۸۴۴ (Paul Verlaine)، آرتۇر رمبۇ (۹۱-۱۸۵۴ Arthur Rimbaud) واستفان مالارمه (۹۸-۱۸۴۲ S. Mallarmé) كىمى شاعىرلر الهام آلاق يازدىقلارى شعرلرله سمبولىزم مكىينه زمينه حاضىرلايدىلار. وئرلن بۇيوك بىر شاعىر اۇلدوغونا رغماً، الكولىك و سرسرى و شهوت دۇشگونو بىر آدامدى. اۇ طالعىندن، عذابدا اۇلان رۇحونون فرىادلارنى شعرلرىنده عكس ائتدىرمكله رۇمانىزمه ده ياخىتلا شىردى.

رمبۇ ۱۹ ياشىنا چاتانا جان ان گۇزەل شعرلرىنى يازدى و سۇنرا شعرى بۇراخدى. شعرده بۇيوك دهايا صاحب ايدى. اۇسسلىر (حرفلر) اوچون مخصوص رنگلر سىنچدى: آ-قارا، ا=آغ، اى=قىرمىزى، اۇ=ياشىل و اۇ=ماوى كىمى. اۇ اثرلرىنده گۇرمه دىگى يىردن بحث ائدىردى. مثلاً هىچ دىزى گۇرمه دىگى حالدا «كئفلى قايق» آدلى منظومه سىنى يازدى.

استفان مالارمه شعره يىنى بىر صورت، شكىل و ئرمك اىسته بىردى. او آنچاق سۇز (كلمه) ه اهمىت و ئىرىردى. صنعتكار شاعىر بو اىسته تىك- شاعىرانه و سحرلى سۇزلردن شعرىنى قوشمايدىر. اونون شعرلرىنده، غم- غصه، عشق و نفرت يوخ، شادلىق واردى، اما اونون شعرىنى آنچاق سىنچكىن طبقه نىن تك- توك آداملارى باشا دۇشه بىلىردى. ۱۸۸۴- ده وئرلن ين «نفرىن اولونموش شاعىرلر» (Les Poetes Maudits) آدلى شعر كتابى چىخدى و بىر چوخ گىچ شاعىرلى اطرافىنا توپلادى، بونلارا منخط شاعىرلر و منخط مكنب (Decadantisme) آدى و ئرىلدى (گابرىل وىكر). بونلار وئرلنى اىزله بىردىلر.

منخط شاعىرلرىن خصوصىتلرى بئله اىضاح اۇلۇنوردو: مبهم روحلو، دۇيغوسوز، اخلاقا قارشى لاقىد و شعرلرى ده بىر- بىرىله اۇيوشماز. اۇنلار انزوايا چكىلمىش روحلارى نىن ماهنى سىنى ترنم ائدرلر.

بۇنلار ين شعرلرى بدىن و مسخره ايله برابر دىر. انحطاط دۇرونون ان مشهور شاعىرى ژۇل لافورگ (J. Laforgue) چوخ حساس و بدىن بىر شاعىردى. او حياتدا جبره اينانىر و انسانلىغا ترخمه ده بىر آز مسخره ايله باخىردى.

لافورگ شعر اوچون قارىشىق بىر دىل ياراتدى. فلسفى سۇزلرى، صنعت اصطلاحلارنى عوام خلق دىلله و پارىس آرگو (سرسرىلرىن لهجه سى) سو و اۇشاقلار ين تردىللى دانىشغىله قارىشدىر بىردى. سونوندا بدىن بىر عارف شخصىتىنى تاپدى. لافورگون دوشونجه، دىل و اوسلوبو بو دۇره شاعىرله اۇرنك اولموشدو.

۱۸۸۸ ده لافورگ اۇلدو. عىنى زاماندا انحطاط مكنبى اصطلاحى يىرىنه ژان مۇره آىن

تکلیف ائتدیگی سمبولیزم سۆزو بۇ مکتب اوچون ایشلندی (۱۸۸۶)،  
 مشهور فرانسوز ادبیاتی تاریخچیسى دانیل مورن (Daniel Morner) «چاغداش فرانسوز  
 دۆشونجه سى و ادبیاتی» آدلى کتابیندا سمبولیزمی بئله ایضاح ائدیر: سمبولیزمین اساسلارینا  
 گۆره شعر ذکائین یوخ حساسیتین ایفاده سى دیر و اوخوجونون حسلرینه خطاب ائدر.  
 شاعیر هدفینه چاتماق اوچون مختلف واسیطه لردن فایدالانیر. آیدینلیقدان ساقینیر، چونکی  
 شاعیرین هیجانلاری نین چوخو قاریشیق، مههم (بلر سیز) و قارانلیقدیر.  
 مالارمه دئیردی کی: آچیق بیر معنا، سنین یاراتماق گۆجونو کسر.  
 آنا تول فرانس: گیزلی بیر معناسی اولمایان منظومه شعر ساییلماز - دئیردی. شاعیر بۇ  
 گیزلی معنالاری، بۇ سیرلاری آنلادا بیلیمک اوچون سمبوللارین (Symbole) گلمه سینى  
 گۆزیه چک. سمبول، ذکائین آز - چوخ قبول ائله دیگی، خوشا گلن بیر تشبیه و استعاره دگیل. بو  
 اؤز - اؤزونه فیشقیران بیر خیال، تصویر و یا خیاللار سلسله سى دیر کی احتوا ائله دیگی فیکری و یا  
 شعر هیجانینی ترجمه یوخ، ایفاده ائدر. بیر چیچگین بنزه مه دیگی بیر ییتگینی ایفاده ائتمه سى کیمی.  
 هم ده بو تلقینچی، اسرارلی، سمبولیک شعر، هر شئین اؤستونده، موسیقیلی (موزیکال)  
 اولماسی لازیم دیر.

سمبولیست شعرده مجاز، استعاره اساسلی عنصر ساییلدیغی حالدا بورادا کی مجاز آچیق و  
 با عقل و منطقه آییقلاناییلن تشبیه، مجاز و استعاره دگیلیر. اونلار اوچون مجاز، رویادان، شعور  
 آلتیندان و یا سیرلر اولکه سیندن بیردن بیره گلن بیر ایپ اؤجو و یا ایفاده امکانی دیر و یا شعوردا  
 بیردن بیره ظهور ائدن ایلدیملار کیمی دیر و شاعیر بونلارلا مجازدان میجازا گئچیر. بیر ارمیش و  
 یا عارف کیمی حس ائله دیگی و سئزدیگی شئیلری سمبوللارلا ایفاده ائتمگه و سئزدیرمگه  
 چالیشار.

سمبولیست شاعیرلر کلاسیک تشبیه و استعاره دن چوخ مُرسل مجاز، آنالوژی (سؤیله مک  
 ایسته دیگینی اونا معادل بیر مفهوملا آنلاتماق) و سینستیزی (Sinestezi) (بیر حسی باشقا بیر  
 حسین بئرینه قویماق مثلاً گۆل قۇخوسونو موسیقی نغمه سى کیمی گۆتورمک) کیمی صنعتلره  
 رغبت گۆستریرلر.

سمبولیک شعر سحرلی سۆزلرله تلقین ائدیلمن خیال عالمی دیر، و معلوم دۆزلی دویانی  
 یوخ قاریشیق بیر عالمی، بیر کاوسو (Kaos = قاریشیلیق) ایفاده ائدر.

اونلار دویادا گۆردو کلرینی یوخ، سئزدیکلرینی یازمیشلار. هر شئی ده اولدوغو کیمی  
 طبیعت ده ده آیدینلیغی، آچیقلیغی گۆرمک ایسته مه میشلر و اونو تحقیر ائتمیشلر. اساساً

مقصدلری طبیعتی بوخ، اونون انتباه لارینی اورتولو، ایچ اۆزونو ایفاده و تصویر ائتمکدیر. بو سیر دۆلو دونانین دکۆر و تصویرینی وئرمک اوچون دۇمانلی، تۇتوق پائیز گونلرینی، سحر و آخشامین آلاجا قازانلیغینی و آی ایشیغینی سئچمیشلر. شعر قالیلارینی پوزماق ایسته یین سمبولیست لر آزاد شعر یا سربست شعرى سئچدیلر. سربست شعرده فرانسه نین ۱۲ هجالی مصراع قالیینی بیر طرفه بۇراخیب اۇزون و قیصا مصراعلى شعرلر یازدیلار و کلاسیک قافیه نین یئرینه ناقص قافیه و آلتراسیونلار ایشلندیلر. او حالدا آزاد شعر برابر اولمایان آهنگدار، مۇزۇن پارچا لاردان عبارت اولدو و شعرین وحدتی، قالییندا یۇخ فیکر و تصویرده آراندی. فرانسه ده ایلك دفعه آزاد شعرى آرتۇررمبۇ ۱۸۸۶ ده یازدی. فقط عینی ایللرده آمریکالی والت ویتمن (۱۸۱۹-۹۲) Walt Whitman) ده آزاد شعر یازدی.

۲۰- جی عصرده آندره ژید، پۇل والری کیمی بۇیوک یازیچی و شاعیرلر سمبولیزمی داوام ائتدیردیلر.

پول والری شعرى اویونا یا مذهبی مراسیمه بنزه دیر و دئیردی کی شعرین اۇزوندن باشقا هدفی یوخدور. شعر رقصه و نثر یئریمگه بنزه. انسان بیر مقصده چاتماق اوچون پۇل یئریر اما بیر یئره وارماق اوچون رقص ائتمز. پۇل والری نین شعرلری تشبیه و استعاره لرله دۆلودور، (دنیز قبرستانی کیمی)، انله کی اونلارین چوخونو تفسیرسز باشادۆشمک مۆمکون دگیل. ایندی نمونه اوچون پۇل والری- نین سمبولیزمی ایضاح ائدن بیر شعرى نین منظوم ترجمه سینى نقل ائدیریک:

#### شعر صنعتی

موسیقی هر شئی دن اۇنجه موسیقی  
اونون اوچون تکللی مصراعلاردان چاشما  
قیوراق اولار، اریر هاوادا سانکی  
آغیر آقساق سۇبله یشه یاناشما  
کلمه سئچرکن ده میدان سنبن  
بیله بیله بیر بیضه آلدانمالی  
دۇمانلیسی گۆزه لدیر ماهنیلارین  
اؤبله هم سئچیک اولسون، هم قاپالی  
گۆزه ل گۆزلر نۇر آلتینه گۆرونسون  
گۆن ایشیغی تیرمه لی شعرینده



آغ اولدوزلار ماویلیگه (آبی) بۆرونسون  
 یاواش - یاواش سون باهار گۆیلرینده  
 آرا (اورتا) رنگین دالینداییق چونکو بیز  
 رنگین دگیل آرا رنگین ساده جه  
 آنجاق اویله سارماش دۇلاش اندریک  
 نۆته گی بۇروپلا، خیالی دۇشله  
 نکتە بلاسیندان قۇرتولماغا باخ  
 آجی ذکاء، سولو گۆلوش نه یینه؟<sup>۱</sup>  
 ایشته قاریشدمی بۇ جنس ساریمساق  
 ماویلیگین یاش دۇلار گۆزلرینه  
 نۇت بلاغتی بۇغازیندان، سۇسدور  
 ال وۇرموشکن بیر زحمتنه داها گیر:  
 قافیہ نین آغزینا دا بیر گم (افسا) وۇر  
 بۇراخیرسان نه لر ائتمز کیم بیلیر  
 نه دیر بۇ قافیہ دن چکدیگیمیز!  
 هانسی کار اۇشاق یا دلی زنگی  
 سارمیش باشیمیزا بۇ میمنت سیز  
 بۇش (کۇف) سسلر چیخاران بو ساخته اینجینی؟  
 هپ موسیقی بیر آز داها موسیقی  
 هاوالانان بیر شئی اولمالی مصراع  
 بیر دلی گۆنولدن قالخیب گنتمه لی  
 باشقا گۆیلره، باشقا سئودالارا  
 داغیدیب نوزو سحر یئلینه  
 مصراعلارین آلسین باشینی گنٹسین  
 کهلیک اوتو، نانه قۇخاراقدان دۇرد بانا...  
 اۇست طرفی ادبیات بو ایشین.

چئوبره نلر: س. آیوب اوغلو - م. ج. آندای.<sup>۱</sup>

بۇدلردن بىر پارچا :

ايچە قاپانمىش

درديم بىتر، ساكن اول، دىنلن بىر آز آرتىق

آخشام اولسا دئىيردىن، ايشته اولدو آخشام

سياه اورتولرله ساردى شەرى قارانلىق

كىمىنە حضور انەر گۇيدن، كىمىنە غم

بۇراخ شەرىن اىگرنج قالابالىغى (شۇلۇخلوغو) گئسىن

بئسىن قامچىسىنى حظىن سفىل جُنُبُش (اگلنجه - طبل) دە تۇيلاسىن آجى ميوه

سىنى ندامتىن

سن گل، درديم، وئر الينى منە، گل شۇيله

.....

چئورن: س. آيۇب اوغلو

سمبولىزم باره دە بىخىمىزىن سۇنۇندا قىدائتمە لى يىك كى بىزىم تصوف شاعىرلىرىمىز دە سمبولىزمە بنزه ين بىر تلىقى، گۇرۇش اولموش دۇر. بۇندان باشقا سىك ھندى جريانى (۱۷)، ۱۸ - جى عصر) بىزه اوروپا دان قاباق ظهور ائدن سمبولىزمىن عىنى دىر. آنجاق اۇنون معقول و معتدل شكلى دىر.

اروپا سمبولىزمى ۲۰ - جى عصرده ظهور ائدن سۇررئاليزم و امپرسىونىزم جريانلارينا زمينه حاضىرلامىشىدۇر.

۲۰ - جى عصرده ادبى جريانلار: ۲۰ - جى عصرده، اۇندان قىباقكىي عصرده كى كىمى ائله بۇيوك و داواملى ادبى جريانلار گۇرۇلمە مېش و رساملىق دا اولدوغو كىمى ادبىياتدا اۇرتاق بىر گۇرۇش و ھم رايلىك تشكول ائتمە مېشىدۇر. چاغداش صنعتكارلار باشقا سىنا بنزه مك و معين اسالارا دا ياناراق يازىب ياراتماق ايستە مېرلر. بو عصرده ظهور ائدىب بىرمدت سۇنرا آرادان گئدن ھر شاعىر تۇپلۇلۇغو يا سمبولىزمىن داھا قۇيۇ بىر داوامى يا دا اۇنا تامامىلە قارشى اۇلان عقىلچى و اجتماعى كارا كترلى اۇلموشدۇر. بۇرادا چاغىمىزدا ظهور ائدن و دونيا ادبىياتىنا تائىر ائدن سۇررئاليزم و اگريستانىسالىزم ادبى جريانلارنى يىغىم شكىلدە ايضاح ائدە جە يىك. فۇتورىسم و دادائىزم و امپرسىونىزم كىمى جريانلار چوخ

قیسا غۇمۇرلو اولوب سورئالیزمین مرحله لری کیمی اولموشدور.

### سورئالیزم (Surrealisme) یا گئرچک اؤستوجولوک

سورئالیزم، عقلین کؤنترؤلؤ اولمادان، هئچ بیر عادت، اخلاق و ایسته تیک تضييقینی تانیمادان، حتا صنعتکارین یارادیجی گؤجونه دخی مئیدان وئر مه دن، انساندا کی داخلی من ین (شعور آلتی نین) یوزؤمو (نفسیری) نواثمگه چالیشان بیر صنعت تلقی سی، گؤرؤشودور. بۇ جریان و گؤروش ۲۰- جی عصر شعرینده، رسمینده و رومانیندا درین ایزلر بۇراخیمشدير.

بۇجریانا، گنچن عصرین سؤنوندا ظهور ائدن علمیلیگه، ماده چیلیگه و عقیلچیلیگه قارشى بئز گنیلک و عصبان زمينه حاضیرلامیشدیر. هله بۇسیرالاردا ظهور ائدن روحجو فلسفه جریانلاری و بؤیوک پسیکولوژیک کشفلر علمه، ماده یه و عقله وئر یلن افراط - آشیری دگری سارسیتمیش و نتیجه ده عقلین و ماده نین انکارینا قده ر ایره لی گئدن یئنی صنعت جریانلاری مئیدانا چیخیمشدير. بۇسیرادا عرفانی - اشراقی فلسفه نی اوروپادا ان یؤکسک سوبه ده تمثیل ائدیپ عصرینه تأثیر ائندلرین باشیندا فرانسیز فیلسوفو هانری بر گسون (۱۸۵۹-۱۹۱۴) Henri Bergson) گلیر. اؤنون قوردوغو فلسفه یه سنز گیلچلیک (Intuitionisme) آدی وئر یلیر. بر گسون ون فیکرینه گؤره روح بئینه باغلی بیر کیفیت اولماییب عقل و منطق دن داها اؤستون و مستقل بیر وارلیقدیر. روحلابئیین آراسیندا پارالئللیک - موازیلیک و قوشوقلوق یۇخودور. بئیین یالینز کلمه لری ساخلایان بیر مخزن - آنباردیر. ذهن یا ذکاء اشیانى فایدالی بیر حاللا گتیرمک و آلت - واسیطه قاییرماق قابلیتی دیر. آنجاق ماده نین خارجینه (خارج اؤزونه) عاید حقیقتلری قاورادیغی اؤچون ذهنین گؤجو محدوددور. تجربه ده بیزه ماده نین بیر حالدان دیگر حالا گنجمه گیتی ایضاح ائدر. اۇ حالدا بیز حقیقتلری ذهن (ذکاء) و تجربه ایله یوخ روحا عاید اولان سنزگی (Intuition) (شهود - فراست، واسیطه سیز درک) ایله قاورار - درک ائدریک. سنزیمک واسیطه میز اساس منلیگیمیز اولان انسیاق - سۇق طبیعی لر دیر. حیات بۇ آتیلما (Elan) و سنزگیتین اؤزودور.<sup>۱</sup>

بر گسونون ذکاء و عقله قارشى، سنزگی و سۇق طبیعی نی قویان فلسفه سی سورئالیزمین اساسی کیمی قیمتندیر یلمیشدیر. بۇ سیرادا زیگموند فروید (S. Freud) دا روح خسته لری و هیستریک لر اؤز رینده آپاردیغی آختاریشلاردان انساندا بیر - بیرینه باغلی ایکی منلیگین

۱- بر کسون یوکسه لن جاننى گؤجه لان ویتال دئیر.

(شخصیتین) اۆلدۇغونو ایره لی سۆردو. بۇنلار ایکی عالم کیمی دیر: شعور آلتی و شعور عالمی. شعور آلتی کۆنترول - تفتیش تانیمايان اساس منلیگیمیز دیر. بۇ عالمی سوق طبیعی لریمیز گئرجک و صمیمی آرزولاریمیزلا منیللریمیز اداره ائدیر. بۇ عالم جمعیت، تربیه و اخلاق تضييقینی تانیماز. فرصت تاپاندا مثلاً: رؤیا، سرخوشلوق، عقل پوزوقلۇغو، قیزدیرما حاللاریندا اۆزه چیخار. بۇ ایچریدن گلن حقیقی آرزولار، عادت و اخلاقین طلبی و جمعیت قۇرخوسو ایله شعور آلتینا سۇخولوب بۇغولوبلار. فرؤیدا گۆره بۇ شعور آلتینا یئرلشن آرزولارین ان گوجلوسو جنسی ایستکلر (Libido) دیر. بۇنون یانیندا گيجیک، قۇرخو، یۆکسلمه حرصی، دۇشمانلیق و نفرت کیمی بیر چوخ گیزلی منیللرده شعور آلتیندا قالیرلار. رؤیا (یۇخو)، بحران و هذیان کیمی شعورون ضعیفله دیگی حاللاردا بۇنلار ائشیکه چیخار. شعور بۇ ایستکلری داواملی تضييق آلتیندا ساخلایب بۇشالماق امکانی وئرمه سه روحی خسته لیکلر میدانا چیخار.

فرؤید پسیکو آنالیز، تلقین و سایر متؤدلارلا بۇ گیزلی آرزولاری تثبیت ائتمک و سؤیله دیب فرحلندیرمک صورتله خسته لرنی معالجه ائتمگه چالیشیردی. شعور عالمی جمعیت عادت لرینه، اخلاق و تربیه قایدالارینا اۇیان ایدئال و لاکین صنعی (ساختا) منلیگیمیز، شخصیتیمیز دیر. شعور دۆشونجه و داورانیشلاریمیزی قاطی بیر کۆنترؤل آلتیندا ساخالار و چوخ صمیمی، عادت خارجی و اؤیفونوسوزلوق حاللاریمیزین قابا عینی آلا. شعور، ایستکلری شعور آلتینا ایته لر و بیر معنوی بۇلیس کیمی اۇنلارین اۆزه چیخماغینا مانع اولار. فرؤیدا گۆره شعور ایله شعور آلتی و یا داخلی و خارجی منلیکلریمیز داواملی بیر مجادله حالیندا دیلار. اۇ شعورون وارلیغینا باخمی اراق شعور آلتی نین تظاهرلرنی بۇ حاللاردا تثبیت ائدیر: خسته لیک حاللاریندا، هیستری ده، رویا و یۇخودا، اۇیاقکن یانلیش و چارپیق حرکتلر و افراط سئوگی و نفرت و حیرانلیق دا، قۇرخو و هذیاندا و آغیزدان قاچان سۆزلرده و سۆز وال شۇخلۇقلاریندا.

فریدون خصوصیله شعور آلتی تظاهرلری و جنسی آرزو (Libido) باره ده گۆرؤشلری سۆررئالیستین تۆکمز سرمایه لری اولموشدور. اۇنلاردا فرؤید کیمی، شعور و یۇخ، شعور آلتی و یا آلت شعور تظاهرلرنی یوروملای اراق شعر یازماق و یا رسم چکمک ایسته میشلر. بو فلسفه و پسیکولوژی نظریه لرله یاناشی عصریمیزده ظهور ائدن نازیسم، کۆمونیزم و عموم دنیا محاربه سی نین منفی تأثیرلری سۆررئالیزم جریانینی گۆجلندیرمیشدیر. ایلیک سۆررئالیست منیللر رۇمانتیک لرده و سۇنرا سمبؤلیست لرده خصوصیله آرتور رمبؤدا

گۈرۈلمۈشۈر، اۇشعور آلتى عنصرلارنىڭ فايدالاناراق خىيالى و گىزلى دونيالار گىرمك و ياشانان حياتىن ايكى اۆزلۈلوگو ايله بۇغوشان ناراحات شعرلر بازماقلا سوررئالىست لرىن مژده چىسى اولموشدور.

سمبولىزملى عىنى زاماندا ظهور ائىدن هم رساملىق جريانى هم ده ادبى جريان اۇلان امپرسیونىزم (Impressionisme) ده خارج دونيا يا عايد مشاهدە لرى داخلى عالمده مئيدانا گلن روح حادىرىنا گۈره عكس ائىدىرمەسى، يعنى خارج دونيانىن انسان اۆزىنىدە بۇراخدىغى انتىپاها گۈره يانسىدىسى و منظرە نىن قاطى گنرچىگىنى سىلىك رنگلر آلتىندا آرادان آپارماسى باخىملاردان سوررئالىزمە زمينه حاضىرلايمىش سايلىر. امپرسیونىست صنعت گۈرۈشۈ ۲۰ - جى عصرىن اوللرىنە قدر داوام ائىمىشدىر.

كوبىزم (Cubisme): ۱۹۱۰ - جى ايلده اۇنجه رسم ده تظاهر ائىدن بۇ گۈرۈش سۇنرا شعرە گنجدى و ۲۰ ايل داوام ائىدى. شعرە گىنۇم آپولنىئر ۱۹۱۸ - ۱۸۸۱ (G. Appolinaire) طرفىندىن گتيرىلدى. بۇنلار امپرسیونىست لرىن عكسىنە بىر آنى - لحظه نى يۇخ آداملارنىن و اشيانىن ابدى اۆزۈنوجانىنى، شعور آلتى نىن سىرلرىنى عكس ائىدىرمك اىستە دىلر. خارج دونيا يا باخىش زاويه سىنى (گۈرۈش) دگىشدىر دىلر. اشيانى باشقا باشقا زاويه لردن گۈسترمگە چالىشىدىلار. موضوعلارنى تىكجە بىر اۆزۈ ايله يۇخ اۆچ بۇد ايله (طرفىلە) و درىنلىگىلە هندسى شكىللر آلتىندا چىكمك اىستە دىلر.

بۇ اۇچ بۇد و (طرفى) گۈسترمك اۆچۈن رسمىنى چىكىدىكلرى آدامىن يالنىز گۈرۈنۈشۈنۈ، دۇرۈشۈنۈ، اۆلدۈغو يىرى يۇخ، عىنى زاماندا ذھىنىدن، عقلىندىن گنچنلرى، خىباللارنى، آرزولارنى، حتا گۈناه و ئوابلارنى دا همان تابلو يا يىرلشدىرمگە چالىشىدىلار. هم ده او آدامىن صورتىنە - اۆزۈنە اىستە دىكلرى معنانى و ئىرىدىلر.

رساملىق دا كوبيزمىن قۇرۇجولارى باشدا پىكاسو (Picasso) و براك (Braque) و دئرن (Derain) اولموشلار.

كوبيزم آدىنى اىلك دفعە هانرى ماتىس (H. Matisse) ايشلتمىش دىر. دئىلنلرە گۈره بىر گۆن براك ين بىر تابلوسونو سىر ائىدر كن اۋە، نە قدر كۆب (Cube = مكعب) دئىمىش، اوندان سونرا بۇجور رساملىق تابلولارنىا كوبيست تابلو دئىلدى.

كوبيست شاعىرلر دە بۇ مۇدو شعرە تطىق ائلە دىلر. بىر لحظه دە گلن چئشىدىلى، مختلف احساسلارى، دۇشۈنجه و منظرە لرى عىنى شعرده تۇپلادىلار. مقصدلرى اۇ زامانا قدر كى خارج گنرچىك تلقىسىنى (آنلايشىنى) پۇزماق ايدى.

اثرلریمیزی خلقین باشا دۆشمه مەسى طبعى دىر، چونكى اۇنلارى بىز دە باشا دۆشموروك - دئىردىلر. اۇنلار شعورون مداخلىسى اولمادان داخىلى مىلىكى عكس ائىدىر مەك اىستە يىردىلر.

بۇنلاردان هم رسام و هم شاعىر اولان سالوادۇر دالى (Salvador Dali) تابلولارىنىن بىرىنە آلتى آىرى منظرەنى يىرلىشىدىر مىشىدى. بىر ايدمانجى بدننى، بىر آصلان باشى، بىر ژنرال، بىر آت، بىر چوبان بىر دە ابوالهول (Sphinx) صورتى و اىستە يىردى كى بۇ تابلوى باخانلار، بىر سفونىنى دىنلە يىنلر كىمى اۇندان آىرى - آىرى معنالار چىخارتىنلار. بىر چوخ شاعىرلر بىر مدت بو جريانى اىزلە دىكىدن سونرا يۇللارنىنى دگىشىدىر دىلر. بۇنلاردان گيوم لىنر، آندره سالمون، ماكس ياكوب و ژان كوكتو و پىئير روردى (P. Reverdy) نىن آدلارنى سايابىلەرىك.

فوتورىزم (Futurisme): كوزىملە ياشىد اۇلان بۇ رسم و ادبىيات جريانى اۇنچە ايتاليدا ظهور ائىدى. كوزىمى منىمىسە ين فوتورىستلر عىنى زاماندا تابلو و يا شعرده، بىر آدمىن گىنچمىشە، اىندىيە، و گلە جە يە عائد بوتون احساسلارنى يانسىدماغا چالىشىر دىلار. كلمە لرە و رنگلرە آزاد بىر معنا و ئرمەك اىستە يىردىلر. بونلاردا داداجىلار كىمى جمعىتە و منظرە يە مسخرە كوزىلە باخىر دىلار.

فوتورىستلر عصرىمىزىن سمبولو كىمى كۇردو كلرى ماشىنىنى تعريف ائىدىر و شولوق شىرلرىن سس - صدالى آھنگىنى، فوتور سىنىنى شعرده ترنم ائىمگە چالىشىرلار. بو جرياندا اونودولمايان تەك بىر شاعىر ايتالىالى مارتىنى (Marinetti) دىر.

دادائىزم (Dadaisme): بو ادبىى حرەكت بىرىنچى دونيا ساواشىندا سونىس دە ظهور ائىتمىش و همان اىللردە فرانسه و آمريكادا عكس صدا تاپمىشىدىر. بو ادبىى حرەكتە زورىخ دە رومانىيالى ترىستان تزارا (Tristan Tzara) رىبرلىك ائىدىردى. بۇنلار اۇزلرىنە آد سئچمەك اوچون لاروس سۇزلويو كتابى نىن صحىفەلرى آراسىنا بىر بىچاق سۇخدولار، بىچاق دادا كلمەسى اۇستونده دۇردو، اۇنا كۇرە اۇزلرىنە داداچى (Dadaistic) آدى وئردىلر.

ترىستانىن اطرافىنا يىغىشان بۇ گىنچلر ھىچ بىر ادبىى جريان و قايدا باغلى اۇلمايىب، ھامىنى الە سالماغى اۇزلرىنە مقصد قرار وئرمىشىدىلر. پارىس دە بىر يىغىنچاقدا بۇنلار نە ائىلە مەك اىستە يىرسىنىز سۇالىنى وئرن بىر ماراقلى اشتراكچىيە، فرانسىس پىكابىا (Francis Picabia) بئلە جاواب وئرمىشىدىر: «نە ائىلە دىگى مىزى باشا دۆشمورسوز، بئلە دگىل مى، عزيز دۇستلار. اۇنو بىز دە باشا دۆشموروك. نە قدر كۇزەل، دگىل مى؟ حقىقىز وار! پاپ اىلە بىر كز داھا ياتماق اىستە يىرم. يئنە دە باشا دۆشمە دىنىز، مەن دە باشا دۆشمورم. نە قدر آجى دىر، دگىل مى.»

بیر آیری ییغینچاقلا ریندا قاقادان دا خبر وئردیکلرینه گۆره بیر محاضره اؤخویاجاغیدیلار: اؤتون یئرینه تریستان تزارا، الینه گنچن غزنتین بیر مقاله سینی اؤخودو. اؤ بیرلری ده زنگ و طبیل چالدیلار. اؤنلارین اکثر ییغینچاقلا ری مشاجرہ و دؤیؤشمک له قۇرتاراردی و پۇلیس مداخله ائدیپ داغیداردی. دادائیزم صنعتہ و ادبیاتا و جمعیتہ قارشى بیر هجو و مسخرہ کیمی دیر. بۇنلار بۆتون دگرلره عصیان ائدرک حیاتیین معناسیزلیغی، بۇغوجو و اعتدالسیزلیغی اؤستوندہ اصرار ائدیردیلر. بۇنلار اؤز آرالاریندا داعی اۇرتاق بیر گۆروشه صاحب اؤلما ییب، هنج بیر ادبی، ایسته تیک قایدا- قانۇنا تابع اؤلما دیلار. بۆتون عادت- عنعنہ لری لاغا قۇیوب روحلاری نین هر گوشه سینی اۇتانمادان آچینا چینخاردیردیلار. داداچیلارین قایداسیزلیغی، ییخجیلیغی و داشقینلیقلاری، سوررئالیزم جریانینا زمینہ حاضیرلادی، اؤز لری ده ۱۹۲۲- دن سونرا داغیلیپ گنتدیلر و یاباشقا ادبی جریانا قۇشولدولار.

سوررئالیزمین اساسلاری: داداچیلیق خرابه لری اؤستوندہ قۇرولان بۇ مکتبیین اساسلاری آندره برئتون (André Breton) ون ۱۹۲۴ ده نشر ائدیگی سوررئالیزمین بیرینجی مانیفستی ایله آچیقلامیشدیر. آندره برئتون ۴۰ ایل بو یۇلدا آراشدیرمالار آپارمیش و لوئی آراگون، فیلیپ سۇپۇ و بیر نچہ دۇستو و همکارله بۇ مکتبیین اساسلارینی قۇیموش و اؤنون رهبری اؤلوموشدور. برئتون و آراگون هر ایکسی ده روح خسته لیکلری متخصصی اؤلوب، فرویدون فیکرلری نین تاثيری آلتیندا قالمیشلار.

بۇ مکتب شعور آلتی (Inconscience) نین فعالیتی اؤزینده قۇرولموشدور. سوررئالیزم یاری عرفانی یاری ماتریالیست، فقط تمامیلہ فردچی بیر گۆروش دور و عصریمیزده خصوصیلہ شعرده هله ده ایزلری داوام ائتمکده دیر. اؤنون اساسلارینی بئله ایضاح ائده بیله ریک:

بۇ گونه قدر انسان حیاتیینی و صنعت حادثه لرینی یالیز عقل، ذکاء و منطق اداره ائتمیشدیر. حقیقتده بۇنلار انسانین قصورلو و ساختا طرفلرینی گؤستیرلر. انسانى بۇنونلا باشا دؤشوب ایضاح و ایفاده ائتمک و مطلق گنرچگه بۇ کیمی سندلرله (یازی، رسم و سایره) چاتماق مۆمکون دگیل. انسانى بۆتؤلوکده قاوراییب باشا دؤشمک اؤچون شعور آلتی، یۇخو (رؤیا)، خیال گۆجو و جنسی (سئکس) قایناقلا دا واردیر. بونلار انسانى تحلیل ائتمک و باشا دؤشمک و صنعتله یۇرولماق جهتیندن عقل و منطقدن اؤستوندور.

سوررئالیست لر بۇ گۆروشه دایاناراق عقله و عادتله عصیان ائدیلر. برئتونون فیکرینه گۆره آنجاق عقل و تجربه نین محدودلاشدیردیغی بۇ دار گنرچکدن قۇرتولان صنعتکار،

اصل گىرچىگە، يەنى اۆستون گىرچىگە (سۆرئالا) چاتار. دئمەلى بۇنلار گىرچىگىن خارچىنە چىخماق يۇخ گىرچىگىن سرحدلرىنى گىنىشلىندىرەك ايستە يىرلر. يەنى شعور آلتى دونياسىنى، رۇيانى، خىاللارى و حتا ھىيالىلارى دا شعور عالمى كىمى گىرچىك سايىرلار. حتا گىرچىگە چاتماق اۆچون انسانىن رۇيا و بحران حاللارىنى طىبىعى گۇرونوشلرىندىن اۆستون تۇتورلار.

سۆرئالىستلر، عقل و منطقە اۆلدوغو قدر عادت، غننە و اخلاقا دا قارشى گۇرۇنورلر. چونكى بۇنلار فرويدون دئدىگى كىمى حقيقى شىخسىتىمىزىن اورتوسوز اورتاي چىخماغىنا مانع اولورلار. تجربە يە دە عقلە تابع اۆلدوغو اۆچون اعتبار و ثرمىرلر. عقل، عادت - غننە اخلاق و تجربە ھامىسى منفعت دالىندادىلار. حالبو كى حقيقى گىرچىك منفعت تانىماز - دئىرلر. سۆرئالىزم دە شعرىن قاينا قلارى، گۇزلە گۇرۇنن عالم دە يوخ، يۇخودا، بحراندا و ھىيالىدا آختارىلار. اۇنلار گۇرە صنعت بىر ھنر دگىل، آلت شعورون بىر عنصر و دور. الھام دا يۇخو - رويانىن و آلت شعورون عنصر و دور و شاعىر بىر يارادىچى دگىل، داخلى من ين امرلرىنى كاغذا كئچىرن بىر يازى - تايپ ماشىنى كىمى دىر.

سۆرئالىستلرە گۇرە شعر و رسم عىنى (Objective) گىرچىكى يىخماغا بىر وسىلە دىر. اونلار بىزى معلوم اولمايان درىنلىكلردە، گىرچىك اۆستو و گىرچىك خارجى عالمردە كز دىرلر. شعرىن اۆلكەسى فوق العادەلر، اۆلمايان تصادفلر و ناغىللار دىارى دىر.

سۆرئالىستلر اشىيانى و طىبعى معقول (عقلە اۇيغون و آيشىلمىش) وضعىتدە گۇسترن باغلاننى و پىوندلرى دە كىسمك ايستە يىرلر. مثلاً انسان گۇودە (بدن) سىندە بىر قۇل و اۋنون اۇچوندا بىر ال معقول بىر وضعىت دىر. بۇ وضعىتدە ھىچ بىر شعر عنصر و يۇخدور. اما قۇلو گۇودە دن و الى قۇلدان آيرىلمىش دۇشونسە نىز، اۇزامان اونلار بىر شعر مفھومو قازانارلار. بۇ يىنى مفھوم ساختا، خىالى و آلت شعورا و خىيال گۇچونە باغلى بىر مفھوم دور. بو حال خارچ دونىايا بام باشقا بىر باخىش دىر، ھم دە حشىش چىكىنلرىن (أصراز كىش) و يا روحى خستەلرىن باخىشىنا بنزەر. عىنا يۇخودا اۆلدوغو كىمى. اونلار گۇرە رۇيا آيىقلىق داكى حياتىمىزىن بىر نىجەسى دگىل، عكسىنە گۇنلو ك حياتىمىز، رۇيالارىن تاثيرى آلتىندا دىر. يەنى اساس اولان رۇيا حالى دىر.

دئمەلى بۇنلار بۇ بارە دە فرويددان دا قاباغا گىندىرلر. بۇنلارىن اساس ادعالارى شعردە شعورو يۇخ آلت شعورو دانىشىدىرماق دىر. چونكى بئلە لىكلە شعر انسانىن صىمى داخلى شىخسىتىنى آچىغا چىخارتماغا امكان تاپاجاقدىر.



سۆرئالیست لر آلت شعورداكى جامع، حقیقى گئىرچىگى (اۆستون واقعیت) خارجه چىخارتماق اوچون بىر نىچه پراتىك وسيله تكليف ائىدىرلر. بۇنلارین ان ساده سى اۆزۆ-اۆزونه يازماق (اۆتوماتىك يازى) دىر. اۆتوماتىك يازماق اوچون صنعتكارابنله توصیه ائىدىرلر:

قلم- كاغذى آلیب دۆشونجه نىزین قاپلارینی هر شئیە، دوشونجه به باغلار وضعیته بىر بىره اۆنورون و گۆحونوز بىتدیگى قدر پاسیو و آلیجى بىر وضعیته گئچین، دهانیزی، قابلیتلىرىزى و باشقالارى نین هنرلىرىنى بىر طرفه بۇراخین. ادبیاتین هر شئیە آپاران تهلكه لى بىر یۇل اۆلدوغونو اۆنوتمايىن. قاباقدان هنج بىر موضوع دۆشونمه دن و يازدیقلارینیزی یىشنى دن اۆخوماق ایسته مه دن يازین، هم ده سرعتلى يازین، بىرىنچى جۆمله اۆزۆ-اۆزونه گلر اۆندان سۇنرا گلن جومله لرده شعورلا علاقه دار اولمايىب شعور آلتیندا بیغیلان و شعور اۆستونه چىخماغا فرصت آختاران جومله لر اۆلاجاقدیر.

بۇ چىشىد يازیلارلا هنر و اراده دخالت ائله مه دیگى اوچون اۆتوماتىك يازیلار دئدیلر. ۱۹۲۱ ده آندره برتون و فیلیپ سوپۇ (Philippe Soupault) نون يازیب نشر ائتدیكلرى و سوررئالیزمین ایلك كتابى سايیلان «معناتپسى مئیدانلار» دا بو ساياق يازیلیمشیدیر. سۆرئالیست لر (اۆست گئىرچىگ و یا شعور آلتى) عالمى عكس ائتدیرمك اۆچون اۆتوماتىك يازى دان باشقا وسيله لردن ده فايдалانمیشلار. بونلار مزاح- طنز، غیر عادى ليك، و یا، روحى خسته ليكلر، اۆيۇشدوروجو ماده لر و ... دیر.

مزاح- طنز (هزل): سۆرئالیست لر دونیا یا مزاح (Humeur) گۆزویله باخارلار. چونكى اونلارین فیکرىنجه مزاح اشيائین، كلمه لرین و گۆرونلرین طبیعى قۇرولوش علاقه لرینی پۇزار، اۇنلاری آیری بىر تر کيبلره قۇشار. گۆلمک سايه سینده بىزايكى اۆزلۆگويون سلطه سیندن قۇروتولاریق. مزاحچى دونیانی سانكى حیاتدان آیریلیمش کیمی سئیر ائدر و سۆزر و خارچى گئىرچىگه، واقیته قارشى اعتناسیزلیغینی دیله گئیرر.

سۆرئالیست لر غیر عادى ليكلرین تصویرینه ده چالیشارلار. چونكى غیر عادى عالم ده گۆلونجه سركلى شئیلر ایچ- ایچه دى، اۇرادا عقل یثرىنه حیرانلیق واردير آنجاق تنقیدچی ذکاء یۇخدور.

رؤیا، سوررئالیستلرین مهم تئم لریندن دیر. بۇخصوصدا فرۆیدو ایزله میشلر. اۇنلار رویا یا گئىرچىگ حیاتدان چوخ اۆنم وئیرلر و «رویا دا گۆردو کلىرىمیز اصل شخصیتیمیزی تشکیل ائدر»- دئیرلر. اونلارلا گۆره انسان رویالارینی چۆزه رک اۆزۆنۆ یاخشى تانیا بیلر. رویادا منفعت چیلیک یۇخدور. رویا اۆست گئىرچىگه چاتدیران ان قیسا یۇل دور.

دلیلیک، سرخوشلوق (کنفلیلیک) و حشیش، انسانلاری طلسملر و عادې منطقین گۆستره دیگی اۇفوقلاری اۆزوموزه آچار.

روحی خسته لر خارج گئچکدن آیریلیمیشلار، اونلارین ثابت فیکر (Idee Fixe) لرینی اینجه له مک و یاشاماغا چالیشماق بیلگی و صنعتی انکشاف ائتدیرر.

اۇسلوب: سورئالیست لر دلیلی آچیق مفهوملو و فایدالی ایشلمه گی قبول ائتمز لر. داخلی من بین امرلرینی تثبیت اوچون اۇتوماتیک یازیا قناعت ائدر لر. دۇغما گئچکلرین جریانی اورتایا قۇیماق اوچون الدن گلدیگی قدر سرعتله یازماغی توصیه ائدر لر.

سورئالیست لر اۇسلوبلاریندا تصویر (Image) دن ده فایدالانیر لار. بۇنلارین سئجدیگی تصویر لر تریاک (افیون) ین یاراتدیغی خیاللار کیمی دیر و انسانین آرزۇسۇنا تابع اۇلمازلار. بۇرادا نمونه اوچون لوئی آراگون و فیلیپ سۇبۇنۇن شعرلریندن ترجمه لر وئره جه بیک:

لوئی آراگون دان:

انسانین گۆزلیرى

ائله درین کی گۆز لرین ایچمگه اگیلیم ده

بۆتون گۆنلری پیریل - پیریل (چوخ بارلاق) اۇرادا گۆردوم

اۇرادا بۆتون اومیدلریمی گۆزله ین گۆردوم

ائله درین کی هر شئی اۇنوتدوم ایچلرینده

.....

قارانلیق بۇلودلاری بۇشونا داغیدیر روزگار (بتل)

گۆبلردن آبدین دیر گۆز لرین بیر یاش بلیرینجه

جامین قیریلان یرینده کی ماویلیگینی ده

باغمور سۇنو سمالارینی دا قیسقاندیریرلار (گیجیکلندیریرلر)

ترجمه اۇرخان ولی دن دیر (تورک ادبیاتی. احمد قاباقلی).

فیلیپ سۇبۇ دان ۱۸۹۷:

مزارداشی (فرانسىس پىكایا اوچون)

نه اوچون

سنی مزارینا دۇرد ایتینله

بیر غزئت ابله

و شاپقانلا گۆممه لرینی ایسته دین (قۇیلاماق)،

ایسته دین کی داشینا بۇنو یازسینلار

یاخشى سیاحتلر.

ایکینجی دونیا ساواشیندا پاریس آلمانلار طرفیندن اشغال اولاندان سۇنرا سۇررئالیستلر اوچ گروپا بۇلۇندولر. بیر حیصه سی فاشیزم قارشیسیندا مبارزه ائدن فرانسىزلارلا بیرلشدیلر و سارز یازیجیلار آدیله مشهور اولدولار. (پۇل الوار و لوئی آرا گۇن کیمی). بعضیلری ده آلمانلارلا همکارلیق ائتدیلر (سالوادۇر دالی کیمی). آنجاق آندره برئتون و اۇنو ایزله ینلر سوررئالیزم جریانی نی داوام ائتدیردیلر.

اگزیستانسیالیزم (Existentialisme)

اگزیستانسیالیزم هر شئی دن اول بیر فلسفی مکتب دیر و ایلیک دفعه گنچن عصرده دانمارکلی کیر کنگارد (Søren Kierkegard) طرفیندن تملی قۇیولموشدور. اوندان سونرا آلمان فیلسوفو هایدگر (M. Heideger) و سونرا فرانسه لی ژان پول سارتر (J. Paul Sartre) بو فلسفی جریانی انکشاف ائتدیرمیش و ۱۹۳۵ دن بری سارتر واسیطه سیله ادبیات تا گنچمیشدیر. اگزیستانسیالیزم ۲۰- جی عصرده ان چوخ یاییلان مکتب دیر.

بو فلسفه یه اینانانلار ایکی گروپا آیریلرلار:

۱- دینه باغلی اگزیستانسیالیستلر: کیر کنگارد و گابرییل مارسل (Gabriel Marcel)

کیمی.

کیر کنگارد دئییردی کی حقیقی دیندار تانریله ایچریدن شخصی تماس حالیندادیر و آنجاق تانریا سیغینماقلا حیاتین تضادلاریندان قۇرتولماق مومکون دور. گابرییل مارسل - ه گۆره انسان داواملی سئچمک صورتیله اؤز- اؤزونو دۆزه لدر، یارادار.

اۋز - اۋزونو دوزەلدن انسانین بو جریان دا ھدفی، سارترین دئدیگی کیمی ھئجلیک (بۇچلوق) دگیل، داھا یوکسگه یعنی تانرییا چاتماق دیر. بیز تانرییا عقل ایله یاخینلاشا بیلیمه ریک، اونا ساری حرکت، سوق طبیعی، حیاتین حرکتی دیر. ایمانا چاتماق اوچون اخلاقی بیر حاضیرلیغا و اوندان دۇغاجاق بیر سئچگیه احتیاج واردیر. آنجاق او واخت اضطرابدان قۇرتولایله ریک. آزاد سئچگیینی آنجاق ایمان سایه سینده آپارایله ریک. اومید حیاتین شرطی دیر و سانکی روحوموزون قۇماشی - پارچاسی دیر.

۲ - دینسیز - تانریسیز اگریستانسیالیزمین ان مهم فیلسوفلاری آلمانلی مارتین ھايدگر و فرانسىز پل سارتر، و اۋنون آبیستانی سیمون دوبوار (Simone de Beauvoir) و ژورژ باتای (Georges Bataille) دیر.

بونلار بعضی مسئله لرده خریستیان معکوره سیله موافق اولسالار دا حیاتین مقصدینی اومید سیزلیکده گۇرورلر.

اگریستانسیالیزم دونیا گۇروروشونون اساسلاری بونلاردیر (سارتر): اسکی فلسفه یه گۇره ماهیت<sup>۱</sup>، وجوددان اول وار اولار، یارانار و انسان بیر محتوا، بیر چوخ مزیت و قصورلاریلا (اخلاق، اخلاقیلیق، جسارت، قۇرخاقلیق و سایره) آنادان اولار. اگریستانسیالیست لر بۇنو انساندان باشقا، مخلوقلاردا قبول ائدیرلر. اما انساندا وجودون داھا اول یارانیدیغنا اینانیرلار. مثال اوچون بیز بیر میز (ماسا) سفارش وئرمک ایسته سک اونون خصوصیتلرینی (ائنی، بۇیو، اۇجالینی، آغاجی، رنگی و مۇدئلینی یعنی ماهیتینی) نجارا ایضاح ائدیریک اۇ دامیزی اۇ خصوصیتلرله قاییرار و بیزه وئره. دئمه لی میز وجودا گلمه دن اۇنجه اۋنون ماهیتی یارانیر و اۋنون اۋزینده میز وجوده گلیر.

انساندا مسئله بۇنون عکسینه دیر: اۇشاق آنادان اولور، یعنی وجودا گلیر، سۇنرادان بۇدو کجه عمللرله (یعنی سئچگیلرله، مبارزه لرله سئجیدیگی موقعیله) اۋز شخصیتینی یعنی ماهیتینی یارادیر و حقیقی شخصیتینی تاپیر.

اگریستانسیالیزم فلسفه سینه گۇره ایکی جور وجود واریدیر. عیانی (حضور) وجود و یا حالت (Etre) و حصولی، عملی وجود (Existence). مثلاً داشین وجودو حضور دیر. یعنی اۋنون وارلیغی اۋنون ذاتیندا دیر و اوندان باشقا آیری وجودو اولایلمز.

۱ - ماهیت هر شئیین اساسی، اۋزو و جانی دیر. آغاجی، آغاج و انسانی، انسان ائدن و یا انسانین انسانلیغی اۋنون ماهیتی دیر.

اما انساندا ایکینجی چئشید وجود یعنی حصولی وجود (Existence) زامانلا تشکول ائدر و انسانین ماهیتینی یعنی شخصیتینی تشکیل وئر.

حصولی وجود عمل، سئچگی ایله مئیدانا گلر. بونو (Exister) سوزوندن ده چبخارتماق ایسته میشلر. اگریسته ده انسان اولدوغوندان (Etre) حرکت ائدر (EX خارج اولار) و اولایله - جگینه اریشر (Sistere). هایدگر دئییر کی «انسانین حصولی وجود وار» - سوزو «انسانین ماهیتی و یا موقعی وار» دئمکدیر. یعنی دنیا و دونیادا کی دیگر شعورلو مخلوقلارلا قارشیلیقی و معلوم علاقه لری واردیر.<sup>۱</sup>

انسان حقیقی وجودونو (ماهیتینی) آزادلیق سایه سینده یارادار، اونا گوره اگریستانسالیزمین اساسی آزادلیق دیر. حقیقی آزادلیق، موجود وضعه قارشى چبخماق و اونو دگیشدیرمگه چالیشماق دیر. آزادلیق عمل ده اوزونو گؤسترر، اونلارین بیر - بیرله علاقه لری گؤنش له نۇر کیمی دیر. یعنی آزادلیق عملله عینی دیر.

انسان آزاد اولدوغو اوچون سئچه بیلر و اوزو سئچدیگی اوچون ده مسؤل دور. سارتر فلسفه سینده تعهد و مسئولیت حسی بیر فضیلت بوخ بیر فلسفی ضرورت دیر. حیاتدا دائمی چالیشماغا و شعورا - بیلگه احتیاج واردیر.

بیز سئچرکن آزادلیق. دؤغرو دور کی انسان خارج دونیا یا و جمعیته باغلی دیر، اما بو باغلیلیق و تابع اولماق مطلق دگیلیدیر. چونکی انسان ایسته سه جمعیته و حتا طبیعت قانونلارینا قارشى بیر وضعینی، موقعی ده سئچه بیلر. اما اگریستانسالیزم ده آزادلیغین معناسی سؤسیالیست لردن فرقلی دیر. بونلار آزادلیغی عقیلدن چوخ سوق طبیعی یه باغلا ییلر. «آزادلیق، هئج بیلمه دن سونرادان بیزی وار ائده جک عامللری، سبب سیز اولراق سئچمک گؤجودور.» یعنی آزادلیق یالنیز اراده لی حرکتلریمیزه مخصوص دگیلیدیر. سارتر: «قورخوم دا آزاددیر» دئییر. یعنی اوزونو فلان شرطلرده قورخاق بیر انسان اولراق سئچدیگینی آچیقلا ییر. بیزی هر هانسی بیر انسان، کاراکتر و یا ماهیته آپاران بیر سئچگینی آزادلیق ساییر.

اگریستانسالیزم ده انسان بیر سیخینتی و اضطراب دان عبارتدیر. بوسیخینتی و اضطراب سئچمه گی مومکون قیلان آزادلیقدان عمله گلیر. سئچمک و قرار وئرمک موقعینده اولان هر کس (مثلاً ساواش جبهه سینده اولان قوماندان (فرمانده) و قلمی الینه آلان یازیچی) بو

۱ - موقع، موقعیت: انسانین ایچیده اولدوغو بۆتون عینی (اؤنر کینو) شرایط دیر. هر کسین موقعی اونون کنجیشی، عیرف، صیغف - طبیقه، حیاتی و پلانلاریندان آسیلی دیر. یعنی انسانین فردیلیگینی، شخصیتینی تشکیل وئرن شیلرین نۆبوسودور.

سیخینتینی حس ائدر و یاشار اما انساندا بۇ سیخینتی حرکت یارادار. انسان تصادفله دونیا یا گلیمیش، یالنیز، اؤمودسوز ترک ائدیلمیش بیر مخلوق دور. بیر ایشه باشلاياندا اومودلانماق گره کمز، سئچه جه بیک اما سۇنونو دوشونمیه جه بیک. انسان آزاد اولاراق سئچدیگی اوچون دئمه لی ان یاخشیسینی سئچیر.

دینی اگزستانسیالیزم ده وار اولماق اؤزونو گنچمک و وجودونون اؤستونه چیخماق دیر و بو جریان سۇنسوز لوغا، تانرییا قدر گشدر، اونا گؤره سئچگی دن سونرا سیخینتی و اومیدسیزلیکدن قۇرتولماق ایجاب ائدر. اما سارترین گؤروشونده بو اضطراب هئچ بیتمز. چونکی وار اولماق قاپیسی هئچلیگه، بۇچلوغا آچیلار.

اومید اتمک، اولمایان شئیلری کومگه چاغیرماق دیر. آزاد عملدن سونرا پشیمانلیغا یئر یوخدور. چونکی ائله دیگیمیزی بیز سئچمیشیک و ایسته یه رک ائله میشیک. ائله بو بیر جنایت ده اولسا مادام کی ایسته یه ک ائله میشیک یاخشی دیر!

عمل اگزستانسیالیزم ده اساس دیر، شهرتیمیز، اخلاقیمیز و کارا کتریمیز، ائله - دیکلریمیزدن آسیلی دیر.

احساس، دۇغو، عملیمیزین نتیجه سی دیر. یعنی دویغو عملی حاضیرلاماز، عمل دویغونو حاضیرلار انسانین طالعی، قدری ده عمللری دئمکدیر. حیاتین اؤزونه گؤره خصوصی بیز معناسی یوخدور، اونو بیز عملریمیزله معنالاندیریریک.

اگزستانسیالیزم نه ماتریالیست نه ده ایدئالیست بیر فلسفه دیر. بورادا رئالیزمله ایدئالیزم قاریشمیشدیر.

اگزستانسیالیزم ادبیاتا گنچندن سونرا (رومان و تئاتر) بؤیوک شهرت قازانمیش و یایلمیشدیر.

اگزستانسیالیست یازیچیلارین هامیسی سارتری ایزله مه میشرلر، بونلار آراسیندا، کافکا، آلبر کامو (Camus) و ریلکه کیمی بؤیوک یازیچیلار واردیر کی هر بیری نین اؤزونه مخصوص گؤروشلری واردیر.

سارتری ایزله ینلر سارترین نشر ائندیگی یئنی زامانلار (Les Temps Modernes) درگی سینده یازان سیمون دۇبوار و مارلو پۇنتی (Marleau Ponty) اولموشلار.

سارتره گؤره ادبیات وسیله سیله انسان حقیقتی آخاریب شعور قازانار و بونلارلا انسانلیغین آزادلیغینا چالیشار. اؤنا گؤره بازیچی یاردیقلاریدان مسنول دور. سارتر یازدیغی «ادبیات نه

دیر<sup>۱</sup>» آدلی کتابیندا تههدلی ادبیات (Litterature Engagée) ین تملینی قۇیموش و بۇ کتابدا آچیقجا دئیر کی ادبیاتین مقصدی مبارزه دیر. بو مبارزه بیلک و شعور قازانماق، حقیقتی آختارماق و انسانی آزادلیغا قۇوۇشدورماق اوچون دور.

سارتره گۆره آنجاق صنعت و ادبیات دونیا یا معنی و نره بیلر. او خوشبختلیگی ده ادبیاتدا آختاریردی (سیمون دوپوار).

سارتر ادبیاتدا شعرله نثری مقصد جهتیندن ده بیر- بیریندن فرق لندییریر. اونا گۆره نثر بیر مقصدده چاتماق اوچون وسیله دیر اما شعر اؤزو- اؤزونه مقصددیر. او شعری رساملیق، هیكلتراشلیق و موسیقیه بنزه دیر. شاعیر کلمه لری علامت و نشانه کیمی یوخ اشیاء کیمی گۆرور، شاعیر کلمه لرله جمله قورماقدان چوخ شئی یاردار.

بۇبوک فرانسیز شاعیری پول والر ی ده شعری رقصه (اوباناماغا) و نثری یئریمگه بنزه تمبشیدیر. انسان بیر مقصدده چاتماق اوچون یول یئریر، اما بیر مقصدده چاتماق اوچون اؤیناماز. اونا گۆره اگزستانسیالیزم ادبیاتی (نثر) تههدلی و مسئول ادبیات دیر. بو مکتب ده یازیچی چاغی نین مسئله لری قارشیسیندا اؤز موقعیتی سنجیب آچقلار. بو ادبیات دا شکیل و اؤسلوب وسیله ساییلیر و اجتماعی محتوا - مضمونو اولمایان بدیعی گۆزه لیک دگرسیز قبول اندیلیر. ادبیاتدا شکیل و محتوا نظرده توتولمالی دیر.

سارتره گۆره یازیچی آزاد انسانلارا خطاب ائدن آزاد انسان دیر و یازدیغی موضوع دا آزادلیق دیر.

اما سارترین اؤز دئدیگینه گۆره قلم آزادلیغی مدنی آزادلیقدان آسیلی دیر. قلمین دایاندیغی گۆن یازیچی اینه سلاح آلمالی دیر. «منیم فیکریمجه بیر دوره نین ادبیاتی اوزمان اؤزونه یادلاشار (Alienation) کی آزادلیق و مستقللیگی نین شعورونو قازانماییب، بیر ایدئولوژی و یا اؤنا بنزهر گۆجلره تابع اولار.

ادبیات صینیف سیز، آزاد و دینامیک بیر جمعیتده شعورلو (Conscience اؤزونو درک) مرحله سینه چاتا بیلر و همدی انسانلاری آزادلیغا چاغیرماقدیر کی بو آزاد انسانلار انسان آزادلیغی حکومتینی حیاتا کئچیر سینلر. البته بو هله خیال و ایدئال مرحله سینده دیر.

اگزستانسیالیست یازیچیلار رومان و نثارت اثرلرینی داها چوخ فلسفی گۆروشله بزمیشلار. بۇنو سمون دوپوار نله ایضاح اندیر:

ایسدییه قدر کی رۇماندا، حکایه و نثارتلاردا بیر ادبی آدم، روحی خصوصیتلری ایله

۱- ادبات جیست زان پل سارتر، ترجمه ابوالحسن نحی، مصطفی رحیمی.

تصوير اۇلۇنوردو. بىز اۋنو، متافىزىك - فىلسفى دىيىلن، يعنى بىر آدمىن بۆتون دونىايا قارشى دۇرۇمونو گۈسترن خصوصىتىلرە ياشادا جاغىق. اما انسانلا دونيا آراسىندا كى مناسبت، بىر فىكر مناسبتىدىن چوخ، بىر مبارزه، بىر احساس يعنى جانلى بىر مناسبت دىر. بىز اثرلىرىمىزدە بۇنو وئرمك ايستە بىرىك. نگرانلىق، اۋلوم قۇرخۇسو، عصبان، حقيقتى آختارماق بىر انسانىن اساس شخسىيىنى، چىلىسلىك و قۇر خاقلىغىندان داها ياخشى آچىقلار.

ياخشى يازىلمىش، ياخشى اوخونان بىر فىلسفى رومان، ديگر ادبى نوعلىرىن ائىلە يە بىلمە ديگى مقياسدا حياتى آيدىتلار، آچىقلار. فىلسفى رومان، رومانىن ان يۆكسك نوعى دىر. اگرىستانىسالىپست ادبيات، جمعيت قارشىسىندا اۋرونو مسؤل و متعهد گۇردويو حالدا خلقە خطاب ائتمز. بۇ فىلسفە نى آنلايان سىنچىگىن طبقە يە خطاب ائدر.

ايندى نمونه اوچون سارترىن «مىلچىكلر» آدلى نمايشنامە سىندىن بىر پارچانى نقل ائدىرىك:

«مىلچىكلر»: «مىلچىكلر، سارترىن، اگرىستانىسالىپست فىلسفە سىنى آچىقلايان تعليمى ديداكتىك بىر تئاتر اثرى دىر. موضوعو هۇمر داستانى و ائلكترا تراژدى سىندىن آلتان بواثرده، سارتر، يونان تراژدىلرىنىن هامى سىندا اساس فىكر اولان ەدر - طالعىن ثابت ليگى و تانىلارنى يازدىغى البىن يازىسى گۇرۇشونە قارشى چىخىر.

اگرىستانىسالىپست فىلسفە سىنە گۇرە انسان اۋز حقيقى وارىلغىنى (ماهىت) آزاد سىنچىلرە اۋزو يارادىر. ائلە جە دە وجود (وارلىق) ماهىت دن قاباق گلىر. حالبوكى يونان تراژدى لرىندە، انسانلارنى طالعى (يعنى عمللرى و نە اۋلاجاغى) تانىلار البلە معيىن لىشدىرىلمىشىدىر. يعنى ماهىت وجوددان قاباق دىر و انسان آزاد اولاراق بىر شىنى سىنچە بىلمز. همىشە زئوس (Zeus) ون ايستە ديگى اولار.

آشاغىدا نقل ائتدىگىمىز حىصە اگرىستانىسالىپستىمى تمثىل ائدن اۋرستس (Orestes) ايلە طالعى و انسان اۋستو وارىلغى (مافوق بشر) مدافعه ائدن ژويتر (Jupiter) يا زئوس (Zeus) آراسىندا بىر مباحثە دىر. ائلكترا، آزاد سىنچىگە، آزاد عملە قابىلىتى اولمايان بىر انسان تىپى نمونه سى دىر. افسانە و داستاندا اۋلدوغو كىمى اۋرستس يىن آتاسى آگاممون (Agamemnon) ون قاتللىرى اولان اۋگنى آتاسى ائگىستوس (Aigistos) و آناسى كىوتامىسترا (Kiytamestra) نى اۋلدوروب باجىسى ائلكترا ايلە اۋلۇن مەبدىنە سىغىنلار. ائلكترا قاباقدان بۇ جنانىتى ايستە ديگىنە باخما ياراق پشيمان اۋلموش، اما اۋرستس بۇ ايشىدىن ممنون و راضى دىر. چونكى بۇ ايشلە وار اۋلوشونو (اگرىستانىسالىپستى) تامين ائتمىشىدىر و زئوسلا مباحثە يە باشلاير.



اوجونجو برده، صحنه ۲: (اۋرسته - ائلكترا - زئوس)

زئوس - يازيق اۇشاقلار، گۇردۆنوز نە حالا دۆشدونوز. (اۋرسته، اۋگنى آتاسيله آناسىنى اۇلدوروب و جنايت اۇرتاغى باجىسى ائلكترا ايله آپۇلۇن معبدینه سيغىنمىشدير. زئوس گلنده ميلچكلر، بحران و اضطراب سيمبوللارى كىمى، بۇ ايشه گۇره وجدان عذابى چكن ائلكترانى يثيرلر). غضبله ترحم (رحم ائتمك) بىر - بىرلريله ساواشیر اۆره ييمده ... آه، دلى گنجلىك، نە بۇ يوك پىسلىك ائله دىنيز اۆز - اۆزونوزه!

اۋرسته - ال چك بۇ بابا جانلىقدان، تانرىلارین شاهینا ياراشمیر. زئوس - سن ده بۇ راضىلىقدان ال چك، جنايتى نین جزاسىنى چكن بىر گوناھكارا اومور.  
اۋرسته - گوناھكار دگىلم من، قبول ائله مه دىگىم بىر جنايت اوجون جزا وئره بيلمه سن منه.  
زئوس - بلكه ده آلداندىن، اما صبرائله، بىر آزاسونرا گوزلرینی آچاچاغام.  
اۋرسته - ايسته دىگىن قدر سويله هئچ بىر شئيه پشیمان دگىلم.  
زئوس - ايشله دىگىن گوناھدان باجى نین دۇشگونلويونه ده مى؟  
اۋرسته - اۇنا داخى.

زئوس - ائلكترا، ائشىدیرسن مى، بۇ سنى سئودىگىنى ادعا ائدن آداما باخ.  
اۋرسته - جانىمدان دا چوخ سئویرم اۇنوه، اما غم - غصه لرى اۆزوندىن دیر. آنجاق اۆزو قۇرتولا بیلر بۇ غم - غصه دن: آزاد دیر.  
زئوس - اما سن، سن ده آزاد سان مگر.  
اۋرسته - ياخشى بیلیرسن.

زئوس - باخ اۆز حالینا، گۆستاخ و آخماق مخلوق، ائله بیل چوخ دا شانلى حالین وارمىش، آج ايتلر آراسیندا، قورویان بىر تانرى نین (آپۇلۇن) قیچلارى آراسینا گىرمىسن. سن آزاد اۇلاندا، بىر زندانین دىینده زنجیره وۇرلموش محكومون، چارمىخا چكىلمىش قۇلون دا آزاد لیغىندان دانىشماق گره ك.  
اۋرسته - نیه اۇلماسین؟

زئوس - دقت ائت، آپۇلۇن سنى قۇرودوغو اوجون قهرمانلىقدان دانىشیرسان، اما آپۇلۇن منیم هئچ سۆزومو يئره سالمايان بىر خدمتچیم دیر، بارماغىمى قوزاسام سنى بۇراخار.  
اۋرسته - ياخشى، قوزا بارماغىنى ايسته سن الینی ده قوزا!!

زئوس - نە فايدا، جزا وئر مكدن خۇشوم گلمز. دئمه دیم مى من سىزى قۇرتارماغا گلدىم.  
ائلكترا - بىزى قۇرتارماغا؟ مسخره ائتمه. اۇچ و اۇلۇم تانرىسى! اضطراب چكئله يالاندان

اومىد وئرمگە ھىچ كىمىن ھقى يوخدور. بىر تانرى داھى اۇلسا.

زئوس - ۱۵ دىققە چىكمز خارجه چىخا بىلرسن.

ائلكترا - ساغ ساغلام مى.

زئوس - سۆز وئىرىم سەنە.

ائلكترا - بۇنا قارشىلىق مىندن نە اىستە بىرسن.

زئوس - سانكى ھىچ بىر شىئى، بەنى چوخ آسان وئره بىلە جىگىن شىئى: بىر آز پشىمانلىق.

اۇرستە - دقت، ئلكترا: بۇ «ھىچ» بىر داغ كىمى روحونون اۆستونە چۈكە جىك.

زئوس - (ائلكتروايا) دىنلە مە اۇنۇ، بۇ جىنايتى انكار ائتمەلى سەن، باشقاسى ائلەدى بۇ

جىنايتى، سەن گۆناھ اۇرتاغى دئمك دە گۆج.

اۇرستە - ئلكترا، اۇن بئش اىللىك كىنى و اۇمودو انكارمى ائدە جىك سەن.

زئوس - انكار ائدن كىم، او ھىچ واخت بۇ دىنسىز ايشى اىستە مەدى.

ائلكترا - آه تانرىم! سئو گىلى تانرىم نە قدر اىستە ردىم سەھواتمە بە سەن.

اۇرستە - دقت ئلكترا، بو ھىچ، بىر داغ كىمى روحونون اۆستونە چۈكە جىك. نىيە قارار

وئرمگى باشقاسىنا بۇراخىر سان. اۇقىزغىن، گىنج كىن اىلاھە سىنى نىيە انكار ائدىرسەن. بو

ظاللىم تانرى سنى مسخرە ائدىر، گۆرمۆرسەن مگر اۇنۇ.

زئوس - سىزى مسخرە ائتمك مى، تىكلىفمى دىنلە بىن جىنايتىنىزى انكار ائدرسە نىز ايكى -

نىزى دە آرگوس Argos تىختىنە اۇتوردا جاغام.

اۇرستە - اۇلدۆردو كلرىمىزىن يئرىنە مى.

زئوس - ائلە اۇلا جاق.

اۇرستە - قاتىللىرىن ان آلچاغى پشىمان اۇلاندىر.

زئوس - اۇرستە! سنى من ياراتدىم، ھەر شىئى من ياراتدىم، باخ! مەبىدىن دىوارلارى

آچىلىر، گۆى گۆرۆنۆر، اۇلدوزلارلا دۆلدۆر، دۇنن دۇلاشان اۇلدوزلارى دا. زئوس

صحنە نىن دىيىندە دىر. سسى قۇرخۇلو بىر سس اۇلوب - مىكرۇفون - اما چىتىن آنلاشلىر.

بىر دفعە دە بىر - بىرىنە چارپىمادان منتظم دۇنن دۇلاشان (فىرلانان) بۇ سپارە لرە باخ،

اۇنلار بىن يۇللار بىننى من سەمانلادىم، عدالت اۇزرىنە. كۆرە لرىن اۇبۇمونو دىنلە، گۆيون دۇرد

گوشە سىندە عكس ائدن معظم ماھىنىنى دىنلە. (مئلودرام) مختلىف مخلوقلار منىم امرىمە ياشار.

انسانىن ھەر زامان انسان دوغماغى، ايت بالاسى نىن ھەر واخت ايت اۇلماغىنى من بۇبوردوم.

بىتگىلىرى من بۇبۆدەرم. تۇرپاغىن اۆستوندە اۇچان سارى پۇلن بۇلۇدلار بىننىم نىقسىم، استقامت

وئورر.

اۆز یوردوندا دگیلسن یابانجی! ات ده کی سۆموک پارچاسی کیمی سن. بیگزاده نین منشه سینده کی قاچاق اۆجو کیمی سن، یئر اۆزوندە: چونکی دنیا یاخشى دیر. اونو اۆز امریمه گۆره یاراتدیم و من «یاخشیلیغام»، اما سن پیسلیک ائله دین. یئر - گۆی ده سنی گۆناھلی ییلیر. یاخشیلیق هر یئرده دیر...

یاخشیلیق سنین ایچینده دیر، سنین ائشیگینده دیر: بیر اۇراق کیمی کسیر سنی، بیر داغ کیمی ازیر سنی، سنی بیر دیز کیمی سۆروب آپاریر. ائله دیگین پیسلیگین ده باشاریسینی اۇ تأمین ائتدی. شام (شمع) لارین ایشیغی، قیلیجی نین کسرلیگی، قۇللاری نین گۆجو اۇلدى سۇنرا غرورلاندىغین، ائله دیگین بۇ پیسلیک ده وارلیغین بیر یانسیماسیندان، گیزلی، یاخشیلیغین یاردیم ائدیگی آلدان بیر تظاهر دن باشقا نه دیر کی.

اۆز منلیگینه قاییت اۇرسته، کائنات سنی سۇچلو گۇرور، سن ده، کائنات دا بیر کچیک قۇرددان باشقا بیر شئی دگیلسن. طبیعت قاییت سۇسوزلاشمیش (مانقۇر تلامشیش) اۇغول! قسۇرونو بیل، اوندان سبلکه لن، اونو پس قۇخویان چوروک بیر دیش کیمی آت یا دا اۇنونده دنیزین چکیلمه سیندن، بۇلاقلارین قۇروماسیندان، بۇلوندا داشلارین، قایالارین بۇوارلانماسیندان آياقلارین آلتیندا تۇریاغین اۇوۇلماسیندان قۇرخ.

اۇرسته - اۇوۇلسون! قایالار محکوم ائله سینلر منی، من گئچنده بیتگیلر سۇلسون. بۆتون کائناتین منی حفسیر تانیماسی یئتمه یه جک سن تانریلارین شاهيسان زئوس! داشلارین و اۇلدوزلارین شاهيسان. اما انسانلارین شاهی دگیلسن.

زئوس - شاهین دگیلم می گۇستاخ قۇردجوق ائله ده کیم سنی یاراتدی.

اۇرسته - سن اما، منی آزاد یاراتما مالی یدین.

زئوس - منه خدمت ائتمک اۆچون آزادلیغی وئردیم.

اۇرسته - بۇ مومکون دور اما سنین علیهنه اۇلدو. هئج بیر شئی بۇنا قارشى ائيله یه بیلیمه ریک. نه سن نه ده من... بیلیرم کی اۇزۆمدن باشقا کیمسه دن کۆمه ییم یۇخدور. اما سنین یاسانا قایتما یا جاغام. اۇز یاسامدان باشقا یاسا تانیماما غا محکومام. طبیعت قایتما یا جاغام: سنه گلن مینلرجه بۇل وار اما یالئیز اۇز بۇلومدان گئده بیلهرم من. چونکی من، انسانام زئوس! هر انسان اۇز بۇلونو اۇزو دۆشونوب تاہمالی دیر. طبیعت انسانلاردان نفرت ائدر سن ده، سن ده تانریلارین شاهی! نفرت ائدیر سن انسانلاردان.

## ادبی نوعلر

(Genres Littéraires)

شکلیل و محتوا باخیمیندان اورتاق قایدالارا گؤره یازیلیمیش و یا سؤیلنمیش اثر تۆپلوسونا ادبی نوع دئییلیر. اؤنا گؤره مختلیف ادبی نوعلری واردیر، بۇنلار اۆچ بۆلمه ده تدقیق ائدیلیلر:

۱ - سۆزلو ادبیات نوعلری

۲ - نثر نوعلری

۳ - نظم (شعر) نوعلری

سۆزلو ادبیات نوعلری نظم و نثر شکلینده اولاییلر. بونلار، ناغیل، داستان، آتالار سۆزوو سایره دن عبارتدیر و ۱۳۶۷ ده یازدیغیمیز «آذربایجان شفاهی خلق ادبیاتی» آدلی کتابیمیزدا ایضاح ائدیلمیش دیر.

آذربایجان ادبیات کتابلاریندا ادبی نوعلری آشاغیداکی شکلیلده تعریف و تصنیف ائتمیشلر.

قۇرولوشلاری بیر - بیرینه بنزه مه باخیمیندان ادبی - بدیعی اثرلری اۆچ نوعه آیریرلار: ائپیک، لیریک و درام اثرلر.

ائپیک اثرلرده یازیچی، انسانلار و حادثه لر حقیقنده روایت (حکایت ائپوس) (Epos) حکایه دئمکدیر) ائتمک بۆلیله وارلیغی تصویر ائدر. رومان، حکایه، نوئل، بؤوست و اؤچشک بۇ نوع اثرلردندیر.

غناپی، لیریک اثرلرده حیاتین، وارلیغین و هرھانسی بیر شئین یازیچی دا اؤیاتدیغی

تأثیرلر، داخلی دۇيغولار، هیجانلار وثریلیر. بو اثرلرده حس و هیجانلار اثرین جانینی تشکیل ائدر.

درام حرکت و عمل دئمکدیر. صحنه اوچون یازیلیمیش بدیعی اثرلره درام دئییلیر. تورک مؤلفلریندن احمدقاباقلی یازدیغی تورک ادبیاتی کتابی نین بیرینجی جلدینده بو چئشید تصنیفی ادبیات اثرلری نین ایضاح و ایفاده شکیللری (آنلاتیم یولو) کیمی قبول ائدیر و عینی ادبیات نوعو اثرده مثلاً روماندا تصویر، تحکیمه، دانشما، خطاب کیمی ایفاده شکیللری نین هامیسی اولایلدیگینی قید ائدیر.

ایران ادبیاتیندا دا ادبی نوعلری اؤنجه نظم و نثر نوعلرینه بؤلوموشلر.

### الف: ادبی نثر و نوعلری

نثر داغینقلیق دئمکدیر، ادبیاتدا وزن و قافییه سیز سؤزه دئییلیر. ایکی جور ادبی نثر واردیر: ساده و یا فرسل، بیر ده سجعلی (مسجع) نثر.

سجع نثرده شعرین قافییه سی کیمی دیر. سجعلی نثر قدیم چوخ ایشله نردی. بۇنون نمونه لرینی فضولی نین دیوانیندا یازدیغی مقدمه ده گۆره بیله ریک: «اما بعد راقم تسویدات صحایف عصیان، فضولی ناتوان، بۇ طرز ایله بیان حال و بۇ نهج ایله شرح مافی البال ائدرکی... بۇرادا عصیان ایله ناتوان و بیان آراسیندا و حال ایله بال آرالاریندا سجع واردیر. بۇ گۆن سجعلی نثر مۇددان دۆشموش و تقریباً اؤنودولموشدور.

ادبی نثر، دۆشونجه و دۇيغولاریمیزی گۆزهل و تأثیرلی هم ده آچیق و دۆز گۆن دیلله ایفاده طرزلی دیر. ادبی بدیعی نثرده تصویر، خیال و دۇيغو چوخ گۆجلودور. ایفاده طرزلی ده فصاحت و بلاغت قایدالارینا اؤیغون اؤلمالیدیر.

فصاحت و بلاغت دن مقصد سؤزون دۆز گۆن، آچیق - آیدین و مناسیب (یئرینده) اؤلماغی دیر.

ادبی نثرین تاریخی، شعره گۆره یئنی دیر. اسکی دن داستان، درام (نمایشنامه) لار شعرله یازیلاردی. اوروپادا ۱۸ - جی عصردن سونرا رومان و درام اثرلری نثرله یازیلماغا باشلادی و یاواش - یاواش شعردن قاباغا گئچدی. اسکی دن بری نثرین نوعلری خطاب (Oratoire)، تاریخی و داستان نثری و تعلیمی یا دیدا کتیک نثر اولموشدور.

بۇ گۆن ادبی نثرین مهم نوعلاری بۇنلاردیر: درام یا تئاتر (نمایش نامه)، رومان، حکایه، خطابت، ترجمه حال، خاطیره لر، سیاحت یازیلاری، تنقید، مکتوب، مقاله، طنز حکایه

(Anecdote) و سایره.

درام یا تئاتر، رومان، حکایه و بؤکیمی نوعلر نظم و نثر شکلینده ده یازیلار.

### درام- تئاتر:

تاماشاچیلارین قاباغیندا صحنه ده آرتیست لرین تمثیل ائتمه سی و اؤیناماسی مقصدیله یازیلیمیش اثرلره درام و یا تئاتر اثری (نمایشنامه) دئییلیر. درام یونانجا حرکت - عمل دئمکدیر، دئمه لی درام و تئاتر اثری تامشاجیلارین اؤنؤنده حرکت حالیندا گؤستریلیر. دیگر نوعلر اؤخوماق و یا ائشیدمک اوچون یازیلسا دا درام سیر ائتمک اوچون یازیلار.

تاماشا اثری اؤچ وارلیغین تۇبلانماسیله عمله گلیر. بۇنلار: یازیچی، اثر و اؤیون دور. یازیچی: چوخ واخت امضاسی بللی بیر آدم دیر. بعضاً ده بللی دگیلیر.

اثر: یازیلی بیر متن دن عبارتدیر. بعضاً قاباقدان حاضیرلانمیش و آرتیستلرین اؤستالیغینا بۇراخیلمیشدیر.

اؤیون یا تمثیل: درام اثرین اساس شرطی دیر. درام اثرین دگری و یازیچی نین باجاریغی آنجاق صحنه یه قۇیولوب اؤیناندىقدان سونرا بللی اؤلور. تئاتر گروپ شکلینده باشاریلان و یا باشاریلمايان بیر صنعت دیر. بورادا آرتیست و یا آکتیورلارین، دکوراسیونون و اداره چیلرین (رژیسور) ده یازیچی و اثر قدر رۇلو واردیر.

درام اثرین عنصرلاری: هر درام اثرینده آلتی عنصر واردیر. موضوع، آدمالار، محیط، زامان، اؤسلوب و مقصد.

موضوع: بورادا موضوع صحنه ده باش وئرن بیر حادثه و یا حادثه لر سلسله سی دیر. حادثه یازیلیمیشدیر، بعضاً سۇزلو ده اؤلایلر.

درام اثرلری نین موضوعلاری، میتؤلؤزی دن، افسانه لردن، تاریخدن و یاشادیغیمیز حیاتدان دا آلتا ییلر. البته ناغیل کیمی خیالا دایانان اثرلرده واردیر.

ؤلتر تئاتر صحنه سینی بیر مجادله، مبارزه مئیدانینا اؤخشاتمیش دیر. بو مبارزه آدمالار آراسیندا و یا انسانلارلا تانریلار، حیوانلار و طبیعت اوستو قوه لر آراسیندا اولاییلر. مبارزه، عشق، پؤل، ایدئال، دین، طالع و احتراض کیمی سیبلردن اولاییلر. بعضاً حرکتلی طرزده گؤستریلن مبارزه لر بعضاً ده سؤیلمک شکلینده اؤلور. درام اثرینی دگرلندیرن اساس هنر، آدمالارین بیر-بیرلرینه پارالل اولان (اویان) و یا قارشى گلن احتراض و مبارزه لرینی جانلی و

حرکتلی بیچیمده گۆسترمه لری دیر.

تاماشاچیلاری و آکتورلاری یاخیندان تانیماق، صحنه و اویون امکانلارینی بیلیمک، زامانیندا بیر رژیسور کیمی، یازماقدا اولدوغو اثری اویونانان حالیندا ذهنینده حاضیرلاماق درام اثری نین یازیچی سینا ان فایدالی عامللر دیر. تصادفی دگیل کی دونیانین بیر چوخ بویوک دراما تۇرقلاری تئاتریناسی نین ایچیندن چیخیلار.

اسکی یونانستانین ان بویوک تراژدی یازیچیسی اشیل، فرانسه نین بویوک تئاتر یازیچیسی وولتر، بۇنون جانلی مثاللاری دیر. وولتر یازیچی و فیلسوف اولدوغو حالدا بیر چوخ تئاترلاردا صحنه ده رۇل آلمیشدیر.

شکسیرین تئاتر قابی سیندا مهترلیکدن، سۇنرا پرده چیلیکدن باشلا یاراق آکتورلوقا و سۇنرا بویوک یازیچیلغا یۆکسلمه سی مشهور دور.

تئاتردا زامان محدودیتی اولدوغو اوچون، اورادا کی حادثه لر معیین زامان ایچریسینده قۇر تارمالیدیر. سۇنرا اثر صحنه ده گۆستريله جگی اوچون یازیچی صحنه نین بیر چوخ طلبلرینی نظرده تۇتمالی دیر. صحنه ده وئریلن حادثه لرین ایضاحیندا یالئیز آرتیست لرین دانیشیغی دگیل اۇنلاری صحنه ده احاطه ائدن شرایطین (دکۇراسیون، ایشیق و سایره) ده بویوک رولو واردیر. صحنه ده کی دانیشیق ایکی شکیلده اولاییلر: تکلیکده (مۇنۇلۇق) و ایکیلیکده (دیالۇق). مۇنۇلۇقدا ناطق، قارشیسیندا دۇران بیرشخصه مراجعت ائتمیر، بعضاً اۇز- اۇزونه سنوال وئریر، اۇز سنوینجینی، اۇز کدرینی ایفاده ائدیر.

دیالۇق ایکی و یا داها چوخ پرسۇنازین بیر- بیرله دانیشیغی دیر. دیالۇقۇن اساسینی سۇرغۇلار- سنواللار، جاوابلار، مباحثه لر تشکیل ائدیر. درام دا آز سۇزله چوخ فیکر وئرمک و معنالی حرکت ضروری دیر. بۇرادا بعضاً بیر فیکری: ال- اۇز حرکتلری، دانیشیغین آهنگی و سس تاماملاییر. بعضاً بۇ حرکتلر سۇزلرین ده یشینه گنچه بیلیرلر. مثلاً صحنه ده، راضی سان می) سنوالی نین جاوابی آرتیست طرفیندن ال، اۇزوباش حرکتلرله ده وئريله ییلر.

درام اثرلرینده زامان مسئله سی خصوصی یئر تۇتور. اگر بیر درام اثری نین اۇخۇنماسی ۱/۵ و یا ایکی ساعات و اخت آپاریرسا، او، صحنه ده ۵- ۴ ساعات و اخت آلیر. چونکی صحنه ده سۇزلرین دئیلمه تمبی، آهنگی و حرکتلر، اۇخوماق زامانيله عینی وضعیتده اولماییر.

دراماتیک اثرلر پرده لره و پرده لر شکیللره، شکیللر گیش لره بۇلۇنور.

پرده لر بیر- بیریندن تنفس له آیریلیرلار. بعضاً بیر پرده ده وئریلن ماتریاللار یئرین (مکان) دگیشمه سینى طلب ائدیر. او زامان هر پرده ایکی و یا اۇچ شکله بۇلۇنور. رژیسورلارین پرده یه

كلمه سینه گلیش دئیرلر. اشتراك ائدن تیلرین دانیشماسینا ریلیکادئیلیر.  
دراما تیک اثرلر هم شعر، هم ده نثر ایله یازیلایلر.

### درا م اثرلری نین چئشیدلری:

تئاتر دا اؤینانان حادئه لرین خصوصیتیندن آسیلی اؤلاراق درا م اثرلری نین مختلف نواعلری واردیر. بونلار تراژدی (غم لی - کدرلی درا م)، کؤمئدی (گؤلدوروجو...) و درا م یا آجیقلی گؤلونج آدلاریله مشهور اولوبلار. بونلارین کلاسیک شکیللریله یاناشی سونرادان مئیدانا چیخان باشقا شکیللری ده واردیر.

### تراژدی (فاجعه نوعی):

ان قدیم درا م نواعلریندن دیر. اولاً یونانستاندا یارانمیش (میلادان ۵۰۰ ایل اول) و اصلی دینی مراسیملردن عمله گلیمشیدیر.

قدیم یونانلیلار مۆنبتلیک و بیتگی تانریسی دیونیسین شرفینه دینی بایرام مراسیمی گنجیردیلر. بۇ مراسیم لرده دیونیس کئچی و یاخود بوزؤو شکلینده تصویر ائدردیلر. (اسکی یونانچادا (Tragos) = کئچی دئمکدیر). اونا گؤره بو مراسم تراگئدیا، تراژدی آدیله مشهور اولموشدور.

اساطیره گؤره دیونیس یئر اؤزونده گزه رکن تیتانلار (دئولر) طرفیندن پارچا - پارچا ائدیلمیشدیر. اولیمپ تانریلاری نین باشچیسى زئۇس اؤنون اؤره گینی اؤدموش و دیونیسى یئیندن دیریلتمیشدیر. بۇ دینی مراسیملرده دیونیس ین مصیبتلری و اضطرابلاریله باغلی الملی نغمه لر اؤخوناردی، دیونیسه خطاباً یئنه دیریلمه گینی آرزو ائدردیلر و اؤنون شرفینه کئچینی قۇربان کسردیلر. دیونیس مراسیملری اؤزوم ییغیلان زامان کئچیریلدی.

بۇ دینی مراسیملری اجرا ائدن شخصلر بیرلیکده (کؤر = خور) نغمه اؤخویار و تقلیدی (Mimika) حرکتلر گؤسترردیلر. سونرالار کؤر (خور) ون ایچریسیندن بیرسی کؤرؤ اداره ائتمکله یاناشی احوالاتی نقل ائتمگه، دیونیس اوسطوره سینى سؤیله مگه باشلادی. یاواش - یاواش تئاتر شکلینى آلمغا باشلایان بۇ مراسیملر گئت - گئنده تئاتر اچئوریلدی. بۇ اؤیون تاماشاچیلاردا مارق، قۇرخو، مرحمت حسی اؤیادیردی. سونرالار صحنه ده یالتیز دیونیس ین دگیل باشقا تانری لارین دا حیاتی هم ده اساطیری قهرمانلار داعی تصویر اؤلنوردو و احوالاتی عاداتاً هؤمرین اثرلریندن گؤتورردیلر.



بۇ صورتلە قەدىم یونانستاندا ھەم تئاتر صنعتى، ھەم دراماتورگيا (نمایشنامە و درام اثرلىرى) يارانمىشىدۇر.

ایلىك نۇپوك يونان دراماتورگى اشيل (اسخيل) دیر (۶ - ۵ میلاددان قاباق) اشیل درام دا بۇپوك دگیشیکلیکلر عملە گنیردی. یونان دراماتورگياسی نین اساسینی قۇیانلار اشیل، سۇفوکل و یورپید دیر. (Euripides)

تراژدی شکسپیرین اثرلریلە داھا یۆکسک بیر مرحله یە قالدیریلیمش دیر. دئمە لی تراژدی انسانلارا قۇرخو، ھیجان و مرحمت آشیلماقلا عبرت درسى وئرن ان اسکی تئاتر نوعودور.

تراژدی دە قهرمان چتینلیکلرە باخما یارق اۆز یولوندا دۇنمور. مبارزه دە محو اۆلسادا، اۆزۆنون بۇیۆکلویونو ساخلاییر، قهرمانین وۇرۇشدوغو قۇوہلر تراژدی نین تم و موضوعونا گۆرە مختلیف اۆلورلار. قەدىم یونان تراژدی لریندە قهرمانی محوئان گویا «قضا و قدر» ین حۆکمو اولوردو.

شکسپیرین اثرلریندە بیرینجی پلاندا قضاوقدر، گیزلی قۇوہلر یۇخ انسانین داخلیندە کی مختلف تضادلار، چکیشمە لر (کۇنفلیکت) و بۇنلارین نتیجە سیندە انسانین گۆردۆبوايشلر و حرکتلر و اۇنلارین نتیجەلری رۇل اۇیناییر.

تراژدی نین قایدالاری: تراژدی بئش پردە دە اۇیناییر. یونان تراژدی لری ۶-۳ اپیزود (حادثە، پردە یثرینە) لارا آیریلاردی و ھر اپیزود بیر پردە یثرینە گنچیردی. تراژدی نین بیر گیریش بۆلمە سی (پرۆلوق) واردی کی بۇرادا صحنە دە گۆستریلە جک حادثە نین باش طرفی، قاباقکی صحیفەلری ایضاح اندیلیردی. تراژدی نین سۇن حصە سینە دە اکزۇد (Exode) دئییلردی.

موضوع: یونان تراژدی لریندە موضوع، یا میتۆلۆژی دن و یا ھۆمرین داستانلاریندان آلبنمیشدیر. ۱۷- جی عصرده فرانسیز تراژدی شاعیرلری بو قاینالارلا یاناشی لاتین، اسپانیا و عثمانلی تاریخلریندن دە موضوعلار آلدیلار.

بۇ تراژدی لردە تانریلارین و یا شاهلارین، ملکہ و شهزادەلر کیمی ان اۆست طبقە آدمالارین آرالاریندا کی علاقه و چکیشمە لر ایضاحلی شکیلدە گۆستریلردی. تاماشاچیلارا آنجاق یاخشى شئیلر گۆستریلردی. بئس، چیرکین شئیلر صحنە نین دالیندا جریان ائدر، تاماشاچیلارا آنجاق خبری وئریلردی.

تراژدیلر، داستانلار کیمی ھمیشە گنچمیش زامانی گۆستریر. تراژدیە حادثە، آدمالار،

اوسلوب باخیمیندان داستانلارین صحنه به اویغولانمیش شکیللری گۆزیه باخیلایلر.  
تراژدی ده محیط بیر تک شهرین بللی بیر گوشه سی ایدی. چونکی اوزامانلار مختلف  
محیطلری گۆستره ییلن دکور یوخ ایدی.

تراژدی نین بۇ اۆچ عنصر و آراسیندا وحدت قایداسی بورادان توره میشدی. بۇ، حادثه ده،  
زاماندا و محیط ده (مکاندا) وحدت دئمکدیر.

زامان وحدتی: تراژدی ده حادثه ۲۴ ساعتدا باش وئرمه لیدیر. بۇنون اوچون تک و بسیط  
بیر حادثه نین ان سۇن و تأثیرلی بۇلمه سی گۆستره ریلیر و لازیم اولسا حادثه نین باش طرفی  
گیریش (پرؤلوق) ده حکایه اندیلیر.

حادثه وحدتی: تراژدی ده تفرعاتا گیرمه دن تک بیر حادثه گۆستریلیر، حادثه نین اۇن و  
سۇن طرفلری، سبب لری و نتیجه لری، خۇرون آغزیه لازیم اۇلدوقجا ایضاح اندیلیردی.  
محیط - مکان وحدتی: حادثه بیر یئرده باشلار و اؤرادا دا قۇرتاراردی.

آداملار: تراژدی ده بسیط و یا اؤرتا سویه لی آداملار اۇلماز. آداملار، تانری، ایلاهی، یاریم  
تانری کیمی سانیلان وارلیقلار یا داشاه، ملکه، شهزاده، کاهن کیمی اصیل و اؤستون آداملاردی.

اوسلوب - تراژدی ده اصیل اوسلوب ایشله نیر، قابا، چیرکین، بایاغی و حتا عادی سۇزلر  
دئیلمزدی. تراژدی شاعیرلری مصراعلاری نین درین معنالی و حکمت دؤللو اۇلماغینا دقت  
ائتمیشلر. بۇنلار تشبیه و استعاره دن فایدالاندىقلاری حالدا آچیق یازماغی دا باشامیشلار. بۇرادا  
مونولوقلار و دیالوقلاردان باشقا آریتستلرین بیر - بیرلرینه سسله نیشلری (Trat) ده چوخودور.

مقصد: تراژدی نین قدیم تعریفی اونون مقصدینی یاخشى آچیقلايیر: «انسانى  
اضطرابلارین ایفاده سی اولان تراژدی، تاماشاچیلارین رۇخوندا، قۇرخو و مرحمت یاراتماقدیر.

تراژدی ده طالعه، اخلاق، عادت و عنعنه لره ده یؤکسک قیمت وئریلمیشدیر.

۱۷ - جی عصر دن سۇنرا تراژدی ده کی اۆچلو وحدت قایداسی آرادان گئتدی. شکسپیر و  
آلمان دراماتورقلاری، سۇنرا دا فرانسىز یازیچیلاری وحدت قایداسینی نظرده تۇتمادان تراژدی  
یازماغا باشلادیلار و اضطراب و مرحمت تملینه دایانان اثرلر یاراتدیلار.

یشنی تراژدی لر، پؤل، عشق، شهرت و گنجلیک احتراصلارینا دایانان «احتراض  
پیئسلری» یا درام اثری و یا تاماشاچیلار دا کدرلی دۇیغولاری و شفقتی اۇیادان «سیخینتی  
پیئسلری» و یا قۇرخولو - وحشتلی حادثه لری گۆسترن «قۇرخو پیئسلری» دیر.

بیر ده گۆنوموزده چوخ یایقین اولان مثلودرام واردیر.

مثلودرام: مثله یونانجا، بسته، نغمه دئمکدیر. بو چئشید تئاتر ۱۹ - جو عصرین یاریسینا

قدر اسکی شکیلینده داوام ائتمیشدیر. یعنی موسیقیلی و کدرلی بیر درام نوعی اولموشدور. اوندان سونرا موسیقی سیز اوینانديغی حالدا یئنه اسکی آدینی محافظه ائتمیشدیر. اؤج آلماق، خیانت، فلاکت کیمی کدرلی وحشتلی موضوعلار و غریبه تصادفلر مثلودرامین مضمونلارین تشکیل اندیر و سونوندا هر تراژدی ده اولدوغو کیمی عبرت درسی وئرن بیر حادئه ایله بیتیر.

### کومئدی (Comedie):

کومئدی اثری گؤلوشون اؤستونلویو ایله یازیلان اثر دیر. گؤلوش لحظه لری درام و تراژدی ده داعی اولاییلر، لاکین کومئدی ده حاکیم یئر توتور. بو گؤلوش هم آیری- آیری اؤبراز (صورت- پرسوناژ) لارا اولان مناسبت ده، هم ده احوالاتین عمومی گئدیشینده حس اولونور، کومئدی نین قهرمانی گؤلونج و منفی آدماملار اولورلار. کومئدی ده کی بؤتون پرسوناژلار و یا اؤنلارین اکثریتی اؤز دانیشیق و حرکتلریله گؤلوش دؤغورورلار. کومئدی نین قایدالی شکلی ده قدیم یونانستاندا ظهور ائتمیشدیر. آریستوفان (۴ - جو عصر میلاددان اول) و مناندروس (Menandros) (م. اول ۲۹۲ - ۳۴۲) ایلیک کومئدی اثرلرینی یازمیشلار.

کومئدی، آدماملارین، حادئه و عادتلرین گؤلونج و اگئندیرجی طرفلرینی گؤستریمک صورتله عبرت وئرمگی و خوش واخت گنجیرمه گی مقصد سنچن تئاتر نوعو دیر.

ایکی اؤزلو، قۇرخاق، فضول و خسیس و بونا بنزه ر انسان خاصیتلرینی افراط درجه لرله صحنه ده گؤستریب، هر کسی بیر آز اؤز- اؤزون گؤلدوروب تریبه اندر.

اسکی دن منظوم یازیلان بۇ اثرلر ۱۷ - جی عصر دن بۇ یانا نرله ده یازیلیر.

موضوع: بۇرادا موضوع چاغین و جمعیتین گؤلوک حیاتیندان آلینار.

محیط: مکان بللی بیر یئر دیر. زامان یازیجی نین یاشادینغی چاغ دیر. بورادا اسکی دن اوچلو وحدت قایداسی واردی. چونکی پرده و دکؤر اولمادیغینا گؤره صحنه نی دگیشمک مومکون دگیلدی.

آدماملار: گؤنده لیک حیاتدا گؤرولن عادی آدماملار دیر. بعضاً مشهور کیمسه لرده تحقیر اوچون صحنه یه گئیریلیلر (آریستوفانین اثرلرینده سقراط کیمی).

اوسلوب: بورادا تراژدی نین عکسینه اصیل اوسلوب ایشلمزم. شوخلوق، کلمه اؤیونلاری، جناسلار، بایاغی ایماء و اشاره لر چوخ ایشله دیلیر.

مقصد: کومئدی ده مقصد جمعیتین قصورلو طرفلرینی، انسانین گؤلونج خاصیتلرینی مبالغه لی شکیلده، بیر دئو آیناسیندا بؤیوده رک گؤستریمک دیر. بونولا هم تاماشاچیلار اگله نیر

ھەم دە قىسورلو خاىىتىلر تىقىد ائىدىلىمىش اۆلور. بۆتون بۇنلارى نظردە توتاراق مولير كومىندىنى بئله تعريف ائىمىشىدىر: كومىندى، انسانلارى گۆلدورمك بوليله اصلاح ائىتمك صنعتى دىر. كومىندى نىن چىشىدىلرى: كومىندى نىن باشلىجا چىشىدىلرى بونلاردىر: كاراكتىر كومىندىسى، عادت عنىنە كومىندىسى، ھجو و طنز (ساتىرا) كومىندىسى و ھىلە (اىنترىكا) كۆمىندىسى و اجتماعى كۆمىندى.

كاراكتىر كومىندىسىندە انسان قىسورلارى بللى تىپ لردە گۆستىرلەر ك صحنە دە گۆلونج ھاوا يارادىلىر. مىللايكى اۆزلو بىر ادامدا گۆرولن ھامى قىسورلار موليرىن تارتۇف (Tartuffe) وندا گۆستىرلىمىش دىر. كاراكتىر كومىندىسى نىن شاھ اثرى موليرىن خىسىس (L'avare) پىشىسى دىر.

عادت - عنىنە كومىندىسىندە، جمعيت و يا بۆتون انسانلىغىن قىسورلو طرفلرى ھجو ائىدىلىر. اجتماعى قىسورلارى الە آلان كومىندى زانرىندا حىياتداكى چىركىن جھتىلر، يارامازلىقلار، منفىلىكلەر اثر دە قاربىق شكىلدە گۆستىرلىر. بۇ چىشىد كومىندىلرىن اىلك نمونه لرىنى آذربايجاندا م. ف. آخوندوف و اۆندان سونران ب. وزيروف و حق وئردىف و جليل محمد قلزادە و سلیمان ئانى يازمىشلار.

ھجو كومىندىسى: ادبى ھجوین (ساتىرا) صحنە دە وئرىلمىش شكلى دىر. بو چىشىد كومىندى دە بىر انسان، بىر گروپ و يا بللى بىر حادثە گۆلونج ائىدىلىر. ھىلە كومىندىسى: تكجە گۆلدورمك اوچون يازىلان اثرلردىر. حادثە لردىونلو و چۆزمەلى شكىلدە تىرتىب ائىدىلىر، عجايب تصادفەرە بىر وئرىلىر.

كومىندى دە بىر سىرا گۆلوش اۇصوللارىندان استفادە ائىدىلىر. مىللا:

۱ - «دمونستراتىو افشاء و يا اۆز اۆزۆنو افشاء. مىللا م. ف. آخوندوفون «موللا ابراهيم خليل كىمياگر» اثرىندە حاجى نورى نوخا (شكى) تاجرلرىنى، اۆنلارنى اۆز سئواللارىلە گۆلونج وىعتە سالىر.

۲ - كىيىنمە و كىيىم واسىطە سىلە گۆلوش دۇغورماق. (مىللا حاجى قارانىن سفىرە حاضرىلانماسى سئوبىل اثرىندە بالاش - ين آتاسى نىن كىيىمى).

۳ - صحنە و ايفادە لرىن تكررلانماسى واسىطە سىلە گۆلوش ياراتماق.

۴ - بىر - بىرىنى باشادوشمە مكلە يارانان گۆلوش.

۵ - بۇش اۆيۆنمە و لوغالانماغى تصوير واسىطە سىلە گۆلوش دۇغورما.

۶ - معناسىز سۆزلرلە گۆلوش ياراتماق.

- ۷- محاکمه ده ضعیف، گؤلونج دلبلر گنیره رک گؤلوش یاراتماق.  
۸- جاهللیک، عواملیق و یا اوزونو بیلمه مزلیگه وورماقلا گؤلوش یاراتماق.

### درام:

درام اثرلرینده گؤلونج، عادی، وحشتلی حادثه لرله کدرلی، اینجه و گؤزل حادثه لر برابر تصویر اولونور. درام کلاسیک تئاترین سون محصولو و یئنی تئاترین دا باشلانغیجی ساییلیر. شعر و یا نثرله یازیلار. اؤچ پرده دن بیش پرده یه قدر اولار بیلر. درام ۱۸ - جی عصر دن بری یازیلماغا باشلامیشدیر.

داها چوخ جمعیت و ملی موضوعلاری سئچیر. ان قانلی و چیرکین حادثه لری تاماشادا گؤستریر. درام کلاسیزمه قارشلی رئاکیسیا دیر و رومانیزمین تئاتر دا تطبیقی دیر. موضوع: حیاتی، کدرلی و گؤلونج، چیرکین و گؤزل طرفلریله اورتایا قویان هر حادثه درام موضوعو اولار بیلر.

درامین مختلف نوعلری واردیر: تاریخی درام، عائله وی درام، اجتماعی - معیشت درامی، لیریک درام و سایره.

آداملار: هر طبقه دن و هر نوع کارا کترلی آدام درام دا رؤل اوینایا بیلر. اما بۇنلار چوخ یوکسک و یا خود چوخ آلچاق کارا کتر و ایشلریله نادر تیپلری تمثیل ائدرلر. درام دا داها چوخ گنچمیش زامان ایشله نر. محیط و مکان هر پرده ده دگیشیر.

مقصد: درامین مقصدی حقیقتی گؤستر مکدیر. تکجه گؤلدورن و یا تکجه آغلادان حادثه لر، حیات گنرچگیه اویماز. اما، بۇ ایکی عنصر درام دا گؤستریلن حادثه لرده قاریشدیغی اؤچون حیاتین گنرچگیه عکس ائدیرر.

آذربایجاندا درام نوعی چوخ انکشاف ائتمیشدیر. حسین جاویدین اثرلری نین اکثریتی درام کارا کترلی دیر. نجف بیگ وزیر اوف. ع. حق وئردیف، سلیمان ثانی، جعفر جبارلی، (سنویل، الماس و یاشار دراملاری)، صمدوورغون (واقف اثری)، میرزه ابراهیموف (حیات اثری)، الیاس افندیف، مهدی حسینوف و بختیارواها بزده (نسیمی...) وس. دگرلی درام اثرلری یازمیشلار.

## رۇمان و نواعلری:

رۇمان نواعلری ائپىك (حكاية) ائىرلره داخل دىر. ائپىك ائىرلر گۇتۇرولن موضوع و تمللرى نىن ساده و مركب و هم ده چشيدلرینه گۇره و حكاية - رۇمانىن حجمينه گۇره مختليف آدلار آيلرلار.

بىز اۇنجه رۇمان و نواعلرىنى، ايضاح ائده جه بىك. سۇنرا ائپىك ائىرلرىن دىگر نواعلرىندىن، باسبا، نۇئل، حكاية، پۇوست و اۇچىر ك دن بحث ائده جه بىك.

## رۇمان:

ائپىك (حكاية - تحكیه) ائىرلرىن ان بۇيوك نوعى رومان دىر. رومان مركب و بۇيوك حادثه لرى هم اۇزون بىر زاماندا تصوير ائدر. حيات اۇز گنىشلىگىله وئىرلير، اشتراك ائدنلرىن سايبى چوخ اۇلور. بىر سيرا احوالات، حادثه لىر، مسئله لىر بىر - بىريله علاقه دار شكىلده وئىرلير. تىپ لرىن گنچمىشى و گله جگى ده تصوير اۇلونور. اشتراك ائده ن تىپ لرىن صورتى (Portrait)، كارا كترى، حياتدا گنچمىش اۇلدۇغو يۇل تام گنىشلىگىه تصوير ائدىلير. رومانلار نىن موضوع و تىم خصوصيتلرینه گۇره مختليف چشيدلرى واردىر. مثلاً تاريخى رومان لار، ماجرا رومانلارى، اجتماعى و معيشت رۇمانلارى، فلسفى رومانلار، تحليل رومانى و فانتاستىك رومانلار.

رومان نوعى نىن قديم تاريخى واردىر. قديم يونان دا اسكندرىن مبارزه لرىنه عايد بىر سيرا مئثور ائىرلر و رومانلار يازىلمىشىدور. بۇنلاردا اساس حادثه لىر سئوگى و محبت اطرافىندا قۇرولوردور. اۇرتا عصرلرده داها چوخ جنگاورلىك رومانلارى انكشاف ائتدى. بونلار داها چوخ افسانه يه ياخين دى. بۇنلار نىن اساس پرسۇنازى (اۇبراز) ايدئال جنگاورلردن، شاهلاردان، غير عادى، مرد، جسور و قۇوتلى قهرمانلاردان عبارت اۇلوردور.

بۇ گۇنكو رومان و حكاية يه بنزه ين ائىرلر رونسانس دان سۇنرا يازىلمىشىدور. بۇنون ايلك نمونه سى زىيوانى بۇ كاجيو (Giovanni Boccaccio ۷۵ - ۱۳۱۳) نون يۇز كىچىك حكاية نىن تر كىيىندىن عمله گلن دكامىرون (Dekameron) دور. دكامىرون اۇرتا چاغ حكاية لرىندىن آيىران اولۇ يازىچىسى نىن معلوم اولماغى و نثر شكلىنده يازىلماسى دىر. بۇ حكاية لىر اۇنجه موجود اۇلدوغو حالدا بۇ كاجيو بۇنلار، تانىدىغى اصيل كىمسه لرىن حياتلارىندىن گشرچك صحنه لىر قاتىب اۇنلارى يئنى لىشيدىر مېشىدور. گۇرۇنوشده تىكجه اگلندىر مېك اۇچون يازىلمىش

سانیلان بۇ حکایه لرده ایتالیا یوکسک صیغیغی تئقیدی (هجو) ده یئر آلمیشدیر. اونا گۆره اۇنون تائیری گنیش اۆلدو و فرانسه و انگلستاندا دکامرونو تقلید ائندن اثرلر یازیلدی.

دکامروندان سۇنرا رومانین انکشاف زیروره لری فرانسوا رېئله (Francois Rebelais ۱۵۵۳ - ۱۴۹۰) نین ایکی اثرینده و دۇسروانئیس (۱۶۱۶ - ۱۵۴۷) ین، دونیا شاه اثرلریندن ساییلان دۇن کیشوت رومانیندا گۆرۆلور.

۱۶ - جی عصرین ایکینجی یاریسیندا و ۱۷ - جی عصرین اۆلترینده، یاشایان اسپانیانین مشهور یازیچسی سروانتس (Servantes) مشهور «دۇن کیشوت» رومانیندا استهزالی بیر شکیلده جنگاورلیک رومانلاری نین قهرمانینی گۆستریر و اونا گۆلوردو. دۇن کیشوت بیر انسان کیمی یاخشی خصوصیتلره مالیک ایدی، لاکین جنگاور رومانلاری نین تائیریه حیات دۇیغوسونو ایتیریر. «جنگاورلیک» آرزوسوایله گئت گنده پیس وضعیته دۆشور، اؤخوجونون گۆزو قارشیسیندا گۆلونج اۆلور. بو، فنودالیزم قۇرولوشونون بحران گنچیردیگی زامانا راستلاشیر. بۇ رومان بحرانا دۆشموش فنودالیزمین افاده سی ایدی و اونا، تئقیدی مناسبت بسله ییردی.

۱۷ - جی عصرین باشلاریندا، فرانسه ده هۇنۆره دۆرفه (۱۶۲۲ - ۱۵۶۸ Honoré D'urfé) نین یازیدینی «آستره Astrée» آدلی اثری رومان نوعی نین باشلانغیجی کیمی ساییلیر. بۇ ۱۶ - جی عصرده سئویلین چوبان روماننی نوعونون بیر شاه اثری دیر. عشق و ماجرا تئمی اۆزینده یازیلیمیشدیر.

۱۸ - جی عصرده دونیا ادبیاتیندا سانتیماننال - حسی رومانلار یازیلماغا و یاییلماغا باشلادی. بۇ رومانلاردا عائله مسئله لری و سئوگی اساس تئمی تشکیل ائدیردی. بئله رومانلاردا قهرمانین داخلی عالمی نین تصویری مهم یئر تۇتوردو، اخلاقی مسئله، اؤبود - نصیحت بیرینجی سیرادا گلیردی. حسی رومانلاردا قهرمانلار اشرف طبقه دن یۇخ اورتا طبقه لردن سئچیلیردی. بئله رومانلار انگلستاندا، فرانسه و آلمان دا انکشاف ائندی.

۱۸ - جی عصرین سۇنلاریندا ژان زاک رۇسو (Nouvelle Helouse) (فرانسه) و گۆته، «ورتر» آدلی رومانیه آلمانیدا رومانئیک رومانلاری نین ایلیک اثرلرینی یازدیلار.

۱۹ - جو عصرده دونیا ادبیاتیندا بۇیوک دگیشیکلیکلر عمله گلدی. بۇ زامان بیرسیرا بۇیوک اثرلر یازیلدی و بیر اۆلکه نین یازیچسی اۆز بۇیوک اثرلریله بۆتون دونیادا تانیماغا باشلادی و آیری - آیری اۆلکه لرین ادبیاتلاریندان عمومی دونیا ادبیاتی یارانندی. بۇ زامان دا رئالیزم حاکیم استیل (مکتب) اؤلموشدور.

ادبی بوعلرین بۆتون ساحه لرینده اۆلدوغو کیمی رومان دا داعی رئالیست کاراکترلی

اثرلر اؤستونلوک قازانماغا باشلادی. رومانلاردا انکشاف ائدن اجتماعی - سیاسی حیاتین صحته لریندن بدیعی منظره لر وئريلمه گه باشلاندى. ۱۹ - جو عصرین باشلاریندان ۲۰ - جی عصره قدر رومانین انکشافی رومانئیزم، رئالیزم، ناتورالیزم گؤروشلرله برابر اؤلموشدور. ۲۰ - جی عصرده بیر طرفدن سؤسیالیست رئالیزمین ظهورو و کؤمونیست اؤلکه لرده حاکمیتی، بیر طرفدن ده انگزیستانسالیزم و باشقا فلسفی - ادبی مکتبلرین تاثیريله مختلیف دونیا گؤرؤشلو و ادبی استیل لی رومانلار یازیلیمیشدیر. چاغداش رومان بؤتون ادبی جریانلاری و قایدالاری هئچه سایماق ایسته ین رومانچیلارین یازدیقلاری رومانلارا دئییلیر. بۇنلارین بیر حیصه سی آنتی رومان دان بحث ائدیبلر (فرانسه ده آر. گریبله A.R.Grillet، کلودسیمون و سایره کیمی).

بۇ طرزده رومانلارا قاینق اؤلان یازیلار، ف. کافکا (اطریش)، جیمز جویس James Joyce (ایرلند)، ویرجینیا وۇلف (انگلیس)، ویلیام فالکنر، آلبر کامو (A.Camus) (فرانسوز) و ژان پؤل سارترین فلسفی یازیلاری دیر.

آذربایجاندا رومان نوعی تازادیر. محمد سعید اوردوبادی نین ۱۹۰۷ ده یازدیغی «بدبخت میلیونچو» رومانی بۇنوعون ایلیک نمونه لریندن دیر. سوؤت دؤرونده دیگر ادبیات نوعلری کیمی رومان دا چوخ انکشاف ائتمیش و مختلیف نوع رومانلار یازیلیمیشدیر. سوسالیست رئالیزمی گؤروشو ایله یازیلان رومانلارین ایلیک نمونه سی کیمی م. گورگی نین «آنا» آدلی اثرینی قبول ائدیبلر. بۇ اثرده فهله صینیقی نین اؤز آزدلیغی اؤغروندا مبارزه سی گئنیش شکیلده وئريلمیشدیر.

## رومان نوعلری:

### ۱- تاریخی رومان:

موضوعسؤنو تاریخده یاشامیش قهرمانلار و اؤنلارین اطرافیندا کی حقیقی و یاخیالی آدمالارین حیات ماجرالاریندان آلان رومانلار تاریخی رومان دئییلیر. البته کی تاریخ ایله تاریخی رومان آراسیندا فرق واردیر. بۇرادا یازیچی موضوعدا آز - چوخ دگیشیکلیک آپارایلر. بیر تاریخی قهرمانا ایسته دیگی کارا کتری وئرله بیله، اؤنون ماجراسینی داها جاذبه لی ائتمک اوچون بیر چوخ عشق، فضیلت و ایگیدلیک عنصرلریله بزه یه بیله. یاشامیش آدمالار آراسینا خیالی انسانلار قاتار و یا ایکینجی - اوچونجو درجه شخصیتلری بیرینجی درجه یه قالدیرایلر. آنجاق بۇنلارلا برابر گئرچک حسینی وئرلمگه دقت ائتمه لی دیر. بوراداکي گئرچک تاریخی



گنرچکدن چوخ رومان گنرچگی دیر. بۇ گنرچگی تأمین ائتمک اوچون رومانینی یازدیغی زامانی و محیطی یاخشی تانیمالیدیر. اۇدوره عائد عادت - عنعنە لری، منظره و معمارلیق خصوصیتلرینی، پالتار و اشیانی تدقیق ائتمە لیدیر. اۇ عصرده مدینتین هانسی صفحه ده اۇلدوغونو، حقوق و تریه فایدالارینی، انسانلارین دۆشونجه و داورانیشلارینی بیلمه لی دیر. بۇنلاری بیلمه دن تاریخی رومان یازماق مۆمکون دگیل. تاریخی رومان داها چوخ روماننیزم مکتبی یازیچیلاری طرفیندن انکشاف ائتدیر بلمیشدیر. ایلک بۇیوک تاریخی رومانچی انگلیس والتراسکات (Walter Scott ۱۸۳۲ - ۱۷۷۱) دیر. فرانسه روماننیک لریندن ویکتور هوگو (۱۸۰۲ - ۸۵) «نوتردام دۇپاریس» (Notrdame De Paris) رومانله تاریخی رومانین روماننیک نمونه سینی یازمیشدیر. آلكساندر دۇما («آتا» ۱۸۰۲ - ۸۸۵ Alexandre Dumas) تاریخدن ماجرا رومانلاری اوچون ماتریال سئچمیشدیر.

الكساندر دۇمانین «اۆچ جنگاور» و «مونت کریستو» (Monte Kristo) کیمی چوخ سئویلن رومانلاری تاریخه دایانان اما گنرچک دن پایی آراولان تاریخی رومانلاردیر. دۇما بۇ اثرلرله خلق رومانچیلیغی نین ایلک نمونه لرینی وئر میشدیر. تاریخی رومانین شاه اثرلری آراسیندا بۇنلاری سایا بیله ریک: رۇس یازیچیسى نیکولا گوگول (۱۸۰۹ - ۵۲) ون «تاراس بۇلبا» Taras Bulba، ایتالیالی آ. مانزونى (۱۸۷۳ - ۱۷۸۵ A. Manzoni) نین نیشانلی لار، فرانسىز گۇستاو فلوبر تین (۱۸۲۱ - ۸۰) Gustave Flaubert «سلا مۇ» و لهستانلی (پۇلشالی) هنرىک سبینکیویچ (Polish Henryksienkiewiz) یین «کووادیس» (Quevadis) رومانلاری.

بیرده گلە جک رومانلاری واردیر کی اۇتۇپا رومانی نین بیر قۇلو دور.

## ۲ - ماجرا رومانی:

ماجرا رومانلاریندا غیر عادی حادثه لر تصویر اۇلنور. بۇ رومانلاردا حادثه لر رومانین بۆتۈۋۈ کیمی دیر. حادثه لر یئنی کشف اۇلۇنموش و یا خیال ائدیلمیش اۆلکه لرده گنچیر و فوق العاده عنصرلرله اۇخوجودا وحشت و عجاب حس لر دۇغورار. حادثه لر تئز - تئز دگیشر و بیر سینما فیلمی کیمی سرعتله آرد - آردا گنچر و گۈزله مه یین چکیشمه تۇققوشمالار اۇخوجونون دقت نظرینی چکر و هیجانینی داوام ائتدیرر.

ماجرا رومانی قهرمانلاری قۇرخمازلیق، قدرت و جسارتلرله دقتی جلب ائدرلر. ماجرا رومانیندا محیط، اۆلکه لر تئز - تئز دگیشر، زامان سرعتله گنچر. اما بۇنلاردا فیکر زنگیتلیگی

اۇلماز. آنجاق اۇخوجويا خوش واخت گنچيرمگه بارار.  
ماجرا رومانلارى اسكى داستانلارين و شؤاليه رومانلارى نين داها گنرچگه ياخين شكلى  
و داوامى دير.

### ۳- بۇلىس رومانلارى:

ماجرا رومانلارى نين بير چنشىدى دير. بۇ رومانلار داها چوخ اۇغۇرلوق، جنائت و  
بۇلىس - گوناھكار مجادلە سيني تصوير ائدر. بۇلىس رومانى قۇرولوش جهتيندن ماجرا  
رومانى نين ترسى دير. بۇرادا جنائت بير نتيجه دير. ذكى بير گيزلى بولىس: آگاھى مأمورو) بير  
چوخ ايپ اۇجو و بلير تيلردن بۇ جنائتين سيبيني، طرزىنى و قاتلىنى تاپا جاقدير. ماجرا رومانى نين  
سۇنو بۇلىس رومانى نين باشلانقيچينا بنزەر.

### ۴- اگزوتيك رومان (Romane Exotique):

بۇ رومانلاردا مقصد، اوروپا اۆلكه لرینه اۇزاق و مجهول اۆلكه لرین اقليم و منظره لرینی اۇرادا  
ياشا يانلارين عادت - عنعنه لرینی تانيماق دير. بونلاردا ماجرا رومانلارى كيمي بۇل حادثه لى و  
بۇل سرگذشتلى و حر كئلى اۆلور.

ماجرا رومانلارينين ان گۆزه للرینی انگليس و آمريكالى يازيچيلار يازميشلار. اما  
زاهانيميزدا، سياحت ين آرتماسى، تۇريزمين انكشافى، سينما، راديو و تلويۇنون هر چنشىد  
ماراقلارى راضى سالماسى و غير عادىليكلىرى راحت جاسينا گؤستره سى ماجرا رومانلارينين  
اۇنودۇلماسينا سبب اۆلموشدور.

بولىس و جنائت رومانلارى نين ايلك شاه اثر نمونه لرى آمريكادا يازيلميشدیر.  
(ادگار. ا. پو E. A. Poe) اگزوتيك رومانين بۇيوك نماينده سى فرانسيز بيئر لۇتى  
(Pierre Loti ۱۸۵۰-۱۹۲۳) دير. بير بحريه (دنيز) ضابطى (افسر) اولان بۇ رومانچى گزديگى  
دنيز اۆلكه لرينين عادت - عنعنه لرینی جانلى تابلۇلار حاليندا تصوير ائدن اثرلر يازميشدیر.  
«آزاده» ادلى رومانيندا استانبولون اۇزامانكى تصويرينى وئرميشدیر. چاغداش آمريكالى  
ارنست همينگوتى (Ernest Hemingway) بۇ چنشىد رومانايىنى ليكلر گنيرميشدیر.

### ۵- اجتماعى رومان:

اجتماعى رومان اصطلاحى گننيش بير مفهوم دور.

هر عصرده جمعیت لرین قۇرولوشو و اجتماعى مسئله لری روماندا عكس ائتدیریلیر. اورتا چاغدا دین، افلاطونى عشق و فئودال قۇرولوش نئجه رومانا گیرمیشسه سونرالاردا صنیف مبارزه لری و ایشچی مسئله لری رومانلاردا عكس ائتدیریلیمیشدیر.

عمومیتله اجتماعى رومانچیلار جمعیتی و یا مسئله لرینی یئنی بیر گۇرۇشله اله آیرلار. اۇنلار اثرلرینده گیزلی و یا آچیق بیر مقصد تلقین ائتمک ایسته بیرلر. تصویر ائتدیکلری حادثه سانکی آدمالارین یۇخ بیر جمعیتین باشیندان گنچمیشدیر. آدمالار فرد و کارا کتر اولماقدان چوخ بعضی بئشه و صنیفلاری تمثیل ائدن بیر تیپ کیمی گنیدیرلر. روماندا کی کشمکش (اخلاق، عشق، جنایت و سایره) فردی دۇیغولارلا یۇخ اجتماعى سیلرله آچقلانیر. اۇنا گۇره بۇ رومانلاردا روحى تحلیل و دۇیغو درینلیگی ایکینجی سیرادا قالیر و اجتماعى حادثه لر قارشیسیندا مثبت، منفی، عصیانچی، استهزا و یا تلقینچی بیر داورانیش واردیر. اجتماعى رومانلاری ایکی گروپا آیرا بیله ریک:

۱- معین بیر مقصدی اولمايان عرف و عادت رومانلاری: بۇ جور رومانلاری ایلك دفعه رئالیست یازیچیلار یازمیش سۇنرا ناتورالیست لر اۇنو انکشاف ائتدیرمیشلر. بۇنلارین باشیندا گلن امیل زۇلا، اونو تنقید ائدنلره بئله جاواب وئریمیشدیر. «گۇردۇبومو یازیرام، اثریم بیر حزب و یا تبلیغات اثری دگیل، بیر حقیقت اثری دیر. انسانلار بئله یاشاییر، بئله اولۇر. من، ثبوت ائتمکدن قاچان بیر ئیت (ضبط) ئنشی (کاتب) سیندن باشقا بیر شی دگیلم.»

اما امیل زۇلا سۇنرالار اجتماعى رئالیزم گۇرۇشو ایله یازدیغی رومانلاریندا اۇخوجولارینا معین فیکرلری تلقین ائتمک ایسته یردی.

۲- مقصدلی رومانلار: بۇ رومانلار بیر فیکری ثبوت ائتمک، بیر گۇرۇبو قیناماق و بیر گۇرۇشو تلقین ائتمک اوچون یازیلیر. بئله رومانلار ۲۰-۱۹- جی عصرلرده انسان حقلری و آزادلیقلارینی مدافعه ائتمک، اقتصادی و اجتماعى برابرلیک مقصدلریله یازیلیمیش رومان لاردیر. بۇنلار عصریمیزین محصوللاری دیر و بۇنلار تئزیسلی (Thesis) رومانلار دئییلیر. (تئزلی رومانلار)

تئزیسلی رومانچی طرف تۇتار و اونون صنعتی بیر فیکرین تبلیغینه خدمت ائدر. بئله رومانچیلار سیاسی پارتی لرین ایشینی گۇرورلر و چوخ واخت اثرلری نین عۇمرو قیسا اولور. نئزیسلی رومانلارین هجولی شکلینه ساتیریک رومان (La Romane Satirique) آدی وئریلیر.

اجتماعی رومان زامانیمیزدا چوخ انکشاف ائتمیشدیر. اجتماعی رومانین ایلك شاه اثرینی فرانسیز شاعیری ویکتور هوگو یازدیغی «سفیللر» (Les Miserables) اثریله وئرمیشدیر. رومانچی شاعیر بۇرادا گۇناھسیز محکوملارین، سقوط ائتمیش قادینلارین، کوچه ده سفیل گزه ن آداملارین حیاتلارینی تصویر ائده رک یۇخسوللارا حدسیز مرحمت و شفقتینی گؤستمیشدیر. هم ده لازیم اولمایان قاطی سرت بیر قانۇنا قارشى سئوگی و وجدانین داها اؤستون اولدوغونو بدیعی بیر ایفاده ایله مدافعه ائتمیشدیر. فرانسیز رومانچیلا ریندان هۇنوره دۇبالزاک (Honore de Balzac ۱۸۵۰-۱۷۹۹) استندال، امیل زۇلا، آنا تۇل فرانس (Anatole France ۱۸۴۴-۱۹۲۳)، رۇمن رۇلان (Romain Rolland ۱۸۶۸-۱۹۴۴)، مۇریس بارسۇ (M. Bassès) و روس یازیچیلاریندان تۇرگنیف (Turgenyev ۱۸۱۸-۸۳)، لئون تۇلستۇی (۱۸۲۸-۱۹۱۰)، آمریکالی یازیچیلاردان ائلسکین کالدوئل (Elskine Caldwell) و جان اشتاین بئک (Steinbeck) اجتماعی رومانین مختلف نواعلرینده مشهور اولموشلار.

#### ۶- تحلیل رومانلاری (آنالیتیک رومان):

بورادا خارج ده گئچن حادثه لردن چوخ قهرمانلارین داخلی دنیاسی و انسان شخصیتی نین چکشمه لر ایچینده کی تظاهرلری تحلیل اولونور. اجتماعی رومانلارین جمعیت چی لیگینه قارشى بۇنلار داها چوخ فردیت چی دیر. اجتماعی رومانلاردا مقصد بعضی تیپلری اله آلیب بیر گرۇپون حیاتی گؤستمک اولدوغو حالدا بۇنلار قهرمانلارینی اۇرتایا قۇیارلار و بۇ قهرمانلارین باشقالاریندان فرقلندیرن خصوصیتلری، اۇنلاردا کی روحی عارضه لری، طبیعت- مزاج خصوصیتلرینی آچقلارلار. تحلیل رومانیندا حادثه دن چوخ آدامین کارا کترلری و حادثه لرین معناسی اهمیتلی دیر. حادثه لرده چوخ واخت کارا کترین مختلف تظاهر و نندن چیخار. بۇ اثرلرده یازیچی وجدانین، رۇحون و شعور آلتی نین گیزلی ایستکلرینی و سرلرینی آچقلاماق ایستر. تحلیل رومانلاری ناتورالیزمه قارشى بیر رئا کسیون کیمی و ایلك دفعه فرانس ده پۇل بۇرزه (Paul Bourget ۱۹۳۵-۱۸۵۲) طرفیندن یازیلیمیشدیر. بۇ یازیچی عینی زاماندا بیر پسکؤلۇق (روانشناس) دی.

تحلیل رومانچیلا ریندان مشهور روس یازیچیسى داستایئوسکی دیر. (۱۸۲۱-۸۱) (Dostoyevski). اۇ رومانلاریندا خسته مزاجلی، گۇناھکار، صرعه لی، غیر عادى انسانلاری

تصویر ائتمیش - یاشا تمیشدیر.

۲۰ - جی عصرین اوللرینده تحلیل رومانى سئز گيچى فیلسوف بر گسون ون گوروشلریندن و پسیکوآنالیزی کشف ائدن دوکتور فرؤیدون تدقیقلریندن فایدالانمیش و تأثیر آلمیشدیر. چاغداش فرانسیز یازیچیلاردان آندره ژید (André Gide)، ژول رومن (Jules Romains)، ژورژ دو هامیل، فرانسوا موریاک و آلبر کامو و اطریشلی رومانچی فرانتس کافکا (Franz Kafka) مشهور تحلیل رومانچیلاری دیر.

#### ۷- فلسفی رومان:

فلسفی رومان اگزستانسیالیست یازیچیلار طرفیندن (سارتر، سیمون دؤبوار) یازیلماغا باشلامیشدیر. بۇ باره ده اگزستانسیالیزم ادبی مکتبی فصیلنده ایضاحات و ثریلمیشدیر. باسنىا: حکایه نوعونون ابتدائی شکللریندن دیر. باسنىا اکثر روایت و نقل ائدیلمه یؤلیله یارانیر. آلتنگوریک طرزده اکثر شعرایله یازیلیر. باسنىادا نصیحت ائدیلمکله یاراماز جهتلر تنقید ائدیلیر، بعضی حاللاردا طنز و هجو ده ایشله نیر. باسنىادا اشتراک ائدن پرسوناژلار اساساً حیوانلار و مختلیف شئیلر سیماسیندا آلینیر، دانیشدیریلیر و شخصیت لندیریلیر و بعضاً انسان صورتلری ده اشتراک ائدیر. باسنىانین اولینده و یا سۇنوندا تمثیل دن چیخان اساس اخلاقی، تربیه وی فیکر بعضاً یازیچی طرفیندن و ثریلیر. مثلاً «قارقا و تۆلكو» اثری نین سۇنوندا مؤلف دئیر:

اؤلماسایدی جهاندا سارساقلار

آج قالاردی یقین کی یالتاقلار

«صابر».

آذربایجان ادبیاتیندا ذاکر، سید عظیم شیروانی، صابر، عباس صحت، عبدالله شائق، باسنىا نوعوندا قیمتلی اثرلر یازمیشلار.

حکایه: حجم جه بویوک اؤلمایان، تصویر ائدیلمن حادثه یه، تحکیه اؤصولیله و ثریلمن نثر اثرلرینه حکایه دئییلیر، حکایه ده حیاتدان آنجاق بیر حادثه گؤتورولوب تصویر ائدیلیر و اساس احوالاتدان کنارا چیخیلماز.

مثلاً جلیل محمد قلیزاده نین «اؤستازینال» حکایه سینده بیر نئچه تیپ اشتراک ائدیر. لاکین بیزیم نظریمیز ده ان چوخ جانلاناتان اوستازینال صورتی دیر. بیز اؤنون تنبلیگینی، بۇش بۇغازلیغینی و عواملیغینی گؤروب گؤلوروک. بۇ حکایه ده اؤستازینالین بۇتون حیاتی و ثریلمیر.

حکایه لرین تنملری مختلف اولایلر. عائله حیاتی، تاریخی بیر حادثه سئوگی و قهرمانلیق تنملرینده یازیلان حکایه لر واردیر.

آذربایجان ادبیاتیندا حکایه نوعو آنجاق ۱۹ - جو عصردن باشلامیش دیر. اسماعیل بیگ قوتقاشانلی «رشیدبیگ و سعادت خانیم»، میرزاف. آخوندوفون «آلدانمیش کواکب»، باکیخانوفون «کتاب عسگریه» سیندن سونرا جلیل محمد قلیزاده، ع. حق وثریدیف، سلیمان ثانی و عبدالله شائق مشهور حکایه لر یازمیشلار.

سوونت حاکیمیتی دؤرونده حکایه یازماق داها دا یایلمیش و جعفر جبارلی، میرجلال، ثابت رحمان و باشقالاری یئنی حکایه لر یازمیشلار.

نوؤئل: نوؤئل ده حکایه دئمکدیر. بونا چوخ زامان کیچیک حکایه ده دئییلیر. بورادا دبلین دؤز گونلویو و ییغاملیغی چوخ اؤنملی دیر.

نوؤئل لرده تصویر اولونان حادثه لر حقیقی - گئرچک اولمایایلر. حادثه اؤخوجودا انتظار دؤغورور، اؤنون گؤزله مه دیگی بیر نتیجه ایله بیتر.

آذربایجان ادبیاتیندا جلیل محمد قلیزاده، ع. حق وثریدیف و میرجلالین یارادیجیلیغیندا نوؤئل چوخ انکشاف ائتمیشدیر.

پووست: بۇدا حکایه دیر، حکایه ایله رومان آراسیندا اؤرتا حجم ده یازیلیمیش ائپیک اثر دیر. آلدانمیش کواکب عینی زاماندا پووست دیر.

اؤچئرک: بۇرادا حیاتدا اولان بیر حادثه و یا بیر انسانین کارا کتری تصویر ائدیلیلر.

اؤچئرک ده حکایه دن فرقلی اولاراق گئرچک حیاتدا اولان هر هانسی بیر حادثه عینی شکیلده، اؤز کارا کتر چیز گیلرله اؤخوجویا چاتدیریلیر. البته بۇرادا دا یازیچی نین یارادیجیلیق

خیالی اشتراک ائدیر. اما حادثه و فاکتورلاری ایسته دیگی کیمی آرتیریب - اسکیلده بیلمز. اؤچئرک ده حیاتین مهم ساحه لرلی عکس ائدیلمه لیدیر. اؤچئرک ده تپیک حادثه لرین

سنچیلمه سی و عمومی لشدیریلمه سی ضروری دیر.

### ب: نظم (شعر)

عمومیتله شعرلی نظم دن آبییرلار. شعر شکلینده یازیلان وزن و قافیله لی هر سؤزه نظم دئمک اولار. اما شعر اولایلمه سی اوچون عینی زاماندا بیر فیکر - دؤیغونو احتوا ائدیپ تاثیرلی اولماسی لازیم دیر. بۇرادا شعر دن و اؤنون نوعلریندن بحث ائده جه بیک.

آذربایجان ادبیاتیندا شعر اؤچ شکلده (فورم) یازیلار: عروض وزنی له. ۲ - هجا اؤلچوسو

ایله ۳- آزادشعر.

شعری آهنگدار (ریتم لی)، تأثیرلی و گۈزەل سۆز اۇلاراق تعریف ائتمیشلر. کلاسیک شعریمیز وزن لی (آهنگدار) و قافیە لی اۇلماقلا نثر دن آیریلیر. بۇندان باشقا شعرده حس و هیجان داها آرتیق دیر. شعر دیلی بیغجام و حسی بیر دیل دیر.

نثرده اکثریتله خبرلر تام شکیلده وئریلیر. اما شعرده خبر شکیلچیلری چوخ واخت اختصار ائدیلیلر، سۆزلر اختصار فۇرماسیندا ایشلە دیلیلر و وزنین طلیینه گۆره سۆزلردن بعضی سسلری و یا هجلاری دۇشور، متشابه (Omonyme) و مترادف (Synonyme) سۆزلردن گئیش استفاده ائدیلیلر و سۆزلر وۇرغو (Intonation) طلب ائدیر. شعرده تقطیع لر (بۇلگولر) وزنین بۇلگو طلبلرینه گۆره دیر و ایلك مصراعدان باشلا یاراق عینی تقطیع (بۇلگو) بۇتون مصراعلار اۆچون قایدأ دیر. مثلاً:

قطار - قطار      اۇلوب قالخیب      هوا یا

۱                                  ۲                                  ۳

شعرده آهنگدارلیق (ریتم) شعرین موسیقی سینی تأمین ائدیر. بورا دا کی ریتم نثر دن فرقلی اولاراق اۇلچۇلو دور. مثلاً: فضولی نین بیر غزلی نین مطلعینه دقت یتیره ک:

منی جانندان      اۇساندیردی      جفادان یار      اۇسانمازمی

فلکلر بان      دی آهیمدان      مُرادیم شم      عی بانمازمی

۱                                  ۲                                  ۳                                  ۴

بۇ بیتین بیرینجی مصراعی دۇرد یتره و بۇنلارین هر بیرى ۴ هجایا بۇلۇندویو اوجون بۇتون شعرده بۇ ریتم (آهنگ) و قایدأ ساخلانیر. حالبو کی نثرده بۇ یۇخدور.

دئمه لی شعرده کی ریتم بۇلگۆلره باغلی دیر. عینی هجایا مالیک اولان ایکی شعر بۇلگولری آیری اۇلسا ریتمی - اۇخۇنوشو دا باشقا اولور.

شعرین واحدی بیت دیر. هر بیت ایکی مصراعدان و هر شعر، نوعینه گۆره نئچه بیت دن تشکول ائدر. یعنی شعرده شعر واحدی مصراع دیر.

بند: شعرین بیر نئچه مصراعدان عبارت اۇلان آیری - آیری پارچالارینا بند دئیلیر. مُسقط دئیلن بیر شعر بیر نئچه بنددن عبارت اۇلور.

شعرین بیر شکلی و بیر ده محتوا - مضمونو واردیر.

## شعرین شکلی:

شعرین شکلی اؤنون خارچی صورتی دیر. بۇرادا شعر شکلی، قافیه، وزن و شعرین دیلی تدقیق اؤلونور.

مصراعلارین معین بیر قایدایا گۆره تۇپلانیب قافیه لنمه سی شعرین شکلینی تشکیل ائدر. شعر شکیللری کلاسیک ادبیاتدا خلق ادبیاتیندان بیر آز فرقلی دیر. بۇرادا کلاسیک (یازیلی) ادبیاتیمیزدا کی شعر شکیلریندن بحث ائده جه یک.

یازیلی ادبیاتیمیزدا کی شعر شکیللری بۇنلاردان عبارتدیر: غزل، قصیده، قطعه، ترکیب بند، ترجیع بند، رباعی، تویوق، مثنوی، مُسمط و مستزاد.

## غزل:

غزل کلمه سی عربجه دیر و معناسی قادینلار اوچون سؤیله نن گۆزهل و عاشقانه سؤز دور. بۇ کلمه، سونرالار اسلامی شرق ادبیاتیندا عشق و شراب موضوعسوندا سؤیله نن کلاسیک بیر شعرین آدی اؤلدو.

غزل ده بیت واحدی اؤز رینه قۇرولموش بیر شعر شکلی دیر. قافیه دؤزولوشو بئله دیر:

- آ \_\_\_\_\_
- آ \_\_\_\_\_
- ب \_\_\_\_\_
- آ \_\_\_\_\_
- ج \_\_\_\_\_
- آ \_\_\_\_\_
- د \_\_\_\_\_
- آ \_\_\_\_\_
- ه \_\_\_\_\_
- آ \_\_\_\_\_
- و \_\_\_\_\_
- آ \_\_\_\_\_



\_\_\_\_\_ ظ -  
\_\_\_\_\_ آ -

بئله لیکله غزلین ایلک بیتى نین ایکی مصراعى اؤز آرالاریندا هم قافیله دیر. سؤنرا گلن بیت لرین بیرینجی مصراعلاری آزاد و ایکینجی مصراعلاری ایلک بیتله هم قافیله دیر. غزل ۱۲-۵ و بعضاً ده ۱۵ بیتله قدر اولا بیلر. عروضون هر قالبیله (بحری ایله)، (وزن) یازیلابلر. غزل شکلی ان چوخ عشق، محبت، طبیعت و جمعیت مضمون و یم لری اوچون ایشله نر.

غزلین ایلک بیتینه مطلع (دؤغوش) و سؤن بیتینه مقطع (کسیلیش) وان گؤزه ل بیتینه بیت الغزل و یا شاه بیت دئییلر.

غزل ده هر بیت مستقل بیر معنا داشیيار. بیتلرین هر بیرى آیری شئیی ایضاح ائده بیلدیگی حالدا بعضاً بؤتون بیتلر بیر تک یم، فیکری ایضاح اندر. بئله غزللره یک آهنگ دئییلر. شاعیر سؤن بیتده اؤز تخلصونو (آدی و یا سئحه آدی) گئیرر، بؤنا دا تاج بیتى دئییلر.

غزل عرب ادبیاتیندان ایران ادبیاتینا و اؤرادان دا تورک خلق لری نین ادبیاتلارینا گئچمیشدیر.<sup>۱</sup> اسکی دن عرب شعرینده غزل، قصیده نین تغزل دئییلن بیر پارچاسی ایدی. قصیده نین بۇ پارچاسیندا سئوگیلی یه مدحیه لر سؤیله نیردی. زامانلا غزل مستقل بیر شعر شکلی اؤلدو<sup>۲</sup> و ایران و تورک ادبیاتلاریندا چوخ یایلدى، ائله کی شاعیرلرین صنعت قدرتی، غزل ده- کی باشاریلاريله اؤلچولوردو. بعضاً غزل ده کی مصراعلار وزنلری نین طلبینه گؤره اؤرتادان ایکیه آیریلیب و ایچ قافیله لی ده اولا بیلر. بؤنا سؤمط غزل دئییلر. مثلاً:

منی جاندان اؤساندیردی	جفادان بار اؤسانمازمی
فلکلر یاندى آهیمدان	مرادیم شمعی بانمازمی
قامو بیمارینا جانان	دوای درد اندر احسان
نیچون قیلمازمنه درمان	منی بیمار سانمازمی
.....	.....

«فضولی»

۱- تورک ادبیاتی. احمد قاناقلی. بیرینجی جلد ص ۵۵۳- استانبول ۱۹۶۷.

۲- غزل ایلک دفعه امویلر زامانیندا مدینه شاعیرلری طرفیندن دئییلیمیش، سؤنرا بغداددا هارون الرشید زامانیندا یایلدى. امراللتیس قادینلار حقیقه ایلک دفعه عاشقانه غزل یازمیشدیر. پروفوسور فواد کؤپرولو. تورک ادبیاتی تاریخی- اؤتوکن نشریاتی- استانبول ۱۹۸۰ ص ۱۴۰.

## قصیده:

قصیده ده قافیه لر عزل ده کی کیمی دیر. آنجاق بیت لرین سایسی آرتیق دیر و ۹۹-۳۰ بیت قدر اولا بیلر و عروضون مختلیف قالیلاریلادا یازیلایلر. بۇرادا دا بیرینجی بیت مطلع، سۇن بیت مقطوع وان گۇزهل بیت بیت القصیده دئیلیر.

قصیده مختلیف مقصدلر اوچون یازیلار و اۇنا گۇره آدلاندیریلار:

تانری نین بیرلیگینی آنلادان قصیده یه توحید و اۇنا یالوارماق اوچون یازیلان قصیده یه مناجات دئیلیر.

پیغمبری، اماملاری و اولیانى مدح ائدن قصیده لره نعت، پادشاهی و حاکیملری مدح ائدن قصیده لره مدحیه و هجو ائده نینه هجویه دئیلیر.

بیر آدامین اولومو مناسبتله یازیلان آغیتلارا مرثیه دئیلیر.

قصیده لرین چوخو مدح ائتمک مقصدیله یازیلیمشدير. بونلار خصوصى بیر سیرا ایله یازیلار. بیرینجی حبسه یه نسیب و یا تشبیب دئیلیر. بو حبسه اۇزونجا بیر غزله بنزه ر و طبیعت (یاز، یای، گۆز)، محیط (شهر) گئچن مهم گۆنلر، بیر حادثه و یا بیر شئی اؤز رینه یازیلیمش اولا بیلر. نسیب قصیده نین ان جانلی و زنگین حبسه سینی تشکیل ائدر.

تغزل - بعضی قصیده لرده نسیب دن سونرا گلن بیر غزل دیر و عشق دۇیغولارینی ایفاده ائدر. بعضی قصیده لر ۳۰ بیت دن ده آز اولور و نسیب حبسه سی اولماز.

## قطعه:

ایلک بیتى (مطلعی) اولمایان بیر غزل کیمی دیر. ۳-۲ و یا داها چوخ بیتلى اولا بیلر. قطعه داها چوخ ایکی بیتلى اولار و اونا دۇردلۆک دئیلیر. چوخ واخت بیر حادثه تاریخی ابجد حسابله قطعه شکلنده یازیلار.

## ترکیب بند:

۱۷-۵ بنددن تشکول ائدر، هر بند غزل شکلنده یازیلان ۸-۵ بیتدن و بیر ده واسیطه دئیلین تک بیر بیت دن عمله گلیر. تک بیت لرین قافیه سی فرقلى دیر و هر واسیطه ده دگیشیر.

ترکیب بند شعر شکلی داها چوخ حکمتلى، تعلیمی و یا ذم، هجو شعرلری اؤچون ایشله نر.

ترجیع بند:

بۇدا ترکیب بندە بنزەر، اوندان فرقی واسیطه بیر تک و عینی بیتین هر بندین سۇنوندا تکرار اولونماسی دیر. ترجیع بند داها چوخ، دین، تصوف و فلسفه موضوعلاری اوچون ایشله نر.

رباعی:

دۇرد مصراعدان عبارت بیر شعر دیر. قافیه باخیمیندان غزلین ایلک ایکی بیتى کیمی دیر. رباعی «لا حول ولا قوه الا بالله»ین وزنینده یازیلار. اساس عروض قالیبی: مفعول مفاعیل، مفاعیلین فا (اخر ب وزنی). دیر. مختلف نوعلری واردیر و ایران ادبیاتیندان تورک ادبیاتینا گنجیمیشدیر. ۱ حکمت، تصوف موضوعلارینی ایفاده ائتمک اوچون ایشله نر. تاریخده رباعی نین بۇیوک اوستادی عمر خیام دیر.

مثال:

ای دل هله عالمده بیر آدم بوقیمیش  
وار ایسه ده اهل دله محرم بوقیمیش  
غم چکمه حقیقتده اگر عارف ایسه ن  
فرض ائيله کی الان یینه عالم بوقیمیش

«نفعی»

رباعی نین دۇردلو کدن فرقی اۇنون اؤزونه مخصوص وزنی دیر. آذربایجان ادبیاتیندا اسکی دن بری هجا وزنيله دۇردلو کلر یازیلیمیشدیر. دۇردلوک شفاهی خلق ادبیاتیندا ان چوخ یاییلان شعر شکللریندیر.

نوبوق:

رباعی یه بنزەر فقط اکثریتله فاعلاتون فاعلون وزنيله یازیلار. بو خلق ادبیاتیمزدا کی باياتی نین عروض وزنيله یازیلان شکلی دیر و ایلک دفعه ۶۰۰ ایل بوندان قاباق قاضی برهان الدین طرفیندن یازیلیمیشدیر. داها چوخ حکمت و تصوف شعرلری اوچون ایشله نر.

۱ - احمد قاباقلی. تورک ادبیاتی تاریخی ص ۵۶۶. بیریحی جلد. استانبول ۱۹۶۷ و نهاد سامی یانارلی، رسمی تورک ادبیاتی ۱ - حی جلد ص ۱۹۸، ۱۹۹ - استانبول ۱۹۷۱.

## مثنوی:

مثنوی ایکیلیک دئمکدیر. بوتون شعرین بیر وزنی واردیر. و هر بیتین ایکی مصراع، اؤز آراریندا هم قافیه دیر. بۇدا اؤزون منظومه لر یازماغی آسانلاشدیرار. مولوی نین مثنویسی ۲۶ مین و فردوسی نین شاهنامه سی ۶۰ مین بیتلیک و فضولی نین لیلی و مجنونو ۳۲۰۰ بیتلیک مثنویلر دیر. بۇدا اسکی ایران ادبیاتیندا تورک ادبیاتلارینا گنچمیشدیر.<sup>۲۱</sup>

موضوع باخیمیدان مثنوی اؤچ جور اثرین یازیلما سیندا ایشله نر:

۱- داستانلار اوچون.

۲- عرفانی (تصوف) و فلسفی اثرلر اوچون.

۳- عشق افسانه لری اوچون.

فضولی نین لیلی و مجنون مثنویسی بو چئشید شعرین شاه اثری سایلیر.

مثنوی ده داها چوخ عروض وزنی نین قیسا قالیلاری سنچیلیر.

## مُسط:

مُسط دۆزمه، ۷-۴ (و بعضاً داها چوخ) مصراعلی بندلردن قۇرولان شعر شکلی دیر و مصراعلارین سای سینا گۆره مربع، مخمس، مسدس و... آدلانار.

بورادا ایلک بندین هامی مصراعلاری بیر قافیه ده اولور. اؤندان سونرا کی بندلرین سون مصراعلاری ایلک بندله هم قافیه دیر. مُستمطین ان یاقین شکیللری مربع و مخمس دیر. باشقاسی طرفیندن یازیلان بیر غزلی آلب هر بیتین باش طرفینه، او بیتین ایلک مصراعيله قافیه لی اوج مصراع علاوه ائتمگه تخمیس (بئشله مه) دئییلیر. بو علاوه اولونان بیتلرین وزن، قافیه و معنا باخیمیدان اساس غزله اویماسی شرط دیر. بیر غزلین هر بیتین ایکی مصراعسی آراسینا، ایلک مصراعلا هم قافیه اوج مصراع بئرلشدیرمگه تئشیر<sup>۳</sup> دئییلیر. مثال اوچون یحیی کمالین رامی محمد پاشانین بیر غزلینه یازدیغی تئشیردن بیر پارچانی نقل ائده ک:

۱- احمد قاباقلی. تورک ادبیاتی تاریخی. بیرینجی جلد. استانبول ۱۹۶۷.

۲- بیر آرز بۇخاریداعحم دستانیندا بحث اندرکن ده آنلاتدیغیمیز کیمی «مثنوی» شکلی و اؤشکل ایله ایلکین تقارب بحرینده یازیلان «ملی قصه لر» کؤکلری تاساسانی دؤرونه قدر چیخان اسکی بیرادبی عنعنه نین قالدینتسی دیر. ص ۱۴۲ نواد کؤپرولو. تورک ادبیاتی تاریخی...

۳- تئشیر لنت اولاراق بیر شیهه عیب و نقص ونرمک دئمکدیر.

بیز اؤل عاشقلاریز کیم داغیمیز مرهم قبول ائتمز  
 گؤنول هم بیر دوای مُطلق ایستر هم قبول ائتمز  
 فلکدن شاه دارو وئرسه لر بیر دم قبول ائتمز  
 بانار بیر چؤلدور اقلیم محبت نم قبول ائتمز  
 او گؤلزارین کی آتش دبر گؤلی شبنم قبول ائتمز  
 آرادا کی اوچ مصراع یحیی کمال داندير.

مُستزاد غزل:

ایچ - ایچه قویولموش ایکی غزلی آندیران بیر چئشیددیر. اساس غزل همیشه مفعولُ  
 مفاعیلُ مفاعیلُ فَعولُنْ وزنیله یازیلار. هر اوزون مصراعدان سونرا، زیاده، آدلانان مفعولُ فَعولُنْ  
 وزنیله بیر مصراع علاوه ائدیلمز، زیاده لر معنا باخیمیدان اساس مصرعده باغلی دیر - بونلار یا اوز  
 آرالار بندایا دا اساس غزل ایله هم قافیه اولورلار - مستزاد شکلی شفاهی خلق ادبیاتیندا دا ایشله  
 نمیشدیر. بورادا میرزه علی اکبر صابردن بیر مثال نقل ائدیریک:

#### تحصیل علم

تحصیل علوم ائتمه کی علم آفت جاندیر	هم عقله زیاندیر،
علم آفت جان اولدوغو مشهور جهاندیر	معروف زاماندیر
بند پدرانم انشیت ای ساده جوانیم،	یاخماغمه جانیم
خوش اؤل کسه کیم وئل دؤلانیب داغدا چوباندیر،	آسوده هماندیر،
علم ایچره خطا اولدوغون اوندان بیلیرم کیم،	بیلسه نولا هر کیم
علمه گزه نسن گُمر و زیانلاردا بیان دیر،	تکفیره نشاندیر
مکتب سنه حوش گلمه سین، اؤل جای خطرناک	گیرمه اوناچالاک
مکتب دئدیگین قیددل و بند زیاندیر،	غارتگر جاندیر.
.....	.....
دئرلر اوخوموشلار اوخوماق یاخشی دیر اما	واربوندا معما
یاخشی نظر ائتدیکجه سرانجامی یاماندیر،	هر آددیمی قاندیر

«لاغلاغی» اماندیر

«قیز دیرمالی» یان دیر.

«سیر تیخ» «موزالان»! دیر!  
 «هوپ هوپ» دیله دوشدو،  
 ایش مشگله دوشدو  
 ایندی بالاباندیر.

### قافیه:

شعرده قافیه ایشلمک داها چوخ تورک و پهلوی - فارس دیلیرینده عادت اولموشدور. قدیم یونان - لاتین شعرلرینده قافیه یوخ دور. اسکی عرب دیلینده قرآن کریم ده کی سجع لر و آلیتراسیونلارلا موسیقیلا هوتی ایفاده نین بنزه ری یوخدو. آنجاق بیر سجع و مصراعلارین سووندا عینی حرفی تکرارلاماقلا بسط بیر قافیه واردی<sup>۱</sup>.

تورک شعرینده اسکی دن بری قافیه، یاریم قافیه، ردیف، جناسلی قافیه، ایچ قافیه و آلیتراسیون<sup>۲</sup> چوخ ایشلنمیش و قافیه شعرده حاکیم بیر عنصر کیمی اولموشدور. شعرده قافیه نین وظیفه سی موسیقی بسته لرینده کی قوتلی نغمه لرین سیخ - سیخ تکراری کیمی، تمامیه مؤزیکال بیر سس تکراری دیر و شعرده کی آهنگ گؤجونون آرتماسینا، شاعرین قافیه قلاووزلوغو ایله یئنی سوزلری تاہماغینا و شعرین حافظه ده داها آسان یئرلشمه سینه کمک ائدر.

قافیه قدیم تورک شعرینده داها چوخ باشدا و سونرالاری مصراعین سووندا گلیمیش دیر. بوگون قافیه سوندا گلن معناسینا دیر و شعرده مصراعلارین سونلاریندا کی سس بنزه رلیگینه دنیلیر. کلاسیک ادیبا تیمیزدا قافیه بصری دیر (گؤز قافیه سی) یعنی بیر - بیرلرله قافیه له نن کلمه لرین سون حرفلری بیر اولمالی دیر. حرفلری (عرب حرفلری) اویمایان کلمه لر عینی سسی وئرسه لر ده قافیه سایلمازلار. هم ده قافیه له نن سوزلر گرامر باخیمیندا عینی جنسدن اولمالیدیر. بوگون هجا ایله یازیلان شعرلرده قولاق قافیه سی ده گنجرلی دیر.

قافیه اوچ جور دور: تام قافیه، یاریم قافیه و زنگین قافیه.

تام قافیه ده کلمه لر آراسیندا بیر سس سیزله بیر سسلی حرف بیر - بیرینه بنزه رمثلاً:

دؤن سایه سالدی باشیما بیر سرو سربلند

کیم قدی دلربا ایدی، رفتاری دل پسند

گفتاره گلدی تا کی آچیب لعل نوشخند

بیر بسته گؤردوم اوندان تۆکر ریزه - ریزه قند

۱ - نهاد سامی مانرلی، رسملی تورک ادبیاتی تاریخی ص ۵۵. استانبول.

سۇردوم مگر بۇ دۆرچ دهن دیر؟ دندیم دندی

بوخ - بوخ دوای درد نهانین دیر اول سنین

«فضولی دن بیر مسمط»

دینیمیزه فارسجا و عربجه دن گنجیمیش اۇزون صائت لر (آ، اؤ) ده کلمه سۇنلاریندا تک باشینا تام قافیہ ساییلارلار. مثلاً:

ساقین نادانا اظهار ائیله مه اسراری ای دانا

سکوت ائت نزد جاهل ده خموش اول سن کتاب آسا

یاریم قافیہ یا آسونانس: هم قافیہ اولان کلمه لر آراسیندا تک بیر سس سیزین (صامت) بنزه مه سی دیر. بۇنا مجرد قافیہ ده دئییرلر. خلق شعرینده یاریم قافیہ نمونه لری چوخدور. فضولی دن:

قاندا دیر بۇیله بیر شرفلی نسب

معدن فضل و عز و علم و ادب

زنگین قافیہ: هم قافیہ اولان کلمه لرده بیردن چوخ سسلی و سس سیز بنزه مه سی دیر. مثال اوچون فضولی دن:

اول پریوش کیم ملاحظت مۆلکونون سلطانی دیر

حکم اونون حکمی دؤرور فرمان آتین فرمانیدیر

جناس: یازیلیشی عینی لاکین معناسی آیری اولان کلمه لره جناس دئییلیر. بونلار بیر-بیرله قافیہ ده اولاییلر. جناسلی کلمه لردن قافیہ دؤزلمک بابایتیلاردا چوخ گؤرولور. مثلاً:

قارارمیش قارا گؤز لر

درمانیم قارا گؤز لر

گمیم دریا دا قالدی

بئلکنیم قارا گؤز لر

ردیف: مصراع سونوندا عیناً تکرار ائدیلمن اکلر، کلمه لر و کلمه گرؤپلارینا ردیف دئییلیر.

مثال اوچون فضولی نین سؤز حقیقنده یازدیغی غزلدن اؤچ بیت نقل ائدیریک:

خلقه آغزین سیررینی هر دم قیلور اظهار سؤز

بۇ نه سیردیر کیم اولور هر لحظه بوقدان وار سؤز

آرتوران سؤز قدرینی صدقیله قدرین آرتورار

کیم نه مقدار اولسا اهلین ائیلر اول مقدار سؤز

.....  
 .....  
 گر چوخ ایسته رسن فضولی عزنین آژ ائت سۆزی  
 کیم چوخ اولماقدان قیلوبدور چوخ عزیزلی خوار سۆز  
 بو غزل ده سۆز ردیف دیر و اوندان اول گلن سۆزلر قافیه دیر.  
 قافیه لر ردیفدن اول گلر. بیر شعرده مصراع حالیندا عیناً تکرارلانا ردیفلره نکرآت آدی  
 وئرلیر.

بعضاً بیر اکلّه (شیکیلچی) بیر سۆز، ردیفی تشکیل وئرر. مثلاً ذکرلی اردییلی دن:  
 گل ای صبحون نسیمی بارا بیر بیغامیمیز واردیر  
 یئشیر سؤیله کی اؤنسوز سانماسین آرامیمیز واردیر  
 سرشگیم آل، رنگیم زرد، گل گؤر ای صنم سنسین  
 عجب خوش روزگار و باخشی خوش ابامیمیز واردیر  
 بۇرادا بیغام، آرام، ایام قافیه و (میمیز واردیر) اکللی ردیف دیر.  
 آلیتراسیون (Aliteration): آرد- آردا گلن مصراعلاردا بیر- بیرینه بنزه یین سس  
 (حرف) لرین تکرارینا آلیتراسیون دئییلیر. قدیم شعریمیزده مصراع باشلاریندا اؤلوردو. (اؤن  
 قافیه). دده قورقود دان بیر اؤرنک وئره ک:

آق سۆتونو امدیگیم قادین آنا  
 آق بۆرچکلی، عزتلی جانیم آنا  
 آقار سۇلارینا قارغیما گیل  
 قازیلیق داغی نین گۆناهی بۇقدور  
 قاچان گئیکلرینه قارغیما گیل  
 قازیلیق داغی نین گۆناهی بۇقدور.

بیر کلمه هر مصراعین باشیندا تکرار اؤلورسا اونا آنافوراً Anaphora دئییلیر. مثلاً، صمد  
 وۇرغونون آشاغیدا وئردیگی میز شعرینده اؤلدوغو کیمی:

بیری لاجین گۆزلو، نرلان غمزه لی،  
 بیری قیرغی باشلی، سۇنا جلوه لی،  
 بیری شکر سۇزلو، شیرین لهجه لی،  
 بیری قند آغیزلی، نابات دۇداقلی



وزن:

وزن شعرین اۇلچۇسو دور و چوخ قديم دن برى شعرین تملی ساييلار. وزن شعرین موسيقيسى دیر و روحى لذت دن باشقا، شعرى اۇيره نمک و ازبرله مک باخيميندان آسانلىق تۇره در. اسكى دن بىر سيرا مطلبلىرى ياددا ساخلاماق اوچون اۇنلارى نظمه چکرديلر. نصاب الضيان کیمی. اساساً شعرى نئردن آيران مهم جهتلردن بىرى ده وزن دیر. آذربايجان شعرينده اسكى دن برى ايشله نى ايکى حنا اۆچ جور وزن واردير:

۱- هجا وزنى

۲- عروض وزنى

۳- آزاد (سربست) شعر

هجا وزنى (بارماق حسابى): هجا وزينده شعرين مصراعلاريندا هجالارين ساييسى عىنى اولمالى دیر. اونا گۇره هجا وزينه «بارماق حسابى» آدى وئريلميشدير.

هجا وزنى آذربايجان شعرى نين آنا شکلى دیر و تورک دىلى نين قۇرولوشونا اۇيغون اۇلدوغو اوچون ان قديم زاماندان خلق شعرينده ايشلنميشدير. کاشغرلى محمودون «ديوان لغات الترک» ده سنجب گتيرديگى بۇتون ساغۇ (مرثيه) و قۇشۇقلار (شعر) هجاوزينده دیر.

هجا وزنى ايله شعر قۇشماق عادتى، تورکلرده چوخ اسكى دیر. تورکلر شعره قۇشۇق يا قۇشقۇ دئيردیلر. ايلک شاعیرلر «شامان» دین آداملارى اۇلوموش و اللرينده ساز، رقص ائده رک شعر سۇبلر دیلر. بۇ سازا «قۇبۇز» و اونو چالاراق شعر اۇخويانلارا شامان، اۇزان، باقسى و ... دئيردیلر. اوزانلار دىنى مراسيملرده و هر ایل تکرار اولان اؤو مراسيمينده (صيغیر مراسيم)، هابئله ماتم مراسيملرينده و ساواشلاردا قۇشوقلارى شعرلرى اوخويار و سازلاريله شعرلرين تاثيرىنى گۇچلنديره رک خلقى هيجانا گتيردیلر.

«ديوان لغات الترک» ده يازى يا آلتينان اسكى تورک شعرلريندن نمونه لر واردير. بونلاردان آلپ ارتۇنقا (افراسياب) مرثيه سى اوچون سۇيلنميش ماتم شعرى (ساغۇ) چوخ ماراقلى دیر. بۇ ساغۇ ميلاددان يئددى يۆز ایل اۆل ياشاميش تورکلرين تاريخى - افسانه وى قهرمانى افراسياب اوچون، خلق شاعیرلرى طرفيندن قۇشولوموش و عصرلر بۇيۇدیلدن ديله و آغيزدان آغيزا گنچه رک نهايت دۇققوزيؤز ایل بۇندان قاباق کاشغرلى محمودون کناينا آلتينميشدير. بۇرادا نمونه اوچون بۇ ساغودان بير پارچاسىنى بۇ گۇنکو تورکجه ميزله بيرليکده نقل

اىتدیریک:

آلپ ارتونقا اۆلدى مى	آلپ ارتونقا اۆلدى مى
باراماز دونيا قالدى مى	ابسىز عجون قالدى مى
زمانه اۇجون آلدى مى	اۆزلك اۇجين آلدى مى
ايندى اۆره ك بىرتىلور	اتمىدى بۆره ك بىرتىلور
.....	.....
زمانه فرصت گۆزئله دى	اۆزلك ياراق گۆزئتتى
اۇغرى دۇزاق (دام) اوزاندى	اۇغرى نوزاق اوزاندى
بيگلر بيگين آزئتدى	بيگلر بيگين آزئتتى
قاچسا اكر (نجه) قورتولور.	قاچسا قالى قورتولور

بو منظومه باياتيلار كيمي يئىدى هجالى وزنده سؤيله نميش، شكيل جهتيندن ده اسكى تورك شعري شكلىنده دير، يعنى دۇردلوكلر (دۇرد مصراع) مجموعه سيندن (بند) عمله گلەيشدير.

بۇ دۇردلوكلرده قافيه ترتىبي بئله اولموشدور:

بىرىنچى بندده بىرىنچى و اۆچونجو مصراعلاردا قافيه آزاد دير. ايكىنچى و دۇردونجو مصراعلار بىر - بىرلريله هم قافيه دير. او بىرى بندلرين هاميسىندا ايلك اۆچ مصراع اۆز آرالارىندا هم قافيه دير، دۇردونجو مصراع ايلك بندين ايكىنچى - دۇردونجو مصراعلاريله هم قافيه دير. عروض وزنى، توركلر مسلمان اولوب قديم ايرانلىلارلا تماس قۇراندان سونرا يعنى ۱۱ - جى ميلادى عصرده سونرا تورك شعرينه گنچميشدير. بونا باخما ياراق ۱۲ - جى ميلادى عصرده ياشايان و پىرتور كستان آديله مشهور اولان احمديسوى «ديوان حكمت» ده شعرلرني هجا وزئيله يازميشدير. حتا ۱۳ - جو عصرده آنادۇلۇ توركلرى نين بۇيوك متصوف شاعبرى يۇنس امره ده شعرلرني هجا وزئيله يازميشدير.

اسلامدان سونرا فارس ادبياتيندا اۆلدوغو كيمي تورك ادبياتلاريندا دا عروض وزنى يايلىميش و كلاسيك ادبيات شاعبرلرى عروضو ترجيح وئرميشلر. اما خلق شاعبرلرى يعنى عاشقلاريمىز هجا وزئيله شعر يازماغا داوام ائتميش و زنگين شفاهى ادبياتيمىز شعر قۇلونو مئيدانا گتيرميشلر.

هجا وزنى نين قايدالارى: هجا وزنى مصراعلارين هجا ساييسىنا دايانير و اونلارين ساييسىنا گۆره آدلانديريلير. مثلاً ۸ هجالى مصراعلاردان قۇرولان بىر شعر ۸ هجالى آدانير. هجا، مصراعلارين صائتلر اساسىندا بۆلمه سى دير.

هجا وزنیله یازیلان شعرلرده، هجا سایسیندان باشقا بۇلگو (تقطیع) ده اۇنملى دیر. مثلاً ۱۱ هجالی بیر شعرده (۶+۵) شکیلنده و یا (۴+۳+۴) شکیلنده بۇلگو آپاریلا بیلر. مثلاً آشاغیداکی ۱۱ هجالی دۇردلو کده بۇلگو (۶+۵) دیر:

عۇمروم هلاک ائتدیم دهرین پشینده (دالینجا)

بۆزمین آغو (زهر) واردیر هر بیر ایشینده

هجران اوجاغیندا عشق آتشینده

جگر کباب اولدوم گؤر نجه باندیم

اما بونا قارشى آشاغیداکی دۇردلو کده (۱۱ هجالی) بۇلگو (۴+۳+۴) شکیلنده دیر.

ای وطنین / باغرى يانیق / بۇجاغى

هانى سنين / برکتلى / محصولون (خرمىن)

نه واختانک / بۇ آجىقلى / سفالت

نه واختا تک / بۇ اوغورسوز / جهالت<sup>۱</sup>

بعضى مصراعلار بۇلگۆسوز اولاييلر و يا مصراعلاردا بۇلگو دگيشه بيلر.

بۇلگو هجا وزنینده آهنگ يارادان بير سس کسمه و دوراخلاماس دیر. هجا وزنینده بۇلگولر کلمه لری پارچالاماز، اما عروض وزنیله یازیلان شعرلرده وزنین طلبینه گؤره بعضاً کلمه نین بير پارچاسى مصراعین بير بۇلگۆسونده باشقا بير حیصه سى مصراعین سؤنراکی بۇلگۆ سؤنده اولور.

هجا قالیبلاری: تورک شعرینده ۵ هجالیدان ۱۶ هجالی یا قدير مختلف اوزونلوقدا یازیلیمیش شعرلر واردیر. لاکین چوخ ایشله ن قالیبلار ۷، ۸، ۱۱ و ۱۴ هجالی قالیبلاردیر. هجا سایسی چوخ آرتاندا آهنگ ضعیف لر و شعر نثره بنزهر. خلق ادبیاتیمیزدا بیاتیلار ۷ هجالی، گراییلار ۸ و قوشمالار ۱۱ هجالی اولور. ۱۱ هجالی شکیل چوخ یایلیمیشدیر. سؤوت دؤرو شاعیرلری ان چوخ بو شکیلده شعر یازمیشلار.

عروض وزنی:

شعرده بللی بیر آهنگ دستگاهی (سیستم) نین آدی اولان عروض وزنی کلاسیک شعرین اولچوسودور. شعرین وزنی (آهنگ اولچوسو) نین دؤزو یا سهو اولماغینی عروض اولچوسو ایله

اؤلچوب بيلمک اولار. عروضون معناسی عرب دیلینده جهت- اؤلچو و چادیرین دیره گی دئمک دیر. چادیر دیره کسیر دۇرما دیغی کیمی شعرده عروض سۇز- اؤلچوسوز اؤلا بيلمز. عروض وزنی بیر روایتیه گؤره عربستان چؤلرینده ده وه لرین یثریمه گیندن دۇغموشدور. عروضچولار عروض علمی نین تاریخینی خلیل بن احمد عروضی یه باغلا ییرلار. (وفات ۱۷۰ هـ.ق) بو آدام عروض علمی موسیقی علمیندن چیخاردیب تنظیم ائتمیشدیر. بعضی قاینقلارا گؤره خلیل بن احمد اول ده هندوستاندا عروضی تانییر و اؤنون حقینده کتاب یازمیشلار. عروضون بۇبوک اوستادی شمس الدین محمد بن قیس رازی دیر. یازدیغی «المعجم فی معاییر الاشعار العجم» آدلی کتایندا بۆتون عروض قایدالارینی و چنشدیرینی ایضاح ائتمیش و کتایبی اوندان سونرا گلن مؤلفلر اوچون آنا قاینق اؤلوموشدور. عروض عالیملرینه گؤره عروض علمی شعرده اؤلچو ایله علاقه دار قایدالارین علمی دیر. قیس رازی کتایبی نین مقدمه سینده یازیر کی: من عروض علمینی اول تورک دیلینده یازدیم، سونرا فارس لاردا اوندان فایدالانسین دئییه فارس دیلینده ده تألیف ائتدیم.<sup>۱</sup>

عروض وزنیله یازیلان شعرین مصراعلاریندا هجالارین سایسی نین برابرلیگی شرط دگیل، هجالارین اؤزونلوغو و قیسالیغی و موازی (پارالل) اؤلماقلاری شرط دیر. (نؤبه- لنمه لیدیر). مثلاً:

اؤ گۆن کی فص لی یا زؤ لؤر  
 - U - U - U - U  
 گؤ جه گۆن دۆز تا را زؤ لؤر  
 - U - U - U - U

بیتینده اؤزون هجا لاری (-) و قیسا هجا لاری (U) علامتلیله گؤسترسک، ایکی مصراعدا اؤست- اؤسته دؤشن هجا لارین اؤزونلوق- قیسالیغی (سس دگری) دا موازی- پارالل اولور.<sup>۲</sup> بعضاً بؤلگولرده ایکی قیسا هجا بیر اؤزونو عوض ائده یلر.

عروض وزنی آذربایجان ادبیاتیندا دگیشدیریلیب دیلین طبیعی طلب لرینه اؤیغونلاشدیریلیمیشدیر.

عروض وزنی عربلردن فارس شعرینه و اؤرادان تورک خلقلری نین شعرلرینه گئچمیشدیر.

۱- بیر هاشمی، تیمور. آذربایجان شعر و ادبیاتی ایله تانیش اولاق: وارلیق- خرداد- تیر ۱۳۶۲.

۲- هجا لارین اؤزادیلماسینا آغیرلیق (اماله) و سؤزلرین و یا هجا لارین قیسادیلماسینا بۆنگوللوک (رحاف) دئییلیر.

هجالاری نین اوزونلوق و قیسالیغی باخیمیدان عربجه یه اویان فارسجادا، عروض وزنی آسانلیقلا تطبیق اولونموشدور. اما اوزون هجاسی اولمایان تورک دیلینده عروض وزنی نین تطبیقی بعضی چتینلیکلرله قارشیلانمیشدیر. بیر طرفدن بعضی هجالاری وزنه گؤره اوزون اوخوماق (ایماله و یا آغیرلیق)، بیر طرفدن ده عرب و فارس سؤزلرینی تورک شعرینده ایشلمک ضرورتی حاصل اولموشدور. هجا وزنیه عاشقلاریمیز طرفیندن سؤیله نین شعرلری عروض وزنیه یازیلان کلاسیک شعرلریمیزله مقایسه اندر سک هجاوزنیه یازیلانلارین نه قدر داها چیلخا تورکجه ایله سؤیلندیکینی گؤروروک. بۇدا هجا وزنی نین دیلیمیزه و شعریمیزه داها اویغون اولدوغونو گؤستریر.

عروض وزنیه ایلك دفعه تورکجه شعرلر تورکستاندا قارخانلار دؤرونده یازیلیمیشدیر. بالاساغونلو یوسف حاجب میلادی ۱۰۷۱ ده تاماملادیغی «قوتادغوبیلیک» آدلی نصیحت کتابینی عروض وزنی نین متقارب بحرینده «فعولن، فعولن، فعولن، فعولن» و مثنوی شکلینده یازمیش دیر. بو اثر ۶۶۴۵ بیت دن عبارتدیر.<sup>۱</sup>

اوغوز تورکلریندن ایلك دفعه مولوی و اوغلو سلطان ولد و آذربایجاندا حسن اوغلو و نصیرباکونتی عروض وزنیه شعر یازمیشلار.

یوسف خاص حاجب قوتادغوبیلیگ ده ایشلندیکینی متقارب بحرینی فردوسی نین شاهنامه سیندن آلمیشدیر. چونکی بۇوزن تورک شعر و زنلریندن ۱۱ هجالی وزنه یاخین دیر.<sup>۲</sup> بلکه ده بونا گؤره بیر نصیحتنامه اولان قوتادغوبیلیگ شاهنامه تورکی آدیله مشهور اولموشدور. اوندان سونرا ادیب احمد یۆکنکی «عتبة الحقایق» اثرینی یازارکن عینی وزنی سنجیمیشدیر. عتبه الحقایق دن سونرا اۇن اوچونجو عصرده یازیلان مُعین المُرید ده عینی وزنیه یازیلیمیش و عینی زاماندا آنادولودا بۇوزنله شعرلر یازیلماغا باشلانمیشدیر. حتا فضولی ده تورکجه دیوانی نین مقدمه سینده غزلی مدح اندرکن بۇوزنی ایشلمیشدیر:

غزل دور صفابخش اهل نظر

غزل دور گل بوستان هنر

تورک شاعیرلری عروض وزنیه شعر یازماغا باشلارکن عروضون قیسا هجالاری یئرینه تورکجه نین آچیق هجالارینی و عروضون اوزون هجالاری یئرینه تورکجه نین باغلی هجا

۱ - پروفسور فواد کؤپرولو. تورک ادبیاتی تاریخی. اؤتۆکن نشریاتی، استانبول ۱۹۸۰ ص ۱۷۰.

۲ - نهاد سامی مانارلی - رسملی تورک ادبیاتی، جلد «۱» - استانبول ۱۹۷۱.

لارینی قۇيموشلار.<sup>۱</sup>

بوندان باشقا وصل Liaison قايداسيندان دا استفاده اولونموش دور. وصل (يايشديرماق) قايداسينا گوره سس سيز حرفله بيتن بير كلمه دن سۇنرا (يۆز)، سسلى حرفله باشلايان بير كلمه گلسه (آلتيميش)، بيرينجى كلمه نين سۇن حرفى ايکينجى كلمه نين ايلک حرفينه يايشديريلاراق تلفظ ائديلبير: يۆز آلتيميش کیمی. اوزامان باغلى هجا اولان يۆز، يۇسسینی آلير و بير آچيق هجا کیمی ايشله نير.

**عروض قالييلاری:** عروض قالييلارينا بحر دئييلير. بحرلر جزءلرين قۇشولماسيندان عمله گلر. مثلاً هزج بحرینی اله آلاق: مفاعيلُن، مفاعيلُن، مفاعيلُن، مفاعيلُن. بۇ بحر جزء (بارچا) دئييلن مفاعيلُن كلمه سى نين تکراريندان عمله گلگميشدير. بۇ جزءلرين هر بيرى بيرنچه سس بيرلشمه سيندن، هجا دان تشکول ائتميشدير. بۇنلارا رُکن، ارکان دئييلير.<sup>۲</sup>

عروض بحرلى عرب، فارس و تورک ديللرينده عینی شکیلده ايشلنمز. چونکی هر ديل اؤزونه ياتقين اؤلان قالييلاری سنچر اونا گوره بير عرب عرۇضو، بير فارس عرۇضو بير ده تورک عرۇضو واردير.

تورکلر عرۇضو فارس شعريندن آلدیقلاری حالدا اؤز ديللرينه ياتقين اؤلان بحرلىر آلميشلار. و بۇ بحرلردن داها چوخ هجاوزنينده ده ايشله نن، اؤن بير هجالی قالييا اؤيان وزنلىر سنچميشلر.

بحرلرين سايبسی ۱۱۹ دور. بونلار بير جدول ده گؤستريله رک عربجه ده ايشله نن

۱- آچيق هجانين سۇنو سسلى اؤلور: آ- نا هجالاری کیمی. اما باغلی هجالارين سۇنو سس سيز اولور: آل، دؤر کیمی.

۲- روکن. اوچ دؤرلو روکن واردير: سبب، وُتد و فاصله.

۱- سبب (ايپ) ايکی جوردور: اينجه و قالين.

اينجه سبب: بير صانت و بير صامت دن تشکول اندر: من، (قابالی هجا)

قالين سبب: ايکی آچيق هجادان تشکول اندر: نه نه، گنجه، نجه کیمی

۲- وُتد (مخ): ايکی جوردور: ياناشی و آيريق.

ياناشی وُتد بير آچيق و بير قابالی هجا دان تشکول اندر: مه نم، چه من، قلم کیمی

آيريق وُتد: بير قابالی و بير آچيق هجادان تشکول اندر: من چه، سن چه

۳- فاصله (ديره ک): ايکی جوردور: کچيک و بؤيوک.

کچيک فاصله ايکی آچيق و بير قابالی هجادان تشکول اندر: گله رم، گزه رم کیمی.

بؤيوک فاصله اوچ آچيق و بير قابالی هجادان تشکول اندر: گله جه گم، بگه نه رم کیمی.

فاصله اساساً مستقل بير روکن حساب اولونماز، چونکی اوبيرى روکن لرين بيرلشمه سيندن عمله گلير.

۱- بو ۱۹ بحرین هر بيرى نين بير چوخ چنشىدلری واردير. بو کتابدا بيز چوخ ايشله نلری وئردیک.

بحر لرین قاباغیندا (ع)، فارسجا دا ایشله نن لرین قاباغیندا (ف) و آذربایجان تور کجه سینده کیلر (آ) و تور کبه شعرینده ایشله نلرین قاباغیندا (ت) حرفی یازلمیشدیر.<sup>۲</sup>

دبلر			بحر	دبلر			بحر
ع	ف	آ	مُقْتَضِب	ع	ف	آ	هَزَج
ع		آ	کامل	ع	ف	آ	رَجَز
ع			وافر	ع	ف	آ	رَمَل
ع			طویل	ع	ف	آ	خَفِيف
ع			بسیط	ع	ف	آ	سَرِيع
ع			مدید	ع	ف	آ	مُضَارِع
	ف		قرب	ع	ف	آ	مُسْرِح
	ف		جدید	ع	ف	آ	مُجْتَث
	ف		مُشاکل	ع	ف	آ	مُتْقَارِب
				ع	ف	آ	مُتْدَارِک

یالنیز بیر نوع جزئون تکراریندان عمله گلن بحرلره (مُتْفِق الارکان = رُوکنلری عینی)، جزءلری مختلف اولورسا مختلف الارکان دئییلیر.

متفق الارکان بحرلرین ساییسی یئددی دیر و بونلاردیر:

- ۱- هَزَج بحری: مفاعیلن، مفاعیلن، مفاعیلن، مفاعیلن.
- ۲- رَجَز بحری: مُسْتَفْعَلُن، مُسْتَفْعَلُن، مُسْتَفْعَلُن، مُسْتَفْعَلُن.
- ۳- رَمَل بحری: فاعلاتن، فاعلاتن، فاعلاتن، فاعلاتن.
- ۴- مُتْقَارِب بحری: فَعُولُن، فَعُولُن، فَعُولُن، فَعُولُن و یا فَعُول.
- ۵- مُتْدَارِک بحری: فاعِلن، فاعِلن، فاعِلن، فاعِلن.
- ۶- کامل بحری: مُتْفَاعِلُن، مُتْفَاعِلُن، مُتْفَاعِلُن، مُتْفَاعِلُن.
- ۷- وافر بحری: مُفَاعِلَتُن، مُفَاعِلَتُن، مُفَاعِلَتُن، مُفَاعِلَتُن.

مختلف الارکان بحرلر ۱۲ دیر. یئددیسی ایکی مختلف جزئون تکرارین دان تشکیل

۱- ت. پیر هاشمی، آذربایجان شعر و ادبیاتی. وارلیق حر داد. تیر ۱۳۶۳.

اولور و قالانی اۆچ مختلف جزئون تکراریندان عمله گلیر.  
 مُتَفَعِّلُ الارکان بحرلرین آلتیسی و مختلف الارکان بحرلردن: مضارع (مَفَاعِلُنْ، فَاعِلَاتُنْ)  
 مُجْتَثٌ (مَفَاعِلُنْ، فَعَلَاتُنْ) و مُنْسَرَحٌ (مُتَفَاعِلُنْ، فَاعِلُنْ)، خفیف (فَاعِلَاتُنْ، مَفَاعِلُنْ، فَعِلُنْ) و سریع  
 (مُتَفَاعِلُنْ، مُتَفَاعِلُنْ، فَاعِلُنْ) بحرلری تورک شعرینده ایشله نر.  
 بحرلرده هر بیت ده جزء ۸ دفعه تکرار اولسا (هر مصراعدا ۴ دفعه) اؤنا مُتَمَن (سککیزلیک)  
 و اگر آلتی یؤل تکرار اولسا مُسَدَس (آلتیلیق) و دؤرد دفعه تکرار اولسا مُرْبَع (دؤردلوک) دئییلیر.  
 آذربایجان شعرینده ان چوخ هَزَج بحر، اوندان سونرا رَمَل و بونلاردان سونرا  
 مُضَارِع بحر ایله مُجْتَث بحر ایشلنمیشدیر. بو بحرلرین مختلف چنشدیلری واردیر.

هَزَج بحر: هَزَج گؤزه ل سسله ماهنی اؤخوماق دئمکدیر. اؤتوزا قدر نوعو واردیر.  
 بونلاردان آذربایجان شعرینده اؤن نوعو ایشلنمیش دیر. بؤیوک شاعیریمیز  
 فضولی نین یارادیجیلیغیندا بونلاردان آلتیسی تطبیق اولونموشدور. <sup>۱</sup> هَزَج بحر نین «دؤرد  
 بؤلوملو بۆتؤو هَزَج» آدلانا بیرینجی نوعو دؤرد مفاعیلون (مفاعیلون) اولچوسونده دیر. بونا  
 فضولی دن بیر مثال:

پریشان خل	ق - عالم آ	هو افغان ائت	دیگیمدن دیر
پریشان اول	دوغوم خلقی	پریشان ائت	دیگیمدن دیر
مفاعیلون	مفاعیلون	مفاعیلون	مفاعیلون

مفاعیلون	مفاعیلون	مفاعیلون	مفاعیلون
چغیرما یات سوس آی یازیق	آی آج تویوق فضادا کی	یوخوندا چوخ غقاب جان	جاداری گور شکاری گور «صابر»

بو بحرین «اۆچ بؤلوملو بۆتوو ناقص هَزَج» یا مقصور آدلانا ایکینجی نوعو مفاعیلون



مفاعیلون فعولون اؤلچوسو دور. فضولی نین تور کجه دیوانی نین دیاچه سینده یازدیغی مُعَمَّابو اؤلچوده دیر.

محیطی - عش	قه غَوَاص او	لالی جان
اؤزُونو ائی	له دی خاکی	له یکسان
مفاعیلون	مفاعیلون	فعولون

هزج بحرئ نین «مُستزاد هزجی» آدلانان نوعو: مفعولُ مفاعیلُ مفاعیلُ فعولون (فعولُن).

کؤنلوم آ	چیلیر زولفی	پریشانی	نی گؤرجک
نطقیم تو	تولور غنچه	بی خندانئ	نی گؤرجک
مفعولُ	مفاعیلُ	مفاعیلُ	فعولون

هزج بحرئ نین «دؤرد بؤلوملو سینیق هزج» آدلانان نوعو: مفعولُ مفاعیلون، مفعولُ مفاعیلون دور. آذربایجان هزجی نین «لیلی و مجنون هزجی» آدلانان نوعو لیلی و مجنون منظومه سی نین وزنی دیر.

هر سؤز کی	گلیر ظهو	ره مندن
مین طعنه	بولور هر	انجمندن
مفعولُ	مفاعِلُن	فعولون (هزج مُسدَس اُخرَب مقبوض محذوف)

رَمَل بحرئ: (قاچان دئمکدیر). آذربایجان کلاسیک شعرینده ایکینجی سیرادا گلیر. بونون ایگیرمی دن آرتیق نوعو واردیر. آذربایجان شعرینده دوققوز نوعو تطبیق ائدیلمیشدیر. رمل بحرئ نین بیرینجی نوعو دؤرد فاعیلاتون (فاعلاتُن) اؤلچوسونده دیر. بیزده چوخ ایشله ن فاعِلَاتُن فاعِلَاتُن فاعِلَاتُن فاعِلُن وزنی دیر. فضولی بو اؤلچوده ۱۴۵ غزل یازمیشدیر. مثلاً:

حیرت ای بُت	صورتین گؤر	دؤکده لال ائی	لر منی
صورت حا	لیم گؤره ن صو	رت خیال ائی	لر منی
فاعلاتون	فاعلاتون	فاعلاتون	فاعِلون (فاعِلُن)

رجز بحرئ: (تیتره بن) آذربایجان عروضونون اوچونجو بحرئ دیر و ۲۰ دن چوخ نوعو واردیر. بیزده آنجاق دؤرد نوعو ایشلنمیشدیر. بوجردن نسیمی و دیگر شاعیرلریمیز استفاده ائتمیشلر: مُستفعِلُن، مُستفعِلُن، مُستفعِلُن، مُستفعِلُن، مثال فضولی دن:

حق مظهري	دير هر چيچك	گر ائتمه سه	نقاش شك
بير ناردن	شكلينى چك	وتر گيل اونا	نشو و نما
مستفعلون	مستفعلون	مستفعلون	مستفعلون

مستقارب بحري: (ياخين، ياخينلاشان) آذربايجان عروضونون دوردونجو بحري دير. دورد نوعو ايشلنميشدير. باشليجاسي «فعولُن، فعولُن، فعولُن، فعولُن» شكلي دير. بير ده بونون «فعولُن، فعولُن، فعولُن، فعولُن» شكلي واردير كي كلاسيك شعريميزده ان چوخ ايشلنميشدير. مثلاً فضولي دن:

غزل دير	صفا بخ	ش اهل	نظر
غزل دير	گل بو	ستان	هنر
فعولون	فعولون	فعولون	فعول

بير ده صابر دن مثال وئره ك:

فعولون	فعولون	فعولون	فعولون
قاج اوغلان	قاج آت باس	دي ملت	گكير
دؤيوشدن	چيخان بير	جماعت	گكير
ائديب جوم	له اقوا	ما سبقت	گكير
وئريب هر	كسه در	سي عبرت	گكير
قاج اوغلان	قاج آت باس	دي ملت	گكير
			«صابر»

مضارع بحري: (مضارع بنزهين دشمكدير). آذري عروضونون ۵- جي بحري دير. آذربايجان شعرينده اؤچ نوعو ايشلنميشدير. باشليجانوعو مفعول فاعلاتون، مفاعيل فاعلون دور. مثال فضولي دن:

صبريم آ	ليب فلک مه	نه يوزمين جه	فا وئرب
آز اولسا	هر متاع او	نا ائل چوخ به	ها وئرب
مفعول	فاعلاتون	مفاعيل	فاعلون

بو بحرین ایکینجی نوعو ایکی دفعه مفعولن فاعلاتن اولچوسونده دیر (بحر مضارع مثنیٰ اخر ب).  
 مُجْتَبَّحَ بَحْرِي: ۱ آذری بحری نین ۶ - جی بحری دیر. بیزده ایکی نوعو وار دیر. باشلیجا

نوعو «مفاعِلُنْ مفاعِلُنْ مفاعِلُنْ» مثال فضولی دن:

خوش اول زامان	کی حریم	وصاله مح	رم ایدیم
نه متلا	بی - بلانه	مقیّد	غم ایدیم
مفاعلون	فِعالَتون	مفاعلون	فِعولون
۱	۲	۳	۴

خفیف بحری: ۱۲ دن آرتیق نوعو واردیر. آذری شعرینده بیر نوعو و بونون دؤرد واریانتی ایشلنمیشدیر. باشلیجاسی بودور «فِعالَتُنْ، مفاعِلُنْ فعلن و فاعلاتن مفاعِلُنْ فِعالُنْ». مثلاً: فضولی دن:

هر نه درد اول	سا من دوا	وئرهم
طبع گؤزگؤ	سونه جلا	وئرهم
فاعلاتون	مفاعلون	فِعلون

خفیف بحری نین اساس اولچوسو آتی جزء لی اولوب سالم وزنی «فاعلاتن، مستفعلن فاعلاتن» دور.

مُتَسَرِّحَ بَحْرِي: ۲ ۳۰ دان آرتیق نوعو واردیر. آذربایجان شعرینده اوچ نوعو ایشلنمیشدیر. باشلیجا نوعو بودور «مُتَفِعِلُنْ، فاعِلُنْ، مُفْتَعِلُنْ، فاعِلُنْ». مثال فضولی دن:

کیمسه ده رُوخ	سارینا	طاقت نظ	ظاره بوخ
عاشقی اول	دؤردو شوق	بیر نظره	چاره بوخ
باغری بوتون	لر منه	طعنه ائدر	لر مودام
حالیمی شر	ح ائتمگه	بیر جگر	پاره بوخ
مفتعلون	فاعلون	مفتعلون	فاعلون

۱ - مجتَبَّحَ: کسلیمیش، قویموش دنمکدیر.

۲ - متَسَرِّحَ: بنین گندن حیوان چیلپاق - لوت دنمکدیر.

سریع بحری: اۇندان آرتیق نوعو واردیر. بیزده آنجاق بیر نوعو ایشلنمیشدیر: «مُفْتَعِلُنْ، مُفْتَعِلُنْ، فاعِلُنْ»، مثال فضولی دن:

سالدی آباق	دان غم عا	لم منی
وئر منه غم	دیفینه سا	قی شراب
بار سئوال	ائتسه کی حا	لین نه دیر
خسته فضو	لی نه وئرر	سن جواب
مفتعلون	مفتعلون	فاعلون

کامل بحری: آذری شعرینده ایکی نوعو واردیر. بیرینجیسی ایکی دفعه «مُتْفَاعِلُنْ، فَعُولُنْ» اؤلچوسونده دیر. صابردن بیر مثال:

نه روادیر اغ	نیالار	باخا آج قالا	نه یارب
بۇ نه سؤز کی آج	قالانا	اؤلونا اعا	نه یارب
چیخا جانی آج	قالانین	گؤزونون به بک	لریندن
گئدیب ایشله سین	قازانسین	الی نین امک	لریندن
نه دیر اغنیا	به خیری	اؤلارین امک	لریندن
بئمه ییب آجین	دان اؤلسه	دخی خوش بها	نه یارب
مُتْفَاعِلُونْ	فَعُولُونْ	مُتْفَاعِلُونْ	فَعُولُونْ

ایکینجی نوعو ۴ دفعه مُتْفَاعِلُونْ تکراریندان عمله گلیر.

بۇنلاردان باشقا بیر ده بحر طویل واردیر (اؤزون اؤلچو). یازیلیش شکلی نثره بنزهر. مصراعلار آیریلمازلاکین اؤندا آهنگ، ریتم و قافیله واردیر. مثلاً صابردن: ای فلک ظولمون عیاندیر، بۇ نئجه دؤرو زامان دیر، کی، ایشیم آه و فغاندیر، هامی درددن بۇ یامان دیر... اؤره گیم دؤپ - دؤلو قان دیر... بحر طویلی مشهور دور.

آذربایجان کلاسیک شعرى اساساً عروض وزننده یازیلیمیشدیر. ایلك دفعه ۱۸ - جی عصرده واقف هجاوزنيله یازماغا باشلامیش و گؤزهل و شیرین شعرلريله بۇ وزنن اؤستونلویونو اثبات ائتمیشدیر.

### ج: آزاد شعر (سربست شعر):

بۇ گۆن آذربایجان شاعیرلری هجا و عروض وزنلریندن باشقا آزاد شکیلده ده شعر یازیرلار. اما آزاد (سربست) شعر بعضیلری نین دۆشوندویو کیمی تامامیله وزن و قافییه دن آزاد دگیل دیر. بۇنلار آزاد شعرده خصوصی بیر شکیلده و اؤزونه مخصوص بیر ریتمله ایشله نیر. سربست شعرده مصراعلارین اؤزولوغو، بۇلگولرین سایسی مختلف اولور. مثلاً:

فیکریم بیر ساپ کیمی

ایلیشمیشدیر پاریلدا یان بیر خنجره

اؤنومده کی بؤوک شهر

بیر پنجره

«م. رفیعلی»

مصراعلارین بو شکیلده قۇرولوشو مندرجه نین (محتوانین)، ریتمین طلبینه گؤره دیر. <sup>۱</sup> سربست شعرده مصراعلارین اوخونماسیندا ریتمه خصوصی فیکر وثرمک لازیم دیر. بعضاً بیر جمله بیرنچه مصراعدان عبارت اولور. مثلاً:

کمال لارین

شاهلارین

اؤلۆمونه قرار یازدیق

بیز حرب ایسته میریک!

حربه حاضریق!

«صمد وورغون»

بۇرادا هر سؤزون بیر مصراعدا یازیلماسی ساده گؤزه للیک یا بزه ک اوچون دگیل، مضمونون طلبینه گؤره دیر. چونکی بو کلمه اؤز-اؤزلیوننده متن ده ائله ایشلنمیشدیر کی بدیعی تصور وثره بیلر.

کلمه لرین بو شکیلده یازیلیشی شعرده خصوصی ریتم و آهنگ یارادیر.

سربست شعرده کی آهنگی قۇوتلی وثرمک اوچون قافییه لردن داها نمره لی استفاده ائدیلبیر. بعضی پارچالاردا قافییه لر آیری-آیری مصراعلاردا اولدوغو حالدا بعضی لرینده ده بیر

نئچه مصراعداڭ سونرا گلیبر. بورادا یازیچی قافیہ نی ایشلمکده داها سربست دیر. اوشعرین کاراکتریندن آسیلی اولاراق ایسته دیگی یترده قافیہ ایشله ده بیلر.  
مثلاً:

بیر سس دئیر

رضا دؤرما

رضا باز!

رضا باز!

بازا باز!

قارشى گۆندن گۆلومسه بن

باراشیقلى رضا باز.

«رسول رضا»

سربست شعر خطابه و نطق اوچون مناسب دیر. بو شعرلری اوخورکن مطلق سسیمیزی مختلیف تۇنلاردا چیخاردیب و اؤزوموز و بؤیوک بیر جماعت قارشیسیندا حس ائدیریک. شاعیر سئچدیگی کلمه لرله بیزی جۇشماغا چاغیریر.

وؤر دئدیم

وؤر!

منیم آرزوم بؤدور!

قۇللارینا بئى قۇه لر گلسین

و

سنین الینله بؤکسلسین

بؤکلؤ، آلیقلى کندیمیز

کیرلی، یاماقلى کندیمیز

«صمد وورغون»

سربست شعرین اسکی سؤؤتلر بیرلیگینده اؤنچؤسو ما یا کؤوسکی اؤلموشدور. سربست شعرى اوخویارکن هر سؤزو اؤز یئرینده، اؤز آهنگینده سؤیله مک لازیم دیر. معین سؤزلری بر کدن، بیر باشقاسینی معین فاصله ایله، اؤچونجوسؤنو، ندا، دؤردونجوسونو، سئوال شکلینده<sup>۱۱</sup> دیکده سربست شعرین عمومی آهنگینی - ریتیمینی تأمین ائتمیش اۇلاریق.

سربست شعر شکیللری مضمونلا علاقه دار اۇلاراق آذربایجان شعرینه یئنی سؤزلر یئنی

ایفاده لر و یئنی قافیہ لر گتیرمیشدیر.<sup>۱</sup>

شعرین محتواسی:

شعرین محتواسی تدقیق اؤلونور کن اوندکی اساس فیکر و دؤیغو (تم) نظرده توتولور.

تم:

یونانجا Tema دان آیینان بیر کلمه دیر و صنعت اثرینی مئیدانا گتیره ن (اساس دؤیغو و دؤشونجه) دیر. تم لرین سایسی مختلف دیر. ان چوخ ایشله نن تم لر بونلاردان عبارت دیر. عشق، قهرمانلیق، طبیعت، اؤلوم، جمعیت، وطن، انسانلیق و ...

بو تم لر مختلف چاغلاردا و مختلف شاعیرلر و یازیچیلار طرفیندن مختلف شکیلده ایشلنمیشدیر. مثلاً اورتاچاغدا عشق داها چوخ ایلاهی و پلاتونیک شکیلده ایشلندیگی حالدا، بۇ گؤنکو ادبیاتلاردا، داها چوخ ماددی بیر لذتین ایفاده سی شکیلنده اله آیینمیشدیر. اؤلوم بیزده و اوروپادا اضطراب و نره ن مرثیه لره موضوع اؤلدوغو حالدا هند شعرینده و بعضی تصوف شعرلرینده بیر چئشید قوووشما کیمی فغانسیز و سکونتله ایشلنمیشدیر. بۇرادا صنعتکارلارین مزاجلاری و شخصی خصوصیت لری داها چوخ تأثیرلی اؤلوموشدور.

عشق بؤتون ادبیاتلاردا ان چوخ ایشله نن تم لر دندیر. ایلاهی عشق دن، جنسی آرزولارین تظاهر و نه قدر مختلف چئشیدلری ادبیاتدا عکس ائتمیشدیر. تانری عشقی، وطن - ملت عشقی، انسان عشقی ان چوخ ایشله نن تم لر دیر.

قهرمانلیق: انساندا کی فداکارلیق، ایگیدلیک، جسارت، جنگاورلیک و اوجار و حلولوق کیمی خصوصیتلر بۇ تمه داخیل دیر.

جمعیت، وطن و انسانلیق تم لری عصریمیزده هله اؤز ادبیاتیمیزدا ان اوجا موقعی تۇتماقدادیر. دؤشونجه تمی: قدر، فانیلیک، دین، صنعت، روح حاللاری کیمی غضب، رحم، انتقام، گنجلیک و قوجالیق و حادثه لر حقینده جوربه جور گؤروش لرین هامیسی دؤشونجه تمینه داخیل دیر.

بیر شعرده تمی باشا دؤشمک اوچون، صنعتکارین، او شعر یازماغا سوق ائدن اساس احساس و دؤشونجه سینه باخماق لازیم. البته شعرده اساس تمین یانیندا بعضی علاوه تمملر ده

۱ - جعفر خندان. ادبیات تنوریاسی. باکی ۱۹۴۰ - آذر نشر.

ایشلنه بیلر.

شعرلر داها چوخ تنملریندن آسیلی اولاراق غنائی (لیریک)، حماسی (ائپیک)، دراماتیک و تعلیمی دیدا کتیک و پاستورال اولاییلر.

غنائی و یا لیریک شعرلر (یونانجا لیریکوس ساز دئمکدیر) اؤره کدن گلن دۇیغولو، هیجانلی شعرلر دیر. اوروپالیلارا گؤره ان اسکى افسانه وی لیریک شاعیر اورفئئوس Orpheus اولموشدور.

حماسی شعرلر قهرمانلیق، وطن، ملت حقیقنده یازیلان شعرلره دئییلر.  
دراماتیک شعرلر نمایشنامه یازماق اوچون سؤیله نیر.





## ادبى - بدىعى اثرلرین دىلى بدىع صنعت واسیپه لری (بدىع علمى)

دىل یازیچی نین سلاحي و بدىعى اثر یاراتماق واسیپه سی دیر. ادبى دىلین اؤزونه مخصوص قایدا - قانونلاری واردیر. ادبى - بدىعى دىل یازی دىلى و یا رسمی دىلین بیر قۇلو اولماقلا برابر اوندان فرقلی دیر.

بازی دىلى و یا رسمی دىل مطبوعات دا اؤخۇدوغوموز یازیلارین، تاریخ، جغرافیا و بۇ کیمی کتابلارین دىلى دیر.

ادبى - بدىعى دىل ادبى اثرلرین دىلى دیر. بۇ دىل ده تصویر، گۆزه ل و تأثیرلی ایفاده طرزى و بدىع صنعت واسیپه لری بۇل - بۇل ایشله نیر. یالنیز شعر دگیل، رۇمان، حکایه، نمایشنامه و باشقا ادبى اثرلرده بۇ دىلده یازیلار. بۇ دىلده مترادف (سینونیم) و متشابه (اؤمونیم) سۇزلردن، تشبیه، مجاز، کنایه و استعاره و سایر بدىع صنعت واسیپه لریندن استفاده اولونار. بدىعى دىل زنگین و بزه کلی بیر دىل دیر.

مترادف (سینونیم) سۇزلر: معناجا بیر - بیرینه یاخین، شکیللری مختلف اولان سۇزلره سینونیم دئییلیر. مثلاً: جاوان، گنج، جاهل، یئنی یئتمه. صنعتکار بیر جومله ده و یا تصویرده دۇرددفعه «گنج» سۇزونو ایشلتمز، او، یئرینه گۆره او معنائی وئره ییلن سینونیملردن استفاده ائدر.

اما سینونیم اولان هر سۇز بیر - بیرینی عوض ائده بیلمز. مثلاً: «جوان معلم» یئرینه «جاهل معلم» دئییلمز. اؤنا گۆره سینونیملری ائله ایشلتمک لازیم دیر کی، دۆزگون، منطقی و تأثیرلی

اولسون.

سینونیملر دیلی زنگین لشدیرر و یئرسیز تکرارادا مانع اولار. مثلاً: «جهان محاربه سی بۆتون جهاننی بۆرؤموشدو. بۇ محاربه ده جهان بیر- بیرینه قاریشمیشدی». بورادا جهان سۆزونون اۆچ دفعه تکراری ادبی اثرده قصور ساییلیر، اۇنون یئرینه بئله دئیلمه لیدیر: جهان محاربه سی بۆتون دونیانی بۆرؤموشدو. بو محاربه ده عالم بیر- بیرینه قاریشمیشدی.

متشابه (اؤمونیسم) سۆزلر: شکیلده بیر، معناجا مختلف اولان سۆزلره متشابه (اومونیسم) دئییلیر. مثلاً: یاز (فصل)، یاز (بازماق) کیمی. بوسۆزلره شفاھی خلق ادبیاتیمیزدا، جناس آدی آلتیندا، کلاسیک ادبیات دان داها چوخ راست گلیریک.

دیلبن بدیعی جهتدن زنگینلشمه سینده متشابه لرین ده چوخ اهمیتی واردیر. بعضاً بیر سۆزون بیر چوخ معناسی اولاییلر و یازیچی و شاعیر اونلاردان اثرینی داها تاثیرلی و گۆزه لشدیرمک اوچون یئرینده استفاده ائده ییلر.

متشابه سۆزلرین ان یاخشى نمونه لرینی عاشق علسگرین شعرلرینده گۆروروک. مثلاً:

گۆنول سن کی دۆشدون عشقین بحرینه

نارین چالخان، نارین سیلکین، نارین اۆز (۱)

دوست سنی باغینا باغبان ائيله سه

آلماسین در، گۆلون ایيله، نارین اۆز (۲)

۱- نارین - نارین اۆز ۲- نارینی (میوه سینی) اۆز.

یازیچی بیر حادثه و یا انسان و یا بیر شئی تصویر ائدرکن اوخوجودا درین تاثیر اۇیاتماق اوچون اونلارا بدیعی صفتلر (ایپنتت) وئرر و عینی زاماندا اۆز مناسبتینی ده اونا بیلدیرر. مثلاً: صمد وورغون قایالاری تصویر ائدرکن «قوش قونماز قایالار» دئییر. بورادا قوش قونماز صفتی مجازی معنادا قایالارین یوکسکلیگینی گۆسترمک اوچون ایشلنمیشدیر.

بدیعی صنعت واسیطه لری:

ادبی دیلده هله شعرده بدیعی صنعت واسیطه لریندن چوخ استفاده اولونار.

بدیعی، یئنی، یئنی لیک یارادان دئمکدیر. ادبیات دا سۆزون گۆزه ل، خوشا گلیم و انسجاملی اولماق قایدالارینی بیلدیره ن علمه بدیعی علمی و بو علم ده ایشله نن واسیطه لره بدیعی صنعت واسیطه لری دئییلیر.

بدیعی صنعت واسیطه لری ایکی جور دور:

۱- لفظ گۆزه لئیگی اوچون ایشله ن بدیع صنعت واسیطه لری:

بونلار سجع، لف و نشر، جناس، تضمین و مُلُون دن عبارت دیر.

سجع: بدیع اصطلاحیندا جومله لرده بیر وزن و قافیه ده گلن کلمه لره سجع دئییلیر. سجع نثرده شعرین قافیه سینه بنزهر. مثلاً: یارمندن کۆسموش، علاقه سینی کسمیش، بختیم یاتیب، اجلیم چاتیب دیر. بۇ جومله لرده کۆسموش ایله کسمیش و یاتیب ایله چاتیب سۆزلری سجع دیر.

سجع اۆچ نوع دور: متوازن یا وزنلی سجع، موازی یا پارالل سجع و مُطَرَّف سجع. متوازن یا وزنلی سجع ده کلمه لرین آنجاق وزنی بیر اولور. مثلاً کریم ایله متین کیمی. موازی یا پارالل، سجع ده ایکی جومله نین سۆنوندا کی سۆزلرین وزنی و سۆن حرفلری بیر اولور. مثلاً: جوشغون و دۆلغون کیمی.

مُطَرَّف سجع ده کلمه لرین یالینز سۆن حرفلری بیر اولور. یعنی هم قافیه اولور. مثلاً: احوال ایله آمال کیمی.

لف و نشر (سپمه و دؤشۆرمه): ییزیم ادیباتدا آرایشله دیلمیش دیر.

اول نهنجه صفت یا فعلی بیر - بیرى نین دالیجا دۆزوب سؤنرا نهنجه اسم گتیریرلر کی هر بیرى او صفت یا فعلین بیرینه قایداری یا ترسینه اولاراق اول نهنجه اسم سونرا نهنجه فعل گتیریرلر کی هر فعل اسم لرین بیرینه قایداری. لف و نشر ایکی جور دور:

الف - مرتب لف و نشر: اگر سونرا گلن یعنی ایکینجی مصراعدا گلن کلمه لرین بیرینجی بیرینجی مصراعدا گلن بیرینجی کلمه یه و ایکینجی، ایکینجی کلمه یه ترتیب ایله قایتسا اونا مُرتب لف و نشر دئییلیر. مثلاً:

نه علاج اندیم، کیمه بالواریم، داغیدیب، ییخب، آپاریب آلیب

گۆزو کۆنلومو، اۆزو جسمیمی، قاشی عقلمی، سۆزو جانیمی.

یعنی گۆزو کۆنلومو داغیدیب، اۆزو جسمیمی ییخب، قاشی عقلمی آپاریب و سۆزو جانیمی آلیب.

ب - مشوش لف و نشر: بورادا ایکینجی مصراعدا گلن کلمه لرین بیرینجی بیرینجی مصراعدا کی ایکینجی کلمه یه و ایکینجی بیرینجی کلمه یه قایداری. مثلاً:

اۇل بوخاغى، بۇبو گۇروم نۇجە من

اوخشايم بىر دە سروى، ياسمنى؟

بو بیت دە سرو بۇيا (ايكىنجى كلمه يە) و ياسمن بۇخاغا (بىرىنجى كلمه يە) قايدىر.

جناس يا تجنيس: تجنيس شعرده جناس ياراتماق دىر. مختلف نوعلىرى واردىر: تام

تجنيس، ناقص تجنيس، مُركب تجنيس، مُكرّر تجنيس و سايره.

تام تجنيس: هم يازىسى هم ده تلفظو (اۇخونوشو) عىنى اولان و معنالارى آيرى اولان

سۇزلره تام جناس دئىلىر.

ناقص تجنيس: اگر بىر سس (حرکه) آيرى اولورسا ناقص تجنيس دئىلىر. مثلاً:

سن سىز يئدىگيم هر نه بئسه م درديله قان دىر

گل گؤل دوداغين شربتینه جانیمی قاندىر

«نسىمی»

بو بیت ده قان دىر و قاندىر سۇزلىرى تام تجنيس و گل - گؤل سۇزلىرى ناقص تجنيس دىر.

تضمین: شاعیر اۇز شعرینده باشقا شاعیرین شعرینی و یا سۇزونو و یا مثل و آتالار

سۇزوندن گنیرمیش اولسا اۇنا تضمین دئىرلر. مثلاً فضولى، حبیبی نین بىر غزلىنى تضمین ائتمکله

بىر مخمس ياراتمیشدیر: بورادا حبیبی نین غزلىدن بىر بیت و فضولى نین مخمس یندن بىر بند نقل

اىدیرىک:

گر سنين چين قىلماشام چاک ای بُت نازک بدن

گۇرۇم اولسون اۇل قبا پىراهن اگنيمده کفن

فضولى دن:

نا جنون رختين گئيب نۇندوم فنا مۆلكون وطن

اهل تجریدم قبول ائتمه م قبا و پىرهن

هر قبا و پىرهن گئیسیم مثال غنچه من

«گر سنين چين قىلماشام چاک ای بُت نازک بدن

گۇرۇم اولسون اول قبا پىراهن اگنيمده کفن».

باشقاسى نین سۇزو اوچون هیدجى دن بىر نمونه وئره ک:

بىر قۇجا باخشى سۇز دانیشدی او گۆن

خۇشوما گلدى او سۇزون دئیه نى

«باخشی اولسایدی فقر بس نانری

نییه اوز آدینی قویوبدو غنی؟»

مُلون: بویانمیش، رنگارنگ دئمکدیر و بدیع اصطلاحیندا ایکی عروض بحرینده دئیلن و یا اؤخونا بیلن شعره دئیلیر. مثلاً حکیم هیدجی دن:

دۆشدو اول گۆل اندامین تا باشیمه سوداسی

دونیا منه اوز قویبدو هنگامه و غوغاسی

بو شعر هم سککیزلیک اخرب هزج (مفعولُ مفاعیلُن مفعولُ مفاعیلُن) وزنینده هم ده سککیزلیک مُطوی مُقتضب (فاعلاتُ مفعولُن فاعلاتُ مفعولُن) وزنینده یازیلیمیشدیر<sup>۱</sup>.

۲- مضمون گۆزلیکلری اوجون ایشله نن بدیع صنعت واسیطه لری نین مشهور اولانلاری بونلاردیر:

مجازلار: سۆزلرین حقیقی - مستقیم معنالاریندا یوخ باشقا معنالاردا ایشلنمه سینه مجاز دئیلیر. مثلاً: میوه آجی دیر دئدیگده «آجی» حقیقی معنادا ایشله دیلمیشدیر. لاکین «سین دیلین آجی دیر» جومله سینده کی «آجی» مجازی معنادا ایفاده ائدیلمیشدیر. مجازی سۆزلردن استفاده ائتمک ایفاده نین تأثیرینی و شعرین جاذبه سینی داها دا آرتیرار. کلاسیک ادبیاتیمیز، هله شعریمیز مجازلارلا دؤنودور. مثلاً:

شب هجران یانار جانیم، تۆکر قان چشم گریانیم

اویادیر خلقی افغانیم قارابختیم اویانمازمی

گل رخسارینا قارشو، گۆزۆمدن قانلی آخار سو

حیییم فصل گۆل دور بو آخار سولا بولانمازمی

تشبیه یا بنزه تمه: بدیعی اثرلرده تصویرین تأثیرینی آرتیرماق اوجون یازیچی و یا شاعیر تصویر ائدیگی مفهوم (حادثه، انسان و شی) باشقا مفهوم ایله قارشیلادیرار و اؤنا بنزه در. مثلاً:

سینه م اثیر و فالخیر نفس آلیر دنیز تک

بیتمز سۆز لپه سیله منجه دگیل دنیز تک

«سلیمان رستم»

بنزه تمه لر معیین سۆز لرین، اداتین کۆمگی ایله عمله گلیر. مثلاً: کیمی، تک، تکین، سانکی، ائله بیل کی و سایره.

بعضاً بنزه تمه لر اداتسیز دا وئریلیر. مثلاً: سۇ حیات دیر.

بۇرادا سۇ حیاتا بنزه دیلدیگی حالدا هئج بیر اداتدان استفاده ائدیلمه میشدیر.

کامل تشبیه دۇرد حصه دن عبارت اولور:

۱- بنزه یین ۲- بنزه دیلن ۳- بنزتمه اداتی ۴- بنزه یین ایله بنزه دیلن آراسیندا کی

اۇیغونلوق و یا خود بیر- بیرینه یاخین اولان صفت مثلاً:

طیاره	قوش	کیمی	اوچور
بنزه یین	بنزه دیلن	بنزه تمه اداتی	بنزه مه اۇیغونلوقو صفت

بنزه تمه لرین تأثیرلی اۇلماسی اوچون همیشه بنزه دیلن وارلیق بنزه یندن قات-قات قۇوتلی اولمالیدیر. مثلاً: حسن ایلدریم کیمی گنجدی، دئدیگده بللی اولور کی، حسن چوخ سرعتله گنجمیشدیر، ایلدریمین سرعتی آرتیق اۇلدوغو اوچون اونا بنزه دیلمیشدیر. بنزه تمه لر یاراداندا یازیچی نین قابلیتی و اوستالیغی شرط دیر. بۇ یوک استعدادلی یازیچیلار چوخ تأثیرلی بنزه تمه لر یارادارلار. مثلاً واقف دن:

جمالین گۆنشدیر قمر دیر اۆزون

شکر دیر دهانین، شیرین دیر سۆزون

هر هانسی بیر بنزه تمه ده یازیچی نین اۆز دونیا گۆروشو، حادثه و شئیلره مناسبتی نظره چارپیر. یازیچیلار بنزتمه واسیطه سیله تیپلری، اؤبرازلاری تصویر ائدیر و اونلارین کارا کترینی آچقلا بیرلار.

استعاره (منافوراً): استعاره بۇرج آلماق معنا سینا دیر. بیر نوع بنزه تمه دیر. اۇنا بیر طرفلی تشبیه ده دئیرلر. بۇرادا قارشلاشدیریلان و یا بنزه دیلن مفهوملارین بیرى حذف اولموش، اۇنون خاصیتی یا بیر خصوصیتی ساخلانیلیر. مثلاً: «طبیعت انسان کیمی گۆلور» (بنزه تمه) یئرینه، «طبیعت گۆلور» دئدیگده استعاره اولور. بۇرادا طبیعتین بنزه دیگی انسان سۆزو حذف اولونموشدور. گۆلور سۆزوندن، بۇ خاصیتین انسانا عاید اولدوغوندان، بیز، حذف اولونان مفهومو بیلیریک.

استعاره لر بیر و یا بیرنجه سؤزدن عبارت اولا بیلر: «گۆنش ساچلارینی داراییب گۆلومسه - بیردی»، بورادا «داراماق»، «گۆلومسه مک» ایله استعاره لی ایفاده وئرلمیشدیر. بو دا ایفاده نین تأثیرینی داها آرتیریر، بئله استعاره یه مُرکّب و یا گئیش استعاره دئییلیر. استعاره آشاغیدا کی گرامر مقوله (کاتگوریا) لریندن عمله گله یلر.

صفت: آغ ساچلی دالغالار

اسم: بۆلودلار اؤردوسو

فعل: طبیعت گۆلور

ظرف یا قید: قیرچین دالغالار ضعیف سسله نیردی.

اگر استعاره ده جانسیز طبیعت جانلانديريلير سا بۇ استعاره يه شخصلنديرمه و يا جانسیز طبیعت دانیشدیریلیر سا نطقلندیرمه دئییلیر. شخصلندیرمه و نطقلندیرمه حادثه لری هم یازیلی هم ائل ادبیاتیندا چوخدور. مثلاً شخصلندیرمگه مثال:

عاشق قارا بۆلودلار

پارا - پارا بۆلودلار

منیم عرض - حالیمی

یئتیر یارا بۆلودلار.

و یا نطقلندیرمگه بیر مثال صابردن:

آلما، پالید شام آغاجی حال ایله

ایله دیلر بحث بۇ منوال ایله

باشلادی تعریفه پالید قامتین

اؤیدۆ اؤزون، زؤربالیغین حالتین

سمبول: سمبول استعاره ایله علاقه داردیر. هر ایکیسی حادثه لری معین شکیلده بیر - بیرینه بنزه دیر، استعاره ده بیر شئین صفتی باشقا بیر شئی اؤزیرینه کؤچورولورسه، سمبول دا همان سؤز معین شئین Object اوبرازی صورتی حالینا سالیئیر. مثلاً ما کسیم گور کی نین «فیرتینا قوشو» اثرینده فیرتینا (طوفان) انقلابین سمبولو کیمی وئریلیر.

بدیعی اثرده سمبول مهم رؤل اؤیناییر. بونون عمله گلمه سینده معین اجتماعی - سیاسی سبئر واردیر. هله اجتماعی - سیاسی آزادلیق اولمایان جمعیت ده یازیچیلار اؤز فیکرلرینی سمبوللارلا ایفاده اندرلر.

تمثیل - رمز (آللگوریا): تمثیل ده سمبولا یاخین دیر. تمثیلی شخصیت لر و صورتلر



(اوبرازلار) ایضاحاتا محتاج دیرلار. بۇ ایضاحاتلا تمثیل پردہ سی آلتیندا ایفاده اولونان فیکرلر، استعاره لر، تشبیه لر آیدینلاشیر.

تمثیللری کلیلہ و دمنہ کیمی (باسنیا) قدیمدن یازیلیمیش اثرلردہ گۇرۇرۇک. کلاسیک شاعیرلریمیزین فضولی، ذاکر، سید عظیم شیروانی، صابر و دوكتور عباس صحت ین اثرلریندہ تمثیلی اثرلر چۇخودور. فضولی نین «صحبت الاثمار» ی میوه لر آراسیندا گنڊن مناظره، تمثیلی اثر دیر. بنگ و باده اثریندہ بنگ، ایکینجی سلطان بایزیدی و باده، شاه اسماعیلی تمثیل اندیر. تمثیلی (آلنگگوریک) اثرلردہ شخصلردیرمه، نطقلندیرمه یۇلیله حیوانلاردان، بیتگیلردن و جانسیز طبیعت دن آلینان صورتلرین (اوبرازلارین) کارا کتیرنه خصوصی فیکر و ثرمک لازیم دیر. بللی اولدوغو اۆزره بۇ اثرلردہ تۆلکو- حیلہ کار، قۇزو- گۇناھسیز، قۇرد- آج گۇزقاریشقا- چالیشقان، جیر جیرما- تنبل (اوبراز) صورتی کیمی گۇستریلیر.

کنایه: اوروپا شعر اصطلاحیندا بۇنا ایرۇنی Ironie دئییلیر. ایرۇنی ده گیزلی استهزاء (ریشخند) واردیر. بیر ده مثبت معنالی سۇزو منفی معنا و ثرمک اوچون ایشلتمک، ترسینہ منفی معنالی سۇزو مثبت معنا و ثرمک اوچون ایشلتمک کنایه دیر.

بیر شخصه و یا بیر شئیہ یاراشمایان صفتی قصدا اۇنا و ثرمگه کنایه (گیزلی استهزاء) دئییلر. مثلاً: کۆت بیر شاگردہ «سن عالیم سن» دئمک کنایه دیر. بدیعی اثرلردہ خصوصاً معین تیپلرین، صورتلرین کارا کتیرلرینین افشاسیندا کنایه دن گنیش استفاده اندیرلر. مثال اوچون صابیرین «تۆلکو وقارغا» شعرینی تحلیل انده ک. بللی دیر کی قارغا چیر کین دیر، سسینده ده ملاحظہ یۇخودور. صابر آشاغیدا کی مصراعلاردا قارغانی کنایه اۇصۇلیله تصویر اندیر.

دئدی: «احسن سنہ آ قارغا آغا،

نه نزاکنله قۇنموسان بۇداغا؟

بزہ دین سن بۇ گۇن بیزیم چمنی،

شاد قیلدین بۇ گلگه گینله منی

نه گۇزله سن نه خوش لقاسان سن

یئری وار سۇبله سم هُماسان سن

تۆکلریندیر اپیک کیمی پارلاق

بد نظر دن وجودون اولسون ابراق

بۇ یقین دیر کی وار سۇبلمی سسین

اوخو وئرسین منه صفا نفسین»

جلیل محمد قلیزاده و حق وثر دریفین اثرلرینده ده بۇ اوصولدان چوخ استفاده اولونموشدور. عمومیتله کنایه یه طنز و مزاح اثرلرینده چوخ راست گلیریک. تعریض (سار کازم): کنایه نین یۆکسک و کسکین شکلبه تعریض دئییلیر. (یونانجا سار کاسم آجی کنایه، استهزاء دئمکدیر). چوخ زامان ساتیرا طنزده گؤرولور. یازیچی کنایه ده قارشیسینداکی شخصین، حادثه نین و عموماً موضوعون چاتمایان جهتلرینی لاغا قویارسا، تعریض ده همان موضوعا آجی - آجی گؤلور.

تعریض جدی اؤسلوبدا داعی ایشله نر. مثلاً نسیمی دن:

ایتیردین جام جمشیدی اویان اویقودان ای غافل

نه بؤلدون اویقودان گؤستر، نه قیلدین اویقودان حاصل

مگر حقدن زیان گؤردون کی باطل قوله یاپیشدون

چؤبردین اوزونو حقدن صاقین کیم حق دگیل باطل

مبالغه (Hyperbola): بدیعی ادبیاتدا، تأثیری قوتلندیرمک اوچون بیر حادثه نی، فاکتی (واقعه)، بیر شئی حددن آرتیق بویوتمگه، شیشیرتمگه مبالغه دئییلر. مبالغه نه قدر ایناندیریجی اولسا تأثیری اؤقدر آرتیق اولور. فضولی ده مبالغه نین ان یاخشی نمونه لری واردیر:

کوهکن کؤند ائيله ميش مين تیشه نی بیر داغیلن

من قۇباریب آتینام مین داغی بیر دیر ناغیلن

فضولی بۇرادا مبالغه ایشلمکله درد، غصه قارشیسیندا اوزونون محکم لیگینی، داوامینی، و عرورونو ایفاده اندیر.

مبالغه ده کی مجازی سؤزلری یا خود فیکرلری حقیقی معنادا آلماق اولماز. یازیچی و یا شاعیر اؤز حس و هیجانلاری نین یۆکسکلیگینی گؤسترمک اوچون مبالغه ایشله دیر.

تصغیر (Litota): مبالغه نین عکسی دیر. مثلاً:

قیلیندان بئلین اینجه گؤردوم تمام

ولی اینجه دن اینجه دیر بۇ خیر

«نسیمی»

بۇرادا بئلین تۆکدن ایجه اولماغی تصغیردیر و اینجه سؤزونون تکراری دا تکریر دیر و شعری داھ آهنگدار اندیر.

رجوع یا گریز: متن دن دؤنوب آدی چکیلن شخصه اؤز دؤنדרمگه رجوع دئییلیر (گریز وۇرماق) منظوم و یا مثنوی بیر اثرده، معین موضوعنو ایضاح و یا تصویر ائدرکن بیردن یازیچی

ممدوحا مراجعت ائدیر، اۆزونو خلقه، پیغمبره و یا معیین شخصه توتوب اۇنا خطاباً فیکر سؤیله بیر، اۇنون آدینی چکیر و اۇنا رجوع ائدیر.

تکریر یا پاراللیزم (Parallelisme): نطقى قوتلندیرمک اۆچون عینی سؤزلرین، فیکرلرین عینی مصراعدا و یا خود مختلف مصراعلاردا تکرارینا تکریر و یا پاراللیزم دئییلیر. بۇ تکرار اۇلونان سؤز، مصراعلارین باشیندا و یا اورتاسیندا و یا سۇنوندا دا اولابیلر. تکریردن استفادە ائدرک شاعیر عینی فیکری یا ایفاده نی بیرنچه مصراعدا تکرار ائدر و تکرار ائتمکله ده شعرین تأثیرینی قۇوتلندیرر. بۇرادا تکرار اۇلونان سؤزلر شاعیرین دئمک ایسته دیگی فیکری داها گۆجلو و کسکین ایفاده ائدر.

هر مصراعین باشیندا عینی سؤزون تکرار ائدیلمه سینه آنافور (Anaphora) دئییلیر. بودا تکریرین بیر نوعودور. بونا واقف دن بیر مثال وئره ک:

بیری لاجین گۆزلۆ، ترلان غمزه لی،  
بیری قیرغی باشلی، سۇنا جلوه لی،  
بیری شکر سؤزلو، شیرین لهجه لی،  
بیری قند آغیزلی، نات دوداقلی.

و یا نسیمی دن بیر مثال:

ای عشقه گۆناه دئیەن گوناھکار

ترک ائيله مزمن او گوناھی

بۇ بیت ده گۆناه سؤزو اۆچ دفعه تکرار اولموشدور.

سؤزلرین بۇ جور تکراری بعضاً ندا شکلینده ده اولور:

قۇی، گوللری یا قان سۇلا سین، یا خود عدالت!

قۇی، یا بشریت باشاسین، یا خود اسارت!

«جعفر جبارلی»

تکریر دن نئره و دانیشیق دیلینده ده استفادە اولونور.

بعضاً قوتلی هیجان دۇغورماق اچون عینی سؤزو دفعه لرله تکرار ائتمک مۇمکون دور.

مثلاً:

عصیان یارات، عصیان یارات، عصیان یارات عصیان

بۇ عصرده مسعود یاشاماق، حق بۇلو تاپماق

«سلیمان رستم»

عصیانلادیر، عصیانلادیر، عصیانلادیر آنجاق!

اینوئرسیا (Inversion): ایفاده ده تاثیر آرتیرماق اوچون بعضی کلمه لری جومله قانونلاری نین طلب ائتدیگی یتردن گؤتوروب باشقا یئرده ایشلمگه اینوئرسیا دئییلیر. سؤزون یئرینی دگیشدیرمه سی شعارلاردا دا گؤرولور. مثلاً: یاشاسین جمهوریت، یاشاسین آزادلیق.

سهل و ممتنع: ایلك باخیشدا آسان گؤرولن لاکن تاینی یازماق چوخ چتین و حتی امکانسز اولان بیر شعر و یا نثره دئییلیر (فرهنگ معین). سهل و ممتنع بئله ده. تعریف ائتمیشلر: سهل و ممتنع ده شاعیرین ایفاده سیندن چیخان معنا هم آشکاردیر هم ده مؤمکون اولمایان ممتنع دیر. مثلاً نسیمی نین بو شعرینه دقت یئتیره ک:

اگرچی جاندا سان جاندا نهنسان  
دگیل سن جان دان آبری بلکه جانسان  
کیمی و نرمنز نشان سندن اگرچی  
بیر و گوی دؤپ دؤلو کئی نشانسان  
نچه گیزله دئییم بن دن سنی کیم  
نه به کیم باخیرام اوندا عیان سان

حسن تعلیل: حسن تعلیل ده بیر صفت ادبی سبب کیمی حقیقی سببین یئرینه ایشلمیشدیر. مثلاً:

پریشان خلق عالم آه و افغان ائتدیگیمدندیر  
پریشان اولدوغوم خلقی پریشان ائتدیگیمدندیر

بۇ بیت ده فضولی خلقین پریشان اولماغینی اؤز آه و افغانیندان و اؤزؤنون ده پریشان اولماغینی خلقی پریشان ائتمکیندن بیلیر. بورادا ذکر اولونان سببلر (علت) حقیقی یوخ ادبی سببلردیر.

تلمیح: گؤز گوشه سیله اشارت ائتمک دئمکدیر. بدیع صنعتده شاعر و یا یازیچی شعر و یا نثرینده قرآن کریم دن بیر آیه یه و یا بیر حدیثه و یا مشهور بیر آتالار سؤز و یا حکایه یه اشاره ائدر. (ادبیات فارسی، مهدی احسانی) و اوخوجو دا تداعی و ادبی لذت یارادار.

وامق و فرهاد تک رسوایه قیلمان نسبتیم  
بیر فقیرم سانما نیز اول خودنمالاردان منی

«فضولی»

ویا: ساتدی گولزار بهشتی ایکی بوغدايه بابام

ساتما سام ناخلفم من اونو بیر آرابابه

«صابر»

ترصیع: ترصیعین خصوصیتی موازی لیگینده دیر. ایکی مصراعین کلمه لری سای جهتله برابر و هر بیرى مقابلله بیر وزن و قافیه ده اولار. مثلاً:

گۆزلرین سئوداسینا دؤشدو کؤنول

فتنه نین غوغا سینا دؤشدو کؤنول

«نسیمی»

ویا:

شول بویو رعنايه وئردیم کؤنلومو

شول گؤرو ستهلابه وئردیم کؤنلومو

شول گؤنش سیمایه وئردیم کؤنلومو

شول بوزو چون آیه وئردیم کؤنلومو.

الترزام: بیر سؤزون شعرین بۆتون بیت لرینده تکرار اولونماسی دیر. مثلاً:

چون بنی بزم ازلده ائيله دی اول یار مست

اول جهتدن گؤرؤنور بۇ چشمیمه دیار مست

مست درگاهم نه مستم بۇ شراب جُرعه دن

سانما ای خواحه بنی کیم اولموشام بیکار و مست

«نسیمی»

نسیمی نین ۵۶ مصراعلیق بۇ قصیده سینده مست سؤزو بۆتون مصراعلاردا تکرار

اولونموشدور.

ردّ العجز علی الصدر: تکریر نوعلریندن بیرى دیر. مثلاً:

نقش و نگاری گؤر فلکین کیم نه نقشله

نقش ائيله دی و قاپدی الیمدن نگاریمی

«نسیمی»

بۇ بیت ده نگار سؤزو بیرینجی مصراعین اولتندن ایکینجی مصراعین آخیرینه و نقش سؤز ده

بیرینجی مصراعین آخیریندن ایکینجی مصراعین اولینه گنجیب تکرار ائدیلمیشدیر.

تشخیص و انطاق: تشخیص شخصیتلندیرمک دئمکدیر. یعنی شاعیر جانسیز بیر وارلیغی

جانلیلار یئرینه گوتورور و یا کی جانلیلارین وظیفه سینی عهدده دارائیدیر. مثلاً داغ دانی شیر، کۆلک قاپینی دؤیور.

انطاق دا دانی شیرماق دیر. مثلاً هیکل - مجسمه دیله گلیر و دانی شیر.

عشق اؤدو بولاشدی شمعین جانینا گؤر کیم نئجه

هم یانار هم گؤزلریندن آچیلار سبلابلار

تنسیق الصفات: بیر شخص و یا بیر شئی تعریف ائدرکن اؤنو بیر نئچه گؤزله

صفتلرله تعریف ائدر. مثلاً:

نگاریم دلبریم باریم ندیمیم مونیسیم جانیم

رفیقیم همدیمیم عؤمروم روانیم درده درمانیم «نسیمی»

اشتقاق: شعرده بیر کؤک دن گلن فقط مختلف شکیللرده ایشله ن سؤزلره اشتقاق

صنعتی دئییلر. مثلاً:

عشق ایله معشوق و عاشق بیر ایمیش

هم امه ن هم امدیرن هم شیر (سؤت) ایمیش

صورتی مُصحف (قرآن) اؤزی نفسیر ایمیش

بوالعجب قدرت عجب تقدیر ایمیش «نسیمی»

سئوال: سئوال بیر قایدا اولاراق هر مصراعین سؤنوندا وئرلیلر. بعضاً ده مصراعین مختلف

یئرینده اولایلر. خطاب، ندا داها چوخ مصراعین اولینده گلر. مثلاً:

جمالین قبله ایمان دگیل می

وجودون مظهری انسان دگیل می

قمر، چرخ فلک سرگشته حیران

سین عشقینده سرگردان دگیل می «نسیمی»

خطاب و ندا:

ای کؤنول نادان قاتیندا رازینی فاش ائیله مه

اهل عرفاندیر بؤ رازین محرمی، نادان دگیل «نسیمی»

ایماله و زحاف: ایماله بیر سؤزو اوزاتماقدیر و وزین طلیینه گؤره ایشله نر. مثلاً:

غم دن اینجه لدی بؤ کؤنلوم یعنی اولدو بای کیمی

گؤزلریمه توش اولالی شول هلالی قاشلار «نسیمی»

قاشلار وزنه گؤره اؤزادیلیمیشدیر.

زحاف ایماله نین عکسی دیر و شعرده وزن خاطرینه سۆزلرین قیسالدىلماسی ضرورتی دیر. مثلاً: رفیع بئرینه رفع، آتش بئرینه تش و طرف بئرینه طرف دئییلیر. مثلاً نسیمی دن:

هانقی (هانسی) بۇرجون ییلدیزی سن ای ملک بیلیم سنی  
منزلین رفع اولدو بۆزمین کوکب سیاردان  
تضاد: معناجا بیر- بئرینه ضد سۆزلرین بیت لرده ایشلمه سینه دئییلیر. مثلاً نسیمی دن:  
ناقص وجود اوچون کیم نقصان گلیر همیشه  
جهد ائيله کامل اول کیم گلمز کماله نقصان.  
بۇ بیت ده ناقص له کامل، نقصان ایله کمال تضاد تشکیل ائدیر. کیم سۆز ده ایکی دفعه ایشله نیب و تکریر ساییلیر.

بدیعی تعیین (اپیتت): بنزتمه نوعلریندندیر. تصویر ائدیلمن شخصین یاشی نین اساس چیزگی و علامتری، سجه و صفتری داها قباریق و ثریلیر. مثلاً نسیمی دن:  
یارب اول مشکین سلاسل کیم نقاب اولموش گۆله  
مُشک تاناری دئییم یا سۆنول تردن می دیر.

ایهام: ایهام گۆمانا سالماق معناسینا دیر. بدیع علمینده بیر سۆزه دئییلیر کی ایکی معناسی اولسون. بیرى یاخین، بیرى اۇزاق و ائشیده نین ذهنی اول یاخین معنا و سؤنرا اۇزاق معنایا یعنی شاعیرین نظرده تۇتدوغو معنایا گئتسین. مثلاً شهرياردان:  
گلمز تانیرام بختیمی ایندی آغارار صبح  
قاش بیله آغاردیقجا داها باش دا آغاری.

بۇرادا اوستاد شهريار قاش سۆزونو، انسانین قاشی یوخ اوفوق معناسیندا ایشلتمیشدیر.  
مراعات النظریر: (بنزه ر شئیلره دقت ائتمک). شاعیر شعرینده بیر- بئرینه مناسب و علاقه دار شئیلری و یا ایشلری گئیرر و شعرین گۆزه للیگی و تأثیرینی آرتیرار. مثلاً نسیمی دن:  
گولشکر بازارا گلمز بال اوتانیر قند اریر  
شؤل حلاوتدن کی آنین شکر نابیندا دیر.  
بۇرادا شکر، بال، قند، حلاوت مراعات النظریر دیر.

سۇن سۆز:

## گۆنوموزدە ادىيات

ادىيات اينجە صنعتىن اساسلى بىر قۇلو اۋلاراق گۆزەل وسىچكىن سۆزلە دۆشونجە، دۇيغو، خيال و آرزولاريمىزى تصوير و ايفاده ائدر. ادىيات دا دىل كىمى انسانلار آراسىندا علاقه و اُنسىتى تامين ائدىب، گىنىشلىندىرر و اونلارن آراسىندا تانىشلىق و دوستلوق يارادار. انسان ادىيات واسيطه سىلە اۋز دوشونجە و دويغولارنى باشقالارينا نقل ائدر و گۆزەل ايفاده و تصويرن گۆچوندن دە فايدالاناراق اوخوجولاردا تاثير بوراخار و اۋنلاردا همرايلىك و باخىنلاشما عملە گىرر.

بۇيوك روس يازىچىسى تۇلستۇي صنعت و ادىياتى انسانلار آراسىندا بىر علاقه - مناسبت قۇرماق وسىلە سى كىمى بىلر و اۋنو انسانن و جمعيتن خوشبختلىكى اوچون واجب حساب ائدر. چونكى انسانلاردا عىنى دويغولارى اوياندىرماقلا اونلارى بىر - بىرىنە باغلاير. بىزىم فىكرىمىزە گۆره ادىيات روحون غذاسى دىر. يئدىگىمىز يىمك لر بىزە لذت و ثرەر هم دە وجودوموزون سلامتبه و مادى حياتى ميزن داوامنا يارار.

صنعت و ادىيات دا هم روحوموزا لذت و ثرر هم دە روحوموزون انكشاف ائدىب يۆكسلمه سىنە و ديگر انسانلارلا داها ياخشى آنلاشيب ياخىنلاشمامىز ياردىم ائدر. ادىيات بىزە دىلىگىمىزى تانيدار و خلقىمىزە ملتىمىزە و اۋلكە - وطنىمىزە اۋرە كدن باغلانماغىمىزى تامين ائدر، بىزە مىلى شعور و انسجام ياردار و عىنى زاماندا انسانلارى داها ياخشى باشا دۆشمگە و اونلارى سنومگە ياردىم ائدر.



سارتر ادبیات سیز دونیانی بۇش بیر شئی بیلیردی و خوشبختلیگی ادبیاتدا آختاریردی. اونون فیکرینه گۆره ادبیات مبارزه دن عبارتدیر. مبارزه شعور - بیلک قازانماق، حقیقتی آختارماق و انسان آزادلیغینی اله گتیرمک اوچون، اونا گۆره یازیچی یازدیغی اثر دن مسئول اولمائی دیر.

ادبیات، عقل و دلیلله باشاسالابیللمه دیگیمیز مسئله لری بدیع ایفاده و صورتلره آنلاشیلما سینی مومکون قیلار. انسان بدیع بیر اثر قارشیسیندا اتله گۆمان ائدر کی اولدن اونو دؤیموش اما ایفاده ائده بیللمه میشدیر. چونکی هر کسین ادبی استعدادی بیر دگیل دیر. ادبی استعدادی اولان کیمسه گوردو کلرینی جزئیاتیله ذهننده ضبط ائدر و اونلاری و اونلارین اؤز رینده قوردوغو تصوّر و خیاللارینی و تأثراتینی راحتجاسینا گۆزه ل بیر ایفاده ایله ایضاح ائدر. اکثریتله صنعت اثرینی دگرلندیریب تنقید ائدر کن تنقیدچی طرفسز اولمایب اینانیدیغی فلسفی - ادبی مکتب و دونیا گوروشون دن آسیلی اولاراق حؤکم و ثرر. اما بۇنوقید ائتمه لی بیک کی اؤ اثره یاخشى دئیه بیلر کی هامی اؤنو باشا دؤشوب اؤندان خوشلانسن و عالیملره ده عادى - باياغى گللمه سین. اثرین تأثری نه قدر درین و گئنیش مقیاسدا اولورسا اؤ قدر مقبول دور. اثرین تأثیر ساحه سی نین گئنیشلیگی اثرده کی دؤیغو - دؤشونجه نین درینلیگی، انسانا، جمعیتته و انسانلیغا فایدالی اولماغی و ایفاده نین آچیق و گۆزه للیگی و یازیچی نین صمیمیتیندن آسیلی دیر. ملی مفکوره و حسلرله یازیلان اثرلر ده اینام و صمیمیت گؤجلو اولور. اونا گۆره ده ملی ادبیات ان گؤجلو ادبیات دیر.

ادبیات بو گئترچگی انسانلارا چاتدیرمالی و آشیلمالی دیر کی انسانلارین سعادت و خوشبختلیگی اؤنلارین بیریگینده دیر و انسانلار آراسیندا زور - ظولم بئرینه محبت حاکیم اولمالیدیر. بو ایش بۇ گۆنکو ادبیاتین ان بؤیوک وظیفه سی دیر.

یازیچیلاریمیز باشاردیغی قدر خلقین دیلینه یاخین و آچیق یازمالیدیلار. خلقین باشا دؤشمه دیگی دیلده یازماق نه قدر ده طنطنه لی و بدیعی صنعتله بزه نسه ده معرفت ساییلماز. یازیچی و شاعیر اثر یاراتدیغی زامان اؤخوجولارینی نظرده توتمالی دیر. یؤخسا اؤزوندن باشقا کیمسه اثرینی اؤخوماز.

بیزیم ادبیاتیمیز خلقیمیزه باغلی معارف پرور و رئالیست اولمالیدیر. اما بیزده کی رئالیزم تنقیدی رئالیزم اولمالیدیر. یازیچیلاریمیز خلقیمیزین گۆزه ل خصوصیتلرینی عادت، عنعنه و یاشاییشینی ایضاح ائتمکله یاناشی جمعیت ده کی قصورلاری یارامازلیقلاری و گئری قالماغیمیزین سبیلرینی شیشیرتمه دن یازیلاریندا تنقیدی اوسلوبلا عکس ائتدیرمه لی دیر.

بۇنۇ قىدائەدە ككى ادبىيات حكومتىن و يا بىر حزبىن - فرقه نىن اۇرگانى اولمامالىدېر. ادبىيات سىياسىتىن وسىلە سى اولورسا اصلتىنى ايتىرر و تېلىغات واسىطە سىنە چئوريلر. سووت ادبىياتى كۆمۇنىست حزبى نىن برنامە و گۇستىرىشلىرلە يارانىپ انكشاف اتىدىكى اوچون رزىم داغىلاندىن سونرا اسكى وضعىت داوام اتىدە بىلمە مىشىدېر.

بو گون اسكى سووت لىر بىرلىكى نىن يىرىندە قورولان مستقل جمهورىتلردە مختلف سىياسى گۇرۇشلىرى اولان پارتى لىر قورولموش اما ادبىيات داها چوخ مىلى استقامتدە انكشاف اتىدىب چىچكىنمە يە باشلامىشىدېر.

يازىچىنى، موقى مىلى شعور و دۇيغولارى، خلقە و انسانلىغا قارشى دۇيدوغو باغلىلىق و مسئوليت حسى، اۇنو يازى يازماغا و صنعت اثرى ياراتماغا سوق اتىمە لىدېر.

قىدىم زامانلاردا شعر و ادبىيات داها چوخ دربارا، سارايلارا و امىرلەرە خدمت اتىدردى، شاعىرلر معاشلارنى و احتىاجلارنى تامىن اتىمك اوچون بىر دربارا و يا امىرە باغلى قالاردىلار و بو شرايطدە اثر نىرىندە اىستىر - اىستە مز ولىنمىتىنى و اۇنون اطرافىندا كىلارى مدح اتىدردىلر. نىلە شاعىرلر دربار و دربارىلرلن دىلىندە يعنى سئچكىن طبقە و اشراف دىلىندە شعر يازاردىلار. اولارلن شعرلىرى دە محدود بىر ئۇلۇلوقدان خارجه چىخماز و چوخ دا تاثير بوراخمازدى.

البتە اتلە بو زامانلاردا دا بعضى ايدتالىست بۇيوك شاعىرلرلىمىز اولموش و كىمسە نىن مدحىنى اتىمە دن دگرلى اثرلر و بعضاً دە شاه اثرلر يازمىشلار و بو گون اولارلن بوراخدىغى ادبى مىراث خلقىمىزىن قىمتلى خزىنە سى سايلىر و ادبىيات تارىخىمىزىن پارلاق صحىفە لرىنى دۇلدورور. بىزىم ادبى تارىخىمىزدە نىلە نجىب و بۇكسك روحلو شاعىرلر آز اولمامىشىدېر. فضولى، نسىمى، خطائى، صائب، واقف، و دادى، نباتى، شىد عظيم شىروانى، صابر و بالاخرە شىسترلى معجز بو گروپ شاعىرلرلىمىزدندىلر. مثلاً فضولى بوباره دە دئىر كى:

مندن فضولى اىستە مە اشعار مدح و ذم

من عاشقم هميشە سۆزوم عاشقانه دىر.

بۇ گونكو ادبىياتدا مداحلىغىن يىرى بوخدور، غنائى (لىرىك) شعر دە اسكى اهمىتىنى الدن و ترمىشىدېر. البتە بىزىم ادبىياتدا غنائى و عرفانى شعرلرلن اۇزونه مخصوص يىرى واردىر. غنائى و نسوف شعرلىرى هم بازىلى (كلاسىك) ادبىياتىمىز دا هم دە شفاهى خلق ادبىياتىندا شرفلى بىر گنجىمىشە صاحب دىر. غنائى و تصوف ادبىياتىمىزى داوام اتىدىر مكلە ياناشى ادبى اثرلرلىمىزدە اوچ اساس موضوعا اهمىت و ترمە لى بىك:

انسانپورلىك، وطنپورلىك و معارفپورلىك.

انسانپرورلیک بیزده و بۆتون ایراندا عنعنه حالینی آلمیشدیر. گنجه لی نظامی، سعدی، نسیمی، فضولی بؤیوک انسانپرور شاعیرلر اولموشلار. سعدی بۆتون انسانلاری بیر وجود، اؤرگانیزم ساییر و هموعونون دردیندن کدرلنمه یین آداما انسان دئمیر، نسیمی انسانی تانری نین مظهری بیلیر و انسان سئورلیگی تانری عشقی نین تملی ساییر.

وطنپرورلیک بیزلره آتا-با بالاریمیزدان قالان ارث دیر و روحوموزدا، قانیمیزدا دیر. تاریخیمیز وطنپرور لیگیمیزین ان بؤیوک شاهی دیر. سککیز ایل داوام ائدن ایران-عراق ساواشیندا اؤن مینلرله عسگریمیز وطنی مدافعه ائتمک اوچون جانلارینی فدا ائدیپ شهید اولموشلار و دنیا ساواش تاریخینده گؤرولمه میس و یا چوخ آز گؤرولموش بیر جسارت و فدا کارلیقلا وطنی مدافعه ائتمیشلر. البته بۇ خارق العاده جسارت و فدا کارلیغا وطن سئوگیسینه یاناشی دینی اینام و اسلام مفکوره سی ده سبب اولموشدور. بیزیم دینیمیزده وطن-سئورلیک ایمان دان ساییلر.

آذربایجان خلق ادبیاتیندا خلقه، ائله، اؤبایا محبت-باغلیلیق هامی علاقه و باغلانتیلاردان گؤجلودور. عاشیقلا ریمیز ائل-اؤباسئوگیسی و وطن حسرتیله سؤیله نن ماهنیلارینی اوخویاراق هامینی وجده گتیریرلر.

عصریمیزده وطن اوچون یازیلان شعر نوعو هر طرفده یایلمیش و بیزیم شاعیرلریمیزده ده ان اؤنملی و دقتی چکن صنعت موضوعو شعر مضمونونا چئوریلیمیشدیر.

معارفپرورلیک قدیم شاعیرلریمیزده علم و معرفتی تعریفله مک شکلینده تظاهر ائتمیشدیر. اما بیر ادبی جریان کیمی ۱۹-جو عصردن بری شمالی آذربایجاندا ظهور ائتمیش و هئج بیر واخت سؤنمه میشدیر. معارفپرور یازیچیلار رئالیست یازیلاریندا ادبیاتین جمعیتده کی تربیه وی (پداگوژیک) تأثیرینه اشارت ائدیپ و خلقی اؤیانیدیرماغا و علم و مدنیتین خلق آراسیندا یایلماغنا چالیشمیشلار.

گئچن ۶۰ ایلده شاعیرلریمیز باشقا موضوعلارلا یاناشی ملی ستم دئییلن دیلیمیزین ادبیاتیمیزین پهلولی رژیمینده یاساق اولماغین دان و مدنی بؤغوتودان یانقلی و تأثیرلی شعرلر یازمیشلار. خلقیمیز اؤ گؤنلری اؤنوتما میس و اؤنوتما یاجاقدیر.

## قائناقلار (منابع)

- ۱- بانارلی، نهاد سامی، رسمی تورک ادبیاتی تاریخی، استانبول ۱۹۷۱.
- ۲- پروفیسور غلامحسین بیگدلی - نسیمی و کلاسیک شرق شعری، سلسله مقاله لر، وارلیق ۱۳۵۹.
- ۳- بیر هاشمی - تیمور، آذربایجان شعر و ادبیاتیله تانیش اولاق، سلسله مقاله لر وارلیق ۶۳-۱۳۶۲.
- ۴- دوكتور جلیل تجلیل، معانی و بیان، مرکز نشر دانشگاهی، چاپ ششم، تهران ۱۳۷۲.
- ۵- پرفیسور اکرم جعفر، فضولی شعری نین وزنی، محمد فضولی، آذر نشر ۱۹۵۸، باکی.
- ۶- دوچنت عیسی حبیب بیگلی، ادبیات نظریه سی متودیک گوستریش، باکی ۱۹۸۵.
- ۷- پروفیسور جعفر خندان، ادبیات تئوریاسی. آذر نشر، باکی ۱۹۴۰.
- ۸- رفعت محمد، مجامع الادب، در سعادت مطبعه سی، استانبول ۱۳۰۸.
- ۹- م. رفیعلی، ادبیات نظریه سینه گیری، آذربایجان س س ر مدنیت ناظیرلیگی، قیزیل شرق مطبعه سی ۱۹۵۸.
- ۱۰- دکتر عبدالحسین زرین کوب، آشنائی با نقد ادبی - انتشارات سخن تهران ۱۳۷۲.
- ۱۱- ژان پُل سارتر، ادبیات چیست، ترجمه ابوالحسن نجفی و نجف دریابندری، چاپ سوم، کتاب زمان، تهران ۱۳۶۳.
- ۱۲- سید حسینی - رضا، مکتبهای ادبی، انتشارات نیل تهران ۱۳۶۶.

- ۱۳- دکتر محمد غنیمی هلال، ادبیات تطبیقی، ترجمه دکتر مرتضی آیت الله زاده شیرازی، انتشارات امیر کبیر، تهران ۱۳۷۳.
- ۱۴- دکتر خسرو فرشیدورد، درباره ادبیات و نقد ادبی، ۲ جلد مؤسسه انتشارات امیر کبیر، تهران ۱۳۷۳.
- ۱۵- احمد قباقلی، تورک ادبیاتی تاریخی، بیرینجی جلد، استانبول ۱۹۶۷.
- ۱۶- پروفیسور فواد کؤپرولو، تورک ادبیاتی تاریخی اؤتؤکن نشریاتی ایکینجی باسیم، استانبول ۱۹۸۰.
- ۱۷- پروفیسور یرنا مؤران، ادبیات قوراملاری و الشتیری، جم یابین انوی، استانبول ۱۹۸۸.
- ۱۸- نوائی علیشیر. میزان الاوزان، حاضیرلایان پروفیسور کمال ار اصلان آنکارا، ۱۹۹۳.
- تورک دیل قورومو یابینلاری.
- ۱۹- آکادمیک بکیرنئی اوف، تنقید و ادبی پرؤسس، باکی ۱۹۷۶.
- ۲۰- استاد جلال الدین همائی، فنون بلاغت و صناعات ادبی، جلد اول انتشارات تۇس، ۲۲-۱۳۶۴.
- ۲۱- دوكتور جواد هیئت، آذربایجان ادبیات تاریخینه بیر باخیش، ۲ جلد تهران ۱۳۶۹ و ۱۳۵۹.
- ۲۲- دوكتور جواد هیئت، ادبیات در دوران ما، وارلیق.

## دو قنور جواد هیئت ین دیگر تألیفاتی

### جراحی:

- ترمبوز فلبیت و درمان آن. تهران ۱۳۳۵
- جراحی عمومی. تهران ۱۳۴۴ - چاپخانه اطلاعات
- «دانش پزشکی» درگیسی (ایکی آیلیق) ۱۳۵۵ - ۱۳۴۳ - تهران

### دیلهچیلیک، ادبیات، تاریخ و فلسفه:

- تاریخ زبان و لهجه‌های ترکی. ۱۳۶۵ و ۱۳۶۶ نشر نو - تهران
  - مقایسه اللغتين. ۱۳۶۳ وارلیق درگیسی نین ضمیمه سی - تهران
  - آذربایجان ادبیات تاریخینه بیرباخیش. بیرینجی جلد ۱۳۵۸ - تهران
  - آذربایجان شفاهی خلق ادبیاتی. تهران ۱۳۶۷
  - آذربایجان ادبیات تاریخینه بیرباخیش ۲ - جی جلد - ۱۳۶۹ تهران
  - تورکلرین تاریخ و فرهنگینه بیرباخیش ۱۳۶۶ - تهران
  - وارلیق. تورکجه - فارسجا فرهنگیه درگیسی (اوج آیلیق) ۱۳۵۸ - دن بری.
- تهران
- غرب فلسفه سی تاریخی: چاپا حاضر دیر.